

UNIVERSITA' DEGLI STUDI DI CATANZARO
MAGNA GRÆCIA
FACOLTA' DI MEDICINA E CHIRURGIA
BIBLIOTECA

1n5. 4648

AD DIVVM PETRVM

Apostolorum Principem Triumphantem.

ATHEISMVS TRIUMPHATVS

Seu

REDVCTIO AD RELIGIONEM

PER SCIENTIARVM VERITATES.

F. THOMÆ CAMPANELLÆ STYLENSIS

ORDINIS PRAEDICATORVM.

CONTRA

ANTICHRISTIANISMVM ACHITOPHELLISTICVM.



ROMÆ, Apud Hæredem Bartholomæi Zannetti. M. DC. XXXI.

SVPERIORVM PERMISSV.

Approbatio Adm. R. P. F. Ioannis Thomæ de Alafio Ord. Præd. sacre Theologiæ
Magistri, Consultoris ac Qualificatoris supremæ universalis Inquisitionis
Romanæ, necnon Socii Reuerendiss. P. Magistri F. Hippo-
lyti Mariæ Lancii de Aquanigra eiusdem Inquisitionis
Commissarii generalis.

EX commissione Reuerendiss. P. Fratris Nicolai Rodulfi Magistri Generalis totius nostri sacri Ordinis
Prædicatorum, legi Opus Adm. R. P. Mag. F. Thomæ Campanellæ eiusdem Ordinis, Atheismus Trium-
phatus contra Antichristianismum Achitophellisticum merito nuncupatum, quoniam in eo de Atheistis in-
spicienter Deum negantibus, efficacissimis rationibus ex naturæ arcanis depromptis, gloriose triumphat,
pseudopoliticos Machiavellizantes sine vera status naturali, politica aut Christiana ratione vivere, luce cla-
rius demonstrat. Opus certè aureum, tanto dignum Autore, antiquorum Philosophorum stilum redolens,
hisce temporibus vel maxime necessarium. Ideò dignum censeo, quod ad totius Reipublicæ Christianæ
utilitatem in lucem prodeat. Romæ in Palatio S. Officii die Sanctissimi Corporis Christi 1630.

Ita est. Fr. Ioannes Thomas de Alafio, qui supra.

NOS Fr. Vincentius Barrolus Sac. Theol. Mag. & Provincialis Trinacriæ Ord. Præd. Visa supra
dicta attestazione concedimus facultatem ex ordine, & commissione Reuerendiss. Patris Fratris
Nicolai Rodulfi Generalis Magistri Ordinis Nostri, R. P. Mag. Fratris Thomæ Campanellæ imprimendi
Librum assitulat in ATHEISMUS TRIUMPHATUS &c. servatis tamen servandis, & quantum in
nobis est. In quorum fidem &c. Dat. in Conventu S. Mariæ super Minervam de Vrbe die tertia Junii 1630.

F. Reginaldus Lucar.

Reuerendiss. P. Mag. Sac. Palatii Apol
Episc. Bellicastr. Vicefg.

is Riccardius Ordinis Prædicatorum



ROMÆ, Apud Hieronymum Bartholomæum Zannetum. M. DC. XXXI.
S. P. E. R. I. O. N. M. T. E. R. M. I. S. V.

SANCTISS. AC VIGILANTISSIMO
 APOSTOLORVM PRINCIPI
DIVO PETRO.
 CHRISTI TRIUMPHATORIS
 VICARIO PRIMO,
 ET SVCCESSORIBVS.



CCE, Felicissime Domine, Navi
 tuæ, retibus, cæterisque armamen-
 tis, quibus in pelago mortali homi-
 nes expiscaris ad vitam, Hamum
 unum addo ego minimus inter ser-
 vos tuos, juxta exiguitatem virium
 mearum, ex illo SCIS, illoque ex AMO, qui-
 bus responsum Verbo Dei, ad regimen orbis mit-
 tenti, confecisti (*Scis Domine, quia Amo Te*) cre- Ioannis 21.
 do, confectum. Obsecro, prudentissime Pater, dum
 tibi Christifero Reges prophetantes dicunt: *Accin-* Psalm. 44.
gere gladio tuo super femur tuum potentissime, con-
tra hostes Fidei: & Coapostoli: Si in tempore Actuum 1.
hoc restitues Regnum Israel, desideranti Ecclesiæ
ut fiat voluntas Dei in Terra, sicut fit in Cælo: & Matth. 3.
Rex Regum: Mitte in dexteram Navigii Rete Ioannis 21.
in capturam piscium; liceat mihi inter languentes
trigintaocto annorum rogitare: Mitte me, cum Ioannis 5.
per Angelicum Thomam conturbata fuerit aqua, in



*probatam piscinam ; unde tuo ductu , & sanus
mihi & pseudopoliticis, valeam emergere plenis ha-
mis : & exemptus malis serviam tibi ; nec videar
immundus Mundo , cui dimittis septuagies septies ;
nec inutilis usquequaque ad gloriam Redemptoris,
cujus Regni claviger dum æternum canis Alle-
luia , nostri custodiam non dimittis .*

Fr. Thomas Campanella tibi sonans; Domini-
canus tibi latrans : nil cudens noviter , nisi
ut statuatur vetera : non de suis viribus , sed de
thesauris Sapientiæ incarnatæ , quorum es
dispensator , præsumens ; prostratus ad pe-
des tuos in timore & spe. D.

INDEX CAPITVM

QVÆ IN HOC VOLVME

CONTINENTVR.

- M**ultiplicitas credentium, & contrarietas diverſi generis, dubiam non orthodoxis reddentium Religionem. Unde ego Intellectus humanus excitatus ſum ad quærendam veritatem ejus, quantum attingere poteſt communis Ratio. *Cap. I.* Pag. 1.
- Argumenta, quibus ſolet moveri quis contra Religionem communem Nationibus præſenti ſæculo, & contra Legislatores mundi; ac mox contra catholicam Fidem. Et ego Intellectus ad examen veritatis excitus ſum. *Cap. II.* 4
- Appoſitio Reſponſuncularum ibidem, juffu Superiorum.
- Tutiſſima via perveniendi ad primam Rationem divinam, ejusque mirabilem providentiam digniſſimam honore: Quæ eſt Religio, comuniſſima cunctis Nationibus, ideoque naturalis: quoniam de jure naturæ, & ſecundum naturam; utque conſeſtim increduli Politici convincantur. *Cap. III.* 15
- EXAMEN COMMUNE.
- Deum, quia omnium entium curâ gerit, præcipuè autem hominum; Ergo illos viſiſſe, & legem docuiſſe: Et tandem factum eſſe hominem. Et hæc fidem eſſe rationabiliſſimâ, & ita convenire. Et teſtes hujus veritatis non poſſe rationabiliter reprobari. Et quædam de ſancta Monotriade argumenta. *Cap. IV.* 25
- Entia omnia ſub Dei providentia univerſali contineri, & intentioni ejus, ac voluntati ſubefſe. Nec locum eſſe Caſui, Fortunæ, & Fato, niſi reſpectu particularium ordinum, & cauſarum. Itaque Deum Eminentiſſimum Unum eſſe, & non plures: ejusque bonitatem ſuſpicionem malitiæ vacuum eſſe. *Cap. V.* 28
- In rerum univerſitate malum non reperiri, tanquam ens aliquod: nec Mortem, Vitæ, eſſentialiter, ſed reſpectivè, & privativè, & negativè: Falsamque eſſe opinionem de multitudine Deorum; & de impotentia, aut ignorantiâ, aut malitiâ, cum Fabri, tum Rectoris univerſorum longè eſſe ſtultiorem. *Cap. VI.* 32
- Hominem animo divino immortalique donatum eſſe: eique aliam poſt hanc, vitâ convenire: ideoque Deum præcipuam illius curam gerere: ſeſeque illi manifeſtare, per rationes ſenſatas, ac credibilitatis evidentia convincentes, novasque, Politici docentur: ac ad melius agnoſcendum Religionem elevantur. *Cap. VII.* 39
- Colloquium Rationis inferioris cum ſuperiori, ſagaciſſimū de vita præſenti, & futura, & de ſuperis, & inferis. Et probatæ rationes cauſales de eo, quod fuit, eſt, & erit de nobis, & de Mundo: & ſolutiones argumetorum ſacratiores. *Cap. VIII.* 53
- Religionem communem, potiſſimam Juſtitie partem, non eſſe inventum Politicorum: nec ſola arte, aut non natura conſtare, ut dicunt Epicuræi: ſed eſſe naturalem: hanc verò, & illam poſitivas, quas Nationes profitentur, eſſe ſecundum fidem, quam præſtant Legislatori quæque ſuo. Et quibus notis, & argumentis agnoſci poteſt, quæ verè ſit à Deo tradita, & quæ ab hominibus per Rationem; aut per fraudem: quivè ſint, qui veram fidem habent. *Cap. IX.* 64
- Examen Chriſtianæ Legis, cæterarumque Nationum: quo demonſtratur illam pro fundamento habere Charitatem, & Rationem primam; cæteras leges bonas, philoſophicas, Juſtitiam humanam, & rationes ſecundas: ac ſolius Chriſtianæ

stianæ solum præcepta moralia, & cæremonialia cum natura, quam perficiunt, prorsus congruere. Et quo pacto obligent. Inde necessario futurum, ut, si totus Mundus ad unam legem reducendus est (quod nos firmissimè probabimus) aliam præter istam esse non possit. Et adduntur responsiones ad argumenta Juliani, Luciani, & Macchiavelli. <i>Cap. X.</i>	72
Examen secundum naturam credibilitatis eorum, quæ proponuntur tanquam supernaturalia, & fundamenta legum in quacunque Natione. Christianam præcellere omnes puritate, pietate, & ratione, utilitate, & congruentia cum natura. <i>Cap. XI.</i>	98
Reparantur argumenta ad Responsiones.	101
Examen Mahomettis.	105
Examen Judaicæ.	107
Examen Gentilismi.	109
Appendix de causa Mali, ex Metaphys.	118
Examen cultus Divini exterioris secundum Religionem Christianorum, & aliarum Nationum, per indaginem certissimam, cum consonantia ad naturam bene institutam, & restitutam, voluntatem rectam, & Sapientiam veram: ex quo probatur cultum, & sacrificium Christianum esse rationabile in summo gradu: & de Sapientiæ divinæ præstantia in Eucharistia. <i>Cap. XII.</i>	121
Proponitur examen de persona Christi, aliorumque Legislatorum Nationum, cæterarum: & inquirendas esse notas; quibus, quem Deus miserit, quem Diabolus, quem ratio, aut astutia propria, pernoscat. <i>Cap. XIII.</i>	129
Ex certissimis notis examen particulare pressius, ac rigidius, veritatis Prædicationum nova in quocunque Sæculo dogmata, & confirmatio testimoniorum Apostolicæ doctrinæ, ad quamlibet invictæ probationem. <i>Cap. XIV.</i>	133
Examen triumphi, & præcedentiæ, qua pollent testificantes super opinantes: unde Calumniatores Apostolorum omnino statim convincuntur. <i>Cap. XV.</i>	139
Examen Miraculorum: & autoritas ad convincendum. <i>Cap. XVI.</i>	150
Epilogus, Responsio, & confirmatio hujus libri. <i>Cap. XVII.</i>	154
Appendix totius Libri. Macchiavellum omnium scientiarum fuisse ignorantissimum, excepta Historia humana: & Politicam suam non per scientias, sed per astutiam, & peritiæ practicam, examinasse: & quicumque ipsum sectantur, præponuntque veræ philosophiæ Sanctorum, esse pueros: qui coquum suavia exhibentem, Medico salubria jubenti præferunt; idcirco in se, vel in filiis subito vitam, & Regnum amittere solere. <i>Cap. XVIII.</i>	162
Responsio ad defensorem Macchiavelli. <i>Cap. XIX.</i>	172
Argumenta Admiratoris contra Reprehensores Macchiavellismi.	172
Responsio	174

P R A E F A T I O.



PROPTER peccata Terræ, ait Salomon, multi Principes ejus: propter peccata Principum multæ sectæ ejus. quarum impietas propter peccata Sophistarum. Condidit enim Deus genus humanum sub uno Parête: unamque ei Religionem dedit, qua Deum cognoscerent, colerentque, omniaque bona ab ipso peterent; subque ejus prudentia, tanquam oves pascuæ ejus, se se, Remque publicam gubernarent. Ratio autem ambitiosa Sophistarum sectas peperit. Ratio demum politica, (quam vocant, DE STATV vulgares, Apostolus vero prudentiam carnis, Deo inimicam) Animis potentum placere fecit sectarum multipliciter. Neque enim secta falsa ulla vigeret, nisi Principes vellent. Volunt autem qui nullam putant esse veram. Propterea tandem hoc putant, quoniam pluris faciunt partem, quam Totum: & pluris se ipsos, quam Genus humanum; & tandem pluris quam Deum. Aestimatio hæc vilissima, proles inopiæ & Amoris proprii, affectantis copiam, unde non est, non unde est; incepit in Diabolo, incedit per diabolicos filios, & in inferno consummabitur. Arctat enim in modicum omnia magna, quasi vermis in ventre hominis positus, putans nihil esse hominem, ad se comparatum, sed vas inanime, ad sui vitam Fato datum: nec extra ventrem extare Mundum, neque Deum: ac proinde licere sibi quidquid libet facere. Proptereaque pauci satagunt conversionem Hominum ad Deum, sed ad seipsos. Ninus Rex in patris Beli honorem, Idololatriam primus statuæ illius adhibuit, quò Regnum sibi pararet super Nationes, debitum soli Deo. Ieroboam, ut partem contra Roboam retineret in Samaria. Mahometes astu Sergii, ut Imperium ad se traheret. Principes Protestantes Lutherò faverunt, ut bonis Ecclesiæ ditarentur. Batavi & Angli, ut zelo conscientie libertatem à subiectione arriperent. Neque enim in Boreali regione fides aliqua apud illos reperitur Principes, qui decreto communi statuerunt, ut populus eam teneat Religionem, quam Princeps: & cum mutat, mutet. Et quidem sectas in multas secti continuo mutant, atque permutant. Ex illis etiam exiit liber *De tribus Impostoribus*, nihil in Religione ponens, nisi astutiam, & deceptionem. Qua propter Hæresiarchas libenter audiunt, Tyrannū ipsis similem prædicantes Deum, qui alios Fato ad gehennā destinat, alios ad vitā, quam tamē omnibus promittit, ut maiorem partem decipiat: libertatemque arbitrii negantes pariter collaudant pseudopolitici, Calvini soboles, & Mahometani ipsorum patres; à quibus parum distant Japonenses Proceres; quo super homines tamquā in bestias, libertatis expertes, imperium exercere possint. Sic hominū, pro Diis cultorū, multitudo inter gentes. Papam contradicentē vocant Antichristū, à quo electionis imperiique Jura habent: ac consequenter fatentur se sequaces Antichristi; ut hinc videas, eos nec D. Papæ Religionē, nec hæresiarcharū credere veram esse ullam: quod jam Politici, & Libertini palam profitentur. Omnis autem hæresis in Atheismum terminatur, sicut in epistola ad Ultramontanos Principes & Philosophos pro instauranda Religione ostendimus; & quotidiana ostendit experientia. Utinam non serperet interius huiusmodi pestis, quam Macchiavelus seminavit: docens Religionem esse artem politicam, ad populos in officio spe Paradisi, & timore Infernorum, retinendos. Quapropter ad expediendam Nationum conversionem, statui hoc in Opusculo ostendere Religionem in communi esse

Proverb. 28.

esse non secundum artem astutorum, aut ignorantium, sed secundum naturam, à Deo nobis inditam, Philosophis, & Nationibus probatam, Prophetis revelatam, & à Deo deinde supernaturaliter publicatam, illustratamque gratiis, miraculis veris, Prophetia, & Sanctitate. Ad id verò demonstrandum, oportuit incipere non à *Credo sanctam Ecclesiam*, sed à *Credo in Deum*. In quem si vere crederent, illicò Deum ex providentia paterna Scholam indubitata fide dignā pro filiis suis, ne circumferamur omni vento doctrinæ, in Terris servare intelligerent; & per suas quæstam notas, in Romana Ecclesia ipsam invenirent. Idcirco necesse habui prius demonstrare, quòd Deus sit (potest enim ex creaturis cognoscibiliter videri, Sap. 13. & Rom. 2.) & quòd sit Unus, & quòd curam omnium rerum gerat, maximè autem hominum: quòd Homo sit animo immortalis, aliaque vita illi conveniat; (veluti Philosophi Platonici, Stoici, Pythagorici, Legislatores omnes, & inter nostros D. Thomas, & Augustinus, Clemens, & Lactantius, & Cyrillus, & Arnobius, & Justinus, & alii Patres disputando fecerunt, ex naturalibus, concessisque ab omnibus) & propterea Deum esse colendum non ficta, sed vera Religione. Item pseudopoliticos, aliter sentientes cum Epicuræis, & Peripateticis, convincere ita fortiter me puto, ut propriis etiam malis, ne dum ex naturæ decretis, intelligant, se se errare; & neminem hac opinione affectum, Principatum & vitam in se, vel in suis, statim non perditum ivisse. Et quoniam miraculis non moventur, & inspirationibus divinis resistunt, ad naturalia argumenta, quibus se credere profitentur, sicut Patres olim, & D. Thom. in tribus lib. cont. Gent. se fecisse testantur (nam in iv. ex auctoritatibus sacræ Scripturæ procedit) me converto. Quapropter transfiguravi me in ipsorum personam, sed in puris naturalibus positam, ne firmitatem fidei, quam profiteor, putantes esse obstinationem, ipsi quoque in sua opinione obstinentur. Qui enim in aliqua secta, aut in Atheismo obstinatur, is meliora quærere fit ineptus. Idcirco nullum ab ipsis, vel aliunde excogitatum pro ipsorum opinione argumentum, quamvis irrisorium, omisi: ne me imperitum, aut similem ipsis dissimulatorem putarent. Idcirco id, quod fecit Ecclesiastes in persona impii non obstinati, ut impietatem tolleretur, & S. Justinus, fidem verā quærens, veluti ipsemet testatur; sic faciant sectarij consulens, ego, & illi nudi, spoliati que omni opinione assertiva, quæramus opto veritatem; cujus habitum induamur tandem, cum similiter non obstinato quæritante Justino. Solis rationibus pugnandum erat: Sacri tamen censores zelotypi coegerunt me auctoritates Patrum colligere, stylumque mutare ex philosophico in Theologicum. Sed res puto benè celsit, quoniam Patres convenire cum decretis naturæ simul ex hoc Politici agnoscent. Quapropter per Philosophiam humanam, & cælestem, conatus sum viam aperire: scio enim nullū in hoc sæculo libri argumētum necessarium esse magis. Utinam si non præstitero quod cupio, alii vel ex hoc excitati edāt huic negotio aptum magis. Nec enim lucro ut plerique, nam semper vexatus: nec timore impulsus, cui nec animus nec effugium post ternas, & quaternas vexationes defuit: at solo veritatis amore urgente, certitudinem præsto omnibus, non indoctam, nec fictam de Religionis virtute, ac veracitate, partim experimento proprio agnitis, partim investigatis sagaciter in experimentis alienis, partim ea perceptis sagacitate, qua olfacere incipit homo ea, quæ hominem ad illam transhumanant celsitudinem, ad quam non potest syllogismus extendi. Misi hunc libellum amico, ut proficeret in Germania, anno Domini M. DC. VII. multosque libros meos, quibus ad suorum compositionem profecit. Sed dummodo annuncietur Deus undecunque, nobis placeat oportet. Fiat nunc publici juris, si fortè meliores fructus apud veritatis & non propriæ gloriæ cultores nanciscatur. Romæ ij. Iunij 1630.

ATHEISMUS TRIUMPHATUS,

vel

RECOGNITIO RELIGIONIS

UNIVERSALIS.

SECUNDUM COMMUNEM PHILOSOPHIAM

EX NATURÆ ARCANIS.



MULTIPLICITAS CREDENTIUM,

& contrarietas diversi generis, dubiam non orthodoxis reddentium Religionem. Unde ego Intellectus humanus excitatus sum ad quærendam veritatem ejus, quantum attingere potest communis Ratio.

C A P. I.



GO Intellectus humanus omnes examinavi Religiones in rerum universitate, & proprias & rationales, & improprias & naturales apud homines, & belvas, & plantas, & apud Angelos, & stellas, & mundum, communi præeunte ratione, sensatisque experimentis; ut meipsum certum redderem, atque alios, de fidei veræ dogmatum credulitate; utque meum agnoscerem locum inter creaturas: in quibus divinus relucet cultus, aliis magis, aliis minus, aliis permanens in suo principio, aliis desciscens a principio.

Ut convincantur negantes Religionem, a testimonio omniū creaturarum exordendum fuit.

I. Inveni ut plurimum hominum multitudinem in toto mundo ea credere, quæ sibi à lege, sub qua nascuntur, proponi solent; aliudque ultra inquirere nihil; eò quod contraria argumenta non considerant, atque inter nationes controversias; nec vident, quod Philosophorum sectæ omnes fulcire profitentur opiniones quæque suam, rationibus & experimentis, & altera contra alteram obstinatur, ita quod singulæ sibi videntur veritatem pro se habere. Nec vident, quod lex omnis jactanter prædicat se habere, ad comprobationem dogmatum suorum, miracula, argumenta, prophetias, martyrium, concordantias veritatis; & quod tot sunt accusantes, quot accusatæ: propterea nec cujus judicio standum est, examinant.

Primus ordo credentium.

Catholici nuncupati ceteras gentes esse deceptas a falsis Prophetis, & à Principibus tyrannis, aut a fallacibus interpretibus legis, omnibus communis, sèrmite docent. Sic etiam ipsæ gentes omnes de Catholicis loquuntur; & quælibet fides irridetur ab omnibus simul aliis. Qui hæc non considerat, credit quicquid sibi

A

propo-

proponitur in Religione & secta sua : ita si natus est in Mahometismo , sicut in Judaismo , sive in Gentilitate , sive alibi . Itaque fors felix est (idest Dei beneficium nobis occultum) huiusmodi hominum generi (nam omne vulgus tale est) natum esse sub lege vera : nam per se , tanquam arbitrii penè expertes , aliud inquirunt nihil ; magnumque infortunium ex occulto Dei iudicio est eidem , natum esse sub lege perversa , in qua obstinantur , nihil amplius indagando : nec mutant mutata rerum serie suarum .

Secundus ordo .

I I. Alii veritatem non quæritant , propterea quòd utile est illis credere nativæ Religioni , quoniam in ea est quis Princeps , vel Sacerdos , vel dives , aliasve voluptates , & emolumenta inde captat : quæ ita hominem obcacant , quòd gratum habent errorem ; eaque modò argumenta perquirunt , quæ possunt ostendere veram esse legem , ac fidem , in qua vivunt : alia verò contraria , nihil , aut parum examinant , sed extemplo reputant falsa esse . Profectò in his ratio est filia voluntatis , lucrum rationalitati præferentis contra jus , & fas naturæ . Voluntas enim , quasi fluvius ex principio , subsequitur ex Ratione in cælo & in terra . Unde fit , ut huiusmodi homines mutata fortuna & imperio , repente opinionem & fidem mutant ; uti sæpe hodiernis temporibus apud Ultramontanos : quoniam corrumpente utilitate , quæ erat mater & fundamentum rationis fidei ipsorum , statim ratio illa vana apparet , ac similiter fides , quæ super illa sustentatur .

Tertius ordo .

I I I. Inveni gentem plurimam rationes contrarias fidei suæ non investigare , propter timorem ab his , qui gladio , & tribunalibus ipsam defendunt . Idcirco facile inhærere argumentis faventibus , non autem contradicentibus : quoniam illa sunt sibi gaudio , & vacuitati malorum ; hæc verò nocumento , viæque ad passionem .

Hæc sanè gens sæpè utiliter timens , amisso timore amittit legem & fidem : quoniam pater argumenti ejus decidit , & filius ergo evanuit . At in libertate deinde paulatim librat , & perpendit omnia , si pollet iudicio . Major pars hac in classe versatur ; sicuti in Germaniæ , & Galliæ , & Angliæ , & Belgij , & Poloniæ Nationibus plurimo compertum est experimento .

Quartus ordo .

I V. Alii autem nullam credunt esse Religionem secundum naturam , sed secundum artem tantum regnandi , & convivendi ; atque inventionem astutorum , & prudentum ; ac verè Deum non esse , vel res humanas nil curare ; vel mundi partem aliam casu , aliam verò ratione regi : & unumquemque debere seipsum exaltare quod potest per fas & nefas , sicuti & bestiis accidit : ut lupi devorant oves , & aquilæ columbas innocentes . Atque Deum singulis permittere ut faciant quod possunt , aut volunt : post mortem verò , aliam non superesse vitam ; vel si superest , omnibus æquè convenire : Quandoquidem hic Deus finit omnes juxta proprium ingenium , & voluntatem operari . Qui etiam si concurrit (ut creditur) ad omnes entium operationes , non dari peccatum putant : quoniam & Deus peccaret , quia fieri permittit , & quia concurrit ad ejus efficientiam , tanquam causa præpotentior . Ergo animi esse imbecillitatem , putare quòd peccatum sit . Sed tantummodo leges statui propter conservationem communitatis , utque vulgus in obedientia retineatur . At quicumque potest quod placet operari , statim satisfacere sibi debere , & omnibus mundi perfrui voluptatibus , quoniam hæc est pars nostra .

Quorum est est quartus ordo .

Hanc sententiam tuentur Macchiavellistæ , & Libertini , & Calvinistæ ex parte , & plurimum serpit inter Principes , & Aulicos , & Gubernatores , & iudices iniquos : ut enim Chrysofost. monet , ter repetendo , *Impossibile est , impossibile est , impossibile est* , eum qui malè vivit , non vacillare tandem in fide : ejus radix enim super

super proprio fundatur amore, idcirco difficillimè eradicatur. Estque pestis totius sæculi, & omnibus, licet non in toto nec in omnibus grassetur; & personarum humanarum in communi, & singulatim ex participio opinionis, vel malorum exinde in alios derivatorum.

Hi veritatem adipisci intellectu nunquam ferè possunt, nisi Dei brachio extento; quoniam existimant sese sapientissimos: Et aliud quærere, esse vanitatem pauperulæ gentis, quæ nesciat vivere: Aut astutorum, ut novam struant Religionem, quæ sit Dominatus, & Imperii concupiti fundamentum. Qui autem putat se ad sapientiam pervenisse, nil quærirat amplius.

Hi religionem (sed palam tantum) defendunt armis per fas & nefas: quoniam gloriosum æstimant propriam sustentare sectam: aut quia utile est ita facere. At deficiente utilitate, vel gloria, deficit ratio apparentis fidei ipsorum.

Ideoque ex ratione politica (quam dicunt de statu) suo arbitratu religionem interpretantur, & mutant: sic etiam leges omnes, & fœdera rumpunt per glossas fallaces, torquendo ea quocunque utile fuerit; nec ad fidem veramque religionem absque fictione convertuntur, nisi per miracula evidentissima (ipsi enim arbitrantur esse vel ignororum illusionem, vel prudentum astutiam, quodcunque miraculum scriptum, &c. ac sæpè obstinatè interpretantur miracula esse a casu.) Aut si vident Angelos, vel Dæmones, & sæpè, unde certi redduntur vitæ, quæ remanet post mortem, solent ad piam religionem redire in veritate, sed raro nimis.

V. Extant verò & Philosophi nonnulli, qui legi naturæ, prout ab eis percipi potest, inhærent: & existimant, vel omnem legem esse veram in suo sensu, omnesque a Deo autorizari miraculis, Prophetis, & Martyribus ad beneficium diversarum gentium, quibus aliis aliæ conveniunt leges: & deceptionem permitti a Creatore, variis gubernante mundum ritibus, modisque, prout nationum mores varii requirunt. At naturæ legem omnibus communem esse, in qua est certitudo ipsis, & veritas indubitata. Circa supranaturalia verò aut nihil credunt, aut credunt omnia ex omnibus legibus; aut suspensi, retinent assensum. Atque si post mortem alia nos manet vita, Philosophis illam magis convenire, qui sese non obstinaverunt in sectis humanis, & in credulitate Deorum, sed primæ tantum Causæ servierunt pio affectu, honestis operibus, utiliter benefici erga genus humanum.

Hi nulli, præterquam sibi, nocent, quoniam indoles, virtusque, quam profiteri putant, non permittit; & quoniam non cupiunt honores, divitias, & victum plusquam natura præscribit, ac proinde occasionem malefaciendi non habent: sed vivunt contenti parvo, fruuntur contemplatione, & reputant se plusquam Reges, & Papas, & Monarchas; tanquam ipsi, & non isti, sint veri boni cognitores, ejusque fruitionis. Atqui hos ceteris aptiores ad præstandum supernaturalibus veritatibus fidem, minusque resistentes divinæ gratiæ, considero.

Hujusce generis vix quatuor suspicacitate in sæculo præsentis deprehendi, & in historiis omnibus vix legi viginti quinque. Ego enim nunquam Philosophorum in numero eos conscripsi, qui studio literarum dant operam, ut possint doctrinam in scholis, & in tribunalibus pro gloriola, & pecuniola vendere. Nam re vera philosophici sunt omnes ejusmodi scioli, cupidi apparere sapientes, contentiosi, avaritia, & ambitione pleni, oppressique, ne veritatem intelligant. Quin nec qui philosophantur libellos scribendi gratia, ambitione spoliari queunt, nec ergo ignorantia prorsus. Socratem laudavi supra philosophos omnes, ejusque consimiles.

Inveni etiam agmina hominum fragilium, qui consuetudine ducti, & exemplo Sacerdotum ac Principum pravæ conscientiæ, quæcunque deteriora sciunt, ope-

An & quomodo quartus ordo converti ad veram Religionem possit.

Ordo quintus, Philosophorum est quondam.

Ordo sextus, Fragilium.

Ad hoc capitulum, in quo sectarum, & credulitatum & Religionis varietatē recensui, ego, non ut ego, sed ut humanus intellectus (sicut Ecclesiastes, & S. Iustinus fecere) unde suspicatur Macchiavelistæ Religionē esse astutiæ politicæ inventionem; non requiritur responsio, sed scrupuli isti eximuntur in cap. 3. 4. 5. 6. ubi Deum esse, & providentiam, & religionem unicam, & remunerationē, &c. probatum est.

rantur: & reputant se quidem sceleratos; & in fide permanent stupidi, & quasi asiderati; cogitant malum esse malum, & bonum bonum; sed ignavi esse abjectique animi, minus quàm ceteri scelestum esse, minusque sycophantam. A credulitate Creatoris, & legis nativæ non recedunt, sed magis consuetudini se conformant; sin verò credulitatem exuerunt, efficacibus rationibus pro ipsorum emolumento, & appetitu ducti sunt. Nihilominus proximis benefaciunt, malignique non sunt; propria, & aliena pandunt scelera; & cum abusione ludunt jocanturque. Hac in classe sunt Epicurei, Aretinistæ, Franchistæ, meretrices, & publicani. Qui etiam faciles, ac repentini interdum sunt, præeunte gratia, ad conversionem in melius, si optima exempla, aut efficaces rationes eis offerantur. Quin perpetuò videntur sceleribus notari minus quàm Pharisei, & Scribæ hypocritæ, & Sophistæ, adeò assueti obstinatè simulare sanctitatem, ac scientiam, quibus carent, quòd plerique inter eos credunt & se sanctos, ac sapientes propterea esse, quòd sophistmata quatuor addidicere, & libellum unum ab eis laudatum, & quasiunculas duas, & Deo persolvere inclinationes, & contorsiones corporis, & detectiones capitis, & susurros orationum, quas nec intelligunt nec attendunt, nec attendere satagunt. Hique putant servire se Deo, dum sibi serviunt de Deo. At ipsorum proceres probè norunt, quòd utilem sibi faciunt Deum, dum utiles se ostendunt Deo.

Quapropter cum viderem, quòd propria opinio, aut amicorum, aut antecessorum, aut communis sectæ, propter assuetudinem in aliqua credulitate, & pravam nativitatem, vel educationem, tantum malorum mundo afferret; ego hominum Intellectus, perspicaci intelligentia a Deo me donatum intelligens, ac memoria promptissima, & tenacissima, recognoscere decrevi ea quæ credunt homines, quibus donatus sum.

ARGUMENTA, QUIBUS SOLET MOVERI QVIS
contra Religionem communem Nationibus in præsentis
sæculo; & contra Legislatores mundi; ac mox contra catholicam Fidem. Et ego Intellectus ad examen veritatis
excitus sum.

C A P. I I.

S. Monotriadis effectus omnes ipsam representant, & per ipsam sunt, & servantur participio Potentiz, Sapientiz, & Amoris.



GO Intellectus contuens undique naturam rerum universam, vidi quòd in Metaphysica demonstratur, Ens Primum essentialiter Potentia, Sapientia, & Amore; secunda vero entia horum participio, ac in tantum esse, existere, & vivere in suo quoque gradu, in quantum perseverant in eis Potestatis, Sapientiz, & Amoris radii, ac participationes, cuique pro rata sua. Cum autem non amplius Potestas, aut Sapientia, aut Amor conservans, adsunt a conservante Deo, amittere illud. Nullum enim absque tribus his primalitatibus servari potest. Idque operatio docet omnium, ad quam omnium Esse habet analogiam. Cum enim aut non possumus, aut nescimus, aut nolumus operari, desinit operatio.

Vita hominum eisdem primalitatibus contestatur.

I. Idem agnovi in artibus vivendi, & unumquemque vivere, aut tanquam Potentem, aut tanquam Sapientem, aut tanquam Amantem, & Bonum; & hoc plerumque.

plerumque. Nemo enim absque his tribus principiis servatur. Potentes sunt Principes, & Domini: Sapientes sunt Artifices, & Doctores, & Sacerdotes ex parte: Amantes sunt istorum amici, vel ipsius Dei, & servi eorum, quibus utiles sunt, amatores, sicut & gens imbellis, & iners apta pietati, & amabilitati humanæ. In qua serviendo aliis servatur & ipsa. Ita servantur mulieres, mancipia, & fideles servi. Item qui, ut Deo vacarent, victum mendicant. At illustres quidam sunt in tribus, vel in duabus prædictarum primalitarum, seu præminentiarum; & quidam in una. Item quò major est ipsorum amor erga Rempublicam, & Legem, & Creatorem; eò meliores sunt; ac sæpe ascendunt ad apicem Sacerdotii, & ad sublimia, juxta Dei judicium, à quo in quadam amoris scientia fiunt magistri. Alii in exemplum & juvamen aliorum nascuntur.

II. Vidi deinde in sæculo potentiam veram in aliquibus non reperiri, & in plerisque loco illius eminere Tyrannidem, ut Salomon inquit, quæ est potestas ficta; & nobilitatem sanguinis, quæ est secundum opinionem, non secundum veritatem. Arbores enim à fructibus, non à radicibus agnoscuntur. Deinde vidi plerumque in loco Sapientie, Sophisticam; Religionis verò Amorisque loco, sæpe Hypocrisim, & Impietatem; atque hujusmodi gentem cujuslibet nationis, sic sibi utiliter abuti Deo, & nomine Potentie repræsentantis Potentiam divinam, & nomine Sapientie, repræsentantis Sapientiam divinam, & nomine Bonitatis & Amoris, repræsentantis Amorem divinum: at non servire illis, neque Deo altissimo, sicuti prædicant, & profitentur, per optima argumenta perquisivi, ne decipiar.

III. Deinde omnes professiones, & artes, & dogmata mortalium, contemplatione, & examine perlustrare conatus sum. Et cum examinarem Aristotelis philosophiam, hodierno tempore apud multos regnantem, inveni eam non una ex parte sophisticam (sicut S. Augustinus, & Justinus, & Ambr. & alii admonuerunt) Potentie, Sapientie, & Bonitati divinæ adversantem. Et quòd res, quas ignorat, scire simulat, sicut cæli motus & motores, & Animam, & Deum, & Mundi æternitatem, & similia. Rerum verò, quas scit, notitiam exuit. Quippe qui non modò calorem Solis, sed & lucem abnegat. 2. Cæl. tex. 42. *Lumen (ait) & calor non est in stellis, sed fit attritione aeris.* Ecquanam clarior veritas? exclamat S. Ambr. in Aristotelem, & quòd majus studium impugnandæ veritatis? Ecquanam ignorantia affectata magis? Transcribit, & furatur aliorum sententias & verba, venditando eas quasi proprias. Invidusque (ut S. Thom. ex Gellii, & Eustachii, & Simplicii, & S. August. testimonio in 4. de reg. Princ. 4. & alibi sæpe advertit, ne dum alii Patres) calumniosè aliorum dicta refert. Et ex diversorum autorum libris componit proprium, ut ante me multi animadverterunt: nec considerat inter illos repugnantias ingentes, qualis est inter Parmenidem, & Ocellum, dum ab illo principia duo, ab hoc verò elementa quatuor, quæ duo esse debebant, si in eis principia distributa manent (loquor de realibus existentibus, non de fictis postmodum à sequacibus.) Ex quo comperi, rarò inveniri scientiam aliquam, certam, juxta hominum verborum: qui defenderunt illam, seu falsam, seu veram. Et quòd multi præponunt eam Scriptoribus sanctis, & Bibliis, mille glossis phantasticis adductis in concordiam dissonantiæ: contra quos S. August. lib. 1. in Gen. cap. 18. & 19. & S. Thom. in opusc. 9. & super Psal. 49. declamant, tanquam contra furtum & adulterium spirituale patrant. Et sectas fundari super credulitate præstigiosa, quam suo præceptorum præstant; & super obstinatione in verbis argutis ad defensionem exco-gitatis; & tamen verba Dei fide tenenda, non credunt, frivolisque dogmatis hominum, & superstitionibus, nulla fultis sapientia, credunt.

Degeneratio à potentia est Tyrannis: à sapientia est sophistica: ab amore boni est hypocrisis. & in repositionibus patet quod horum adulteratio arbitrij humani libertatem firmat: nec Dei providentiam tollit, ut in cap. 6. & 8. & 11. sed mirificat.

Examen artium & professionum ad quid.

Dejectio autoritatis Aristotelis, quatenus fundatur in eo Machiavellismus, per manifestos errores, proponitur secundum Patres, & sacra Concilia. Similiter etià Melchior Canus in 10. de locis Theolog. confutit Aristotelis autoritatem minui oportere; ne ejus errores, quos enumerat plures contra Catholicam fidem, ejus autoritas in animis firmet legentium. Narratq. ejus ex doctrina ortum esse in Italia Machiavellismum contra Dei providentiam, & contra animorum immortalitatem, & religionis veracitatem. Adimus errores Aristotelis, laudatissimi in philosophia, ut innotescat, quantos

ineulit errores in Theologicis suis: super quibus fundatur Machiavellismus. Propterea imbecillitate humanæ sapientiae mox aperimus, ut intelligat dogmata Christiana in ipsorum dogmatis non fundari; ne ex falsitate philosophiae quis suspicetur Theologiae falsitatem. Ideo in cap. 10. n. 9. meliores philosophos, & Heroes Christianorum esse, quam gentilium.

Quid in scientiis desideratur, ut agnoscas, recte Concilium Later. sub Iulio II. operasse ipsarum reformationem, ut in cap. 10. à Christianis deberi, & passim fieri.

Cōfuso seculi dicitur Nox apud S. August. serm. 29. de semp.

Prima dubitatio, & ejus causa.

Melius est dubitare, quam in una obstinari secta, cupientibus veritatem.

Paulo meliores invēni Platonicos minusque arrogantes, altioraque olfacientes. Stoicos verò, discretos magis, severos, & non improbos. Pythagoricos autem pietatem redolentes, Religionis veræ saltem cupidos, & naturam supervagantes. Telestianos sensatos valde, nimisque humiles: & hos omnes Deum Autorem, Doctorem, & Judicem quoquo pacto agnoscentes. Cynicos, inertes, & veridicos etiam adversum seipsos: Scepticos, nihil certos, nec an sint: Democraticos, & Epicureos, nil altum super materialia, temporalia, & localia sapientes, & animo concretos. Parmenidis scholam eminentem, & cælestem propemodum, quantum natura datur. Braemanos verè superstitiosos. Sectas ab Augustino, & Clemente Alex. & Eusebio, & Justino, examinatas sapienter agnovi: & electionem veracioris esse paucorum; & neminem, à Deo non edoctum, erroris expertem; proptereaque omnes revelatione indigere: ac neminem non appetere: licet multi desperent propter incredulitatem.

IV. Mox omnes scientias sigillatim perlustrare non destiti: invenique eas divinitate plenas in se, at malè tractatas propter avaritiam, & ambitionem, & acidiā in nobis: horumque vitiorum servas jam redditas miserabiliter. miserabilius autem ubi tyrannides in nationibus grassantur. Prava etiam consuetudo, (ut notavit cum Platone & Varrone in 7. & 8. de Civit. Dei Augustinus) perniciosior tyrannide optimos etiam opprimit, fallitque falsatque.

NVM. V.

Invēni me in præsentī sæculo tenebricoso, ubi omnes nullam fidem habentibus, lucernamque in caliginoso relictam non intuentibus ullam, videmur unicolores: omnes enim Nationes ita, defendere profitentur propriam sectam, ac Christiani veram Religionem; sic & multos Principes, & sapientes. plerique enim illorum dominatum armis, istorum verò dogmata sua syllogismis, ad tuendam positionem potius, quàm ad veritatem concinnatis.

Vidi etiam non rarò Religionis loco hypocrisim: & mundum plenum hæresibus, sectabus, & opinionibus, & legibus pugnantibus. Et dixi: Quis certum faceret hominem inter tot opinionum controversias, fucatarum eodem colore? sique ipse deprehendi tot manifestos errores in Philosophorum omnium scholis; Quis etiam, & quomodo discernet, quænam Theologorum schola inter tot discordantes in cunctis Nationibus expers erroris est? & quis fidejussionem, & certitudinem præstabit infidelibus, quod Christiana tantummodo vera sit; cæterarum verò orbis sectarum,

A P P O S I T I O

Responsionum parvarum ad dubitationes hujus capituli, quæ sunt indices magnarum post doctrinam, ut moris est, in cæteris positarum capitulis, ex jussu Superiorum, ne Lector vacillet argumentorum ictibus, ac ut præsentaneum antidotum habeat.

RESPONSIO AD V. NUMERUM Index magnarum.

Sectarum & Religionis varietas, non indicat nullas esse veras, ut patet ex cap. 9. 10. & 11. sed libertatem arbitrii, & animorum fluctuationem post peccatum Adæ, & post neglectam Dei doctrinam; esseque obfuscatum viciositate lumen naturæ, & altiori ope indigere. Item aliquam Religionem & doctrinam esse veram. Nec enim plurium hominum malorum malitia indicat nullum esse bonum. Præterea ex hoc innotescit, dogmata vera, non in poetica, aut humana scientia fundari, sed in revelatione divina, per decem notas agnita: sicuti probamus in cap. 5. num. 4. & ex 9. cap. usque ad 16. Et qui has notas habet, fidejuber pro dogmatis Christianis. quas cum in Gentilismo, & Hebraismo, & Mahomettismo deesse palam sit, utique

rum, falsæ? Dum recentiores contra Patrum sententiam, quibus sophista, hostisque fidei Arist. habetur (ut Origenes, Ambrosius, Justinus, Chrysostomus, Gregorius Nyssenus, Basilus, Epiphanius, Eusebius, aliique concorde perhibent testimonium) propterea tanti faciunt ipsum Aristotelem, quod subtilitatibus logicis propria mendacia magis condire, & dulcia facere novit, quam alii veritatem rectè dicere: utque de ipso Picus ait, quasi sepia atramento ejecto, sese, dum insipiens deprehenditur, occultare. Si ergo Theologi neotherici cum veteribus pugnant, & aliis atque aliis cuncti sectabus pro Theologia communi inherent: ergo sunt utrique deceptionibus obnoxii.

NVM. VI.

Secunda Si affers miracula, sanguinem Martiri-
dubitatio. tyrum, auctoritatem Ecclesiæ 1500. annis confirmatam; statim illud offertur è contra, quod natio omnis miracula pro se habere profitetur, martyrium, & auctoritatem diuturnam. Religio Iouis, & Apollinis 2000. annis perduravit. Mahomettana 984. & adhuc crescit. Hebraica verò 3200. & pluribus; cui cæteræ innituntur, & contestantur ob mirabilia Moysis facinora; qui & alias prædixit, vel præfiguravit.

Tertia du- Quod si dicat Christianus, mendacia
bitatio. esse: dicent & ipsi de Christianis idem, cum Judæis. Nam & Gentiles Moysi miracula negarunt, & tribuerunt ea casui, ut legimus apud C. Tacitum, & Justinum Historicos, & alibi: vel astutiæ, & naturali magiæ, ut Plinius docet, & Avicennas. Hinc Boccacius in fabellis impiis probare contendit, non posse discerni, inter legem Christi, Moysis, & Mahomettis, quia eadem signa habent, uti tres annuli consimillimi. Item Mahomettitanus non minus impius contexit fabellas: quarum primus auctor Lucianus sophista.

NVM.

que intelligendum est in his veritatem solidam minimè inveniri, à Deo propalata; ut patet in *cap. 14. & 15.*

Præterea aliter judicandum esse in naturalibus, & moralibus, quibus servit syllogismus; aliter in divinis arcanis, quorum est testimonium, & fides, non levis: sed cum credibilitatis suæ evidentissimis notis.

Fidejubet etiam pro Christiana Religione omnis idiora zelo Dei percitus ac lumine: sicut Apostoli coram gentibus, & nostros Sancti viri miraculis coruscantes, aliiq. charismatis.

Porro possunt Patres & Scholastici in his quorum non est revelatio, errare: Sed non omnes; & in reddendo rationem dogmatum persuasionibus utentes physicis, non autem in doctrina revelatorum. Quod Arist. sit solum testis contra suos in schola Christi, non autem doctor; similiter & alii Philosophi, in resp. ad ultim. patebit.

AD VI. NVM. RESP.

Dico responsum esse in *cap. 9. & à cap. 10. usque ad 16. inclusivè per totum.* ubi differentiam demonstramus inter testimonia, & rationes, & miracula, & martyrium Christianæ Religionis, & sectarum, contra Boccacium, & librum de tribus Impostoribus, & Macchiavellistas: quibus aliæ leges non videntur à Christiana differre; sicuti pueris indoctisque videtur idem aurum, & aurichalcum: Sophus & sophista. Item unicolores videri vitio obtenebratis intellectibus, non autem illustratis virtute illa, quæ & in tenebris lucet. Ostendo etiam unam esse ab initio Mundi veram Religionem, minus magistrè pro temporibus explicitam. cæteras verò superstitiones, in quo divinæ Rationi, quæ Christus, adversantur.

Præterea ibidem falsitates sectarum, & quibus deprehenduntur argumentis, patefacimus. & jactata miracula sectarum esse, vel ex mendacio historicorum, vel ex fallacia demonum, vel ex divina dispensatione.

Præterea & qui negant Moysi, & Christi miracula, in *cap. 13. 14. & 16.* convincuntur erroris; veluti Tacitus, & Trogus, & qui ea stellis, aut casui, aut temperamento adscribunt, ut Avicen. & Pomponat. & Lucianus, ibidem repelluntur. id quod etiam fecimus in *Metaphys. par. 3.* Item in *4. de sensu verum,* atque in *Theologicis dissertationibus.*

NVM. VII.

Sunt & peculiaria argumenta contra fidem Christianam. Et primo.

I. Christus promisit se citò venturum *Apo. 22.* ad iudicium. *Ecce venio* (ait) citò. & *Matt. 24.* alibi. *Non præteribit generatio hæc, &c.* *Marc. 9.* *Sunt aliqui hic stantes, qui non gustabunt mortem donec videant regnum Dei.* & tamen transiere 1600. anni, nec dum comparet.

II. Credulitas Eucharistiæ videtur palam impossibilis; & multi experti sunt illudentes, præcipuè Calvinistæ: & quomodo in tot hostiis, simul corporaliter sit; seque cōmedi faciat.

sconditum nemo novit nisi qui accipit. Vide *cap. 10.* & *11.* At veram esse fidem hanc ostendi *cap. 10. S. de Cerimonialibus.* & *cap. 11. nu. 4.* & diligentius *cap. 12. per totum.* & solvuntur omnia argumenta contrariorum. & cur adulteræ generationi non datur signum, &c.

III. Quòd mater ejus sit virgo etiam in partu, impossibile videtur Calvino, & multis: non autè tantopere ante, & post.

jus occulti veritatem expressimus. ut patet *cap. 11.* & in eodem *cap. nu. 3.* & nasci de Virgine consequens rationabile esse ad Dei incarnationem inferitur.

IV. Quod Deus sit maximè Unus, & tamen Trinus: & incarnetur, & non totus.

Ostendimusque fortissimè, mysterium Trinitatis propter hoc esse evidenter credibile. Eisdem quasi fundamentis idem demonstrant Ambr. in *exam. cap. ult.* & Magister in *1. dist. 3.* & Divus Thomas in *comment.* & Riccard. in *opus.* ad D. Bern. Item testimonium habere persuasivum in Natura, ne dum in sacris Litteris revelativum, certumque. Et in *cap. 11.* probatur evidentia credibilitatis hujus Fidei. Item posse incarnari unam personarum, & de facto incarnatam esse, probatur evidentia credibilitatis. & persuasione credibilissimi mysterii in *cap. 4.* & *7.* & *cap. 11. nu. 3.* & *17.* quoniam tota Trinitas concurrat activè ad Incarnationem, Verbum autem terminativè. Ostendimus etiam contra Peripateticos, quod ipsi quotidie incarnant intellectum agentem, simili modo ad unitatem personalem, argumento ad hominem; quod & D. Thomas, & Augustinus prius animadverterunt.

V. Quòd se vilitet etiam usque ad Incarnationem, ut salvet nos; & nihilo minus adhuc plures damnantur, quàm salvantur.

ascendere. Nec propterea inanis Incarnatio, quia plures damnantur: latet enim hic consilium Dei, ut probatur *cap. 11.* sufficit nobis scire, quod Deus nihil agit frustra, nec nostris deletatur malis. Præterea damnationem ex abusu liberi arbitrii, peccato primorum parentum

AD VII. NVM. RESP.

Ad argumenta peculiaria, contra fidem Christianam pugnancia.

Ad I. Responsio habetur in fine *cap. 8.* & *17.* quod ly *Citò* habet comparisonem ad æternitatem: nam sæculum unum mille annorum, est tanquam dies una, teste David. sic etiam responderet S. Petrus *epist. 2.*

Quod autem in proximo sit adventus ejus, declaratur in *cap. 8. nu. 19.* & in fine Appendicis, & in *cap. 10. nu. 13.* Quòd viventes multi viderint Jesum in majestate, innuimus in *cap. 5. nu. 7.* similiter in *cap. 14.* viderunt enim Petrus, ac filii Zebedei in Thabor.

Ad II. Respondemus: hoc dogma possibile non esse secundum naturam: esse verò secundum naturæ & supernaturalium Autorè: & quomodo qui nō Calvinisticè, sed Catholicè experiuntur, inchoativè beantur, ecstases & divina patiuntur: & quomodo manna ab-

Ad III. Respondemus doctrinaliter in *cap. 16.* ex testimonio Matt. Luc. Ilaiz: quos nullo pacto reprobari posse ibidem ostendimus. Item ex aliis manifestis miraculis hu-

Ad IV. Nihil repugnare, Deum esse Trinum in personis, & Unum in essentia, declaravimus in *cap. 4.* ex Potentia, Sapientia, & Amore, primalitatibus essentiativis entium.

Ad V. Respondemus in *cap. 4.* & *7.* Item in *11. nu. 5.* & *7.* nil dignius Deo, nihilque utilius hominibus, & juxta ipsorum desiderium; quàm quod Deus incarnetur, condescendens nobis non potentibus ad ipsum

rentum deteriorati, non ex Dei prædestinatione ad malum: aut ex impotentia ad salvandum, cum sit contra peccatores non minus fortis ad puniendum. *cap. 17.* Item non per vim, sed per iustitiam faciendam fuisse redemptionem *cap. 11. num. 8.*

VI. Absurdum est prorsus, quod cum mundus magnitudinem corporis humani (comparativè loquendo) Christianismus autè unum digitum referat: Deus tamen velit digitum solum unum ex tanto corpore cunctorum operum suorum salvare, reliquum verò perdere. Quin etiam minimam partem hujus digiti salvat, cum paucissimi sint Christiani probi, salute digni.

Ad VI. Responsum est in *cap. 8. num. 2.* & 4. quod etiam si totus mundus nostræ telluris perderetur, esset quasi perditio nævi unius in corpore magno: talis enim tantaque est tellus ad cælorum, & stellarum, & mundi magnitudinem. Etenim omnis creatura liberabitur à servitute corruptionis, teste Paulo: & in cælestibus millia millium ministrant Deo, & decies millies centena millium assistunt, teste Daniele, & ratione.

Deinde ex eo, quod ex hominibus plures damnantur, quàm salvantur, nihil Dei potestatem minui, dicitur in *cap. 17.* Nam, & qui salvantur sunt Dei, ut Patris, & qui damnantur, ut Judicis. Diabolus autem ejus est carcerarius, & carnifex, non antagonista. Homini quidem fuisse culpam, ut caderet, Dei verò remedium, ut eriperetur. Idem *cap. 11. n. 29.* ubi nec fuisse inutile adventum ejus, nam verè liberavit homines de potestate Diaboli; sed pueros remedio non repugnantes, proventus verò voluntarios, non invitos: ne temeraret libertatem. Item dixi cum Esdra, plus valere montem unum aureum, quàm mille lapideos: salvandi autem sunt Mons aureus &c. Præterea nec salvandorum numerum esse ad damnandos, ut digitus ad corpus, probatur in *cap. 10. & 11. & 17.* hoc enim verum esset, si soli baptizati in aqua, salvarentur, quoniam salus cæpit sic ab adventu Christi. At verò in cunctis nationibus semper, & ubique, & omni ætati hominum dedit remedia Deus, ut dicit Bern. *epist. 77.* & allegat Ambr. August. & Cyprianum, idem sentientes. similiter D. Thomas in 4. *dist. 4. q. 3. ad 1.* & D. Greg. allegatus à Mag. in 4. *dist. 1. §. queritur;* & cum eo Scholastici omnes. Et qui remedia non accipiunt, citra culpam, si possent vivere recta ratione, in puris naturalibus servando legem naturæ, viverent Christo summæ rationi, ut Auctori naturæ, à quo sumus participio rationales; & non damnati essent ad pœnam sensus, [sicut modo infantes non baptizati; & olim non circumcisi, aut non Deo commendati illa commendatione, quæ erat baptismi loco inter Gentes, ut Circumcisio inter Judæos, secundum D. Thom. & August. & Ambr. & Bernard. & fruuntur bonis naturalibus, & Deo, ut fine naturali: ac solum supernaturalibus, & beatifica visione carebunt; pro quo non dolebunt, quoniam se ad eam naturaliter non natos agnoscunt, ut nec coquus, quia non fit Rex: Vel quoniam instituti sunt in naturalibus ad perfectionem humana speciei per Christi humanationem: & ideo resurgent omnes in mensura ætatis plenitudinis Christi, & voluntate, & ratione divina voluntati non obviante, ut docet S. Thom. 2. *sent. dist. 33. q. 2. art. 1. & 2. in argumentis contra.* & in corp. & in responsione ad 5. & idem in *Quæst. dispus. de pœn. peccat. orig. art. 3.* ubi non inordinatam esse illis rationem, & voluntatem contendit: & propterea non dolere: quia licet (ut in resp. ad 5. loco iam dicto in 2. sent.) sint separari à Deo quò ad conjunctionem per gloriam, non tamen sunt penitus separati, imò sibi coniunguntur per participationem naturalium bonorum: & ita etiam de ipso gaudere poterunt, naturalis cognitione, & dilectione. Idem docent Scotus, Viguierius, Catherinus, D. Bonaventura, & alii, Nyssenus in *lib. de immaturè præceptis*, & Justinus *quæst. ad Orthodox.*] At quia non possunt ita rectè, ut naturæ jubet lex, vivere, ob culpam originalem, quæ vires animi infecit, & debilitavit: Deus remedia dedit misericors, quæ justus poterat negare. Ita quòd quibus circumcisio olim, & postea baptismus, datus non dum fuit citra ipsorum culpam, si ut tenentur convertantur ad Deum, etiam supernaturalem gratiam acquirunt, ut docet S. Thomas in *eisdem locis*, & in *opusc. 61. cap. 17. & 4. dist. 17. & 1. dist. 41. q. 3. ad 1.* non quia se disponunt; hoc enim efficax non est; sed quia Deus bonus: unde plus habent in remedio divino, quàm perdidit in protoplasti casu. Præterea S. August. *lib. de ordine*, putat non esse modicum numerum salvandorum: quod alibi quasi negarat,

V II. Cur etiam super opera propria Deus majorem Diabolo, quàm sibi finit potestatem? Numquid non potest? aut nescit? aut non vult? Ergo erit invalidus, flaccus, vel ignorans, vel piger, negligens, vel crudelis.

Vel existimandum est omnem Religionem esse à Deo, & bonam videri in oculis ejus; vel ipsum nostri curam non gerere; vel non existere, & res cunctas casu evenire. Aut putandum est fabulam esse, quæ de Diabolo dicuntur, qui Deo repugnet, & habeat regnum in terra majus quàm Deus, cum tantis totque nationibus dicatur dominari. Etenim dedecet valdè, quod Deus factus sit homo, tot stratagematis, & astu seipsum tegendo, ut vinceret Diabolum: ac deinde mortuus sit ob hoc ipsum. Nihilominus autem plures homines, & Nationes remanent sub ditione, & devotione Diaboli. Quandoquidem inter Christianos, qui minima pars sunt mundi, paucissimi sunt Deo subditi: omnes verò ceteræ nationes, & Christiani scelesti pertinent ad Diaboli ditionem.

V III. Item cur neglexit providere, salutemque afferre tot Gentibus antequam nasceretur in 3000. & pluribus annis? & cur hodierno etiam tempore tot Tartari, Japonenses, Chineses, Africanæ, & Populi Arctici, & Antarcticæ innumerabiles pereunt, sine Christo? Quæ ratione ergo Deus est hominum pater bonus, & potest, & scit, & vult hominum salutem?

Incarnatam verò fuisse non ab initio, ut tolleretur superbiendi causam; nec in fine, ut multi non perderentur; at quando illi congruum visum est: nec posse nos exactam consiliorum Dei reddere rationem. Sufficit autem, quod nunquam ulli defuit remedium Christi, vel implicite, vel explicitè.

Omnes diximus salvari in sanguine Christi, exceptis impenitentibus adultis. Infantes enim sola poena privativa reprobantur, & plurimi per dicta remedia, etiam ab hac salvantur ad gloriam. Omnes enim antecedenter salvare vult Deus ut Pater, non omnes consequenter, & ut Judex; quemadmodum docet S. Thom. 1. p. q. 19. art. 6. Salutem autem prædestinatorum esse decretam per redemptionem, & non aliter, stante peccato primorum parentum: de qua historia diximus in cap. 11. num. 12. quod nulla historia, nullaque ratio philosophica solvit quæstionem de causis calamitatum humanarum, nisi hæc de peccato originali. Reprobatio enim non est, à naturali fine, sed à supernaturali, qui non debetur ulli, ut

Ad VII. Respondemus in cap. 11. num. 27. & in ejus appendice de causâ tali, Diabolum non esse ex æquo Deo antagonistam, sed licetorem carnificem carcerarium; unde potius Dei potestas & justitia commendatur, quàm id quod argumentum querit. Ergo nec gloriam Diaboli ex eo, quod punire, esse ullam, sed judicis. Mors autem Christi ars justitiæ fuit, non astus, ut infra cap. 11. Nec omnem gentium religionem placere Deo, cap. 10. & 11. Quod autem reperitur Diaboli verè, & non fabulosè, probavi in cap. 8. num. 11. & in cap. 11. num. 25. rationibus, & experimentis multis peritissimorum, non decipientium, nec deceptorum, contra experimenta Plinii fabulam intrudentia, & deceptionem imperitorum contra veritatem: & quod non rectè Catani, & Manichei habent Diabolum pro Deo, probavi cap. 11. De providentiæ veracitate dictum est in cap. 6. 7. deque Religionis in 9. & 11. ut justitia locum haberet citra violentiam, Deus celavit artem diaboli, qua redemit; & quia non per vim, idcirco non omnes, vel non plures salvantur ad regnum, nisi qui sponte sua, vel parentum, incorporantur Christo per sacramenta supernaturaliter. Cæteri verò non damnantur ad ignem, nisi propter actualia crimina, & impenitentiam.

Ad VIII. Respondemus in cap. 12. & præcipue in 11. num. 7. sicuti respondet apud S. Clem. D. Petrus ad Simonem magum, quod mundus nunquam extitit absque sapientia Dei, quæ regit omnia (& hæc est Christus) nec absque auxilio supernaturali externo, vel interno. Idem docet S. Chrysost. super illud psal. 145. Non fecit taliter omni nationi, & D. Thom. 4. dist. 1. q. 1. quoniam sacramentum Fidei, & Pœnitentiæ, etiam quantum ad gratiam, præsto fuerunt ubique ex instinctu Dei, Rationisque divinx creatis, & per gratiam liberantis.

docet

docet S. Thom. 1. 2. q. 23. haud tamen ad cruciatum, nisi in malitia decedentium. Bonitas autem Dei non excludit iustitiam, sed crudelitatem.

I X. Si mortuus est solum pro electis, quare elegit tam paucissimos? Præterea si iidem erant electi & prædestinati, profectò damnari non poterant: ergo non salvavit eos denuò. Ad quid ergo incarnatus, & mortuus est, si non salvavit reprobos, neque electos hac ratione?

X. Item: Si erat alterum Hemisphærium novi orbis, cur Moyfes, loquens de Gentium multiplicatione, de illo nullam facit mentionem; nec Christus? Nec utrum à diluvio inundatus fuerit? nec scimus quâ illuc gentes pertransierunt? ergo spontè nascuntur homines, sicut ranæ, ut dicebat Epicurus, Diodorus, & Avicennas. Item quam ipsorum curam gessit Deus unquam, si dereliquit eos in perpetuis erroribus? & cur eis tunc subvénit, quando erant facinorosiores, minusque meruere? An semper extitere deteriores?

XI. Item quomodo Deus cuilibet permittit pessima ut libet operari; nec providit contra pestes, fames, & bella, & hæreses, & schismata?

mias nostras physicè tangere Deum summum boni nostrum, & aliorum entium: Sed idæam falsam, quam peccator sibi fingit de Deo: & ex hoc innotescere libertatem humanam contra Mahomettum, & Calvinum, & Japonis Bongos, adeo magnam, ut etiam Deo resistat, blasphemiasque intenet. Mira res! Deus autem non potest blasphemare seipsum: ergo non movet homines ad blasphemias, quas ipse vetat in omni lege.

Pestes, fames, & bella judiciis Dei servire mirificis, & esse sicut metaphoræ in poemate, & semitoni in Musica, ut in cap. 5. & 6. & 8. & 11. & 17. Nec præter peccatum reperiri ens malum, nisi respectivè; & bene utentibus nobis, bona & mala in bonum cedere: malè utentibus etiam utraque in malum.

XII. Adde mala, quæ mundo à noxiis animalibus insunt, & ab inutilibus muscis, culicibus, serpentibus, spinis, &c. & à tēpestatibus, & inundationibus miseriarum, &c. Si Deus bonus est infinitè, & ubique est, unde tantum malorum accedit? & cur bonum à malo superatur?

& ad quid. Nec Dei bonitatem, ex hoc minui, sed ampliari, sicut in variis instrumentis, & actionibus, & materiis, probitas & sapientia opificis.

Ad I X. Respondemus: quod omnes salvat ad bona naturalia per se, non omnes ad supranaturalia; & quod supposito peccato, iustitia exigit redemptionem omnium, non vanam, nisi vanis. Præterea prædestinatarum salus erat ex prædestinatione Christi. & ideo vere salvavit electos. Reprobos autem non damnavit ad ignem, nisi qui peccata actualia cum impoenitentia adjungunt.

Ad X. Respondemus in cap. 11. n. 17. non esse natos homines in altero hemisphærio, ut culices, sed transire potuisse ex nostro per Arzaret ad Quivirā: & per Grutland ad Estotilant; & per navium procellosam asportationem; & esse de illis mentionem, quoniam Dedonim, Cethim, Elisa, & Tharssis in insulas perrexerunt: ut dicitur Gen. 10. & in novo Christus: *Alias* (Io. 10. ait) *oves habeo, quæ nō sunt ex hoc ovili, & illas oportet me adducere* &c. & hoc explicuit 4. Esdr. c. 7. & S. Brigida, & Seneca in *Medea* doctus à Sybillis, & Plato in *Atbl.* Nec propter tarditatem, accusetur Deus, cū remedia nō defuerint Americanis ex providètia Dei, & naturali instinctu ad cultum ejus per supernaturales motiones elevati, ut dicitur 3. cont. Gent. à D. Th. c. 119.

Ad XI. Respondemus in cap. 6. num. 6. & 7. & in cap. 11. in *Appendice de causa mali*, Deum permittere hominibus operari prout volunt, ne temeraret libertatem, & quoniam scit eorum malis in bonum uti. Nec blasphemias nostras physicè tangere Deum summum boni nostrum, & aliorum entium: Sed idæam falsam, quam peccator sibi fingit de Deo: & ex hoc innotescere libertatem humanam contra Mahomettum, & Calvinum, & Japonis Bongos, adeo magnam, ut etiam Deo resistat, blasphemiasque intenet. Mira res! Deus autem non potest blasphemare seipsum: ergo non movet homines ad blasphemias, quas ipse vetat in omni lege.

Ad XII. Respondemus in cap. 5. 6. 8. & 17. non esse mala, quæ videntur nobis, nisi respectivè, vel ex nostro abusu: & multa obtigisse in poenam, & mox in medicinā peccati originalis & actualis. Vide in cap. 11. nu. 12. & in *Metaph.* Item omnia mala post periodū hujus sæculi cessatura cap. 8. & 10. & cap. 5. & 6. num. 10. etiamque multa in mundi fine &c. & interim quæ videntur mala, esse utilia,

ATHEISMUS TRIUMPHATUS.

XIII. Si hoc accidit ex peccato, ut ajunt, originali: quid peccavimus nos, qui non consensimus? & qua culpa bestiarum agitantur malis?

Item omnes homines peccasse radicaliter; nec tamen poena sensus, sed privatione supernaturalium bonorum hac culpa teneri: naturam enim instauratam à Christo &c. Animalia vero idem, quod nos, pati natura: vel quia omnis creatura subdita homini, eisdem sui domini subjacet passionibus, ex Apost. Rom. 8. *Omnis creatura ingemiscit &c. revelationem filiorum Dei expectat. Vanitati enim subiecta est, non volens &c.* similiter cap. 6. num. 10. respondemus, bruta malis hominum, quorum sunt instrumenta & res, afficer,

Ad XIII. Respondemus in cap. 11. num. 12. ex peccato Ade calamitates humanas venisse rationabiliori fide teneri, quam unde philosophi eas derivant, præsertim cum physicam, non metaphysicam redolent, ut dicitur cap. 8.

XIV. Porro si consimilia cupiunt, agunt, & patiuntur bestiarum nobiscum: ergo omnes ejusdem sumus naturæ: Et ut Salomon, ait: *Quis novit, si spiritus filiorum Adam ascendat sursum, & si spiritus jumentorum descendat?* Sic nascimur, vivimus, spiramus nos, uti & bestiarum. Nec sensus inest nobis, qui in illis non reperiatur; & prophetiam habent ventorum, & tempestatum, & præliorum. Item & Religionem, Adorant namque Lunam Elephantum, ut Gentiles: baptizantur à coitu, ut Mahomettani. Herbarum multarum ad Solem convertuntur, & Religionem quadam ipsam colunt, Et quid homo jumento amplius?

Ad XIV. Respondemus in cap. 6. & in 7. quod bestiarum sunt similes homini in sensu, & morte, & passionibus tantum; non in mente rationali immortalis: quam soli homini infusam probavi ibi, & in toto fere libro; & Religionem veram, propriamque non esse brutorum, & aliorum entium, nisi metaphoricè, & analogicè, ex instinctu, & sensus passione; similiter præsagium pluviarum &c. non autem veram prophetiam in secundis causis non præparatorum effectuum, sed soli præcognitorum Deo, qualis homini datur. Vide ibi, & in cap. 9.

XV. Videntur quoque homines casu regi. Nam *Vidi* (ut Eccl. ait) *neque velocium esse cursum, nec fortium bellum nec sapientum panem, nec doctorem divitias, nec artificum gratiam. sed tempus, casumque in omnibus.* Hæc & alia argumenta subtilius infra discutientur.

Ad XV. Respondemus in cap. 5. non reperiri in mundo Casum, & Fortunam respectu Totius, & Dei; sed solum ad ordines entium. Idem respon. in cap. 8. & 11. & 17. Nec peccata hominum excludere Deum, aut providentiam, sed libertatem ostendere humanam, ac Dei potentiam, qua ex malis etiam facit bona. Et id in cap. 5. 6. 7. 11. & 17. pluries declaravimus. Et ad id, quod objiciebatur

cur mala bonis potius quam malis eveniunt, in cap. 8. & 11. & 17. Mala hujus mundi non tollere Religionem, sed confirmare dogma illud religionis, quod videlicet nos haud quam sumus in loco proprio nostro, sed peregrinamur &c. & aliam post hanc vitam nobis convenire, ut immensitas amoris, & intelligentiæ humanæ extra cælum porrecta, nos admonent. Item animas positas esse in agone, & certamine inter contraria entia, cælum & terram, ut dixi in cap. 8. num. 5. & seq. & in cap. 11. num. 9. & seq. ubi per meritum acquirant æterna bona. Item dixi in cap. 6. num. 10. usque in finem, & in aliis jam citatis, mala hujus sæculi esse correctiones, & hortamenta malorum hominum, & minaces ostensiones justitiæ futuræ: & spectaculum spiritibus abstractis; Mala vero bonorum esse causam coronæ, sicut militibus prælium: certumque inditium melioris vitæ; ex hoc enim Platonici etiam concludunt, extare poenas, & præmia post mortem, ut Antenagoras Philosophus in cap. 8. & 14. præsertim num. 10. hanc notam certam veritatis Christianæ Religionis, quoniam promittit ærumnas, & persecutiones in hac vita, & ita certos facit de altera, ut præsentem perdere, qui persuasi bene sunt, non dubitent. Item docui, quomodo hilariores sunt Christiani patientes mala sæculi, quam alii fruenter bonis sæculi, cap. 8. suosque persecutores reddunt bonos, vel confundunt: & propter hoc non reperiri in Mundo verè beatitia bona, quo summum bonum beans requireremus. Hoc autem excedit omnia mirabilia, ut dicitur

citur *cap. 14. & 17.* quod quibus tribulationes promissæ sunt, illi vicerint tribulatores; & firmi stabileque fuerint magis, quàm aliarum Affectæ sectarum non iusti. Scandalizari autem in hoc solum Epicuræos, vitæ æternæ pro fabula spem habentes. Item *cap. 8. & 10. num. 1. 10. & 11. & 12. & 13. & cap. 11. num. 16. & in cap. 17.* ad bonorum consolationem expectari aliquibus in terra felicitatis Regnum sub uno Pastore, quasi cælestis præludium gloriæ. Sed feliciores esse in spe, & conscientie securitate Christianos in bonis, & in malis eventibus, quàm Epicuræi in bonis solum exultantes; in malis verò vilissimè plorantes: non enim spem præmiorum, & victoriæ habent, nec Dei spiritum roborantem.

XVI. Vidi præterea eos (inquit Politicus) qui defendunt Religionem martyrio, & miraculis primorum fundatorum, ineptos esse ad miracula faciendâ, multaque ficta inveniri. Nec promptos esse ad martyrium, sed inimicos Crucis; & terrena sibi cupere, sed laudare nobis cælestia. Idque in omni secta, nedum in Religione Christiana, ut Cardanus obstreper. Zingariorum honoris Sacerdotes comparantur, invitantibus ad cæli suspensum, dum marsupia evacuant. Sic Bongii, & Marabuti, & Bracmani, & cæteri, persimiles Diogenis insipientis inferculum, ut sodalibus stomachantibus solus voraret. Sic videntur Politico Clerici nationum, ut olim Catoni Flamines, & Diogeni Hierophantæ; qui prædicantes contra divitias, contra libidinem, contra honores, eadem interim sibi adfiscunt; in tempore autem tribulationis fugiendo, calamitates ovibus suis relinquunt; & tamen pro Sanctis haberi volunt. Unde suspicionem inducere conatur diabolus, quod historiæ Sanctorum veterum falsæ saltem ex parte sint. Nam reverà qui certus est prorsus in fide, ac penitus, & per omnia fiduciam habet in Deo, magnificere vitam, aut mundanas res alias, minimè potest. Si enim muliebris amor cogit omnia relinquere, & diu noctuque amantiam queritare, longè plus afficere debet divinus Amor summi boni, primæque pulchritudinis. Gens ergo, quæ mundanis inhæat rebus, suspectam se facit, quod nil credat iis, quæ prædicat, quodque nos decipiat in utilitate suam: & quod nos Religionem intrantes decepti existimus, deinde verò evadamus deceptores:

Ad XVI. Respond. in *cap. 6. & 8. & 17. cap. ex criminibus nostris*, potius declarari veritatē fidei Catholicæ; quam nec Tyranni, & Principes totius Mundi evertere potuerūt à principio, vel sophistæ postmodum, & sapientes sæculi, & hæresiarchæ; & nunc vel sui sequaces, & professores ejusdē fidei. Etenim hostes interni domesticique sunt omnium periculosissimi, quoniam cavere non possumus, sicut ab externis; hæc est ultima probatio fidei Christianæ etiā Boccaccio impio; nedum pio sancto Bernardo, qui super Cant. *serm. 30. Ecclesiæ*, ait, *in bello à Tyrannibus sub martyribus amaram perculisse amaritudinem: in bello ab hæreticis sub Doctoribus amariorē; at nunc à falsis filiis sub pace amarissimam.* Et ne scādalizetur Achitophel, diximus, hoc etiam prædictum fuisse à Christo, quod ante secundi adventus præludium refrigescet charitas, & deficiet multorum fides: similiter ab Apolt. 1. Timoth. 4. & 2. Tim. 3. *Erunt in novissimis diebus seipsos amantes &c.* ubi ad unguē depingit Macchiavellisticē viuentes; ex quo intelligimus, sæculi renovationem esse in januis, sicut in diebus Noë, quādo minus credebatur. Sicuti ergo ex vita Christiana mala arguunt Fidei falsitatē Macchiavellistæ: ego è contra ex eādē mala arguo Fidei veritatem. Probavi etiam, in multis sanctitatem vigere, & miracula; & in Ecclesia durare charismata, licet in multis sopita: nec transivisse ad sectarios sicuti ex Iudæis ad Christianos. Idem contra Iulianum, & Macchiavellum ostēdi, scientias, novum Orbem, & artes novas, & mirificas, in Christianis gloriosius vigere, quàm in gentilibus: multaque alia addidi de manna abicōdito in nostra fide; quod nemo novit, nisi qui accipit; Macchiavellistæ autē ficti non accipiunt: propterea negant &c. At aliarum sectarum Sacerdotes charismata nō habent, sed illusiones, ut rectè Cato, & Diogenes murmurabant. Socrates tamen, & Plato, & Pythagoras, & Trismegistus, & alii Philosophi, quos Epicureis, & Aristotelicis, præposuit antiquitas, Sacerdotium; & Religionē esse in cunctis nationibus de jure natu-

ATHEISMUS TRIUMPHATUS.

res: ac remaneamus propter consuetudinem aliorum; & quia melius quid agredi ignoramus; aut propter commodā nostrā, ex Religione comparatā. Unde Arist. sacerdotium militibus veteranis pro quiete dat, sub prætextu divini cultus, quem vanum putavit. Et quia in nocte sæculi sumus (ut August. ait) unicolores Mundo cuncti videmur.

Eccles. 9. 2.

Eccles. 8. 12.

XVII. Item bona ac mala præsentis vitæ, sic piis, ut impiis eveniunt; nec potest impius agnosci. *Omnia* (inquit Ecclesiastes) *in futurum servantur incerta*: quin magis pii quam impii subjacent calumniis, & miseriis, ut Plato ait in Apol. & Salomon: *Sunt, inquit, iusti, quibus mala proveniunt, tanquam opera egerint impiorum: & sunt impii, qui securi sunt, quasi iustorum facta habeant. Sed & hoc vanissimum iudico*. Hinc fit (ut paulo ante dixerat) quod corda filiorum hominum impleantur malitia; ita quod alii negant Deum, aut ejus providentiam: & quod absurdum videtur quod Deus optimus maximus relinquat amicos suos continuo affligi, inimicos verò lætari; quin in sanguine amicorum culpas inimicorum grassari, & lavari.

Ad XVII. Responsum est in eisdē capitulis *de causa mali, & de premiis, & pœnis bonorum, & malorum*; & quod hujusmodi quærimoniæ iustæ probant futurum iudicium, etiam Senecæ, qui alias negarat.

Seneca in lib. cur bonis mala &c. cap. 5.

XVIII. Præterea ajunt Politici, Vel Deus est, vel non est. Si non est, decipiamus mundum, regnemus. Si est, vel nos prædestinavit, vel reprobavit. Tunc ergo nec damnari possumus, nec salvari, nec altiorem gradum acquirere, nec minorem salutis, damnationisque: ergo quidquid libet faciamus. Quod enim semel decrevit Deus, non potest rescindere; sed, ut Senecas ait: *Semel jussit, semper paret.*

nitentiam, ut docet S. Thom. *q. de pœna pec. orig. & 2. sent. dist. 33. q. 3. art. 2.* Ad Senecam dicimus, quod Deus non paret neque quando fit quod jubet. Semper autem jubet, quoniam transcendit tēpora actus jussionis æternus, & ambit. Nec dicitur jussisse, aut jussurus esse, nisi respectu effectorum, non sui, cui unicus nutus præsens est, perpetuusque.

8. Phys. & 12. Metaph.

XIX. Præterea Aristoteles (ait Politicus) invictum contra Religionem facit argumentum. Quem enim Christianicollæ non modò quasi optimum philosophorum, sed tanquam secretarium naturæ nullibi errantem, colunt: is mundum æternum docet: Deum non esse factorem Mundi, neque hominum, neque doctorem, qui communicet nobiscum, vel in somno, vel vigilia, (vt dicit in libro de somnis, & in Ethicis) nec beatorem ante, vel post mortem. Quippe qui

Ad XIX. Respond. quòd verum vero non contradicit. Proptereaque philosophia quæ Theologiæ contrariatur, non est verè philosophia, sed sophistica. Talis verò est Aristotelica, in quibus cum verā fide pugnat. Demonstratur etiam in hoc libro, quod ex principiis naturalibus veris non eliciuntur conclusiones illæ Aristotelicæ, tam falsæ, sed ex malo suo genio. Nam Plato, aliique Philosophi contrarias deduxerunt, longè validioribus rationibus: proptereaque contra errores suos pugnamus in toto libro hoc, præsertim cap. 3. 4. 5. 6. 9. 13. 14. 15. & 16. sicut & Patres olim pugnauerunt, atque Scholastici. Non ergo

qui ut docet in 8. *Ethic.* nobiscum nec habere potest commercium. Et in 12. *Metaph. text.* 51. nec curat, nec intelligit inferiora. Item animas humanas esse corporum formas corruptibiles: unam vero uniuersalem semper vivere, quia non est actus corporis, ut dicit in 2. *de Anima t.* 11. juxta expositionem Theophrasti, Alexandri, Themistii, Simplicii, Philoponi, Averrois, Avicennæ, & aliorum Græcorum, Arabum, & Latinorum: quos verosimilius est (ajunt) intellexisse mentem Aristotelis, magis quam Divus Thomas non Græcus, aliter exponens libros de Anima græcos; cui non Scotus modò, sed Cajetanus etiam suus, contradicit. Præterea enim idem Aristoteles negat pœnas, & præmia post mortem in 1. *Ethic. cap.* 14. & 15. & in 12. *Metaph.* Fabulas utiles legislatorum esse putat, quæ dicuntur de superis, & inferis; unde Averr. scripsit contra tres legislatores, Christum, Moysen, & Mahom. deditque materiam Scriptori impio de tribus Impostoribus. Præterea Aristot. in 7. & 8. *Polit.* religionem esse inventionem politicam, non autem naturam constare. Proptereaque sacerdotium militibus dat veteranis, reverà ad quietem, sub prætextu Divini cultus, quem vanum putat. Amplius negat extare Dæmones, & Angelos, nisi eos, qui affixi cælo movent orbes. Aliosque alii enumerant ejus contra Christianam religionem, sententias. Quapropter videri debet in his etiam, in quibus à Christianis nō acceptatur, acceptandus, cum tantoperè laudetur in cæteris dogmatibus physicis, & moralibus, & metaphysicis, ut qui errare non possit: & sanctus Thomas super Aristotelem fundet scientiam Theologicam; ita quòd si allegas Basilium, Augustinum, & cæteros sacros Doctores, negant illos: si verò Aristotelem; tacent & venerantur. Porro murmur politicorum audiui in Italia, in Germania, in Gallia, quòd nostra ex confessione, Aristotelem inthronizante, religio

ergo verum est, quòd Christiani habent Aristotelem pro textu sacro nullibi errante. Hoc enim imperiti dicunt tantum, & Athei, & Averroistæ: Ut olim hæretici Carpocratiani, & Theodosiani, qui Aristotelem pro Deo coluerunt, teste Baron. *tom.* 3. sic etiam Lucretius habet Epicurum pro Deo. At non modo Platonici, Stoici, aliæque sectæ confutant Aristotelis dogmata hæc, sed omnes etiam Patres, ut in opusculis de Philosophia gentilium non retinenda demonstravimus, non modo in Theologicis, sed etiam in physicis, & moralibus; quemadmodum Ambr. Euseb. Epiph. August. Hieron. Chrysost. Basil. Gregorius Nyssenus, Cyrill. Clemens Alexand. Just. Martyr in *lib. confutationum Arist.* Item Concil. Vien. & Later. & Synod. Paris. Scholastici tamen, etsi eadem dogmata Aristotelica damnant: attamen cum ejus philosophia utuntur, explosa Patribus, haudquaquam & Patres damnant, quorum se discipulos profitentur. At quoniam post everisionem scholarum, & librorum combustionem per Barbaros, Gothos, Hunnos, Erulos, Vandalos, Saracenos, &c. Carolus Magnus scholas aperiens, aliorum Philosophorum codices non invenit, nisi Aristotelicos: hos legendos dedit. Cujus ex doctrina cum errores effunderentur, surrexerunt Dominicani & Franciscani, & partem confutaverunt, partem ad bonum traxerunt sensum. Et usi sunt illo ad Theologiam enucleandam mundo Aristotelizanti, sicut Patres aliis Philosophis, quando eorum vigeat auctoritas. Præterea nec Theologi majores, Aristotelem magnificiunt, sed omnium utuntur philosophia; quoniam omnis quatenus rationabilis est, à Christo Dei verbo, & Ratione est, ut inquit S. August. Non enim prædicamus Christum, ut sectariorum aliquem, sed ut Sapientiam seu Rationem Dei universalem; à qua omnis creaturarum sapientia derivatur, ut dicitur Eccl. 1. Platonici placeant præ omnibus sancto Augustino in 8. *de Civit. Dei.* Stoici, Chrysostomo. Pythagoras, & Socrates reputatur apud S. Thomam cunctis philosophis meliores, ne dum supra Aristotelem, in 4. *de regim. princ.* 4. & in 3. *par.* At nemo ex Patribus, nec D. Thomas, prætulit Aristotelem Philosophis cæteris. Melchior Canus in 9. *de locis,* Philosophiam Theologo utilem docens, ait: *Non more vulgi doctrinam Stoicam, aut Platoniam, aut Aristotelicam, philosophiam appellamus, sed studium sapientia.* Idem Clem. Alex. 1. *stromat.* 3. & 4. Lullus in *lib. de Lament. philosophia*

Religio vana sit res. Quemadmodum enim Averroes, Alfarabius, Almubasfar, & alii Mahometani Philosophi, Mahometem negaverunt pro Aristotele, ita etiam multi Christiani Christum. Nam Pomponatius, Jandunus, Antonius Miran. Cremoninus, Zimar. & alii dicunt se aliter credere in Theologia, metu religionis, & aliter sentiendum in Philosophia. Et de Janduno, & de suis paribus dicit Niphus in com. lib. de Substan. orb. quod plus credunt simplici verbo Averrois, quam divinis Scripturis. Et Melchior Canus zelo, & doctrina insignis: *Habent* (inquit) pro Christo Aristotelem; pro Petro Averroem; pro Paulo Aphrodisiensem. Unde gloriantur Politici se vicisse, nostrorum quoque testimonio.

rint, ac docuerint: eos omnes ceteris anteposimus, eosque nobis propinquiores fatemur &c. Ex quibus Augustini verbis agnoscimus, Aristotelem, Epicurum, Democritum, & alios, qui tria illa de Deo non norere, à philosophia Christiana arcendos. Item de Primalitatibus Metaphysicam amplectendam: quibus illa tria correspondent. Mirum ergo quod quidam scio faciunt S. Thomam peripateticum, tamquam Aristotelis sequacem; propterea quod Mundo peripatetizanti Theologiam ex Peripato enucleadam putavit, cum esset Aristotele ipso ingeniosior & doctior. Errant autem qui asserunt, Theologiam in Aristot. fundari, quæ in divinarum revelationum notis inhæret, ut in 10. & 11. cap. patefecimus, & D. Thom. in 1. cont. Gentes.

XX. Addit Lucretius huic argumento, quod *Religio peperit scelerata atque impia facta*: Et ritè ab Epicuro explosam esse.

phia, ait: Non ego philosophia contradico Theologia, sed Aristoteles, & Averroës. S. Aug. in 8. de Civit. Dei c. 9. cum prætulisset Platonem omnibus philosophis in Phys. Logic. & Ethic. tandem, quid à philosopho requiritur, ut sit verè Philosophus, & Theologis acceptandus, inquit: *Quicumque igitur philosophi de summo, & vero Deo ista senserunt, quod & rerum creaturarum sit effector, & lumen cognoscendarum, & bonum agendarum; quod ab illo nobis sit & principium natura, & veritas doctrina, & felicitas vita; sive Platonici accommodatius nuncupentur, sive quodlibet aliud secta sua nomen imponant, sive tantummodo Ionici generis, qui in eis præcipui fuerunt, ista senserint, sicut idem Plato, & qui eum benè intellexerunt: sive etiam Italici propter Pythagoram, & Pythagoræos, & si qui forte alii ejusdem sententia indices fuerunt; sive aliarum quoque gentium, qui sapientes vel philosophi habitati sunt, Athlantici, Lybici, Aegyptij, Indi, Persæ, Chaldaei, Scythæ, Galli, Hispani, alique reperiantur, qui hæc viderint,*

Respondeo ad XX. Lucretii assertiones, & probationes in toto lib. reprobantur sigillatim. Hic sufficit scire, quod ipse non cognovit veram Religionem, sed superstitiones tantum: quæ impia pepererunt facta. Contra impietatem indoctam Averrois in toto libro etiam pariter concertamus.

Intellectus iis argumentis inhæreret non debet, sed semper investigare. Querite faciem ejus semper recto animo. Nam propè est Dominus omnibus invocantibus se in veritate.

Hæc aliaque argumenta movere possunt eum, qui veritatem amat, non ad desperandum se, sed pro se, & pro genere humano ad investigandum semper; nec desistendum in vita sua, donec falsitatem sectarum agnoscat, & in veritate unica per Dei gratiam sibi oblata & ostensa quietem inveniat; & ad sperandum certò, quod Deus non deerit quin auxilietur illi, & ostendat suam illi veritatem; quoniam amorosus est, beneficus, gratusque his qui quærunt eum; non sicut Herodes, ut occidat; sed sicut Magi, ut serviant, & adorent eum vero cultu, cum agnoverint eum. Nec enim per patrem stat, quominus salvetur filius; ergo longè minus per Deum. Nec ergo unquam diffidere debet, quod Deus non condescendat sibi; eo quod, ut Calvinistæ ajunt, non sit ad hoc prædestinatus; utque Astrologi Arabes, non sit ad hoc fato vocatus: nam Deus nullatenus malefacere potest quærentibus bonum: sique prædestinatus est quis inquirere puro corde, prædestinatus est & invenire. Nemo despondeat animum propter argumenta: sed sentiat semper de Domino

mino in bonitate; nec notiones, & conceptiones ratas, de Deo omnipotenti, omniscio, omnivoloque optimo, deferat, propter argumentorum in peculiari materia difficultatem; sed inquirat faciem ejus semper.

Id solum stude tu, ne alia vana cupiditas tuum impellat animum ad quærendum, sed tantummodo amor summi Boni, primæque amabilissimæ Pulchritudinis. Scriptum est enim: *Apparebit his, qui fidem habent in illum. sed perversæ cogitationes separant à Deo.*

Et profectò hæc doctrina est vera, & utilis per se, & non modò, quia habetur in Bibliis. Præterea si fieri & contingere posset, ut quærens Deum sicut oportet, ut ipsum invenires, ipse tamen non inveniri se pateretur; quod quidem impossibile est; profecto per te non stetisset, quin invenires, & propterea redderes securam animam tuam ab inferni cruciatibus, propter hanc causam, ex rationabili excusatione, & non per diabolicam præsumptionem: sicuti Macchiavellistæ, & Epicuræi: qui neque hoc scientes, utrum Sol quotidie renascatur ex ignibus, & extinguatur in Oceano (ut putat Epicurus) nec investigantes per omnes scientias Auctorem Mundi, veramque rationem vitæ, super proprio amore fundati, negant Deum, futuramque vitam; ac ita indurantur ut Pharaò, & obcecantur ut Judæi, quòd nunquam alicujus veritatis cognitores recti fieri possunt, & stultitiam, astutiamque habent pro vera sapientia; tanquam si quis aurichalcum esse aurum putaret, & hypocrisim sanctitatem, & tyrannidem nobilitatem, & pictos parietes homines vivos, & scortum coloribus fucatum, virginem venustam, &c.

Notiones primæ & omnibus communes de Deo, nò sunt deferendæ propter argumenta contraria. Sed horum solutio quærenda: quoniam affulgebit. *Sapiens. l.*

TUTISSIMA VIA PERVENIENDI AD PRIMAM
Rationem divinam; ejusque mirabilem providentiam dignissimam honore: Quæ est Religio, communissima cunctis Nationibus, ideoque naturalis: quoniam de jure naturæ, & secundum naturam: utque confestim increduli Politici conuincantur.

CAP. III.



IXI in secreto animæ meæ. Si Venetiæ reguntur ratione, sapientia, & arte, Roma etiam ratione, Hispania ratione, omnesque ac singuli homines consilio, & arte vivunt, quamvis à ratione vera defleant aliqui, nihilominus rationi credunt se inniti, vel particulari.

Præterea non modò homines, sed etiam omnia, ratione vel impressa tantum, vel impressa, expressaque, seu elicita stant, & vivunt; lapides quasi sentientes, nutrimentum attrahunt, crescunt, roborantur: Similiter, in aerem dissimilem abstracti, regrediuntur ad tellurem sibi consimilem, vel fulcimentum.

Plantæ quoque ratione, vel alicunde operante vivunt. Namque attrahunt ad se proficuum nutrimentum, renunt noxium, vestiunt se corticibus, roborant ossibus, colligant se fibris, nervisque, & per venas distribuunt succum, earum sanguinem: fructus faciunt, & prolem, ne penitus moriantur, sed remaneat semen, in quo vivant, tanquam in simili portione ipsarum substantiali: emittunt folia in

Primū argumentum ex inductione.

Prima inductionis ex Politica.

Secunda ex impresso sensu, & ratione re-lucente in naturalibus: & hoc argumentum utitur Greg. Nyss. in exam. & Lact. & Clem Rom. Recog.

Tertia pars à plantis.

tegmentum eorum à frigore, & æstu nimio. Spinas verò contra feras, quæ ipsos devorant. Castaneæ echinos contra glires, frumentum aristas contra passares: blitum tribulos contra asinos, &c. & operantur omnia ratione quadam mirabili, & arte ducta, non casu temereque: & ut meliores physici ajunt, intelligentia non errante.

Quarta ab animalibus.

Si mox animalia contemplaris, præter constructionem eorum admirandam, prælia artificiosè exercent. Alia vivunt in Republica populari, ut formicæ: alia in Monarchia, ut Apes: alia in Aristocratia, ut Grues: excubias habent, agmina, magistros militum, & ordines, & operum vices; & filios contra mortalitatem generant, & educant industriosè in nidis mirificè fabrefactis. Ergo vel sub Sapientia duce.

Conclusio inductionis.

Igitur necessario asserendum est, existere primam Sapientiam, ac Rationem, unde omnis entium cognitio, omnesque artes derivantur.

Occurrit objectioni: non enim obstat huic argumento, esse Rationem inditam vel assistentem: dum sit.

Non obstat huic argumento, esse rationem inditam vel assistentem in cunctis; nec refert ad hanc demonstrationem, quòd alia instinctu, alia verò ratione, proprioque discursu moveantur. Nam instinctus est impulsus causæ cognoscentis: sique ratione sit propter finem, est causæ rationalis. Quapropter siue participant entia rationem propriæ essentiae inditam, siue ab alio rationabiliter regantur, utroque modo est ad primam Rationem, primamque Artem, Sapientiamque fontalem, perveniendum; sicuti omnes ignes, & calores, à primo veniunt calore, qui est Sol; & omnia frigora à primo frigore telluris, & omnis multitudo ab unitate: sic cogitationes omnes ab origine & fonte primo ipsarum emanant.

Secundum argumentum ex partibus ad totum.

Præterea stultum est arbitrari homines sensu, & ratione donatos esse, atque gubernari, similiter animalia, & alias Mundi partes plurimas; deinde verò Sensum Rationemque curantem Totius conservationem negare. Est ergo prima Sapientia, quæ universum totum regit Mundum: & sapientiæ particulares regunt entia particularia, influxum accipientes à prima, & illius participationem, quæ omnia ad suum ordinat consensum.

Tertium ex contradictione negantium primam Sapientiam, ratione, qua simul affirmare coguntur.

11. Dixi deinde intra me. Stultè Democritus, & Epicurus primam tollunt Rationem, quam Stoici rebus cunctis dominantem præsciunt: quamque Deum vocant gentes. Si enim Democritus hoc dogma probat ratione, cogitur fateri, Rationem reperiri in Mundo: Quandoquidem ex nihilo sui nihil sit, ut ipse plusquam alii asserit. Ergo extat prima ratio. Si autem dicat, se hoc dogma probare absque ratione, cogitur fateri, se indignum cui ab aliquo credatur. Quanto potius Seneca duo principia rerum statuit, Rationem, atque Materiam?

A principio maximo philosophorum, Ex nihilo nihil, probari Sapientiam primam.

III. Hinc multissimus visus est mihi Lucretius fautor Epicuri, qui neque calorem, neque frigus, neque colorem, neque sensum, neque rationem ponit in atomis principiis Democriticis: At has qualitates evenire illis ex congressu, & mixtura. Si enim atomi corpora sunt, nec extra se extenduntur: Ratio verò, incorporea, & calor, & lux incorporeæ sunt naturæ, licet corporatæ, & activæ, & operantes; & Animæ vis extra Mundum etiam cogitatione & appetitu extenditur: id, quod corpori, aut formæ corporali evenire potest nulli, multoque minus atomis passivis, inertibusque: utique ab atomis has egredi virtutes, falsum est prorsus. At sententiam istam demonstrationibus plurimis ex Naturæ decretis desumptis, alibi examinabimus, expugnabimusque.

In libro de Sensu rerum, & in Metaph.

Quartum argumentum à constructione systematis mundi, & à partibus & toto constructis.

IV. Contemplatus subinde Mundi constructionem, vidi cælum tenue, calidum, mobile, lucidum, circumdare tellurem frigidam, crassam, stabilem, nigramque, magna quidem ratione, ab eis non intellecta. Non enim tellus à proprio inimico circum-

circumplecti vellet, nec cœlum inimicum vellet intra propria viscera contrarium suum habere, ideoque mutuo sese oppugnare: Atque ex calore, a Sole effuso, in terra relicto, & ex partibus terræ transmutatis, fieri secunda entia, casu quodam, si elementa respicias: frigus namque, ac calor intendunt solummodo facere, illud terram, hic cœlum: at dum ob hoc pugnant, affliguntur alter ab altero, modificantur, & concinnantur ita, quod efficiunt res quasdam ab alia Causa intentas, idest lapides, plantas, aquas, metalla, vapores, ventos, pluvias, cometas, maria, fontes. Ex quo innotescit, quod illa Causa, nobis invisibilis, utitur huiusmodi principiis elementaribus, sicut aurifaber, aut horologiorum, aut ferrarius, utitur ferro, igne, malleis, incude, aqua, lima, ferro: omnia namque isthæc instrumenta efficiunt secundum propriam naturam, ac formas, id, quod eis conforme est; ignis videlicet calefacit, malleus grauat, & contundit, aqua refrigerat, & temperat ignem, ferra facit sectionem, similem propriæ formæ intranti in dissectam rem. Hinc palam est, quod natura omnis agit, & patitur juxta propriam impressionem sensus: & quod a sapientia imprimente longè præstantiori ducuntur, & reguntur ad efficientiam secundorū entium; & sicuti ignis nescit horologia formare, nec malleus gladium, nec ferra tabulas; sic elementa formare, efficereque nostra entia de se nescirent, ac nequirent, nisi colligata fuissent adhibitaque ad operandum mensura, & arte. Quicquid autem efficiunt, videtur necessitate fieri, & ex concursu tot missionum, & causarum agentium, & patientium simul ad fines certos, quod dicitur Fatum. Deinde patefacta harmonia inveniuntur propter melius omnia evenire: Ideoque scripsi, Necessitatem, Fatum, & Harmoniam, esse influentias primæ Potentiæ, primæ Sapientiæ, & primi Amoris: & non à se ipsis, & supra Deos, ut Poëtæ, & Physiologi gentiles arbitrantur. Et ostendi fines rerum omnium: & everti Empedoclem, & Democritum, asserentes entia, qualia, quanta, & quomodo sunt, ex sola necessitate evenire. Ergo, ajunt, dentes anteriores non fuere acuti gratia secandi: nec oculus ita, gratia videndi; sed ut sic fiant, materiam esse in causa, quæ in aliam partem concurrat multa, & per planum, in aliam verò per iter strictum in acumen, sicuti & lapides crassiores ponuntur in fundamento domus: quoniam sunt grauiore, ergo causa materiæ: graciliores verò juxta tectum, quoniam leviores ex materia parva. Proculdubio verum est, quod ajunt, sed deficit in doctrina. Nam addendum erat, quod faber mundi ipse liberè fecit per necessitatem, suum influxum, concurrere materiam illo, vel altero modo: sed propter finem, qui sequitur; lapidem quoque crassum poni in fundamento ab arte, ut sit sustentamentum, & ne supernè cadat. Et per necessitatem admoneri artem ad sic faciendum. At ars intranea, quæ est natura, de industria variavit producendo corpulentos, & graciles, & omniformes lapides. Ars autem Dei in natura hoc consilium seminavit.

Stultum quoque est cogitare, artem efficere fenestram, ut per eam videamus foras, & intus: Naturam verò non fecisse oculum, ut videamus. Profectò ars, naturæ est filia, & imitatrix. Sicut ergo propter finem operatur ars, sic & magis natura, ut mox de animalis constructione disputantes ostendemus.

Deinde si mundi fabricam intueare, quomodocumque eam spectes, sive cum Aristotele, sive cum Platone, sive cum Ptolemæo, sive cum Copernico, sive cum Pythagoræis, aut per te ipsum, inuenies mirabilem, dignamque mirifico supra modum artifice, Et si ego scripserim contra eos; dixi intra me: Hoc opificium adeo magnificum, plenumque sapientia, & pulchritudine, & virtute, est, quod stuporem, & extasim affert, quacunque via oculus ipsum adspectet. At indoctus

Fatum a fante Deo recipitur à D. August.

Occurritur physio-
logorum objectio-
ni.

Contra Epic. &
Lucr.

Ex fabrica sequente
constructionem.

Indignus fide in magnis, qui in parvis cecutit.

5. Argumentum ex artificiosa generatione; & causarum non rationalium rationali causatione opificem sapientissimum probans.

Primus Artif ex.

Deus intimior creaturis, quā ipsæ creaturæ sibi ipsis, ex Aug. de verb. Apost.

Arg. septimū ex distinctione elementorum &c.

D. Thom. omnia entia affectant similitudinem divinā, quoniam participationes ejus sunt.

Epicurus negavit artificium ejus ineptissimè dicens; quòd singulis diebus manè Sol novus fiat ex vaporibus terreis accensis, vespèri verò moritur in Oceano extinctus. Idem putat de stellis. Quod nisi adhuc alterum hemispherium esset inventum; & gyratio siderum aperta; nondum cessassent stolidi sequaces ab insana opinione isthac: Hunc Ducein habent Macchiavellistæ &c.

Vidi hinc Solem variis Zonis circumcingere terram, & in die ipsam ingravidare seminali calore: Noctem verò succedere; ut ipsa concipiat melius semen stringente frigore; Solem quoque ipsam invadere diversis viis excurrando ab altero in alterum tropicum; Noctis verò frigus instaurare quod in die calor aufert; In hyeme verò, quod in estate; & quomodo Sol paulatim descendit deorsum, nunc velociter; nunc tardior; & quomodo obliquitatem excursionis suæ minuit. Et dixi, hoc opus sapientiæ summæ esse. Tot etiam stationes, velocitates, tardationes, retrogressiones, eleuationes, depressionesque planetarum, & variæ facies, & luces variabilis Lunæ, & distinctio, ac variatio virium constellationum, aspectuum, virtutum, temporum, & commoditatum, ac actionum, manifestè ostendunt qualiter æternus Opifex utitur eis ad secunda entia gignenda artificiosè ea ratione, qua faber elevat malleum, deprimit, sistit, obliquat, miscet, temperat, æquat, solvit, indurat, ut prodeat affabrè elaboratum opus suum; utque vitarum mensuras in eisdem agentibus virtutibus apposuerit, palmam sit.

6. Et vidi, qualiter Deus cum sit intrinsecus ipsis rebus, non autem extrinsecus; sicut faber, hos actus edit, non manibus & violentia, sed virtute quam influit rebus, quibus internus est. Movetque omnia majori intimitate, & magisterio, & virtute, quā anima movet pedem nostrum, & brachium, & totam humanam statum; & omnis creatura naturaliter obedit Deo. Formæque essentielles, quæ in physica sunt principales causæ agentes, in Metaph. sunt post modum Instrumenta primæ Mentis: Rectè S. Hier. in 8. Matth. *Omnes creaturæ sciunt creatorem*. Et Eccl. 42. *Omnia vivunt, & in necessitate obediunt ei*.

Attendite, & videte, omnes mortales, quod Deus est: & hoc negare stultius, & imprudentius est, quā dicere corpus carere anima; & Venetias Consilio prudentum Rectorum; & Romam Senatu Cardinalium; & res omnes sensu ejus.

7. Deinde exclamavi. Hem miseri. Quis distinguit chaos, semperque distinguit? Non ne videtis entia cuncta donata esse participio potentie essendi, sapore essendi, & amore essendi; ergo se se conservandi, tugiendoque sectando; ergo notum illis (in se, vel in causa ipsorum divinissima) amicum, & inimicum; & propterea cuncta sectari simile cognatumque, declinareque contrarium, inimicumque: & ab eo comprehensum uniri, resistere, pugnare, tanquam si arte ducerentur mirifica, etiā si careant arte; & omnia ad propria ferri loca, propriumque amare esse, seu vitam, quoniam bona est, similis Ideæ, ac formæ, quam participant à summo Bono, eis intimo; *cujus Majestati sunt sensibilia, & obtemperantia, facientiaque Verbum ejus*, teste David (inquit S. Hier. & Greg. Nyss.) quæ nobis videntur insensibilia, stupidaque? Nec solum impelluntur extrinsecus, sed propriis etiam formis ab imp. rellione idearum (ut S. Thomas 3. cont. Gent. c. 36.) cumque sit prima Causa immortalis, omnes illam imitari, cupientes eternari, & vitam conservare in se, vel in sua posteritate per generationem: & sicuti immensa est prima Causa, & infinita, sic omnes optare innato appetitu, ut D. Thom. aduertit, & omnis schola philosophorum, fieri & ipsas immensas, & infinitas: Idcirco dilatare se se, & multiplicare, & effundere, & amplificare: quoniam in

hoc

hoc æmulantur pro modulo quæque suo Causam primam, & ad cuius similitudinem semper magis aspirant, quantum possunt, ut optimè S. Thom. 3. cont. Gent. cap. 19. nedum philosophi probauerunt. Profectò si sensu carerent proprio, vel improprio, casus temerarius regnaret: similiter etiam si essendi appetitu potentiaque carerent (quod vel ipsi etiam Epicurei, ne dum omnis schola, coacti sæpè fatentur) tunc ubi primò calor positus esset, ibi stupidus remaneret immotus, nec contra frigus inimicum pugnaret; si ipsum tanquam inimicum nullo sentit pacto; neque repugnarent; nec essent generatio, neque corruptio. Lapis ubi poneretur in aere, ibi remaneret, similiter & ignis in terra, nec ascenderet sursum. Profensus ergo ab prima intelligentia nò errante inditus distinguit, & regit: quoniam ens omne percipit similia, & contraria, amatque proprium esse, ut dicit D. Thomas, idcirco odit inimicum; omnes autem hæ cognitiones inditæ, vel additæ proculdubio à prima Sapientia Deo derivantur, qui effudit illam super omnia opera sua, ut Eccles. 1. ait. Et prodtereà reperitur alibi clarius, & obscurius ad regimen vniuersorum. Vnde Eccles. 43. de cunctis prænarratis entibus inquit, *Omnia hæc viuunt, & in necessitate obediunt ei*, scilicet pro participio, & rata entitatis, ut & celeberrimi Patres, & philosophi monuerunt. Clemens Rom. Athanasius, Gregorius Nyssen. Magnus Basilus, Anaxagoras, & Arist. in 3. de gen. anim. cap. 2. *Generantur in terra humoreque* (ait) *Animalia & Plantæ, quoniam humor in terra, spiritus in humore, calor animalis in uniuerso inest, ut quodammodo sint plena Animæ omnia*. Rectè sanè: neque enim potuit generare animalia & plantas Aristoteles, nisi in toto Munde agnouisset vim animasticam. Et de hoc sensu nos loquebamur: non de Animatione rerum per Animam Divinam rationalem, corporatam & irretitam vi pugne Mali Dei cum Bono, ut docent Manichæi. Nos autè inepti, nò agnoscimus sensum naturæ impressum, vel profensum ab eo qui in sapientia omnia fecit, nisi in animalibus, quibus interclusus est spiritus sensitivus, & seipsum ostendat per fenestras, & foramina. Dicere ergo quod ventus non sentiat impresso sensu, vel profentiat, eo quod caret oculis, naribus, aliisque sensoriis, idem est, ac si dicas ipsum non moveri, quia caret pedibus: & hoc est cæcutire in multiplici sapientiæ Dei participatione. De hoc scripsi in libro de Sensu Rerum. At etiam si non sentirent, opus est res omnes impelli à cognoscente causa, tam sapienter. Ergo datur prima Cognitio divina, cuius participes sunt omnes.

8. Vidi eandem ob rationem res omnes concludi, & copulari vtrò inter se, ne vacuum intercipiatur. Quod nimirum est destructiuum unitatis in machina uniuersali, & vitæ Uniuersi, sicut nobis destructiva est divisio brachii à corpore, alteriusvè membri. Quapropter siue à proprio sensu, siue à communi res ita colligantur, necesse est ex his actibus primam Sapientiam vniuersalem agnoscere. Sed de hoc alibi.

Arg. 8. Primæ Sapientia ex fuga vacui.

Quas ob res intelligo vitam beatam consistere in cognitione huius primæ Causæ, & in assimilari ei, eaque frui; omnesque principatus humanos sine illa inanes esse, sicuti Epicuri philosophia est inanis ob idem.

In quo Beatitas.

9. Vidi & fabricam animalium cunctorum, quæ cogit exclamare eos, qui ipsam intuentur cum Galeno, in laudem & agnitionem Conditoris. Qui nimirum substravit ossa tanquam fundamentum fabricæ, ut possit & erecta manere: utque possit flecti usquequaque, distinxit ossa in iuncturas multas, & vertebas, processibus, & sinibus complicatas; & colligavit ligaminibus, complexibus, anfractuosis. Nervosque superextendit, ut funes qui contineant partes, & per eos possit dilateri, expandi, flecti, constringique ad motus, transmittendo spiritus

9. Arg. ex cōstructione animalium quod Deus est, & ex usu partium.

Gal. 17. de 15. par. & in defor.

inter

inter nervos ex capite, ubi eorum est universitas : idcirco effinxit in capite aulas duas anteriores, in quibus spiritus inhabitet ; & interius cubiculum, ubi contemplatur ; & coenaculum inferius, ubi est mensa retiformis ; munivitque caput membranis, ut peristomatis, & ossa circumdedit mœnia ; quæ & pelle operuit, & pilis ; interius verò constravit quasi anaclinterium molli cerebro ; in cujus cavitatibus tenuis spiritus illæsus à duris ossibus spatiatur, & operatur. Toti autem machinæ circumapposuit carnem, ne ossa offendentia in res duras, rumperentur : nec nervi à calore externo arescerent, nec à frigore contraherentur ; nec ab aliis rebus offenderentur : utque super tenero cedente inniteretur machina, absque læsione. Deinde verò quoniam calor continuò exhalat, minuitque corpus, ejus instaurationi consuluit, trahendo per venas, totò conspersas, sanguinem crassiusculum, & per arterias subtiliorem ad vivificandam nutritionem : utque continuò sanguis aggeneretur, cibos deforis creavit, ex similibus unicuique nutritibili : utque præparetur, dedit animali dentes ad incidendum cibum : molares verò ad molendum, ophagum ad transglutendum, intestinum quidem fibris rectis, obliquis, transuersisque, ad stringendum, dilatandum, trahendum, transferendumque aptissimis. Cui subterposuit ventriculum tanquam ollam ad coquendum : cui apposuit Iecur, quod coctioni calorem subministrat ; deinde consimilium fibrarum ope educit cibum ad spiras, & anfractus plurimos intestini : primò augusti, ubi radices venarum adhærentes exugunt, trahuntque succum meliorem in Iecur ; quod sanguinis est fons, & officina : interius deinde dilatati, ut cibis jam succo privatus, incrassatusque, transire queat : eidem apposuit cœcum, ubi retineatur, & succo reliquo spoliatur. Tandem intestinum addidit rectum retrò inter nates effluens, ut scæces expellerentur ibi longè à naso per valles carnositatibus occlusas ; effectis quoque sedendi gratia tanquam in pulvinari, & alios ob usus. Iecur autem coquit sanguinem : spumam cholicam sequestrat in vesicam felleam, etiam trahentem per sympathiam : scæces autem melancholicas in lienem, cineres in renes. Serum in vesicam vrinariam : sanguinem partim per venas ad nutritionem Totius, partim ad duos cordis fontes, qui hic instantur deforis per folles pulmonicos à vento intrante satis artificiosè per buccam : accenditurque calor impulsus intrà cor ; calefacit, attenuatque sanguinem in spiritum, expellitque fuligines. Qui verò non attenuatur in spiritum instaurationem, excurrit per arterias ad vivificandam statum, & ad opera nutritionis partialia : partim in caput ascendit in coenaculo, ubi nutrit spirituum universitatem, continuò exhalantem ac deficientem proprio motu, caloreque attenuatam, & transpirantem.

Sanguis deinde concoctior, factusque albus à calore blando intermanente, nutrit nervositatem ; albus verò, ac pinguis, ossa : rubeus carnes : & particula omnis minutissima ad suas consimiles tendit per secretos artificiosos alembicos.

Utitur deinde Melancholia ad excitandam contemplationem, & timorem : ad pungendum ventriculum, ut appetitus repletionis, quæ dicitur famis, ingeneretur, & refectionis memoria. Cholera utitur ad excitandam iram contra noxia, inimicaque entia : & ad pungendum intestina, inuitandumque ad expulsiorem fecum, dum stringuntur contra pungentem humorem. Ex cinere nutrit renes, decolat urinam, & ardorem in testiculos demittit, ubi coquatur semen, & memoria excitetur generandæ prolis. Quod in pueris non fit, in quibus quasi nullus sit cinis, nec superest alimentum. Ex vapore nutrit spiritus ; pluviam in capite efficit : humectat inde nervos, & ossa, ut ungantur ad motum : sputum in lingua efficit, ut possit loqui absque afflictione, & mollicare cibum ad gustandum, trans-

Ufus excrementorum
etiam mirus.

transglutire vinctum sine fastidio.

Sed quis enarrat omnia? Omnitto etiam qualiter particula omnia in corpore non ad unum modum usum, sed quasi ad innumerabiles facta est, ignotos etiam nobis Anatomistis.

Ex multiplicatione
vñs partium.

Taceo & oculorum mirificam formationem, & aurium, & aliorum foraminum formatorum sentiendi gratia, & purgandi, & instaurandi animalis, alibi à nobis declarata.

Foraminum vñs
multiplex.

Dicite nunc quæso, quis tantum opus moliri novit? Non quidem elementa Empedoclis, & Aristotelis, cum sint ipsis expertia sensus, & rationis, & artis. Nec calor sentiens Telestii; hic enim intendit solummodo ignem cælumque facere, & propriam amplificationem: & palam videtur calor, quando animal non manducat, occidere & ipsum animal, in vaporem ipsum attenuando, & arefaciendo: & quamvis ipse format statuam animatam, non tamen dici potest ipse ab initio id facere intendisse, sed coactus in corpulentia intercludi, modificatur, diversificatur, temperaturque tot modis, modulis, & viis ab aliquo excellentissimo Artifice, qui utitur ipso ad opus ejusmodi.

Conclusio ex anatome
quòd datur Opifex rerum.

Equidem probè novi, animal nullum, nullumque hominem posse scire efformare animal, & vivificare: nec ejus opificium subtilissimasque texturas intelligere. At si anima est complexio elementorum, ut Medici, & Physiologi quidam volunt, aut ipse spiritus calidus, ut quidam alii: cur hoc opificium ignorat, & attonitus inspicit anatomiam, tanquam rem sibi ignotissimam? Si respondes, animam jam oblitam esse operis à se jam constructi, propterea quod nutrimento vario operam appulit: Tunc percundor; cur denuo ipse spiritus decisis in semine, scit animal efformare in sceminae utero? & in putridis? Et quis in memoriam reducit? Item si fabricam es oblitus, dic mihi tu sapiens spiritus, qua ratione corpus nutris nunc, quando nulla te capit oblivio, sed actu operaris? Quomodo comminuis alimentum? quomodo nec cogitando illud coquis, & distribuïs in partes omnes, pro ipsorum convenientia? quomodo sentis? quomodo dormis? quomodo vigilas? quomodo spiritus interambulat nervos intus & foras? de qua tu substantia es constitutus? cur quæritas per anatomen scire opera, quæ tu ipse plasmasi, quasi aliena; & exploras à Philosophis, num anima sit mortalis, vel immortalis? num visio fiat intramittendo, vel extramittendo? Num sentire sit mutatio tantum, an informatio à sensibili? Et ad quem usum factum est epar, & renes, aliaque vasa? Item ipsi Philosophi, cur hæc ignorant post tantum studium? & profectò absque studio scire deberent: Quippe cum ipsimet sint spiritus animales operantes hæc opera intra prædicta vasa; nec spiritus ignorare putandus est ea, quæ tanto cum magisterio facit. Quin etiam bestia omnis scire quo pacto ista fiant deberet, si spiritus earum operatur eadem, scitque operari per se: veluti & ego scio, qua ratione scribo, eo quod ego sum qui per me scribo; omnisque artifex intelligit quæcunque secundum artem suam facit. Alius ergo Opifex longè abstractior, longè sapientior, longè potentior asserendus est, si anima ignorat corporis sui artificiosam fabricam.

Confirmatio quòd
nec anima nec qualitas
vlla potest organicum
construere corpus de se,
organaque suis donare
usibus: sed solus opifex
sapientissimus.

Re vera peritus Musicus Cytharam ex arte pulsant, nil cogitando quam chordam, & quomodo movere debet, nunc hanc, nunc illam. Sic videtur operari anima hominis, & belluæ, & plantæ in eis: sed oportet aliquod fuisse tempus, in quo didicere artem movendi, nutriendi, & regendi propria corpora, sicuti & Musicus didicit. At quando didicere spiritus hi, nisi à principio? Et quomodo oblitum sunt, si nullo Deo operante ipsa operantur?

Ex operibus animæ
citra ejus sapientiā,
probatur divina sapientia,
assistens & inoperans,
& dans esse, & operari.

Hem

D. Thom. 2. phys.
lect. 14. Natura est
ratio divine artis in-
dita rebus perducēs
eas ad suos fines; id-
circo omnes natura-
les actiones viden-
tur propter finem &
artificiosæ. Idem
Greg. Nyss. in Hexa.

Insinuatio ab exem-
plo.

Confirmatio ab
exemplo.

Confirmatur ex al-
tera similitudine.

Hem cœca Gens, inspicere attentius: Ecce anima in tenebris opaci corporis ma-
net: hasque operationes operatur, ducta ab aliquo manente in luce: & per varias
necessitates, timores, dolores, amores, attractiones, repulsionem, ad opera sua
perducitur, excitata à divina arte, Mundo insita; vocata Natura, seminata à Causa
prima sapientissima, quæ continet in se intus & foris rerum universitatem. Ars est
auriga: Amor vero & odium ex sensu proficui & nocivi, sunt stimuli ad omnes
actiones, & frenum, & calcar simul: omnisque agens causa particularis percipit,
vel sentit, vel intelligit suum actum particularem pro modulo suo. Sed actus om-
nes simul sola Sapientia prima novit, quæ indidit sensum proprii boni, propriique
mali, & conservationis amorem cunctis rebus intrinsecum; (nec enim vi moventur,
ut vult Epicurus, & casu; neque à solo Deo sine propriis formis, ut volunt in scho-
la Mahometis.) Sicut super triremi quilibet proprium intelligit actum: remigans
scilicet proprium remum movere, non alienum: gubernator gubernaculum ope-
ratur, & sapit; alii verò alios actus: sed omnes simul, & quò eunt, & finem navi-
gationis, solus dux navis intelligit; qui officia, muneraque distribuit: & alios fla-
gello, alios stipendio, alios cupiditate perveniendi ad proprios lares, alios mer-
cedis cupidine, movet, & conducit ad communem finem. Propterea ergo & Ani-
ma nec, quæ ipsa in vita naturali & vegetativa operatur, novit, nec corpora fabri-
cari scit per se, sed regitur in his ab alio Sapientissimo.

Et veluti qui in tenebris quidpiam agit, non videt seipsum, neque opus quod
agit, & per fenestram prospicit, & alios percontatur de seipso, & de opere suo:
& quis intruserit se: & num hoc acciderit, quando ipse dormiebat, quia jam obli-
tus est: Sic anima proprias operatur fabricas, & actiones naturales circa corpus,
& non videt se, & hæc opera propria intra opacum corpus: dehinc egreditur ad
oculos, quæ sola foramina habet translucida, & explorat in aliorum similium ana-
tomia, & inquit, quid est ipsamet anima: quis posuit eam in tenebris, & quo-
modo ipsa proprium elaborat opus.

X. Idem existimandum est in toto Universo; ubi calor, & frigus variis con-
tentionibus castigati, efficiunt tot entia varia, & dum cupiunt se dilatare, mutuò
expugnare, exuperare, & timent perire, sicque moventur, & agitantur: sic omnis
stella, sol, & luna propria peragunt itinera, & actiones, & singuli tanquam scirent
quod faciunt, quodam timore amoreque impelluntur. At finem totius magni ne-
gotii, ille modò intelligit, qui largitus est eis potentiam, amorem, sensumque
operandi, & essendi eum in modum, in quo sunt & operantur ad idæam causæ lar-
gitricis, cujus (ait S. Thomas) similitudinem affectant omnia.

Totus planè mundus est instar pistrini animati; omne autem animal mundo est
simile: Deus autem faber, & gubernator totius est, sed invisibilis, sicuti & anima
invisibilis est; sed per se notissimus in quantulavis re, ut Trimegistus ait: sed Ani-
ma in corpore opaco clausa, ubi duo tantum foramina transparentia insunt, nimi-
rum oculi, qui etiam constituti sunt ex tunicis, cornea, uvea, & humoribus aqueo,
& chrySTALLINO, ita quòd nequeunt ad videntem spiritum ingredi nisi res corpulen-
tæ; idcirco nec Angelos, nec aerem Anima videre potest, nec Dæmones: qui sin-
gulis momentis penè prætervolant in conspectu nostrorum oculorum innumera-
biles, & illudunt nobis: prosunt, nocentque, afficiendo aerem, nostrasque partes,
unde afficitur spiritus noster aereus, & proinde mens à Deo indita in illo involu-
ta; itaque longè minus possumus Deum videre. Quid autem possemus videre, nisi
oculi essent panniculis, vitroque constructi, disputatur in Metaphys.

XI. Hæ sensatæ rationes, aliæque plurimæ, Deum physicè mihi demonstrarunt,
non

non autem illæ Aristotelicæ : Quòd videlicet omne quod movetur , ab alio movetur ; ergo & cælum , & ne in infinitum abeamus , deveniendum est ad motorem primum immobilem &c. Profectò fallax Scoto, Alberto, Senecæ, Telesio, & Greg. Arim. & aliis fundamentum hoc videtur . Nam palam ignis à se movetur sursum, & lapis deorsum & non à distincto mortuoque generante . Item Angelus, & anima de loco in locum quocumque vadant . Et hoc principium in physicis destruxerunt Philosophi, & ipsemet Aristoteles . Nam, quæ violenter moventur, & ab arte, moventur Aristoteli ab alio ; non autem quæ natura : quæ etiam Aristoteli est principium intrinsicum ejus, in quo est primum, per se, & non secundum accidens. Et dato quod ita sit, non tamen motus est æternus, unde probat Arist. Deum esse : & D. Thom. 12. Met. lec. 5. agnovit hanc stultitiam . Et quòd, perempta motus æternitate, per Arist. non datur Deus, neque Angeli ; cujus contrarium concludere ex novitate debebat . Sed de his in Metaphys.

Ergo ratione per uniuersum sparsa, reperi primam Rationem, primum Verum, primam Sapientiam : & sic voco ipsam non quasi rationem humani discursus, sed quasi discurrentem causam æternam in omnibus, & per omnia, & semper : & ab effectibus causam nomino prout possum . Quod & Sancti Doctores Hieron. & August. & Bas. & Greg. Nyss. & Justinus fecere . Vidi hinc vitam, beatam esse in hujus primæ causæ notitia, & assimilatione ad ipsam, & fruitione ipsius ; & Principatus humanos absque ipsa esse cadavera scætentia, cujusmodi est Epicuri philosophia : & hoc doctè Plato probavit .

XII. Eamdẽ per viam ex omnibus potestatibus rerum argumentando perveni ad Primam Potentiam, & ex omnibus appetitibus, & amoribus ad primum Amorem, sicut ad primam Sapientiam . Ac Deum esse Ens primum sapientissimum, potentissimum, amorosissimum, factorem, ac gubernatorem omnium . Et nullas alias reperiri Primalitates . Et de hoc scripsi plurima, non vulgariter, quæ convincunt Peripateticos, sophistas, Epicuræosque inertes . Sic primum Bonum, primum Verum, & Unum invenitur . Alias ergo hic rationes taceo, quoniam ad Principes nostræ ætatis propero eos, qui dominantur per rationem (ut ajunt) de statu : & primam Rationem non agnoscunt, & de hac intendo eos certos reddere, sicuti reddidi meipsum inter tenebras .

XIII. Dehinc vidi, cogi nos ex his fateri, Deum incorporeum esse contra Mahometem ; & non esse Mundi animam contra Varronem ; neque primi Cæli, contra Aristotelicos : quoniam corpus per se non agit nisi per virtutes activas . Ergo vis actiua est prima potestas agens, quia potest, scit, & vult, ergo incorporea . Item si esset mista, & forma rerum, non posset architectari, & distinguere ordines rerum diversarum, quæ factæ sunt, ac fiunt ; nec dominari, ait Anax. nec intelligere omnia, ait Arist. Fatigaretur etiam à corpulentia, sicut & nostra anima, nec mundus Auctore haberet, sed esset æternus, veluti est sua forma . At cum operetur Sapientia prima, ut probatum est, non modo in Cælo, sed etiam in cunctis rebus : ergo ubique est, & non solum in Cælo . Et quia omnia particularia ab ipsa fiunt sapienter, multo magis mundus, cujus constructio mirificam supra modum ostentat sapientiam .

Item necessario affirmandũ est, ab hac Mente potentissima productũ esse Mundum, cum & ab ipsa nunc gubernetur Totus, & omnis particula ejus etiã vilissima.

Item Mundus compositus est ex contrariis . partes autem componentes natura præcedunt compositum, & tempore, si contrariæ sunt . Indigentque ordinante Causa, quæ colliget eas ad compositionem mirabilem tam pulchri Animalis ; quoniam per se, altera, alteram fugientes, numquam ad hunc ordinem, & compositionem

2. Phys.

Conclusio iteratur .
Quid Rationis primæ nomine intelligunt Sancti Patres . Quod Plato, & Plur. & Seneca, & Cicero, & Stoici omnes scripserunt .

Sicut necesse est esse primam Sapientiam, sic & primam Potentiam, & primũ Amorem, ac primum Bonum & Verũ . & Ens primum .

Descriptio Dei ex argumentis præactis .

Quid non sit Deus ex eisdem argumentis elicitur .

Quod mundi autor Sapientia Dei .

Quod non ab æterno creatus sit mundus .

sitionem artificiosissimam pervenissent. Nec quispiam doceat, quomodo contrarium intra suum contrarium positum fuerit, eo præsertim artificio, quo se potius servant, quàm interimant, utrisque repugnantibus ita conglutinari: ergo ab opifice longè potissimo, longè sapientissimo, longeque optimo ita factum esse oportet.

Quòd casu nec Mundus, nec res intra Mundū fieri queant.

XIV. Ridiculosè profectò (dixi) Lucretius Mundum casu generat ex atomis in vacuo agitatis; & casu ad congressum adactis in constructionem Mundi. Quomodo enim casus temerarius tantum ordinem rationabilem effecisset? Nec recedendo ab exemplo illius, dicentis, quòd sicuti literæ vario ordine aggregatæ tot libros componunt, sic ex Atomis vario modo casu congregatis plures construuntur Mundi: Ego inquam, quòd nunquam hæc literæ, quas Ego hic ordino, si casu jactarentur, pervenirent ad hunc ordinem, quo componitur hic liber à me, operante secundum artem: nec millies millium jactatæ literæ eò pervenirent, ut Virgilii Eneidam construant, sed Virgilii ars paucis in annis eas ordinavit ad constructionem illius Poëmatis. Quapropter negare Mundi Architectum, est quasi dicere, quòd atramentum, casu cadens super cartham, formavit omnes literas hujus libri. Et quòd lapides, calx, & ligna, casu congressi sunt ad formandam hanc domum. Hem stultitiam stolidissimam, si Casus potest ea facere, quæ facit ars: ergo ipse est ars, aut melius est eam appellare casum.

Ex Epicuræis argumenti confirmatio.

Et quidem Lucretius coactè dixit deinde, *quòd certis in rebus insit secreta facultas* &c. ubi patet secreta facultas, idest Potentia prima, Sapiens Architectrix. Quam si ipse negat ratione, fatetur Rationem primam; sin verò absque ratione; tunc fatetur, se temere loqui, & casu: ergo fide se indignum esse. Quis autem det homini, & formicæ sensum, & artem, neget autem per hæc administrari & conditum esse Mundum? Numquid melior est pars toto? aut divinior constructionem invenies in partibus, quàm in toto?

Ad Macchiavellistas qui in Mundo negat Deum, & artem qua omnia reguntur; se ipsos verò arte regere rationeque contradictorio sermone dicunt.

XV. Et dixi, ò Macchiavellistæ Epicurei, si vos arte regitis statum, & dominium, cur negatis primam Artem? Numquid vos fecistis vosmetipsos? scitis nè facere homines? scimus (inquiunt) mulieres amplexando. En (inquam) indocti, dicite quomodo conjungitis ossa, superextenditis nervos, fabricamini viscera? Ajunt: nescimus, sed semen hæc facit. Ajo: si vos tanta peritia, & philosophia educati, nescitis; quomodo semen, stupidum per Aristotelem, vel minus doctum per Telesum, & alios, quàm estis vos, tam mirificum scit ædificare opificium? Non ne videtis, vos trahi quodam impetu amoris ad coitum, & ignorare quid suscitandum sit; sicuti hæc penna ignorat, quæ ego per ipsam scribo documenta: & quomodo ad speciei constitutionem voluptatis instillatione, vos commovet rerum Conditor ex semine vestro formans hominem, sicut alibi docuimus? Nec enim vos scitis ex albo capillo nigrum facere: quomodo ergo tam magna intelligetis?

Cóclusio agnitionis primæ Sapientiæ.

Sit ergo, sit prima Ars, & ex ea studete vestram originem agnoscere, & illi vos in gubernatione conformate. At mitto vos ad Metaph. ubi prolixis sermonibus efficacibusque hæc discatis: & quomodo ex nihilo fecit Ars prima Mundum; sicut Sol non ex aliquo, sed ex se emanat lucem. huic enim disputationi satis est nosse, Deum fecisse, ac regere mundum. Inde videbitis, non solos vos arte præditos esse, sed totum mundum, & cælum, & terram, & sydera Dei arte regi. Unde enim artem accepistis, nisi unde & alia, quæ habetis? Vosque esse scæces mundi, adeò captos amore vestræ puerilis astutiæ, quòd vos obcæcat, credereque facit, non reperiri sensum, & artem aliam in mundo, quàm quæ in vobis est, & partem

partem esse toto meliorem, & infantiam antiquitate sapientiore. Et quidem similes estis vermibus in ventre humano natis, qui putant hominem esse materiam sine animo, & pungunt eum & rodunt, quos cogitur homo alio necare, & expellere. Sic mundus sensu plenus & vita & Jove, intra cujus ventrem estis, & breve iudicium habetis, quo putatis Mundum carere sensu, & mentem divinam non esse in eo, necabit vos, & expellet vos alio damnationis æternæ.

Deus in Ier. Cælum & Terram, ait, ego impleo.

Examen Commune.

DEUM, QUIA OMNIUM ENTIIUM CURAM GERIT, Præcipue autem hominum; Ergo illos visitasse, & legem docuisse: Et tandem factum esse hominem. Et hanc fidem esse rationabilissimam, & ita convenire. Et testes hujus veritatis non posse rationabiliter reprobari. Et quædam de sancta Monotriade argumenta.

CAP. IV.



VLTERIVS discurrendo, dixi. Si Deus prima Sapientia, & Ars, fecit Mundum, regitque, cujuslibet rei vel minutissimæ curam gerere putandus est. Quando præterea non minor ars informatione, & regimine formicæ, quàm Elephantis, & totius mundi cernitur. Quin in magis exigua materia plus artificii relucet proportionaliter, sicut qui comediam Dantis ita subtiliter scripsit in exiguo libello, qui intra nucem cludebatur. In faba autem, & palea, & pilo, ubi minima ars nobis videtur esse, maximam reperiri in Metaph. ostenditur. Deus ergo omnium curam gerit: maiorem autem nobiliorum, quam ignobilium. Hoc naturale est in quolibet Principe sapiente, scire velle quæcunque fiunt in Regno suo, & absque suo consensu posse fieri nihil, utque meliores homines, & res, melius tractentur. Si igitur Deus longè sapientissimus est Rex, res nulla quantulavis ejus effugit providentiam, ergo maiorem curam hominum gerit, quàm aliorum animalium, & secundorum entium (ut omittam disputare de cæli, & terræ gubernatu majori cum Origene.) Nobilitas autem hominis ex sensu patet, & infra declarabitur. Quia autem humanus animus corpore, quasi secum pugnante interclusus ergastulo, multa incidit detrimenta: & palam est ipsi naturale esse, inquirere Deum, & opera ejus nosse, eumque adorare: At quia in hac Dei cognitione, & adoratione gravissimos patitur errores: Rationabiliter convenit asserere, Deum amorosum instruxisse homines, & legem eis dedisse, ac docuisse ea, quæ tanta quærunt, non vana, anxietate; quoniam benignissimus est. Id autem Deo vilitas non est, sed sublimitas est, suis condescendere creaturis, cum etiam sublimitas fuerit ex nihilo eos creasse, & tot res minutissimas architectari arte tam mirifica. Quoniã verò ipse in se lucentissimus, & potētissimus, & inaccessibilis, longè magis quàm sol oculis nostris, cõvenit affirmare non vanã esse fidem, quod apparuerit in aliqua forma nobis accessibili, ut in forma Angeli, & hominis ad Abraam, & ignis ad Moysen, & lucis ad alios &c. (Non quod finiatur infinitũ, in his formis, sed manifestatur quasi finitũ, vel finitè creaturis fini-

Ex creatione probatur providentia: totius, & partium.

Si Deus curat inferiora, magis autem hominem: non irrationabile est, apparuisse hominibus, legemque dedisse.

Conueniētia Incarnatio-
nis.

Et quoniam beneficiū nullum utilius homini fieri potest, quā ei legem dare: rationabile est credere, id fecisse nobis Deum. Cumque tot tribulationes hominem errantem nimis à lege primæ Rationis diuinæ mox comprehendissent, conuenisse, ac pertinuisse ad eundem Autorem illius amorosum, bonumque, reficere hominem, & sibi reconciliare, & auxilio iuvare, sicuti faber omnis propria reficit opificia, ubi perfracta fuerint. Item quoniā adhuc inaccessibleis remanebat diuinitas: Homo autem natura rebus finitis inhæret, & visibilibus, a quibus sensibile recipit beneficium: quam ob causam alij Solem, & stellas & elementa adorauerunt; alij animalia, & plantas, & statuas lapideas, & ligneas: Nec modo res, ex quibus accepere beneficium, vel paruum, sed etiam à quibus timebant, hinc Dracones, Serpentes, Cocodrilos, aliaque vilissima, coluere: Idcirco conuenientissimum erat Creatori suas creaturas ab hac vilissima, impiaque Religione abducere, ut etiam Plato in libro devoto, & Tresmegistus, & alij benè philosophantes, bono hoc ducti argumento, sperabant, Nec per legem Moysis tam rectè fieri poterat, quoniā adhuc Deus remanebat inaccessibleis, & sensui ignotus, vnde Hebrei sæpe in Idolatriam sensibilibus relabebantur. Quapropter conuenientissimum videbatur, quod Deus fieret homo, adorabilis sensibilibus, humano ritui congruenter.

Hoc supposito evidentis credibilitatis ratio suadet, Deum, sicuti prædicatur, deinde si opus erat, etiam mori voluisse gratia defendendæ veritatis, & rationis: Quoniam nobis factus est homo. Ergo totam ejus vitā fuisse legem vivam, exemplum nobis, sic ergo & mortem, qua instruimur, sectari diuinam rationem, quæ totum pluris, quā partem, aestimat: & pluris bonū majus, quā minus. Non autem humanam rationem, de statu vocatam, carnalem stultam; ex qua videmus inferius ortas esse sectas, idolatrias, bella, pestes, penurias, omniaque orbis mala.

Nec potest fides hæc argumentis maculari: omnia namque solvuntur per eam distinctionem, quatenus Deus, & quatenus homo.

Igitur primo articulo posito: Quod scilicet Deus per suam artem mundum gubernet, nisi ejus providentiæ, potentiaque negetur: Tunc non relinquitur dubium, quin possibile sit, ipsum per eandem sui Artem comparuisse hominibus, sibi carioribus, & similibus, qui sunt possessio ipsius. Homo enim homini qui velit cedere præsertim ingenio, ut Poeta ait, nullus erit: sicut nec caper cedit capro: cedit autem pastor, quia superioris est speciei. Soli ergo Deo tamquam potentissimo, ac sapientissimo supra se cedit, creditque homo ultroneus. Hanc enim ob rem legislator unusquisque (ait Varro) conatus est ostendere, se Deum esse, vel verba, & mandata à Deo accepisse, seu verè, seu falsè, quo leges suæ libentius, & obedientius acceptarentur. De hinc ergo sequitur, quod eadem Ars diuina, quæ & proles, & verbum, & sapientia Dei, dicitur summis Theologis, assumens ad se humanitatem humanata sit,

Ex concessis idem
probat.

Hoc autem nil absurditatis habet. Si enim Nationes omnes fatentur, Deum aliquando in aliqua forma piis sapientibusque apparuisse, multisque in forma humana, sicut Abraham; per eandem conuincitur, quod sicut apprehendit formam humanam apparenter, ita possit etiam verè id est in personæ unitatem apprehendisse; quandoquidem suæ possibilitati non obstat.

Distinctio person-
alis quomodo inno-
cuit.

III. Hinc, ex incarnatione similiter illuxit distinctio personalis in Deo. si enim Deus omnia per suā Artem sibi consubstantiali facit, Ergo Ars illa, quæ appropriatur proli consubstantiali, ex qua mundus, proles non consubstantialis, esse accepit,

cepit, & ideo cūctis in effectibus ejus relucet; illam et incarnata est, & filius Dei, est ab æterno, & in tempore etiam hominis: quia per illam resarciēda erant opera ejus contracta. Igitur ars illa (quam Theologi omnes verbum, cum D. Ioanne appellant) aliquam habet distinctionem cū suo principio, cui est unum; & hæc vocatur (ut melius possumus balbutire) distinctio personalis: & ponitur paternitas, & filiatio in eis, quoniam alius ab alio vitaliter procedit, nasciturque. Nec homines doceri possunt melioribus vocabulis hanc duorum distinctionem; ac subinde Trinitatem: quæ perficitur Amore, ex mutua amatione alius ab alio, idest intelligentis, & intellectæ expressæque Artis, emanante, hoc est (ajunt) Patris, & Filii. Quis enim se non amat? quoniam ex nobis ad ipsum argumentamur, & sic etiam nominamus. Tum quia Trinitas, quæ completur ex Amore, difficilior cognita fuit. Plato enim, & Stoici cognoverunt Deum, & Verbum ejus exemplar. Trismegistus autem addit Mentem Tertiam ab utrisque procedentem in Pimandro, expressisque verbis; vocatque Spiritum: at forte divinitus afflatus, aut à Prophetis bibens.

Ego autem rerum naturas investigans, quasi vltro oblatas, inveni in Deo essentialiter, & omni in re participialiter, Potentiam, Sapientiā, & Amorem, esse principia constitutiva metaphysicalia. Et potentia esse, quia est, ergo non procedit. Sapientiam verò esse, quia potest esse; ergo procedit a Potentia; quæ enim impossibilia sunt scitu, nescimus: Amorem autem esse, quia potest, & scit esse. Non enim amamus quod ignoramus, nec quod non potest sciri, aut amari. Amor in omnibus entibus procedit à Potentia, & Sapientia. Hinc palam esse exclamavi, quòd hæc Trinitas sciri numquam potuisset in Deo, nondum revelante, nisi Sapientia incarnata fuisset, ostendendo, quòd si potuit ipsi incarnatio convenire, aliis verò Primalitatibus duabus minime: Erat ergo inter eas distinctio aliqua: quam Sacra doctrina deinde vocavit Personalem. Hoc autem mysterium, eandem ob causam ignotum fuit Philosophis priscis: in Prophetis verò cōfuse insinuatum. Cum hoc deinde stat, quòd sit Sapientia, & Potestas, & Amor omnis divina Persona, si hæc vocabula essentialiter, & non personaliter accipiantur.

IV. Si hæc omnia rationabilia, ac non impossibilia apparent; igitur homo sapiens dubitare non debet, cū Theologia Rationabilis fidem exigit. Nam præterea testes, qui scripserunt, viderunt, & probaverunt has veritates, non fuere Poetæ, neque Philosophi, neque astuti legislatores; sed gens rustica, illiterata, simplex, animo pulcro, puroque prædita, ipsi nimirum Apostoli. Nec propter diuitias, aut honores ita testati sunt, sed vitam amittere voluerunt prædicando inter tot persequutiones, afflictiones, ludibria, carceres, ærumnas: minas, & blanditias spernentes, invictique, comprobando dicta sua miraculis innumeris, & supra naturam, & Spiritu visibiliter de cælo descendente ad eos, & testimoniis Prophetarum antiquorum, & signis, convincendo Philosophos, & Tyrannos, non aliis armis, aut sapientia, quam patientiæ, & veritatis; martyrio, & miraculis contestantibus.

Et vidi, quòd non credere ipsorum dictis, & testimonio, impudentia est perversæ animæ; & longè magis, quàm quamcunque alteram historiam negare. Si quis diceret non fuisse Cæsarem in Mundo, neque belligerasse cum Pompejo, & vicisse: Aut non reperiri Romam in Mundo: aut alterum Emisphærium inventum à Columbo; ob hoc, quod nos non vidimus illa; is homo esset belluinus, ac risu dignus. Quanto nam (quæso) ridiculiores, & stultiores illi sunt, qui negant miracula, & virtutes Apostolorum, & Prophetarum, & Moyfi, & revelatio-

Et Sap. 18. dicitur, Sermo: & logos apud Athan. de pass. Vir. tus, et Sapientia Dei. 1. Cor. 1. Splendor gloria, et figura substantiæ Heb. 1. Vap. 7. Ars Dei apud S. Aug. super Joann. Idea entis, & boni, apud Plat. & S. Aug. de Civit. Dei. Et idcirco Ars, ut respicit exteriora factibilia, ergo Ratio ex definitione D. Thom. 1. p. q. 22. & ex assertis super Dion. de divin. nom. cap. 7. & Just. 1 & 2. Apol. dicitur. Ratio, a quo p. r. naturam sumus rationales participio: & per gratiā d. vini. Idem Gregor. Nyss. orat. Cath. c. 5. & Cyprian. ser. ult. cōtra Idolatrat. & D. Hier. in epi. ad Gal. & ad Eph. Insinuatio S. Monotriadis. qua utitur S. Amb. de dignit. ho. & M. in 1. sen. d. 3. & D. Thom. in comm. & Richar. in opusc. ad S. Ber.

nem S. Ioannis, & tot, tantorumque testium, qui nulla præposita sibi huius mundi utilitate, persecutionibus afflicti vicerunt, & fundaverunt tot Episcopatus & dignitates Sacerdotales per totum mundum: quæ adhuc stant, & retinent eodem libros Evangelicos. quorum litera omnis constat quasi mare sanguinis, & Mundo miraculorum, & cælo virtutum illustrissimarum. Nimis affectat ignorantiam, qui hanc negat veritatem.

V. Nunc mihi respondendum esset ad prætensa miracula, martyria, & prophetias aliarum Religionum, quæ fuerunt, ac sunt in mundo. Sed prius mihi corroborandum est præcedens argumentum: In quo assumplimus, rem nullam, effugere providentiam Dei, & hominem esse nobilissimum, atque talem, quod digno jure Deus curam adeo particularem illius habet. Dehinc videndum esse, hominem immortalem: unde sequatur fidei evidentia in cordibus dubitantium, quod illi Deus apparuerit juxta Religionis piæ dogmata. Ergo ei cultum, & propter excellentiam suam, & propter beneficia erga nos tanta, debeamus.

ENTIA OMNIA SUB DEI PROVIDENTIA
Universali contineri, & intentioni ejus, ac voluntati subesse. Nec locum esse Casui, Fortunæ, & Fato, nisi respectu particularium ordinum, & causarum. Itaque Deum Eminentissimum Unum esse, & non plures: ejusque bonitatem suspitione malitiæ vacuum prorsus esse.

C A P. V.

Propositio. Nihil est
fugit causationem,
nec providentiā Dei.

I



PROCVLDV BIO existimandum est in Creatoris Regno, vel Domo (sic appello ipsum Mundum, & statuum Dei, & imaginem, & theatrum gloriarum suarum, & trophæum visibile) non fieri operationem, passionem, actionem, figuram, relationem, substantiam, similitudinem, contrarietatem, bonum, aut malum, aliamve entitatem ullam existere, quæ non cognoscatur, intendatur, & fiat etiam ab ipso Mundi Auditore.

Secus sentiētes quibus erroribus implicantur Catani Manichæi.

Symon Magus & Valentians.

Secus enim oporteret, vel alteram esse causam primam, à quare ille dependeant, quæ Dei providentiæ, & operationi non subjacent, & sicut Catani affirmant, alterum esse Deum Cæli, alterum Deum terræ, sequendo Manicheum. Aut sicuti Gentiles posuere plures Deos, quodam fato colligatos, ita ut Jupiter Cælum regeret, Pluto tellurem, Neptunus aquam, alii alia mundi corpora, & sæpè in regendo discordes esse: & fato (ut Homerus, & Ovidius canunt) subjacere. Aut affirmandum esset, Deum esse Unum, sed fato subditum, idcirco non omnia evenire posse juxta ejus votum, quia ipse resistere legibus fati non potest, ut Ovidius, & Homerus: aut, ut Plinius ait, tot negotijs implicitus, singulis semper præstò esse non potest, aut si potest, res multas, quæ casu eveniunt ignorare, aut nolle eas gubernare, aliqua negligentia tactum, ut Horat. interdum canit. Hinc Simon Magus etiam syllogizavit, Deum Mundi huius gubernatorem

naturem

natorem, non esse eum, quem intelligimus Deum optimum, alioquin non permitteret tot mala : sed fabricatum esse mundum , ut ipse potuit ; & regere , ut scit , defectibili quidem sapientia .

Alij verò asseruerunt , quòd cùm mundus semper deterior fieri cernatur, & antiquiores meliores quàm recentiores , & mala , quæ hominibus accidunt : vnde omnes scriptores conqueruntur de peruersitate seculi, in quo quisque vixit; & hic laberintus ignorantia, impietatis, idolatriæ, malitiæ, tyrannidisque, sint argumento quòd Deus fecerit quidem mundum, ut mirabilis constructio admonet, sed postea alicui minus potenti, minusque sapienti Deo, regendum tradiderit; & Valentinus, quidamque Philosophi, ac Poetæ hoc innuunt : sed verè est Astrologorum inventio . Quòd scilicet Mundus primò gubernatus fuerit à Saturno stella Sacerdotali sapientissima, & altissima in seculo aureo : Deinde regendum accepit Iuppiter, minus bonus, qui fecerit ætatem argenteam . Deinde Mars dirus sub Nino &c. Quòdque cùm perveniet ad Lunam variabilem, reversurus sit ad primum ordinem, & regimen primum . Plato in lib. de Regno hanc tueri videtur sententiam: Et addit, quòd Cælum primo temporeolvebatur ab Occasu in Ortum, nunc autem videtur mutasse cursum juxta refluxus seculorum, & systematum exorbitantias . Nos autem quid nam dicemus?

Astrologi.

III. Si mundi, & partium fabrica, & particularum, & partium istarum, & usus, & officia, & actiones, & constructio, & opificium admirabile, tot in fines varios mirificè ordinatum, ostendunt nobis, ut patuit, Auctorem mundi sapientissimum, ac potentissimum, quippè cùm nulla particula in ejus opificio frustra appareat; necessariò quoque asserendum est, eundem esse mundi gubernatorem . Non enim convenit tantæ Sapientiæ, ac Virtuti, opera, quæ optimè fecit, negligere, tanquam si pravè ea fecisset; nec curam Rectori inertis, ignavoque committere : tum quia ipse suo Vicario similis appareret, tum quia asserendum esset, quòd vel ex impotentia, vel ignorantia, vel negligentia regimen pulchrorum operum suorum omittat . Quoniam verò ex Mundi constructione, & partium, aliam sententiam meliorem de ipso accepimus, illa verò assertio non solum blasphemiam est contra Deum, sed contra omnem prudentem humanum rectorem : Et sicut Plato ait, quanto melior artifex, tanto exquisitiùs una & eadem arte magna simul, & parva curat in eodem opificio . Deus ergo, qui curare vult, ac potest, & scit, negligens erit in operibus suis, ut fucus Apum, dignusque odio, ac vituperio? ablit . Ergo Plato alibi loquutus est ex fabulis Poetarum, & hic ex propria Sapientia: unde nec Angelis providentiam, sed exequutionem providentiæ tribuit . vide in Metaphys.

Verū dogma, quod idem sit conditor, ac gubernator.

In dialog. de leg.

Superioribus in sermonibus visum est in omni re Deum operari . Quòd autem non viliter, ut arguit Aphrod. inferius patebit, & in Metaphys.

IV. Dixi ergo . In Mundo non est Casus, neque Fortuna per se absolutè respectu Dei, ac totius, sed solum per accidens, & respectu partium ignararum, totalitatis rerum . Nos verò ignorantes multorum rerum usum, & existentia ipsarum rationem, putamus existere Casum, Malum, & Negligentiam in magna Universitate . Si quis mittat servum in plateam, & rursus alium servum per viam obviantem illi: Tunc servi casu in mutuū occursum incident, quoniam ignorabant: ac respectu mittentis, & scientis, & volentis, non casu, sed providentia . Si quis currens in fossam, quam non videbat, illabitur, casu cecidisse dicitur; ac si induriosè ob aliquem finem eò se præcipitem dedit, videbitur aliis casu, sibi autem ratione: Et mihi jaculanti in belluam, occidere hominem, non visum, casus est;

Respectu Dei non dari Casum, & Fortunam: sed respectu secundarum causarum.

non autem videnti aliunde. Sichortanxi, ut feriam bellum, quam scit esse hominem, astutia est, non casus. Contra Aphrodisiensem, & Arist. in Metaph. disputavi, contingentiam, ac casum relationes esse, & accidentalitatis.

Quid Casus,

Et Fortuna,

Et Fatum.

Exemplum,

V. Casus ergo est eventus præter cognitionem, aut voluntatem, aut intentionem causæ particularis. Sed tamen est provisio causæ universalis, quæ omnia videt, omniaque vult ob finem, & si sapissimè nobis ignotum; sic & Fortuna, quæ idem est, quod Casus, quamquam dicitur de eventibus humanis magis, quam aliorum entium, fortuna bona, & mala, quando nimirum perveniunt ad bonum, vel malum, non prævisum, nec speratum. Sed non propter à Fortuna, & Sors, & Casus, causæ aliquæ sunt subsistentes; sed ordo primæ causæ, ignotus particularibus causis. Fatum verò est concursus omnium causarum agentium, & patientium in virtute, & permissione primæ Causæ (ut etiam Seneca fatetur 4. de benef. 7.) quæ omnes ad proprios fines ordinavit particulares; ex quibus resultat finis, totalis provisus. Sicut lima, incus, ignis, folles, aqua, malleus, discipulus, operantur in virtute fabri, quisque actum suum ad finem suum: Sed ex finibus eorum, hoc est ex ignis calefactione, ex mallei contusione, ex aquæ temperatione, ex discipuli labore, ut discat, ex follium inflatione, nè detur vacuum, elicit ferrarius formam gladii, quam ipse solus intendit. Contuere simul Civitatem, ubi tot artifices, agricolæ, milites, rectores, iudices, sacerdotes, emptores, venditores, loquentes, tacentes, ambulantes, sedentes, operantes, dormientes, ridentes, plangentes. &c. colligati sunt ad unius Civitatis vitam unam: & horum ordo ad hoc ipsum, christianis, & philosophis optimis est Fatum. Porro hæc colligatio varios parturit affectus, & actus in variis hominibus ac proinde in tota Republica; aliquando bellum, interdum pacem, alias famem, alias ludos, aliquando abundantiam: prout concursus omnium simul affert. Et hoc dicitur fatum: licet ex cunctis (ut S. August. contra Cic. respondet) causis liberis, ac necessariis, & violentis, & naturalibus simul contextum: cuius effectus causæ particulari dicitur fortuna, fors, & casus. At supremo rerum Rectori, qui intelligit agricolarum ob culpam suboriri famem, & mercatorum cupiditate, argenti penuriam; & lascivia filii Principis, ludos inhonestos: & alios effectus, ob alias causas, quatenus concausationem in toto habent, puta ex ordine, commoditate, incommoditate, & concursu tali concausarum, præcedentium ex præactis aliis causis, & dispositionibus: Et his ex aliis, & his ex aliis, & iterum, donec perveniatur ad principium, & Principem Mundi: Necessariò sequitur, quod illi (inquam) supremo Rectori, & Cognitori, & Provisori, non dicatur casus quicumque fatalis effectus, cum in suis causis sit prævisus, provisusque. Sæpe etiam minimū athorum in agnorum effectuum causa esse videtur, ut si moveret oculum Principis, ita quod retrò volvatur, & videat rem, unde mutat propositum, & statum Reipub. Clavus quoque unus in bello punge Equum signiferi: Signifer vacillat cum vexillo; labascit animus militum eo viso, cladem exercitus accipit, evertitur Principatus Ducis, mutatur status, & dominium, omnesque res unius Regni. Clavus ergo unus tantum intulit mutationum casu, & fato: sed Deus, qui ordinaverat per clavum illum has mutationes, non subditur, sed præest fato (ut Seneca Stoicus fatetur; quidquid alii dicant.) Et clavus enim, & res omnis minutissima, præcognita est illi ab æterno, qui et à ordinat per longā eventuum seriem eventum hunc hac ratione, & sic ceteros omnes. Id circo in Metaph. scripsi, rem omnem minimam usum habere in Mundo, non minus ac maximæ, ad finem tamen suum. Mundumque temperatum esse industrii ordine, quam horologium artificiosissimum: cui si addas, aut subtrahas quid mini.

minimum, totum ruit magisterium. Et ostendi usum athorum: & quantæ sunt utilitates, etiam telluris incisuræ, & rimæ, fossiculæ, & monticuli invisibiles, ad variandam lucem, & concipiendam in variis gradibus, ut fiant herbæ varix, & colores, & sapes, & temperies, aliaque, quæ nos intelligere non sufficimus. Nec posse Fatum rescindi, ut putat Arist.

VI. In talis & aleis, apparet fortuna, & casus: ubi utentibus arte astuta proveniunt, uti cupiunt; non utentibus verò aliquando sic, aliquando non, prout prima causa providit. Nunc dices, ergo astutia lucrum pariet scelestus, providentia verò Dei innocenti, ac pio, damnum pecuniarum. Deinde addes, non interesse Deum, sed Lunam ad faciem illius spectantem, dare lucrum; ac Iovem in posituram victoris. Ego verò nunc super huiusmodi alibi disputatis, disputare nolo. Sed sit Iuppiter, aut Luna, aut alia dispositio, vel affectus proprius, si adsit, qui faciat te jacere talos eo modo currentes, qui tibi est utilis; aut sit industria: palam est, quod omnes causas istæ partiales sunt subditæ ipsi primæ, ab æterno ordinatæ, ac prævisæ ad faciendum huiusmodi effectum: & Deus ordinavit etiam, ut fur scelestus pecuniam à modesto viro lucretur, utque alius moriatur, alius vivat, alius nascatur, alius sit dives, alius pauper: quoniam hoc novit conducentius esse ad magnum finem, ad quem fines omnes particulares ordinavit; & quod iuste ita ordinet, & propter melius ordinarum rerum, in Metaph. docui, & mox ex parte videbimus.

Hic cave ab Arist. & Auer. qui dicunt in cælo tantum non reperiri Casum, & Fortunam, quoniam ibi regit Deus; at in Mundo Inferiori, maximè; quia Deus aliud, juxta ipsorum dogmata, non operatur, nisi motum primæ spheræ fortasse; nec aliud intelligit: quoniam vilesceret, si inferiora respiceret. &c. Ita dicunt, quoniam non agnovere Deum ut Mundi causam, sed ut animam primæ spheræ æternæ. Quapropter si non fecit Deus Mundum, nec entia illius, neque sciat oportet: sed æterno fato alligatus fuit ille, sicut ceteræ animæ ad ejusmodi actiones. Et quoniam Idæa rerum factarum est in mente factoris, in qua scientia consistit, idcirco ipse Aristoteles negat Idæas etiam rerum inferiorum. Ergo Casum admittit, & rescissionem divini ordinis, ut alibi disputavimus. Quapropter assero, nec apud nos extare Casum respectu Dei, sed omnem minimam ipsi notam esse rem, & ipsa non entia, quibus utitur ad entium distinctionem, ut videbimus, & ad ordinem fatalem, sed per Idæas entium. Profecto si Deus à rebus scientiam acciperet, sicut nos, ejus scientia esset passio, vel ex passione, sicut nostra, & inutilitas quædam. Sed Deus habet in se scientiam rerum, & intelligendo se, suamque artem consubstantiali, omnia intelligit, tanquam inventor, & non ut imitator: Ego non addisco ex hoc, quem scribo nunc, libro; sed scio, quæ in eo sunt, antequam scribam, quia artifex, inventorque ejus sum. At alii addiscunt ab hoc libro, quæ ex mea Idæali arte in ipsum manant. Sic & longè melius scit Deus ab æterno omnia: & non vilescit, intuendo, & operando in rebus inferioribus, quoniam ad nutum obediunt illi omnia, ut pendentia ab ejus sapientia in esse, & operari. Preterea Deus, quoniam rebus intrinsecus est, intelligendo se facit, ut intelligentes omnes intelligant, & sentientes sentiant: & exprimendo scientiam suam idæalem facit ut sint; & amando se, facit ut omnes ament proprium esse; quod à Deo pendet; & ergo magis Deum. A quo, per quem, & in quo sunt omnia. Quod autem Deo nihil vile sit, sed tantum nobis insipientibus, consequenter demonstrabo.

Agnitio fortunæ in ludo Taxillorum.

12. Met. 2. 51. & 52. Arist. non recte cælestibus tantum aufert Casum Fortunamque.

IN RERUM UNIVERSITATE MALUM

non reperiri, tanquam ens aliquod: nec Mortem, nec Vilitatem, essentialiter, sed respectivè, & privativè, & negativè: Falsamque esse opinionem de multitudine Deorum; & de impotentia, aut ignorantia, aut malitia, cum Fabri, tum Re-
ctoris universorum, longe esse stultiozem.

CAP. VI.

Non datur Malum nisi respectum in Physicis, & privativum in Moralibus, & negativum in Metaphysicis: nec ullam entitatem habet formaliter à Deo. Sed solum ordinatur ad Esse, & ad Bonum.



ES nulla vilis est, si mala non est: res omnes à Deo factæ, sunt valdè bonæ, cum ipse sit summum bonum, à quo nō potest proinde nisi bonum oriri. In Mundo ergo Malum non extat secundum entis veritatem, sed solū respectivè in physicis, privativè in Moralibus, negativè in Metaphysicis. Ignis malus est, odiosusque terræ; terræque igni. Sed per se uterque bonus. Idem dices de cunctis malis. Nobis pūter, vitæscitque stercus nostrum; herbis verò, & porcis olet; estque nutrimentum. Zibetium excrementum est animalis, similis cato, eique pūter, & vilis est; nobis autem olet, estque nobiles delitiæ: stercus bovis nobis olet; ipsi verò fetet. Mors vitulæ placet nobis, manducaturis: ipsi verò est ultimum terribilium. Genista nobis amara, capris dulcissima esca est. Serpens serpenti pulcher, nobis verò turpis, & horridus est. Ergo non datur ens aliquod malum physicè per se, nisi in respectu, non autem totius, idest Mundi: multò autem minus Dei, cui omnia bona sunt, cum vel ex parte ejus Idæam repræsentent. Igni labor est emollire ferrum: ferro autem afflictio; malumque; malleo percutere est consumptio, sic & limæ limare: sed fabro, qui ex hujusmodi afflictionibus instrumentorum elicit formam ensis, & armaturæ, secundum idæam artis, aptæ ad militis bonum, omnes præfati actus, & dolores, & destructiones, sunt, ratio, gloria, & bonum. Sic Deo elementorum bella, & passionibus entium, & transmutationes, & dolores, & mortes: quoniam omnia Idææ artis divinæ servantur.

Non datur Mors quæ sit Ens, sed solū trās mutatio; & respectu Entis particularis est Mors, non Dei, cui omnia vivunt: nec mūdi, à quo non recedunt, sed in alias sui partes cedunt.

II. Et penitus introspiciens vidi, Mundo non reperiri ens, quod appellamus Mortem, sed tantummodo dissolutionem, ac transmutationem entium: sed propter incertitudinem esse sequentis, in quod mutatur esse præsens, unde videtur annihilari, dolet sentientibus talis transmutatio; quæ Mors dicitur cunctis creaturis, timentibus penitus amittere esse: dum esse quod habent, videntur amittere, quod eis bonum videbatur, cum sit sapor Idææ summi Boni, primi Entis. Quando lignum crematur, quasi dolore afficitur, eo quod nollit ignis fieri, sicuti ens nullum, ut Philosophi, & Theologi tarentur, vellet in aliud mutari, quamvis melius se. at postquam factum est ignis, se habet quasi obliviscatur fuisse lignum, nec amplius cupit esse lignum, sed pro modulo suo gaudet esse ignem: & ipsum vult esse. Hominis corpus fuit terra, lactuca, frumentum, caro bovina, plurimæque res aliæ; nunc autem non displicet ei non esse quod fuit, sed gaudet præfenti esse, & odit mori, & fieri vermis; sed deinde placebit esse vermem, & displicebit mutari in hominis carnes.

Hic admiratus sum vehementer Sapientiam æternam, quæ Entibus cunctis, ut conservari studeat, quanto tempore opus habet eis ad suum finem præordinatum, largita est omnibus profensum proprii esse, & amorem esse partialis propriique; in qua proprietate insertam reliquit quasi per accidens ignorantiam illorum esse, ad quæ mutamur: ac proinde eorundem odium. Si enim nõ ita esset factum, tunc ens omne corporeum, quasi cuperet fieri ignis, quoniam ignis est nobilissima corporearum creaturarum, vividissima, lucidissima, & tanquam maximè sensitiva, efficax, potens, diffusiva: & cum sit symbolum Dei, qui, teste Mose, *ignis consumens est*, vocatur patribus gloriosa & sacra profecto natura. Hinc Ambr. in exam. Aug. 3 super Gen. ab igne ducunt vim sensitivam; & motivam.

III. Non oportet ergo, Deum Mali assignare alterum, cum non extet Malum, neque Mors in Mundo, nisi respectu Entis particularis, aut privativè; sed omnes Mortes sunt vita aliarum rerum nascentium; & omnis corruptio est simul generatio; Et omnes mortes & vitæ integrant totalem Mundi vitam. Ego mando panem, panis moritur quasi dolens, juxta modum suum; & ex eo nascitur chilus; chilus moritur, & fit sanguis; sanguis moritur, & conuertitur in carnem nervum, os, spiritum &c. Spiritus autem & caro continuo exhalant in aerem. Ergo intra corpus nostrum continuo fiunt plurimæ mortes, ac vitæ, generationes, corruptiones, alterationes. Nihilominus nobis, & corpori non sentiuntur, sed placent, & integrant vitam totalem. Idem fit in Mundo: omnesque Mundi partes mutant formas: at non annihilantur: sed ad primi Fabri nutum in res alias transmutantur: Omnes quippe sunt res in manu Dei, sicut lutum in manu figuli.

IV. Sed cur edixit, ut tantopere dolerent, quæ moriuntur? Ne mori vellent, aut procurarent quacumque ex causa, usque ad tempus præscriptum ad eius magni finem. Et cur morientes in tempore præscripto, etiam dolent? ob eandem causam, videlicet, ut mortem exhorrescerent; & exemplo essent viventibus, ne illam cupiant, procurantque: & ut repugnarent: si enim alterum contrariorum alteri non repugnaret, nec calor frigori, nec vita morti, Mundus esset chaos, non fieret pugna, neque generatio, neque corruptio, nec res in tot formas verterentur: quæ Idæam gloriosam Primæ Causæ, repræsentant: ideoque Jocundæ sunt; sed quia infinitè participabilis infinitis modis est prima Idæa earum, res semper mutantur, quousque res (forte) omnis materialis mutabilis in omnem materiam speciemformis succedentibus.

Et vidi, melius cõtemplatus, Dolorem fieri non ex transmutatione in aliud esse; sed ex amissione antecedentis esse; quoniam res omnis ex nihilo facta (fuit enim postquam non erat) per se ipsam semper revertitur ad non esse illud suum originale: Deus autem bonus non sinit eas annihilari, sed largitur eis novum esse.

Vidi deinde, quod Deus non concurrat nisi efficienter ad passiones, ad non esse, ad mortem, ad calefieri, ad pati. Quoniam pati est fieri aliud, vel in parte, quod est alteratio: vel totaliter, quod est corruptio, & perditio esse antecedentis. Quoniam autem Deus summum Ens est, & nihili non est particeps ullo modo, alioquin finitum esset: propterea non concurrat ad non esse, & mori, & pati perditivum per se; sed solum ad illud esse, quod res est, & quod postea recipit, & fit. Ergo concurrat ad mortem, & corruptionem, non quatenus mortem, & corruptionem rei antecedentis, nisi permissivè, quia sinit, permittitque fieri ipsum corrumpi, & mori, & pati; Sed in quantum est vita, & generatio rei consequentis, concurrat activè operando & largiendo esse. Ergo quando calor occidit frigus, Deus concurrat ad calefacere; & calor cum Deo nihil facit aliud

Entia omnia ad sui esse conservationem necessario propentiam efficiendi, & profensum, & proamorem, à Deo, cujus perfecta sunt opera, ergo ipsum representant Trinum, & Linum, perfectissimum, acceperunt.

Omnis sensus, & vis ex igne secundum Physicam etiamque Arist. 2. de gen. an. c. 3. & Aug. & Amb. super Gen.

Physica causa mali effectiva, nec Deus Bonus nobis revelatus, nec alius Deus auctor malorum malus reperiri potest.

Ad quid dolor.

Vnde dolor.

Quod Deus non concurrat ad non esse, ergo nec ad passionem, nisi efficienter; nec ad defectus & culpas: nec ad mala Physica, nec ad Moralia nisi permissivè, &c.

Author permissionem intelligit, non reclusionem voluntatis: Sed negationem efficientie directæ, ita ut Mors sit terminus actionis tanquam positivum aliquid, cum ipsa sit nonens.

aliud nisi calefactionem, & diffusionem sui esse; & factionem alius numero caloris, & rei calidæ, sicut ipse est calor. Et ad hunc actum concurrat Deus, quoniam Entitas est, & diffusio entitatis caloris, & hanc entitatem Deus dat; nam absque primo Ente nullum potest esse ens, nec dare proprium esse. Sed ad hanc calefactionem, quæ est Entitas caloris, sequitur non esse, & mors frigoris: quia frigus, cum non sit calor, eique opponatur, non potest cum calore coexistere: at deficit esse, quantum calor crescit in esse. Hanc autem defectionem frigoris Deus per omnipotentiam, & entitatem suam non dat quasi efficiendo, sed subtrahendo, vel non conservando esse frigoris, deficiens. Mors ergo frigoris sequitur per acciden-tem, imò per acciden-tem est volita à calore: qui non intendit frigus occidere per se, sed dilatare proprium esse, & in tuto ponere. Sic etiam quando calor à frigore occiditur, concurrat Deus ad frige-factionem, sed non ad perditionem caloris, nisi permissivè; & quidem propterea melius; ut nimirum fiat frigus ad usum naturæ, ab ipso Deo intentum. Deus ergo non fecit Mortem, ut sancte & sapienter dicit Salomon Sap. I. sed neque malum. Sed ex nihilo, unde Deus nos elicit, ac fecit, quando nihil eramus, consequuta nos sunt (ut Anselmus ex Augustino exponit.) Ex quo Nihilo adhuc impotentiam, insipientiam, & odium participamus, sicut ex summo Ente Deo, Potentiam, Sapientiam, & Amorem habemus. Permittit ergo Deus, relinquitque, ex nihilo nos contrahere mortem, malum, passionem, in quantum sunt aliorum vita, bonum, & generatio, & actio.

Ansel. in lib. de libero arbitrio.

Deus non potest esse causa mali Moralis defectiva.

V I. Hinc palam fit, quod etiam in moralibus Malis non est Deus causa peccati, nisi permissiva permissione Physica. Nam mortaliter vetat in omni lege. Peccatum enim est defectus entitatis, ordinis, rationisque melioris; & fundatur super actu operantis per electionem pravam illius; qui potius eligit Bonum minus, & apparens, quam majus, & verum; Vel in omissione boni debiti. Deus autem causa defectiva esse non potest. Quando igitur nos furamur, aut occidimus innocentem, aut adulteramus uxorem alienam; eligimus quidem pecuniam, vel vindictam, quæ bona sunt; & voluptatē, quæ etiam bona est: non proinde peccamus in quantum bona sunt electa: sed peccamus in quantum non est bona voluptas cum uxore aliena, quia contra Justitiam. Nec mors innocentis, in quantum innocentis, bona est. Sed cum mistum sit malum bono, nos eligimus exiguum bonum cum magno malo: & hoc est peccatum, ad quod, ut sic, homo se determinat, vetante Deo. Quod autem naturaliter idem sit bonum, & malum respectivè, patuit: quoniam à ignis blandus nos fovet, & tunc est nobis bonus; vehemens nos destruit, & tunc dicitur malus. Et ita, vel ita operari in rebus, rationem peccati, & meriti constituit in moralibus; sicut ita, vel ita uti igne, utilitatem, vel damnum parit in Physicis. Deus ergo concurrat ad omnes eiusmodi actus, hoc est ad impellere enssem mortiferum: ad pungere: ad perforare: ad coitum generativum, sed non ad defectum ordinis, & Justitiæ, (qui in talibus miscetur actibus, & vocatur prævaricatio, & deordinatio, & à regula exorbitatio,) nisi permissivè; quia ipse ex tali malo elicere habet quid melius, seu notum, seu ignotum nobis. Sicuti permittitur Vestiario incidere pannum, quoniam inde facturus est vestem: Aratori vero terram scindere, ut seratur frumentum: & Iudæ tradere Christum, ut redimatur Mundus: & Tarquinio adulterare Lucretiam, ut redimatur Roma. Si hanc Philosophiam introspe-xisset Calvinus, non dixisset, Deum esse activam causam mali in quantum Malum, sed permissivam: quantum Malum, & activam in quantum Bonum physicum ordinatum.

V I I. Fallo igitur opinamur, plus esse Mali, quam Boni in Mundo inferiori: quandoquidem Entia omnia bona sunt per se, & toti, & malum physice est tantum

eummodo respectivum: Moraliter verò est defectus majoris boni in eligendo, vel abusus boni. Sed iste defectus abususque peccanti imputatur, idest particulari causæ: universalis autem laudatur, quia utitur illo in bonum. Quinimò neque particulares causæ sectantur malum, in quantum malum, nisi quatenus mistum est alicui bono, aut delectabili, aut utili, aut honorifico: malum enim, quatenus malum, creatura nulla potest eligere; Omnes enim Dei Boni summi Entis facturæ sunt, nec proinde spoliari amore Boni, & Entis possunt.

Nec Creator, nec creatura potest eligere malum sub ratione mali, sed quatenus mistum bono, solum potest creatura, quoniam Nihil est particeps.

Diaboli autem, & iacinosi peccatores Deo inimici, cum blasphemant Deum, obloquunturque contra eum, putant, licet falso, se benefacere, & ulcisci contra Deum: quem cogitatu apprehendunt tanquam Judicem malum, crudelem, & injustum, ut D. Tho. & alii Doctores admonent. Qua propter non vere laudant physicè Deum in se, sed illud ens, quod sibi fingunt in mente esse Deum malum, & hæc falsa persuasio est illis poena major, unde Job. 35. *Si peccaveris, quid nocebis ei?*

Malitia peccatoris & blasphemia, ocer peccatori, & non Deo.

Hic ego risi, quando in tam sublimem cogitationem ascendi, & sensatam, & veram; & solvi argumenta, quæ me dubium tenebant, quomodo Deus tot blasphematores contra se obloqui sinit, qui sine ipso loqui non possunt. Profecto si Senecas rectè dixit: *Quod in sapientem non cadit injuria*; quando enim quis injuriam facit sapienti, putat se injuriam facere cuiuspiam tali in sua cogitatione ficto aliter quam sapiens est, & decipitur, veluti qui percutit umbram, putans esse corpus: sic & longe minus potest creatura injuriam facere Creatori. Illæque blasphemiae resultant ex hoc in gloriam Creatoris; Quoniam eas dicunt, & faciunt Deo, tanquam malo, putantque benefacere se vindicando, ergo eas faciunt amando bonum, & omnis bonitatis, etiam illius bonitatis apparentis, fontem: at passione decepti, & errore capti, odio habent semetipsos: quoniam odio habent illam, quæ in creatore non est, speciem malam Creatoris, sed in sua cogitatione fictam, pravamque imaginem: Quæ cum non sit in Creatore, sed in ipsismet, eisdem blasphemantibus, & osoribus: Ergo semetipsos oderunt, ut David admonet, *Qui diligit iniquitatem, odit animam suam*; & se ipsos blasphemant; & hoc videtur eis bonum: & moventur, tanquam à bono ad bonum. Bonum autem à Creatore dependet, ergo & ad Creatoris gloriam resultat odium illud mali, sed per accidens, & casu respectu peccantium. Idcirco non merentur, sed demerentur propter spontaneum pravum conceptum animi, qui in eis est, & facit formaliter eos prava, malosque, & retinentes speciem pravam, & malam imaginem de re bona, propter defectum, quem participant à Nihilo, cui magis adherere volunt, quàm Enti. Auscultate igitur, o stulti, & intelligetis, quanto perire a veritate aberratis, putantes Deum esse vilem propter peccata vestra, cum jam videatis omnia resultare in gloriam ejus, velint, nolint.

3. cōtra Gent. c. 118. & p. p. q. 60. art. 5. Et Senec. in libro Quod in sapientem non cadit injuriam.

Omnis peccās ignorans, quoniam sibi spōte malefacit, & nō Deo, cui se putat malefacere. Omnia mala resultāt in Dei gloriam.

Psal. 10.

Unde S. Anselmus peccatum non esse a libero arbitrio in quantum Ens est, sed in quantum defectivum est, & Nihilitatis particeps.

VIII. Ponderosum argumentum solvendum remanet, quod, cum contraria sint Cælum & Terra, calor & frigus, lux & tenebræ; non videntur potuisse nasci ab eodem Deo. Si enim effectus causæ similis est, & alter ipsorum similis est Deo, alter verò dissimilis, quoniam contrarius est illi simili: Ergo Duo Dii, si duo sunt prima contraria Elementa; vel quatuor, si quatuor sunt elementa. Respondeo, quod vera & omnino dissimilitudo in mundo non est, nisi inter Ens & Non ens: contrarietas autem non est inter dissimilia, sed inter similia. Calor & frigus similia sunt invicem: ambo enim activi sunt, incorporei, & diffusivi sui ipsius; sunt autem magis materiæ dissimiles, quæ iners est, & corporea. Nihilominus cum materia non præliantur, neque cum linea, neque cum circulo, sed inter se. Rex cum Rege pugnat, non cum plebeo; & omne simile habet suum simile

Qui contrarietas ab uno sibi non contrario Deo esse potest.

Deus concurret ad
agere effective; sed
non ad pati, nisi per-
missivè & ordinati-
vè.

Odium esse amoris
umbra etiam S. Aug.
docuit & S. Thom. 1.
secunde & Fic. in
1^o sym. Plat.
Ignorantiam, & men-
daciū non habere
entitatem, sed carere a
entitatis formaliter.

simile pro contrario, ut figulus figulum, in quantum ex eo, quod similia sunt, appetunt eandem rem, & contendunt pro possessione illius rei communis: quæ non est sufficiens amborum appetitui. Ergo in Deo contraria non sunt, cum sit ipse sufficiens Bonum omnibus, & Ens Entium: sed contraria sunt in materia, quam uterque occupare vellet, propriumque regnum, & sedem facere. Sed uterque simul & materia tū conveniant in esse, ab vno primo Ente omnes derivari possunt.

Sed inquires. Quoniam calor, & frigus mutuò se se oppugnant: Si Deus concurret ad actiones eorū contrarias, erit in seipso contrarius, faciens, volensque contraria: Quod impossibile est. Ergo melius est duos ponere Deos. Respondeo; quod ambo contraria idem volunt, queritantque, & consimili ambo agunt modo, & appetitu: & diffusionem propriæ naturæ; ergo Deus concurret ad calefacere, & ad frigefacere, quatenus unum, idemque faciunt, hoc est, diffusionem sui ipsorum esse: non autem ad calefieri, & frigefieri: quoniam alter patitur calorem, alter frigus, & in utroquo est deficientia ipsorum esse quatenus patiuntur, non quatenus agunt, unde non esse illud non est efficientiæ terminus, nisi per accidens, licet ex virtute maxima efficientiæ procedat. Sed & ordinat Deus passionem propter generationem secundorum entium, & plus auxilii præstat alteri contrario, & minus alteri; in quantum auxilium; facti, præstitique; in quantum minus; permitti. De quo vide metaph.

I X. Hic vidi, in Mundo non extare odium, neque ignorantiam, neque impotentiam essentialiter, & per se tanquam Entia. Neque enim calor odit frigus, quatenus frigus est, sed quatenus frigus non est calor, similis sibi; ergo odium est quasi umbra amoris. Nos odimus inimicum, quoniam amamus nos ipsos, proindeque nolumus ab illo destitui; qui etiam querit nos destruere, non propter odium nostri per se; sed propter amorem sui, scilicet vivendi amplius, & tutius. Ignorantia quoque non est esse, sed non esse. Scire enim est fieri similem rei scitæ. Mendacium est non esse, quod dicitur; Veritas est esse, quod dicitur: Duo ergo tantum contrastant, & radices omnis oppositionis sunt in mundo, Ens, & Non ens. Omnis autem res quatenus participat Ens, bona est physice, in quantum Non ens, mala physice. Sed necesse est, quod participet Non ens ad mundi distinctionem; aliter Sol esset Luna, & Stellæ, & Tellus, & omnia, si nullum non esse participaret. Sic & calor esset frigus, & omnis res, omnis res. Sed hoc tantummodo verum est in primo Ente. Homo ita est homo, quod non est lapis, nec lignum, nec cælum, nec linea, nec res plurimæ, infinitæque. Ergo constituitur ex finito Ente, & circumdatur infinito Nihilo. Idem dico de rebus cunctis. Deus autem è converso ita est res una; quod seclusis imperfectionibus, & nihilitatibus, est omnes aliæ res infinitim infinitus. Est enim Deus absque imperfectione lapis: sed ergo non ita lapis, quin non sit, & Homo, & Cælum, Terra, Linea, & res alia omnis infinitè; & taliter est una, quod est omnes. Et ejus natura est omnis natura, sed eminenter, & causaliter, & seclusis imperfectionibus, quæ sunt ex participio Nonentis, & ejus nomen est omne nomen, sed infinitè. Ergo ipse non participat non esse, nullamque secum compatitur nihilitatem, ut in Metaphis. luculenter docemur, quoniam illimitatus est prorsus. Quod verè est, & omnino, infinitum est Ens, nec participat Nihilitatem: quod Aliquid est, & aliquo modo, finitum est, participatque Ens, & Nihilitatem.

Deus ergo Entia creando, largitus est cunctis gradum participationis propriæ ideæ, non tamen totam idealem participationem. remanere fecit alia ab alia distincta Entia propter non esse hoc illud. Huiusmodi autem non esse Deus non fecit,

cit, sed permittit in eis remanere ex illo Nihilo, ex quo fecit ea, & usus est Nihilo ad distinctionem Entium. Alioquin cum ipse sit maxime unum, Entia omnia essent unum. Et re vera sunt unum omnia intra ipsum Esse; ut altè intellexit Parmenides (teste Platone) non autem sophisticus Aristoteles. Extra vero Esse sunt distincta, & multa; quia hoc non est illud. At etiam correspondent in Deo distinctæ participabiles, alia enim est idæalitas hominis, alia asini. Attamen una idæa sola est Dei, in qua omnes relucent idææ: quæ & est ipse Deus essentialiter; sed quatenus representat respectus ad exteriora, dicitur distinctionem habere. Qui hæc scire cupit, quantum nobis datur, in Metaph. scrutetur.

Plato in lib. attitula. o Parmenides, de uno & de idæis. Arist. ipse concedit 1 phys. t. 4. & 1. de gen. & car. t. 18. quod Parmen. qui omnia posuit unum, fecit duo principia, & duo elementa, Ignem, & Terram, ergo unum omnia posuit in primo Ente tantum, ut Plato testatur contra mendacem Arist.

Cur & ad quod noxia animalia, aliaque vocata mala.

X. Sed argumentabamur in principio, cur Deus permittit peccatores, & putices, & serpentes, & tot sectas, & hæreses, & mala: quæ principibus humanis permittit, nedum facere, imputatur ad impietatem, & nequitiam maximam? Et quare eas creat res, quas prænosceat fore malas, & damnandas, præsertim animas Inferis puniendas? Ite ad Metaph. & hoc agnoscetis. Hic vidisse sufficit, quod mala physica non sunt respectu Dei, & totius: & quod malum essentialiter non habet, sed respectum, & quod proles est Nihili, non autem Dei summi Entis; qui utitur his, quæ non sunt, tanquam iis, quæ sunt, ad rerum distinctionem, & melius. Et quod muscæ, vespæ, serpentes, aliaque huiusmodi sunt ad movendum aerem, & ad exercendum nos, ut simus vigiles, & sagaces, nec stertamus in ocio aliosque ob usus. Profectò palàm est, quod nisi molestiæ, fastidiaque essent in Mundo, semper dormiremus, & ociaremur, & ignorantes fieremus: Omnis enim indigentia, ac necessitas, schola virtutis est. Ecce nisi sterilitas, & fames evenirent, non discurrerent homines per mundum ad quærendum victum, aliaque necessaria, nec proinde agnoscerent Deum in tot mirabilibus effectibus illius: scientiaque esset exilis, modicaque: quæquidem post novi Orbis inventionem mirificè multiplicata est. Si bella non evenirent, essemus ociosi, stolidi, pigri: morbis in juncturis, aliisque membris tumidi: Tyrannides prævalerent: peccatores non punirentur: Virtus non exerceretur. Si discrepationes, & hæreses non essent, nunquam subtiliter Veritas examinata patefceret. Ergo quoniam pigri sumus ad opera Dei contemplanda, & Veritates divinas percipiendas, permittit Deus hæreses, ut inquit Apost. cur autem per hæc mala animus humanus ad probitatem evehitur, & non spontè, in Metaph. dicitur: & ejus conditio admonet. Præterea multis animalia, quæ vocamus noxia, & inutilia, serviunt visibus, partim notis, partim ignotis; & quæ non sunt ad hominis usus, utilia sunt equo, & asino, aut avibus, aut nido. &c. nobis autem ad considerationem conferunt. Videntur autem noxia, & mala entia multa, quoniam nobis noxia sunt ex parte corporibus, non animis, ex hoc proficientibus. At si totum contemplare, plus nobis profunt, quam obstant: si autem Mundum consideres; longè magis profunt. Nos autem injusti sumus Judices, propterea quod putamus, omnia facta esse ad nostram tantummodo utilitatem; & quæ nostris visibus non palàm serviunt, frustra esse dicimus, & vana: quæ autem nocent nobis, appellamus mala prorsus; sed profectò res nulla nobis alicui non est usui, sed nos modum ignoramus. sicuti nos ignari intrantes in Apothecam Aromatariorum, & Pharmacopolarum, res multas videmus, quæ nobis videntur nulli esse apta usui: & ibi esse quodam casu; Sic & aliorum artificum officinis; At cum postea artificis usus, & opera spectabis, ad multas utilitates extare eas intelliges. Ungulæ, & pili videntur superfluitates: at si spectes usum eorum, obstupefces admirando. Idem dicemus de universo, quod est officina Dei: ubi si oscitanter contueris, nihil sapias, intelligisve.

Sin vero philosophari captes, inuenies valde à proposito ob usus mirificos esse ea, quæ videntur casu fieri; sed non omnium rationem reddere poteris. Nam & Angeli, qui etiam vident Creatoris opera magis intrinsecus, vix omnium rationem reddere norunt. Ergo æstimare debemus omnia isthæc mala, physicè respectiva, ac malorum moralium permissiones, odii, mendacii, mortis, insidiarum, magnos plurimosque esse in usus; Deique Statuæ, quæ Mundus est, servire loco umbrarum, & intervallorum: aut sicut semitoni, & metaphoræ Musicis, atque Poetis; qui per se sunt vitia, sed certis coaptati locis sunt ad magnam venustatem. Poena quoque mendacium & iniquorum, iustitiam manifestam reddit: hortatur gentes ad bonum, & est spectaculum spiritibus abstractis. Poena vero, & afflictio bonorum, est causa coronæ, & gloriæ, sicut militibus prælium ærumnosum.

Usus Impiorum & animalium; ipsorumque poenæ.

Quod animæ ad prælium, non ad pœnam, ac meritum comparandum, gratia, corporibus, dum creantur, immittuntur, inferius docebimus. Impij serviunt piis ad exercitium, & gloriam; & quæ accidere ex peccato antiquo, & quod bruta participant mala nostra, quoniam nostra sunt instrumenta, & res.

Necesse est ut veniant scandala.

Non igitur extant in Mundo mala ex negligentia, aut inertia, aut ignorantia, vel impotentia, vel crudelitate Dei: sed propter fines altissimos, partim nobis cognitos declaratosque in Metaph. sed plurimum ignoratos. Tandem qui sapientior est Deo, & meliora facere potest, Deum emendare potest. Audi tu Achitofel, qui neque culicem formare scis, neque ad quid sit nosse: sufficere debet Politico viro scire, quod Deus est; & non amulari pravos, & malignantes; alioquin te facis vas iræ Dei, & servies pro contumelia, & excremento, & carnifice, & satellite, & scandalo: necessario, ut dicit Evangelium, ad magnum universitatis opificium; tibi vero exitiali.

Cur permissio mali non detrahit Deo quippiam; hominem verò constituit injustum.

Nequitia, & inertia est Principis, permittere mala, ex quibus nescitur, nec potest elici bonum: unde permittere mortem innocentis, peccatum est illi; non autem mortem vitulæ, quoniam hinc elicit nutrimentum hominum. Deo autem, qui scit, ac potest ex malis bona semper elicere, virtus est; & quidem Lucretiæ injuria, & mors Decii, & persecutio Davidis, docere possunt, omnes eventus malos esse occasionem boni; & ubi Princeps potest, & scit hoc, itidem facit, quando lex, sapientior illo, contrarium non jubet.

Nota.

Nec te moueat, quod Deus concurrat ad actus peccaminosos, unde Calvinus Deum blasphemare seipsum, cum homo blasphematur, dicere cogitur. Nam Deus dat physicè virtutem agendi, & actionem, & determinationem, citra coactionem, ad actum pium: non autem determinat ad peccaminosum: non enim implanat, ait Eccl. 15. nec tentat, ait S. Iacob. 1. (idem D. Thom. in 2. dist. 25. q. 3. ad 3. & D. August. in Resp. ad ar. sibi impos.) licet postea ordinet peccatum ad bonum.



HOMINEM ANIMO DIVINO IMMORTALIQUE

donatum esse : eique aliam post hanc vitam convenire : ideoque Deum præcipuam illius curam gerere : seseque illi manifestare , per rationes sensatas , ac credibilitatis evidentiam convincentes , novaque , Politici docentur : ac ad melius agnoscendum Religionem elewantur .

CAP. VII.



QVIDEM nunquam hominem meliorem Sole & Stellis & Cælo, si animata sunt, ut Cæli, nedum Virtutes cælorum, laudare nomen Domini dicantur, existimare audeam, ut Philosophorum vulgus credit. Nam ex ratione, & Scripturis, ut etiam Caiet. optimè concludit, pro comperto habemus, Mundi partes omnes tanto præditas esse sensu, vel infuso, vel assistente, quantus cujusque sufficit conservationi. Corpora autem Cælestia etiam intellectiva vivere anima assistente, ac movente, (non informante; quod sufficit ad animam Platonice acceptam, ut doctè S. Thomas observavit,) quæ melius sic vivificare potest corpora illa nobilia, lucida, permanentia, quàm nostra opaca, vilia, ac moribunda. Itaque corpora illa scèlicia esse : propter animos, qui ibi inhabitant, ut Peripatetici multi cum Aristotele opinantur, & Angelicis intellectibus cælestia sic animari, & informari : Origenes, & Philo, & Plato, & D. Hieronymus, aliique multi fortiter asserunt. Et quamquam serviant cælestia homini sicut testum, & signa, & influant lucem, & vitam, & motum inferioribus rebus cunctis, hoc non ostendit, ea esse nobis servos, sed Dei administratorum spirituum organa, & nobis beneficas causas. Quos autem usus nobis præstant, Deo serviendo præstant, nec nobis modò, sed cunctis rebus inferioribus itidem serviunt, influuntque. Et licet res omnis nostri gratia facta sit, tamen omnium aliarum gratia extat. de quo inferius. Et profecto convenit Solio Dei, domicilioque Angelorum sic vivum esse, non autem mortuum, ut quidam opinantur. Idcirco, inquam, Deum illorum curam habere maximam, ibique eius familiam habitare, ipsumque seipsum, & gloriam suam manifestare Intellectibus abstractis in lucidissimis mansionibus non ineptè credunt cunctæ Nationes, ut Arist. 1. Cæli testatur. & Psalter canit. *Deus autem noster in Cælo &c.*

Si cælum, & stellæ sunt animatæ, nobiliores sunt homine, sed homo omnibus præstat cæteris creaturis corporeis.

II. At vidi inter Creaturas, quæ super terram, & aquas, & aerem incolunt, hominem esse nobilissimum; animoque ferè divino, immortalique polle- re. Nec Deo vilitatem esse, sed gloriam, & virtutem, quòd se manifestat homini, eiusque peculiarem habet curam, sicuti sacræ historiæ innumere testantur indubitanter.

Psal. 113.

Et dixi, homo non superat viribus potestateque cætera animalia, cum equus, & leo, & elephas, & bos, & aper, & canes multi, aliaque animalia sint eo robustiora, viribusque vincant. Nec sensibus exterioribus, cum Aquila acutus videat, & longius, & validius; quippe quæ Solem intueri potens est: & Lynceus, & Capra. Canis longius, & melius odoratur venationem, distinguitque odorem hominis, & belluæ. Lupus et sagaciori, et distantiori præstat auditu, sic et mus,

Prima ratio pro divinitate hominis. A præstantia super cuncta animalia, & corporeas res, quàm maxima.

multaque animalia. De Gustu autem, ac Tactu, concretioribus sensibus, certitudo non extat: Quamquam Aristot. affirmet, hominem tactu cetera animantia superare: Vidimus enim Araneam mirabili dexteritate, & gracillimo tactu contrectare, ac texere retia sua, ad captandas muscas. Apes vero mel, & ceram tractare subtilitate multa, distinguentes ea, ac cellas fabricantes mirifice. In gustu vero præpollere illa videntur, quæ rerum sapores discernunt non appposito sale, & igne, alterantibus nativos sapores. Multa autem videntur illis dulcia, nobis vero amara; & multa nobis fortent, odoratu stupido præditis, quæ canibus, sagacissimè odorantibus, olent. Quapropter in obstinatione quis persistens pro brutis, convinci non potest, quod nos tactu meliores simus, nec gustu. Tactu præterea scientiarum sensus non habetur apud omnes Philosophos: quamvis ipse demonstraverim, sensum omnem esse quoquo modo tactum, diversis actum modis in organis diversis. Nec tactu molliores, ut dicunt Peripatetici, licet parum sibi constantes, semper videas sapientiores: sed eos, qui cerebri cellas melius formatas habent, spiritumque tenuiorem, ac puriorem, facilem pati, ac moveri omni motione: quæ non interrumpatur à fuliginibus intervolantibus, nec à cellerrima Spiritus deficientia, ex eiusdem exhalatione subita eveniente continuo, sicut accidit præve reminiscens, tenuissimisque hominibus.

Minor propositio, ab arte mirifica hominis.

Sed è contra invenio in homine tantam sane Divinitatem: quod cum neque pilis, neque plumis, neque squamis coopertus sit, nec armatus cornibus, & dentibus, & rostris, & ungulis, sicuti belluæ; ac nascatur imbecillimus, ita ut nec moveri possit; nec mammillas prensare: sed iners, vilis, plorans, nudus, nil sibi auxiliari valens, neque moveri, sicut cetera animantia: modico tamen post tempore tanta sapientia donatus evadit, quod domat omnia animalia, seipso potentiora vincit; imperat leonibus, elephantis, avibus, piscibus; omnibusque utitur: & de eis sibi servit, & nullis ipse servit: efficit ex illis ovilia, greges, armenta, ea consumit, vescitur; utitur carnibus, fructu, pellibus, cornibus, ossibus, & viribus eorum, & motu, equitando, venando, currus ducendo, pistri nosque. Et quidquid libet facit de illis, deque toto inferiori Mundo; ita, quod eorum quasi Deus apparet. Domat enim metalla, efficit arma ex eis, & instrumenta vincendi lapides, montes, terram, arbores; & ex eis efficit domos, civitates, arces, viridaria, sylvas, & hortos ex arboribus, & herbis; & fruitur cunctis rebus adeò mirificè, quod animal nullum rem minimam ex his unam facere novit.

Pressius argumentum ab arte.

Ars autem hominis sic mirabilis est, quod bene ostendit Divinitatem in nobis. Ambulat homo per mare, sicut per terram; domat Oceanum, & Ventos; ambit terram navigio: Nautica cartha, & magnete se ipsum in tenebris regit: novit sidera, & terras, quorsum vadit. Tonat in bello bombardis, & archibugijs instar Iovis: obedientiam ab equo exigit celerem ad quemcumque actum: Orbem occupat, subjugat, peragrat, intelligit, videt, regit, tanquam Deus ipse sit inferioris Mundi.

Confirmatio prima, ex pyrotechnia.

I I. Verum Ars tractandi ignem; qua domat metalla, totque parat instrumenta artium cunctarum, belli, & pacis: se calefacit: dapes coquit: condit sale, & pinguedine ferarum, & arborum, tanta profecto industria. Et de nocte facit diem in suis habitationibus. Res quidem nulli convenientes animanti, excepto homine; quamvis manus Simia, & Ursus habeant, sed non adeò industres, quia Instrumenta sunt animi diuini scientis uti: utique signum est, mirificè indicans hominis quasi Divinitatem.

III. Sed

III. Scriptura deinde, qua homo futuris, & absentibus, in cartha suas significat cogitationes, & doctrinas, & leges, dans linguam doctissimam rebus inanimatis, longe magis ostendit pius divinæ excellentiæ humanæ. Et longe magis lingua, quam horologio dat ad distinguendum, & significandum, sicuti, & quæ in sphaeris efficiuntur cælestibus: ut omittam interea, quòd quidam volatiles fecere columbas ex inanimata materia, & aquilas, & statuas mobiles, vt pridem in Germania. Et alii non solum Deo Duce, sed paratis sibi alijs artificiosis in aethera volarunt, vt Dedalus, & nuperrimus Calaber. Nec longè absunt ab hac arte portentosi funambuli.

Confirmatio ex scriptura.

IV. Sed longe mirabilius est absque alis in cælum se se attollere: signare in eo Aequinoctia, & Tropicos, & stellarum ordinem, magnitudinem, distantiam, & cursum, & influentias ipsarum particulares: & alijs prædicere, quando erit Ecclipsis luminarium, quatrati aspectus, sextiles, trigoni, & configurationes variae, & magnitudines, & durationes; & pluvias, & ventos, & prælia, & penurias, & mutationes in terra, & in mari, & in aere, tam mira sagacitate. Indicium profectò maximum, quòd pertineat ad nos cælum, quòdque similes sceleribus illis simus Intelligentiis, quæ sursum inhabitant, cælestiaque curant.

Confirmatio ex Astronomia.

In eo autem maximo cum stupore hominis Divinitatem admiratus sum, quòd quando Deus mutationis aliquid in cælo facit, subito ipse homo illud notat, novasque tabulas construit cælestium motionum, elevationum, de pressionum, stationum, retrocessionum, velocitatum, tarditatum, regularitatum, irregularitatum eorum; novosque circulos, & circellos, & librationes, & sphaeras, & excentricitates ad calculum invenit, apponitque: docet, ac metitur Apogeorum mutabilitatem, figurarum stellatarum confusionem, & excurrentia puncta cardinalia, aliaque id genus mirabilia, quæ prorsus eveniunt secundum mensuram calculi, quam sapiens Mathematicus excogitavit. Ecquis non exclamaret in laudem humani animi; sagacitatem adeo divinam in ipso conspiciens?

Confirmatio quinta ex animadversione exorbitantiarum. Vide observationes Abrahæ, Timocharis, Hipparchi, Menelai, Ptolemæi, Albategnis, Arzachelis, Proci, Alfonsi, Peurbachi, Regiomontani, Copernici, Tyconis, & mirabere hominis divinitatem.

Quid quando ex Lunæ parallaxi ejus distantiam venatur, & diametrum Terræ, et ex Ecclipsi pariter Solis quantitatem metitur, et Lunæ, & Terræ simul: & cujusque distantie tantillum sciens, totam ex tantillo venatur, demonstratque? Non ne divinitatem tunc sui Intellectus pandit? Quæ nam, quæso, bellua, vel minimum horum novit? vel ludere saltem latrunculis, aut parvam metiri planetam? Vel &c.

Confirmatio sexta ex metiendi magnitudinem, motum, situm, ratione.

V. Operantur quidem mirifice animalia quicquid eorum prodest usibus: aranea retia, apes cellas, aves nidos: habent Reipub. et religionis quandam imaginem, ut Elephantis: sed hac omnia facit homo longe melius, et adeo plura, ac meliora, quòd non potest videri nisi Deus, si comparetur illis. Inspice, quæ fabricantur retia ad capiendos aves, et elaboratas texturas, picturasque sericeas mulierum, quod non modo cum Aranea contendunt, sed cum tota natura. Cællæ autem à cementariis ædificatæ, et arcæ, et vasa, nunquid apificio Apum cedunt? Quid de navibus, horologiis, typographia, bombardis, de equestri, aliisque artibus non mireris Divinitatem? et tamen hæc omnia rudes homines tractant. Scientiæ autem insuper Deo simillimum faciunt hominem.

Confirmatio ex artificio mechanico.

Mirifica æstimatoria animalium, industriaque est quasi nihil ad diviniorem hominis Rationalitatem.

At ingratus homo cæcusque, æstimat se belluis persimilem: negatque diuinam, & durabiliorem sibi inesse animam. Sibi quidem, & Creatori magnam infert injuriam quilibet Epicurus. Quem à propria deceptione ipsa manus vindicare potest, quæ instrumentum est Intellectus, negata belluis: similiter & vultus erectus, spectans in cælum, indicia sunt manifesta, quòd nobis animus cælestis insit, aptusque conjungi Superis, & operari in terris, quicquid natura ubique ostendat:

Confirmatio.

Ab instrumentis conjunctis.

imitarique. Alia quidem animalia collum longum habent, ut cibum sub aquis desuper capiant, vel serpentes colubros, absque læsione, ut Anates, Cyconæ, &c. Alia verò agilitatem ad cursum, quoniam timida sunt, fugaque se defendere opus habent, aut cibum tenuiorem inquirere, ut Cervus, & Lepus, &c. Alia visum acutum, ut procul videant escam, quoniam in sublimibus habitant, ut Aquilæ. Alia vero alias dotes; quæ sane omnes mortalitatem sapiunt, significantque, & aptitudinem ad conservationem mortalis vitæ. At homo figuram habet, atque manum, quæ ipsum dignum, aptumque adspirare ad cælestem vitam, & divina operari opera, indicant, ut alibi ostensum est: Animumque ad talia natum; sicut si videris instructum cythara, aut falce, dicis aptum cytharizare, aut metere: sic manu, & vultu humano, ad divina aptum.

He rationes probant immortalitatem: priores vero divinitatem omnes commendaverunt.

Probl. sect. 30.

Isai. 30.

Argum. 2. Rationalitate intellectiva, & vera Religione super sensitivâ estimatione animalium longe, & restantior, sicut proprium supra metaphoricum.

V I. Illud etiam admirabilius vidi: quod animal penè omne aliqua pollet præfagitione aliud prævidendi pluvias, ut Corvi, & Boves: Alcyones verò maris tempestates: Formicæ hyemem: Hyrundines regionis apricitatem, &c. Sed hoc est quid valde exile, exiguumque, si respicias ad naturalem hominis prophetiam, quam per Astrologiam acquirit, aliasque per artes divinatorias, & per politicam prudentiam. At supranaturalis animalium data est nulli: solus enim homo se reputat immortalem, religionem retinet, cultumque Dei veri omnipotentis: scit, quæ Deus missurus est hominibus mala, vel bona, non ex passionibus aeris, aut Cæli, sed per revelationem Angelorum & Dei: ejusque sagacitas talis est, quod propriam intelligit immortalitatem: quodque post mortem illi altera conveniat vita, & præmium, & pœna, bene, maleque factorum. Et quidem Aristot. impius, qui alteram vitam non agnoscit, Paradisumque, & Infernum pro fabulis habet, contra piam Socratis, Platonisque philosophiam; nihilominus affirmat prophetias Sybillarum; similiter & Galenus, cui anima videtur mortalis: & quamquam eas tribuant intemperiei atræ bilis; tamen cum atræ bilis, & calor, & aer, & Cælum, sint stupida, insensataque entia juxta ipsorum decretum, cognitionis expertia, non possent cognitionem nobis largiri futurarum rerum tam mirificam. Nec si sensu polleant exquisito, ut Telefio, & Hipp. & Anaxagoræ videntur, possent Messiam prophetasse, & sæculorum novitatem, ut nostris cum Vatribus etiam testatur Cicero, & Plato, & Plutarchus, & alii innumeri de Sybillis; neque tot Regnorum destructiones, & Religiones, & Resp. quin etiam nominatim, ut Isaias de Cyro prophetavit. Quæ omnia tribui partis inferioris passionibus nequeunt, ut habetur in Metaph. sed bene parti illius divinæ, cui Deus influit cognitionem arcanorum suorum. Stellæ quippe, & aer tot ante sæculis præsentire, ac significare ista nequeunt, ut alibi ostendimus, cum præsertim arcana sint providentiæ, non autem provisarum creaturarum. Et quid dices, ô Aristot. quando apparent Prophetis visibiliter vigilantibus Angeli, & loquuntur cum eis per horam, ut Zachariæ, Petro, & aliis, ac novissimis Sybillis, Catharinæ, & Brigidæ evenit? Numquid hoc extra se facit calida atrabilis, quæ intus potest tantum: itidem & pauca? si negas historias: euentus, & rei natura te condemnat, ut in cap. 11. 13. 14. & 16.

V II. Vidi etiam omnibus prope belluis aliquem inesse umbratilem discursum sensitivum, non autem mentalem; aliquamque sagacitatem prophetalem, & quasi Religionem naturalem, circa res pertinentes ad mortalem vitam tantummodo, non autem ad immortalitatem. Aliter enim contemnerent cibum, & coitum, & seipsas, totamque mortalem vitam, ut facit homo deditus Religioni, & contemplationi. Hoc ergo indicium est magnum, homini immortalitatem convenire.

nire. Natura enim non dat curam superfluum, & continuam anxietatem illius rei, quæ non convenit illi, cui dat ejusmodi curam. Profectò infelicitissimus esset homo supra belluas, vivens perpetuò sub timore Inferni, & ambitione Paradisi, jejundo, affligendo seipsum, inquirendo, colendoque Deum, & legibus se se astringendo; nisi aliud sibi bonum conveniret, quàm quod brutis: quæ hac vita fruuntur expertia sollicitudinis tantæ, liberaque spe, metuque inani.

Nec bona temporalia sufficientia sunt Religionis præmia. Religiosus enim contemnit corpus, & honores, & delitias, & rem, ut contempletur, colatque Deum. Omnis autem scientia est Religionis particula; ac partim hosce effectus quælibet contemplationibus efficit. Nec scelesti, ignarique decepti tantum hoc munus obeunt, sed sapientissimi hominum, & optimi. Contemnere igitur hanc vitam propter fiduciam in altera meliori, cum vanum non sit, affirmandum est evidens nostræ immortalitatis indicium.

Nec quidem caliditas, tenuitasque spiritus atrabiliosi hoc vanum in nobis consilium ingenerare posset. Nam veri sapientes id consulunt, operanturque, non autem sophistæ: Item pii, justique, non autem impii. Et illi dicta sua comprobant miraculis, & sanguine, & manifestis experimentis, & alloquutione Superiorum. Nec invenias qui velit pro Arist. dogmate, aut Galeni, mortem subire: sed pro Christo, & eius nouo & antiquo Testamento millies mille. Et quanquam alii Legislatores falsi ita sibi cõpararunt fidem, & amorem populorum, quòd multi pro eis subeunt mortem: subeunt quidem solum in quantum credunt, veram esse Religionem alterius vitæ; ex quo innotescit, quòd à quocunque alta veritas prædicetur, vires mirificas habet ad convincendum judicium humanum: & sic Religio vera ad evidentiam suæ credibilitatis erigendam: mendacium verò subsistentia, atque certitudine ejusmodi caret.

Quapropter inquam, quòd cum omnis rerum sensus, & scientia sit quidam splendor, vel opacatus, lucis primæ sapientiæ, idcirco animalium cognitio indidem dependens, nostræ aliquo pacto similis extat: Itaque habent quodammodo Religionem, prophetiam, medicinam, militarem, Rempub. (& ut Lactantius, Ofius, Plutarcus, Porphyrius, alique asserunt, sensualem discursum, quem S. Thomas vocat æstimativam) sed ita valde inferiores nostris, quòd debent vocari metaphoricè, quippè relatio his est omnibus ad præsentem modò vitam. Heliotropia herba Solem colit, & cū eo amorosè gyrat; oliuæ, & tiliæ, & salices, & lupini comas ad Boream vertunt, dum Sol ad Tropicum Cancris properat; & cum eò pervenit, convertiturque ad Austrum, ipsorum quoque eorū vertuntur in Austrum. Multæque sequuntur Lunæ motum, seu longitudinalem, seu latitudinalem: & folia diebus crescentis Lunæ pares crescunt numero, & cum decrescēte minuuntur. Sic aliæ aliarum Stellarum: & lapides, et belluæ, cum eis sympathiam habēt. Porro Elephanti Lunæ genuflectunt, et se lauant à coitu, quasi lustraturi. Et Apes æstimandæ sunt Religionis umbratilis participes, quando & fucos habent quasi Sacerdotes; & excubias, & intimationes ad dormiendum, surgendum, & operandum: Formicæ in interluniis ferias. Sunt animalia, quæ colorem mutant augentque crescente luna, & deficiente minuunt, in India. At ergo istorum umbratilis religio extenditur tantum ad præsentis vitæ commoda: alioquin nobiscum communicarent in tanto negotio, sicut nos cum Angelis. Item propter pratum, & coitum omnia missa faciunt, spernuntque. Sensu ergo, ac sensuali passione ad ista ducuntur (quidquid indoctè fabuletur pro eis Mahomeres.) Agnoscetes Aves Solis benedictum, qui ipsos ad propria excitat opera, & timores tenebricosæ noctis expellit.

Argum. 3.

Ex Religionis promissis, & assecutione non inani.

Ex humoribus, sensualique portione animæ Religionis studiū insurgere handquaquam posse: Nec probationes ejus aliunde, quàm à Deo,

Argum. 4.

Ex differentia veræ Religionis, & rationis humanæ a brutali, umbratili, caducaque spectante.

Triplex cultus declaratus in cap. 9.

M. Alb. in lib. de homine scilicet gustus, & tactus dat plantis: ut olim Pythag. & Niphus post.
8. in Matt. 1. 2. q. 109. art. 3.

Negare manifestas Veritates, est suspicionem de incertis nutrire. Et inimicum in sua confirmare opinionem.

Argum. 5.
Ex Dei cum homine commercio, & amicitia, & revelatione. probanda in c. seqq.

Argumentum à revelatione roboratur.

pellit, ei arident canuntque Elephantum: verò amant Lunam, quæ ipsis noctu suas ad operationes lumen præbet. Idem Lepores forte faciunt, quia nocturni sunt: Herbarum vero convolvuntur ad sidera tanquam propter voluptatem, quam in se percipiunt ab ipsorum radiis, eas penetrantibus; & propter quasi sensum, qui in eis excitatur. Sed nequaquam asserendum est invisibilis Mundi Monarchæ inesse in eis notitiam, aut amorem, nisi sicut Hier. & Tho. dicunt; *Omnes creatura sentiunt Creatorem imperantem; et, Amant plusquam se ipsas*, diuino instinctu &c. Hoc enim, moventur ad opera omnia, concurrente Deo intrinsecus ad eorum actiones cunctas. Omnia namque sunt à Deo, per Deum, & in Deo; Et propterea Ecclesiastes cum numerasset Elementa, & omnia opera Dei, subdit; *Omnia hæc virunt, & in necessitate obediunt ei*. De his in c. 9:

Et hæc cogitans, eorum inculcavi zelum scientiæ inopem: qui negant discursum syllogisticum (umbratilem) brutis, positum à D. Thoma, & Basilio, & Lactantio, & Ambrosio, & Philopono, Themist. & Avicen. & Arist. in 1. Metaph. ubi etiam D. Thomas probat, quod omne animal habens memoriam, habet prudentiam, quæ absque discursu, vel sensitivo, non est; quæ vocatur æstimativa: & qui negant Religionis elephanticæ analogiam, & prædictionem, quasi prophetiam, avium, nè forte cogantur eis rationalem immortalem animam concedere: Unde Macchiavellistæ implentur malitia, quia negantur eis manifestæ veritates. Et dixi, Si concedunt qualemcumque prophetiam naturalem brutis, cur non etiam, consimilem rationalitatem sensualem, & ut supra diximus, metaphoricam? In Iob. cap. 38. dicitur. *Quis posuit in visceribus hominis sapientiam? Et quis dedit Gallo intelligentiam?* & nunquid non recte dicit Eccles. 1. à Deo prima sapientia est omnis sapientia, quam effudit super omnia opera sua? Quod si ita est; similis est in cunctis proportionaliter. Divinitas ergo hominis ex horum proprietate, & aliis principiis venanda est, ut facimus nos; & non à negatione alienæ entitatis. Immortalitas vero jam ex eisdem patuit.

V I I I. Verum enimvero argumentum Iesu Christi contra Sadduceos, evidenter convincit super omnia efficacissimè immortalitatem animorum. Si enim Deus Moyse se manifestavit dicens, *Ego sum Deus Abraham, Deus Isaac, Deus Jacob*, existimandum omnino est Abraham, & Isaac, & Jacob vivos esse. Secus enim dedecus, & probrum Deo esset, vocari Deum non entium, & mortuorum. Hoc autem valet ad omnes. Cum enim declaraverit se Deus hominibus patrem, ac Deum ipsorum: ignominiosum esset ei dici Deus, & pater illius entis, cui brevissimo tempore convenit in vita manere: at postea in morte permanendum est in æternum. Quod autem Deus se hominibus ita declaraverit, in superioribus ostendimus, & inferius magis patebit: Quod scilicet id negare major est impudentia, quam negare Romam in Mundo esse. David quoque isthoc argumentum perpendit, cum dixit, *Domine quid est homo, quia innotuisti ei?* Et profecto idem argumentum perpetuum bellum gessit in animo meo: & vires vehementer exercuit in considerationibus meis. Dicebam enim: Quid nostri indiget Deus, quod se nobis velit manifestare, & insuper fieri homo? Sed contemplatus deinde, quod Deus fecit Mundum, cujus non indigebat, tanquam indigeret, & tot lapides, feras, plantasque fecit, tanquam illarum indigens, cum non indigeret, sed tantum propter suam ingentem bonitatem: quæ non invidet esse rebus, quas novit posse esse, etiam intra suam infinitatem, sed omne quod vult esse, ex possibili deducit ad actum, juxta mensuram suæ possibilitatis in mente ideali Altissimi prævisæ: sic negandum minimè itidem est, quod hominis nihil indigens, se tamen homini ostendat (sed de hoc rationes plures in Metaph.) quodque homi-

hominem, relinquentem cultum veri Dei, permittit Deus servire lapidibus, & serpentibus, vilissimisque rebus, ut agnosceret, quid interest Altissimo seruire, ac rebus abiectis. Ac deinde misericordiosissime eodem omnia mala experto, opem tulit. Religio analogica ergo bestiarum est servire creaturis, melioribus se, à quibus mortalia consequuntur bona. Hominis verò Creatori, à quo etiam immortalem sperat felicitatem, quam nulla creatura dare potest, quin neque immortalitatem, vel felicitate carentem.

Præterea grave argumentum pro hominis immortalitate in Philosophia nostra scripsimus. Nullus effectus super suam causam elevatur. Si igitur Anima humana esset *elementorum temperies*, ut Galenus affirmat, plurimique Peripatetici, aut *harmonia*, aut *sanguis*, aut *forma materialis*, aut *aer spiratus*, ut alii dicunt, aut solummodo *Spiritus calidus tenuis sensitivus* Telestii (licet is etiam addat *Mentem à Deo immixtam*) ingenuus & Sole: Nequaquam posset homo intelligere plusquam elementa, & Solem, nec appetere rem infinitam, neque super elementa; ut experimur in brutis; quæ aliud non attendunt, quam præsentem conservationem, nec erigunt se ad contemplationem sensui superiorem. Sed homo non solum intelligit Elementa, & deinde Solem, sed vagatur superius, & deinde magis supra cælum, & adeò superius imaginatur, quod in infinitum excurrit. Unde Democritus, & Epicurus, qui immortalitatem negant, nihilominus affirmant esse infinitos Mundos extra Mundum nostrum. Indicium profectò evidens, quod anima sit spiraculum, & scintilla, & genus, (ut Apost. dixit) *Infiniti Dei*.

Argum. 6.

Pro hominis immortalitate ex immensitate intelligentiæ.

AG. 17.

Porro verè extenditur Judicium Intellectivum ad hæc extra cælum infinita: sicut Sensus Visus ex imagine Stellarum intromissa oculis extenditur usque ad Stellas.

Nec, ut Arist. docet, vana imaginatio est hæc. Etenim ex similibus ad alia, similia syllogisticè procedere in infinitum, non est opus caducæ, vanæque rei, sed intelligentiæ altissimæ: quæ eousque se se erigere potest. Hoc autem in Mathematicis mensuris palam fit: ubi huiusmodi argumentatione arcana, natura, magnitudo, situs, motus, periodi, aliaque reconditissima Cæli, & Mundi attinguntur. Non ergo vanitas est, sed divinus animæ effectus. Et licet multa falsa imaginemur in hac extensione: tamen extensio non est falsa. Nam verè extenditur ad infinitum, quodcumque sit, infinite Imaginatio. Non enim vanitas nostra potest plura invenire, quam natura habet: cogitamus ergo hæc sub infiniti Dei lumine. Igitur cum homo supra Solem, & supra Mundum se se erigat, Anima ejus non erit effectus elementorum, & Solis, sed causæ longè superioris, & infinitæ.

Argum. 7.

Ex universalis, temporalis, & entis notitia.

Idem probatur ex intelligentia præteritorum, & futurorum, & uniuersalium, & Idearum; quæ non posset considerare sensus materialis, huic, & nunc alligatus organo, hoc tempus pro sua duratione habens, & has singulares entitates pro sua notione. Cum ergo circumdet omnia tempora, & omnia corpora, & uniuersalia faciat, & sapiat sempiterna, non corruptibilia, ad uniuersalis Causæ æternæque pertineat genus, & gubernatum, oportet.

X. Idem ostendit immensitas humani appetitus, cui non sufficit prædium, atque domus una, neque Regnum unum, neque tria, neque mille; & quò plura possidet, plura cupit. Verumque ac dignum fuit Alexandri Magni desiderium possidendi Mundos alios, quos Democritus reperiri prædicabat; magnanimiterque suspiravit, quod neque unum ipse suæ adhuc subjugaverat ditioni. Indicium evidentissimum, quod bonum mortale, finitumque nullum, sit adæquatum voluntatis humanæ obiectum: sed solummodo Deus, bonum æternum, immensumque. Quamobrem quique sapientissimi intelligentes, se non posse caducis saturari bonis, finitisque:

Argum. 7.

Ex immensitate voluntatis.

tisque : conatu summo investigare Deum, infinitum Bonum aggressi sunt : Ideoque contempnere uxores, filios, venerem, bacchum, & rem familiarem, omnemque voluptatem missam fecere, ut invenirent aeternum Bonum, quod omnis appetit Anima; procuratque sibi per libros, statuas, ædificia Civitatum, & Turrium, & Pyramidum, & Templorum, per famam, & legem, aliaque huiusmodi, quæ immortalitatem promittunt : sed cum sint & ipsa hæc caduca, decipiunt. Sapientes autem, pique soli, per Deum, ac in Deo aeterno æternari modò se posse agnoscen-tes, ipsum agnoscere satagerunt, & adorare, & admirari, laudare, & obsecrare. Hinc extat religio, quæ est ipsamet vera sapientia, teste Iob. *Colere Deum sapientia est* : & David. *Initium sapientiæ est timor Domini*. Idem enim est timor Dei filialis, ac Religiositas in sacris Scripturis : quæ in solo Deo contentam facit Animam.

Ex proprio deside-
rio, qui negant, simul
probant sui immor-
talitatem.

Argum. 8.

Ex potestativo Ani-
mæ.

Hem scelesti Macchiavellistæ (exclamare capi quando hæc consideravi) credite saltem vobis ipsis, dum quæritis Regnum, & Dominium, quo vos æternitatis im-
mortaliter, verè vos esse immortales.

Idem potestas animæ demonstrat, quæ nullis corporis cedit tormentis, & doloribus, nec Tyrannorum metui, & blanditiis, ut Attilius Regulus, Scevola, Aristogiton, & alii sunt testes: nedum Martyres Christi. Si autem Anima corporea esset, vel corporis harmonia, aut temperies, statim vinceretur corporeis malis interëptivis, &c.

Nil mirabilius fecisse videtur Deus, quàm in pugillo cerebri Animam includere vastissimam : quæ super omnes, si essent, Mundos intelligit, appetit, capit, & potest, ut in Metap. Ergo hic non est verus locus animarum, sed apud Deum.

Argum. 9.

Ex pudore.

Præterea Verecundia, & Pudor, quæ vilis passio non est, ut indoctis apparet, sed custodia contra vilitatem, & mortalitatem, manifestè indicat, hominem Angelica excellentia, atque immortalitate supra elementa, supraque bruta præstare.

Siquidem non modò verecundamur de peccatis contra legem, seu rationem, divinam, & naturalem, & humanam, quasi à rationali in brutalem naturam visi cadere : sed etiam de parentela infami, imò de abjecta, & paupere, & de patria vili, quin de rupto calceo, de camisia sordida, de verbo inepto, dante aliis occasionem peccati, aut vilipendij; hinc omnem impotentiam, omnem ignorantiam, omnem malitiam in se exhorret, aut tegit; & vilitates politicas, & morales, & naturales, tanquam suam excellentiam dedecorantes, Mens odit humana. Quo circa ad mortem pro honore pugnat, quasi honos propriæ excellentiæ sit pluiquam vita corporis, & esse. Id quod elementa non faciunt, nec bruta, nisi umbratili modo. Leones de fuga, & Simii de contemptu videntur verecundari propter umbratile participium primalitatum. At insuper homo verecundatur de cibo, & potu, tanquam de testimonio mortalitatis : cibus enim medicamen est contra mortem individui; propterea homines non palam, ubi possunt, sed intra domum manducant, & bibunt, præsertim Sapientiores, & Religiosi. Magis autem mortalitatis sunt, & sorditiei, & aliorum excrementorum emissionem, quoniam niam mortalitatis speciei est medicamen. Horum nec elementa, nec bruta verecundiam habent; ergo ab istis principiis mortalibus pudorem non contrahit homo, sed aliundè Mens ipsi divina inest, immortalisque : proptereaque molestissimè fert abjectæ, mortalisque vitæ non conveniens sibi consortium; non enim odiret, quod naturale est, nec puderet. Præterea etiam cum à nemine videtur homo, proprias imperfectiones considerans, verecundatur, & dolet : & cum malè cogitat, aut malè operatur, aut malè patitur, mirificè, supra quàm passio fert, ipse sibi passionem facit, & displicet. Siquidem ut Horatius ait

.. Stat

, Stat contra ratio, & secretam gannit in aurem.

& Cicero. Nullum theatrum majus conscientia &c. Hoc autem ab Elementis non habemus, quæ non judicant de culpis; ergo à divinissima Causa, longè præstantissima, quæ maculas omnes in excellentissima sui imagine abstergendas, puniendasque decrevit.

XI. Verumtamen ego Intellectus humanus fluctuans, argumentum nullum certius, sensatumque magis, inveni, quàm experimentum aliorum, atque meum circa Angelos. Nam vulgus me dubium fecerat, dum plurimi, quos ego non videbam, se vidisse has creaturas affirmant, ac Aristot. eas negat. Post examinatas multorum factas apparitiones, dixi, Si Dæmones nobiscum tractant, nos quærentes decipere, Angeli verò iuvare; verissimum est, nos esse immortales, ac post mortem ituros esse in societatem illorum, aut istorum; prout illis, aut istis nos per opera, & affectus reddidimus similiores. Terra quidem deorsum vadit, ignis sursum: ergo & anima illuc, ubi suam habet cognationem, cum sit extra locum suum. Quapropter existimavi veras historias eorum, qui Angelos, & Diabolos, & Animas defunctorum sub aliqua specie vidisse, & allocutos esse firmiter testatur.

XII. Tandem certitudo maxima, quam viri sancti habent de Animæ immortalitate; quam & miraculis, & revelationibus, & mortis cupidine ostentant; argumentum est efficacissimum. Non enim æstimare licet, Deum permittere, quòd decipiantur homines quique sapientissimi, sanctissimi, & optimi in Mundo per illusiones: at curet tantum, ut non decipiantur impiissimi Epicuræi, & Macchiavellistæ: & genus hominum hoc, quod est Mundi pestilentia, attingat veritatem: quod verò est sanitas, & felicitas Orbis terrarum, corravat in falsitatem.

XIII. Argumenta autem Arist. pro Animæ immortalitate, aut non extare, aut vana esse, aliquibus etiam Peripateticis visa sunt, adeò quòd me in contrarium potius adigebat, sicut Cajetanum, & alios Græcos, & Arabes, & Latinos. Et posito, quòd sit verum fundamentum ejus, non concludere. Ait enim: quòd quia Anima habet operationem non communicantem cum corpore, quod est intelligere, contingit ipsam separari sicut incorruptibile à corruptibili. Et tamen probat, nunquam sine phantasmate posse intelligere, nec posse non esse formam corporis. Nec (addo) si absque illis intelligat, sit incorruptibilis, sed tantum separabilis. Nam quia nauta habet aliam operationem, navi non communem, potest ab ea separari: sed non propterea est incorruptibilis; Et spiritus quidem corporeus insidet, ut nauta, & tamen in aerem evanescit. Nec quia intelligit universale, sit aliud à sensu corruptibili. Nam universalis notitia est puerorum, & à longe aspicientium, & singularitates discernere nescientium. Ideo illi appellant omnes homines patres; Et isti à longe visum Socratem, dicunt esse animal, & hominem, & postea propè, Socratem. Vnde S. Thom. in 1. p. probat Deum, propterea cognoscere singularia, ac minutissima omnia, quoniam cognoscere universale, est confusum, & diminutum: & omnis philosophia, & Angelorum, & Dei cognitio intellectualis, probant posse intellectum particularissimam, & minutissima percipere, & in hoc sapientiores esse. Intellectio universalis ideantis indicat immortalitatem. Arist. hoc negat, solumque universale ideatum proprium pueris, & brutis agnoscit: quod nihil est, aut posterius rebus: ut alibi probauimus.

Nec datur intellectus activus ea ratione, quòd in artificiatum aliud agit, aliud patitur; utque universale spoliatur particularitatibus: nam in naturalibus idem agit, & patitur calor, & ignis quando urit, & quando sursum se movet. Actio transiens requirit passum distinctum, non autem Actus, ut in phys. probatum est. Nec uni-

Argum. 10.

Ex apparitione Angelorum, & Animarum, quæ infra probabitur &c.

Argum. 11.

Ex bonorum, & Sapientum testimonio, supra testimonium scelestorum & ignorantium.

Ex errore, & inconstantia Arist. confunditur Macchiavellista, negans cum Arist. Religionem, & Animarum multitudinem immortalium. Lib. 1. & 2. de Ani.

universale realiter separatur, sed sentitur similitudo absque dissimilitudine, ut pomi odor non viso colore; quæ eveniunt non ex actione alicujus substantiæ abstractæ (vnde Peripatetici multi concludunt falsò unitatē intellectus omnium hominum.) Sed ex natura organorum diversimodè affici aptorum: & ex parva impressione singularitatum, in quo differunt; & multa universalitatis, in quo conveniunt, ut etiam Durandus, & Scotus advertere, de quibus vide Metaph. Quapropter logicalia, & vana videntur, quæ dicunt de Anima immortalī, & intellectu abstracto, & unico propterea in cunctis hominibus Alex. & Themist. & Simplic. & Philoponus, & Aver. & Avic. Peripatetici. Nos verò adduximus argumenta sensata hic, & alia multa in lib. de Sensu Rerum, & in Metaph. & in Quæstionibus Physicis, ex experientia certa manantia: quæ me, atque omnem intellectum convincere debent de multitudine, & immortalitate Animarum.

Omnia verò argumenta, quæ Animæ mortalitatem suadent Lucretio, & Gal. & Peripateticis, facile nostra Philosophia solvit, dicendo, quòd Anima, quam Deus infundit, inseritur Spiritui animali corporeo, tenui, mobili, sensitivo, ejus vehiculo, (ut S. August. Ambros. Lact. Greg. Nyss. & D. Thomas etiam docet) totum verò deinde corpus possidet, sicut lux aerem: non dependendo à corpore; sicut lux informat aerem non dependendo ab aere, ut S. Ambros. docet in libro de Bono mortis. Est enim infusa, & non confusa Mens corpori, & Spiritui animali, quamquam instrumento utitur, ut ipse dicit: & dum maculatur iste spiritus corporeus, vel decipitur, vel in rabiem agitur, aut ebrietatem, vel furorem, (ex quibus affectibus probat Gal. & Lucr. Epicurus, Animæ mortalitatem) Anima, quæ ex eo indita est, patitur & ipsa eisdem affectus; quamquam enim sit immortalis, est tamen passibilis per aliud patiens, cui involvitur. Itaque omne argumentum petitum à deceptione, oblivione, diminutione, augmento, & passione, quæ mortalitatem ostendunt; solvitur attribuendo has passiones Spiritui illi instrumentario per se; Menti verò à Deo immissæ, per accidens. Non ergo Galenus tantopere ea torqueatur ratione, quòd Cicuta occidit Hominem, unde arguit Animam esse calidam temperiem: Spiritus enim corporeus affligitur, moriturque solus. Anima verò non potens absque illo regere corpus, discedit à domo diruta, ubi amisit commoditatem habitandi. Anima autem non dependet in esse à corpore, cui est infusa, ut ait Ambros. sed non confusa, sed in sic operari. Nec Lucretium vincat labor, dolor, tedium, somnusque contra immortalitatem; hæc enim passiones sunt Spiritus animalis, ut dictum est per se; & Theophrasti anxia quæstio, itidem solvitur; de quo alibi &c.

P R A E T E R E A quæcumque moriuntur, aut habent contrarium, à quo corrumpantur, aut ex contrariis componuntur, in quæ dissolvantur: aut sunt corpus, quod dividitur, & perit, idest per alia it corpora, comminutum in frustula: aut accidens sunt: aut formæ elementatæ, quæ corruunt: aut annihilantur, corrumpente elementatione, & subiecto. Mens humana horum nullum est: ergo non est mortalis.

Probatur minor. Essentialitates, seu Realitates, seu Primalitates, quibus essentiat Animæ, sunt Potentia, Sapientia, & Amor; Sed hæc non habent contrarium: ergo, nec Anima habet contrarium. Probatur minor. Anima enim omnia potest, omnia scit, omnia vult. nec quippiam suo potestativo, aut cognoscitivo, aut volitivo contrariatur. nec ab aliquo nocetur physice per se, quo minus possit, sapiat, & velit: ergo. Præterea potest, sapit, & vult omnia contraria, calorem, frigus, humidum, siccum, cælum, & terram, motum, & quietem, &c.

corpo-

Unde resolvuntur
argumenta Lucretii
& Galeni, & Peripa-
teticoꝝ contra im-
mortalitatem animæ
humane.

Ad Gal. arg. in lib.
de plac.

Ad Lucr. arg.

Ad Theophr.
in q. phys.

Argum. necessari.
Appendix.

Probatio quòd Ani-
ma non habet con-
trarium.

Animam essentiali
Potestativo, Cogno-
scitivo, & Volitivo,
etiam Theologi ma-
jores sensere.

S. Aug. 10. trin. c. 11.
M p sen. d. 3. D. Tho.
in com. & 1. p. q. 97.
Amb. lib. de dig. Ho.
Rich. in opusc. ad D.
Bernard. Damasc. de
fid. ort. lib. 2.

corporea, & incorporea: ergo nullis est contraria; si omnia percipit. Hoc enim non inde fit, quod ex eis componitur, ut putat Empedocles, & Galenus: alioquin extra illa sciret nihil: imò nec illa, cum sint scientiæ expertia, darent animæ, dum componuntur, ut sciret; potest autem scire omnia; non ergo propter hoc quod componitur ex omnibus; Sed quia est imago, & spiraculum, Factoris omnium, corporum, & incorporeorum, ut Metaphys. docet: & mox patebit: ergo &c.

Resp. ad object.

Opponuntur quidem Potentiæ, Sapientiæ, & Amori, Impotentia, Insipientia, & Dissamor. Sed ista non sunt opposita activa, sed negativa, vel priuativa; quæ non sunt, nec agunt, nec fiunt, nisi alio deficiente, vel præinsunt ex participio Nihili, quod non agit in rem factam, quam terminativè, non destructivè, circumdat. ergo non datur contrarium Animæ destructivum.

Cum autem obiiciunt, Animæ contrarium, quoniam nimio æstu, phrenesi, delirat, nimio frigore stupefcit: labore minuitur: Aegritudine patitur in Potestativo, in Congoscitivo, & in Volitivo: & mutatur cibus, vino, cicuta, usque ad mortem: puerascit, juvenescit, senescit secundum ætatem: ergo corporea est; & habet contrarium dissolutivum substantiæ, & Primalitatum, sicut in animalibus ita in homine. Respondeo: quod istæ passiones sunt Animæ, quatenus corpus informat, inhabitatque, non perse. In corpore autem humano non modo Mens immortalis, sed etiam spiritus animalis inhabitat, subtilis, corporeus, mobilis, calidus, participio Primalitatum donatus, idest vi, profensu, & appetitu, per quos communicat Mentis primalitatibus, scilicet, Potentiæ, Sapientiæ, & Amori; Sicut communicat sanguini, & solido in corporeitate, calore, cæterisque qualitatibus elementaribus, non tamen oppositis, ut vult Galenus, componens calorem nativum etiam ex frigore, humore, & siccitate, alibi reprobatus. (Hunc spiritum agnoscit Hip. Gal. Arist. Telef. Stoici, & alii Philosophi. Itemque Theologi Aug. Ambr. Lactan. Chrys. Greg. Nyss. Thom. Alb. & alii) idcirco alterationes corporis spiritum alterant, & per spiritum mentem afficiunt ita, ut non possit, hoc instrumento deficiente, corpus regere, & propterea languor, delirium, imbecillitas, nativitas, augmentum, & diminutio in spiritu fiunt: quæ videntur menti in esse. Mens autem per se non læditur, sed per accidens, quatenus spiritus tenuitas, lux, calor, motusque læduntur: à quo ipsa recipit phantasmata seu notiones, dum corpus informat: cui per spiritum, quasi vinculo vitæ, copulatur, ut bene Ambr. & Telef. & Aug. & alii, experientia duce, docuerunt. Mens autem, cum non sit corporea, nec qualitatibus elementaribus prædita, sed puris Primalitatibus essentietur, expers mortis in se est, quippe contrario carens.

Galenus in 9. phys. reprobatus est.

Hipp. de form. fer. Gal. in com. & lib. de facul. Aristot. 2. de gen. an. cap. 3. & de causa Mot. Telef. 4. & 5. de Rer. Na. Aug. 7. & 12. super Gen. Amb. lib. de Isac & An. & de Noe, & Arca, Lact. lib. de opif. Chrys. in p. Thef. hom. 11. Nyss. lib. de Viribus An. Thom. 4. cont. Gent. c. 20. & 47. Alb. lib. de Hom. & 1. Metaph. Tract. 1.

Quod autem Mens ex puris Primalitatibus essentietur, sicut Intelligentiæ celestes apud Peripateticos, & Angeli apud Plat. & Genij apud Plutar. ex eo probatur. Quoniam de ratione Mentis in quantum Mens est, non est esse corpoream, calidam, frigidam, humidam, mobilem &c. Sic enim soli, & omni menti hæc perse convenirent: at istæ sunt passiones elementorum & corporum physicorum. Ergo non mentis, ut Mens perse. Nec homo tam barbarus quispiam fuit, qui hæc de essentia Mentis esse diceret. Præterea quando Anima potest, sapit, & vult, operaturque animastice, non per hoc incalescit, aut frigescit, aut humescit, aut agitur: alioquin omnia corpora, dum calefcunt, aut liccescunt, aut moventur, intelligerent, vellent, ratiocinarentur, ergo &c. Fiunt aliquando istæ passiones dum anima contemplatur, aut appetit valde: quoniam communicatur spiritui suo instrumento mobili, calidoque, ejus operatio (qui ea commotus dilatatur, unitur, exar-

descit, Probatio primi assumpti. Sed latius in Metaph.

descit, minuitur &c.) ac proinde corpori. Et sicut ab exterioribus ista patitur corpus, similiter patitur alterante Animo propter maximam unitatem. Cum quo stat, quod non sunt de ratione volitionis, & appetitionis. Tanta autem est Potentia Animæ à se, non à spiritu, solidovè, humidovè, elicità, ut etiam & spiritum, & sanguinem, & corpus immutet. Unde vehemens imaginatio timentis, dum res formidabilis non adest, sed ipsa per se imaginem formidabilem fingit, ut corpus canescere & mori coegerit, sicut patet ex 4. lib. de Sensu Rerum. Aliquando etiam delirare: omnesque passionis promit. Aliquando præsente formidabili objecto ipsa minus apprehendens, minusque imaginans, nil timet, ut nec inexpertus puer colubrum. Igitur Anima ut Mens est, non modò non calefcit ab exterioribus, nec frigescit, nec movetur, nec quietatur, nisi per accidens, sic affecto spiritu. Sed nec ad proprios movetur actus, idest ad posse, scire, & amare, causaliter elicitivè, sed occasionaliter tantum. Et propter hoc Platoni est Numerus, seu Ratio, seipsum movens. Non enim lapis objectus docet oculum, & mentem, quid sit lapis; sed dat occasionem inquirendi quid sit: nec pondus & arduum negotium Animæ movendi se præbet vim, sed occasionem. Nec mulier præsertim pudica & nescia, sui amorem facit in amante, sed occasionem amandi offert. Ergo ad proprios actus Mentis ut Mens est, nec ut corporata est, movetur ab objectis, quoniam nobilior est illis: sed ex se elicit vim, Judicium, & appetitum.

Resp. ad object.

Si quis autem diceret, Primalitates has esse corporatas & participatas modò, sicut in spiritu animali, qui animat sensualiter bruta, veluti aer lucidus, idest sentiens, ut loquitur S. Aug. 7. super Genes. facile refellitur ex his, quæ dicta sunt de religione, artibus, & divinitate animi humani super animos brutorum, infinita in intelligendo, in potendo, & in appetendo, excedente omnia corpora, & Mundos innumerabiles, & omnia tempora, & loca, & idæata, usque ad ideas rerum: quod non impressis & particularizatis convenit virtutibus, ad hic, & nunc, & ad hæc contractis; Sed prorsus abstractis super corpora, & loca, & tempora: quæ tria coarctant Animos, impediuntque à divinorum perceptione, ita ut omnia corporaliter, temporaliter, & localiter intelligant. Mens tamen supererigitur.

Animam non componi ex contrariis.

Quod non sit composita ex contrariis, in Metaph. probatur, quoniam elementa contraria non conciliantur, oblita sui, ad faciendum unum aliud, præsertim melius se ipsis, dissimillimumque. Nec enim castigata possunt plusquam vigentia, sed minus; quidquid Alexander & Pomponat. delirant: Nec animastice sapiunt, aut volunt, aut possunt: quomodo ergo dabunt Animæ sapere, velle, & vigere? Præterea in quantum Anima, constituitur ex Potentia, Sapientia, & Amore; quæ contraria non sunt: sed una res, ut probatur in Metaph. distinguuntur autem ratione, conceptibus formalibus, & relatione. Voluntas enim, intellectus, & potestas animi, habent actus distinctos, velle, scire, & posse: tamen vna res est, quæ vult, scit, & potest. Et hæc Primalitas omnis est in illa, & è conuerso: propter identitatem realem. Non est ergo compositio dissolubilis ex eis, sed essentatio insolubilis, ut in Metaphys. expanditur.

Animam non esse corpus.

Quod Mens non sit corpus interfectibile, probatur quoniā ejus posse, & intelligere, & amare excedit non modò corpus, quod inhabitat, regit, informatque; sed etiam cælum, & terram, & mūdōs innumeros: sicut ex modica quorumvis occasione sensibilem facere nos experimur, ut supra probatum est. Corpus præterea insensatum per se, iners est, passivumque: Mens verò activissima, omniscia, artificiosa &c.

Anima non esse accidens.

Quod non sit accidens innatum aut illatum, eisdem rationibus patuit: quoniam accidens, ut harmonia, & temperatura, & motio, non egreditur extra subiectum

Animam suam nec potest movere primitus : Sed moveri. Nec constituit esse substantiale : Mens autem essentiat hominem . Et extra Mundum porrigitur , & movet primitus. Nam et si objectis sensuum ciceretur ad considerandum : tamen ista objecta non movent, neque ad sui cognitionem, nec aliorum, sed dant occasionem movendi se animastico motu ad considerationem etiam infinitarum rerum, & Mundorum. Nec enim causant scientiam sui : ergo multò minus aliorum . Lapis enim non me docet quid ipse sit : nec quid sit Idæa ejus, & Idæator & causas alias &c. Igitur est anima in corpore velut in ergastulo, quo impeditur, non in subjecto quo sustentatur : & ex quo non expanditur extra : at per fenestras ergastuli excitatur ad cognoscendum , quæ Deus fecit, & Deum, longe super omne corpus &c.

Animam humanam
non esse formam ex
elementis.

Quod non sit forma ex elementis , itidem probatum est ; quoniam tunc omne opus ejus esset corporeum, & suo organo particularizatum, & loco & tempore. At ejus operatio transcendit & corpus informatum, & omnia elementa, in potendo, in cognoscendo, & in appetendo. Hæc autem nō possunt dare quod non habent : ergo ab elementis non datur Animæ tanta potestas, Sapientia, & Amor & Ars, quantos probavit inesse illi superior sermo. Ergo non est forma corporis emergens ex elementis : quibus cum symbolum non habet, sed a Deo infusa Potentissimo, Sapientissimo, & Amorosissimo, cujus imaginem, & similitudinem gerit, non illorum.

Præterea irasci, sentire, lætari, & alia huiusmodi sunt in nobis, sicut texere, vel edificare, & cytharizare, actus per certa instrumenta, & sæpè incipiunt ab objectis. At posse sapere, & velle sunt ab Anima, etiam quando incipiunt ab instrumentis, & objectis ; quæ non possunt, nec sapiunt, nec volunt : ergo nobis non communicant posse, sapere, & velle : multo magis quādo Anima ex se hos actus edit exercetque. Idque facit universaliter sine organis, universalitate Idææ, & tēporum, & locorum, nō particulariter, uti sunt operationes jam dictæ organicæ, ut patet in philosophantibus : magis autem in divina contemplantibus : maxime autem in revelationibus intellectualibus Sybillarum & Prophetarum. Et hoc Nyss. & Ambr. contra Aristotelicos, formam mortalem morte subiecti facientes animam, doctè ostenderunt. Est ergo forma extrinsecus accedens ab infinito Deo : & propterea ad extrinsecam infinita sese volendo, & intelligendo porrigens. Multò ergo minus est atomorum ordo Lucretianus, atomos proprios non excedens, ut Mens facit, proprios & alienos

Quod Intell. non sit
unus omnium homi-
num.

Nec propterea quod Aristoteles Mentem ideò separabilem ponit, quod nullius Corporis est actus, formavè, juxta expositionem Alexan. Themist. Philop. Avic. & Auerrois, aliorumque ; erit una in omnibus hominibus, nisi sicut Deus extrinsecus nobis, non informans, nec personaliter unitus ; quo non intelligimus formaliter, sed causaliter ; sicuti Sole specula illustrantur uno causaliter, pluribus autem luminibus ab eo receptis, individuatisque per receptionem, formaliter . At tunc per istum Intellectum Agentem, ut ponitur ab Alexandro, nos formaliter non intelligimus, nec habitibus scientiæ perficimur : quemadmodum experimur, nisi ut oculi omnium Animantium à Sole ; & hoc gratis concedimus, si tamen in nobis Intellectus cuique suus insit, quo quisque intelligit sub lumine Agentis ; qui secundum S. Augustinum est Deus. Et sic divinitatis sub cura Anima nostra ponitur, quod signum excellentiæ summæ est. At mox nec Intellectus passibilis, quo formaliter intelligimus, & elicitiuè, est, ut putat Alexander, corporis forma corruptibilis : quoniam ejus intellectio, volitio, & vis, indicat ipsius divinitatem, excellentiamque immortalem, ut supra dictum est. Nec ergo est temperies Elementorum, ut ipse vult Sic enim Elementa non excederet insensata, & finita : imò nec pacto ullo ipse sentiret, nedum supra corpora non sentiret, intelligeretque. Benè quidem Alexander

Op. Alex.

Aug. 12. Conf. c. 25.
D. Thom. p. 1. q. 79.
art. 4.

dat cuique Intellectum possibilem, ut sicut experientia perennis clamat, quisque suam habeat intellectionem, & scientiam; sed perperam mortalem hunc facit, & ex insensatis Elementis.

Op. Aver. & Avic.
3. de An.

Averroes autem, & Avic. propterea quod Arist. Intellectum in nobis intelligentem, facit immixtum cum Anaxagora (qui loquebatur de Deo extra nos, ut alibi probauimus,) & hic dicitur possibilis, quoniam motiones, quas vocant phantasmata, in spiritu corporeo nobis, illis verò in cerebri cellis impressa, ab obiectis sensibilibus patitur recipiendo, undè intelligit: dicunt hunc Intellectum esse abstractum, & unum incorruptibilem, & nullius corporis formam: qui unà cum Agente (cui substantialiter est unus) depurante phantasmata materialitatibus, nobis copulatur, & copula intelligimus. Sed non modò fundamētum, quo faciunt unū omnium Intellectum, vanum est, in tāto negotio non illi fidendum, videlicet, quia incorruptibilia non multiplicātur numero, eo quòd materia corruptibilis est principium individuationis: Id enim falsum est apud Platonicos, & Pythagoræos, & Philosophos, & Legislatores Gentium, qui multiplicat Animas, & Angelos immateriales numeraliter; item apud Aristotelicos, qui intelligentias motrices non informantes, pariter multiplicant: & quidem similiter Aug. & Ambr. cæterique, nedum Scotus, per suas hæc heitates, id est finitudines, limitesque essentialium: Ex quo enim finita sūt Entia, indiuiduantur sua finitate, siue materiali, siue immateriali; propterea D. Thomas à Materia, nisi ut quantificata finitaque, indiuiduat. At insuper impossibilia positionē Auerr. sequuntur: videlicet, Quidquid scit unus Homo, scirent alii scientes eadem Anima: sicut multi videntes uno eodem oculo, unaque facultate visiva easdē viderent res, vel una visione: propterea enim multiplicat Alexander Intellectus possibiles. Nec quia Aver. multiplicat phantasmata, & cogitativas vires, evadit. Non enim phantasmata intelligunt, sed intelliguntur; nec Cogitativæ est intelligere, sed Intellectivæ. Ergo Intellectus oportet multiplicare. Præterea phantasmata, seu notiones Spiritus animalis, a quibus Anima solum specificationem & occasionem intelligendi habet, ut probatum est; essent in nobis, ut obiectis, non ut intelligentibus, etiamsi Intellectus ille intelligens nos sic personaret, ut Persona Verbi Christum Hominē apud Theologos, (quod etiam impossibile esse probat.) Etenim solum cogitaremus & sentiremus; at nō intelligeremus, sed potius intelligeremur. Sicut Anima Christi opera solum animastica obibat, non Divina: nec enim ipsa spirabat Spiritum Sanctum, nec creabat Animas, nec sacramentabat Elementa, nec comprehensivè Deum intelligebat, licet esset personaliter unita Spiranti, Creanti Sacramentanti, & Comprehendenti. Ut ex hoc exemplo Averroistæ nō gaudeant, quamvis per impossibile personatio concederetur. Item si Persona divina plures Homines personaret, illi Homines easdē res divinitus scirent, non autem humanitus: Sunt enim in Christo duæ operationes, & duæ voluntates, ut probatur in Conc. Calcedonen. Sic si unus Intellectus pluribus Hominibus copularetur, data falsa hypothesis, quòd intelligerent, formaliter, & elicitā intellectione: tunc illi Homines idem intelligerent, eandemque haberent scientiam, licet forsā non idem sentiret, nec cogitarent. Præterea idem esset habitus, & memoria in cunctis, ut quidquid didicere omnes Homines, sit in uno, & in singulis. Nec valet fuga Avic. quòd Memoria est in parte solum sensitiva: tum quia ipse Intellectus recipit Arist. & est locus specierum; tum quia saltem quando unus intelligit actu, omnes viētes idem eodē actu pariter intelligerēt. Oblivio autem deceptioque nobis ponitur ex involuntione Mentis informantis in Spiritu Animalis, simul sciente, à quo obiecta capit, & quo eum negotiatur. At Intellectus possibilis abstractus est, & incorruptibilis Avicen.

3. de Ani.

Avicen. ergo &c. Præterea nec distingueretur Homo à Brutis per formam suam, sed per extrinsecam assistentiam Mentis: quàm propterea & Brutorum Sènsibus, & Imaginationibus negare non possemus. Quo enim Fato, & quâ melioritate nobis, præsertim Pueris, & Barbaris imperitissimis, & non brutis, præsertim Symiis, illabitur, si est in sphaera aeris, quem nos, & Bruta respiramus? Rationes ipsorum non ex Naturæ decretis, sed ex Aristotelis autoritate inconstantissima, promuntur; qui tamen nunquam posuit in sphaera Aeris, vel Lunæ hunc unicum Intellectum, seu agentem, inventum ab Alexandro; seu agentem, & possibilem, inventum à Themistio; seu Cholchodeam Avicennæ; sed solum activum, abstrahentem phantasmata ex Materialibus; quem & D. Thomas, Alb. & Latini, & Telefius, in his oculatissimus, non esse Aristoteli unicum, ex dictis Aristotelis probauerunt.

Quod autem abstractio illa sit impotentia cognoscendi singularitates, & non vis spoliandi materialitatibus, (hoc enim solus Deus potest de materiali facere immateriale, & de singulari universale, & transferre de subiecto phantasmatis in subiectum intellectus) nos in q. phys. ostendimus, & similiter Duran. 1. d. 3. q. 5. & D. Tho. in lib. de essentiis M. S. Nec uniuersale fieri post singularia ex singularibus sed præexistere in Deo: à nobis verò percipi commune absque particulari, propterea quòd à longè, vel pueriliter & confusè cognoscimus. Et pueri enim omnes homines appellant patres: & à longè visu cognoscimus hominè, sed non Petrum; & intelligimus communia, quæ magis movent & in pluribus, non singularia, quæ minus & in paucioribus, non per detractionem, sed per impotentiam, ut etiam D. Thom. probavit, & Deum, & Angelicos intellectus percipere singularia & singularitates, alioquin confusè intelligerèt. Ut falsa sit hæc unitas intellectus, propter hoc Peripateticis inuenta. Hactenus rationes pro Religione: Nunc sagacitas pugnet.

De immortal. Animorum abundè, & ex veris Sciètiarum arcanis locuti sumus in Metaph. in q. Phys. & in Theol.

P. 1. q. 14. art. 6.

COLLOQUIUM RATIONIS INFERIORIS
cum Superiori, sagacissimum de vita præsentì, & futura, & de superis, & inferis. Et probatæ rationes causales de eo, quod fuit, est, & erit de nobis, & de Mundo: & solutiones argumentorum sacratiores.

CAP. VIII.



ATENTIVS de hinc præsentem vitam despiciens, in profundam contemplationem raptus, vidi, & ecce Mundum quasi infinitum, tenuissimum totum, purissimumque. In quo erant infinitæ propè mansiones, Stellæ vocatæ, sparsæ, lucentes, vividæ, efficaces, rotundæ, pulchræ, mirificæ, omnes quidem mobiles, per varias vias, dissimilibus, variisque modis rationabilibusque: ergo non absque arte intelligentiarum ipsorum motus moderantium, transcurrentes, ut par videri debet ad laudem Conditoris, & executionem mandatorum ipsius, ut ex eorum incessu, inferioris Mundi generatio, corruptio, mutatio, & ordo sequatur. Hancque esse Intellectum ipsarum gubernantium, sælicitatem, nimirum similes illi fieri per obedientiam; & accipiendo lucem, vitam, amorem, sapientiam, & potentiam ab

Ex multitudine Boni, scandalum modici Mali apud rectè judicantes aboleri.

Omnes res, etiā in-
sensate, ex D. Thom.
similitudinem Dei
affectant.

Quam modicum sit
malum, etiam si tota
tellus esset mala.

Ex divina providē-
tia telluris mala, nō
ex impotentia, aut
ignorantia, aut ma-
litia extare, vel ap-
parere.

Suspicio de' causa
usūs terrenæ obse-
curitatis, & seditatis
in bonum.
Mentes habent sym-
pathiam cum luce,
& antipathiam cum
tenebris, vel mora-
lem, vel intentiona-
lem.
Videtur sic Orige-
nistis, si bibō tamen
confutandis.

Ente primo, eantibus cunctis intrinseco; & in quo omnia constant, moventur, & vivunt, & sunt, quædam nobilia magis, quædam minus, prout Deus in quibusdam minus, in quibusdam magis propriam gloriam manifestat &c.

In medio tot candidarum, lucentiumque corporum, Spiritibus lætis, gloriosisque subordinatorum, vidi parvam mansionem nigram, obscuramque, non exactè rotundam, malencholicam, sordidam, turpem, quæ semper emittit vaporem, & fumum, infestantes, inficientesque spatium Cælestē; Et hæc est Terra, tanquam nevus in medio formosi vultus universalis Machinæ. Hinc admiratus argumentans, dixi, O Potentissime, sapientissime, & optime Deus, cur inter tot formosissimas ades, lucidasque, hanc deformem, tetramque reliquisti? cur non & hanc purificasti, & clarificasti, sicut Stellas ceteras? Profecto minimè decet nobilem sapientiam tuam, & potestatem invictam, & bonitatem perfectam, inter effectus tuos bonos, jucundosque, qui sunt tua pompa, laus, & honor, & trophæum, istam quoque, permittere turpitudinem. Sic autem dicens mihi linguam momordi, veritus ne fortè blasphemaret: & ecce secreta intra me meam superiorem Rationem & intelligentiam, quæ respondit, & ait.

III. Hinc intelligere potes, heus tu, qui sapientiam amas, Altissimus non ex ignorantia, neque ex impotentia, neque quod ex malitia hanc vestram sedem sic turpem reliquit. Si enim malo, & turpitudine delectaretur per malitiam, aut inertiam, aut impotentiam, non quidem potuisset, nec scivisset, neque voluisset reliquum Mundum totum tam pulchrum, divinumque efficere, nec artificiosam etiam incorruptibilibus, pulchramque fabricam struxisset. Igitur animadvertite quàm immanis illorum blasphemia est, qui Deum in his tribus vitiis incusant; ipsique manent sicut vermes intra caseum, arbitantes Mundum non esse caseo majorem. Porro terra cælo comparata, est punctum unum, aut nævum, cujus ob exiguitatem semper vos videtis signa sex super Horizontem, & sex infra: quia diameter terræ nullam longitudinem habet, relata ad cælum: licet sit longa valdè. Quapropter cum totus Mundus ferè immensus sit; pulcher, bonus, felix, expers malorum (si tamen malum extaret) argumentari non debetis, quod Deus sit Artifex malus: sed collaudare eum propter reliquum bonum universitatis immensæ: & rationem inquirere propter quam reliquit hoc punctum nigrum inter tot magnitudines albas: & animadvertere, quod qui fecit immensum bonum universaliter, poterat, sciebatque hoc exiguum quoque bonificare, & pulchrificare. Nimis breve iudicium fuit Smoni Mago, & Manicheo, cum posuere Deos duos, ut alteri tribueretur hoc punctum unum; & longè stultius fuit Epicuræum: qui non respexit ad totum bonum, sed ad modicam particulam: veluti si quis videret unum solum hominem carentem naso, ac putaret omnem hominem expertem esse nasi. Quid tibi videtur? Videbis etiam quod hoc, quod apparet vobis malum, non est essentialiter malum: & Toti.

IV. Tunc respondi. Jam video hanc parvam mansionem nigram inter tot ingentes pulchras relictam esse, ut sit carcer & exilium illis qui peccaverunt in illustribus mansionibus. Hocque Regnum turpe manere in signum, omnibus Spiritibus Mundum habitantibus. Et jam animaduerto hanc tetram corpulentiam relictam esse à Deo, & in memoriam, & in exequutionem justitiæ suæ; & nunc credo in centro detineri Diabolos gravatos justitia Dei tanquam vi, pondereque sub tenebris, quoniam intellectus abstracti sympathiam habent cum luce, & ea oblectantur in cælo. Idcirco ut punirentur, erat propriissimè conveniens justitia, mittere eos sub tenebras à luce, & sub pondus ab agilitate, & sub crassitiem à tenuitate

nuitate, & sub sumum à puritate, & in gelu à vivido calore. Et credibile alicui videri potest, quòd animæ, quas mittit Deus in superficiem terræ, sicut nos sumus, quando induuntur corpore tanquam portatili carcere, (ut David, & Trism. loquuntur) in quo habent solūmodo foramina duo transparentia, totumque corpus reum carcerem reliquum opacum, ob leuibrem culpam detrudantur in corpora: quandoquidem participamus noctem, & diem; lucem, & tenebras; voluptatem, & dolorem; bonum & malum. Quòdque in cælo tantummodo bonum sit, in centro verò malum, hic autem in medio mistio ex bono, & malo. Et profecto vix imaginari quidam possunt, qua ratione Deus formosam Animam corpus in opacum, tetrumque, ubi peccatis, nedum ærumnis maculatur, creando immitat, sine causa. Proptereaque hæsitantes, multum accedunt ad Origenis, Platonisque sententiam de hac re. Et cum intueor cælestes pulchritudines, & qua in turpitudine ego clausus dego, vehementer doleo. Et tunc agnosco mortem esse egressum de carcere, & de sepulchro, ut dicit S. Ambrosius in lib. de Bono mortis. Admodumque laudo Trimegistum, quia appellat corpus *mortem vivam, sepulchrum portatile, indumentum ignorantie pravitatisque*. Et Apost. Paulus, *carcerem mortis*. Et David: *Educ de carcere animam meam &c.* Et Euripides dixit, *Vivos esse mortuos, mortuosque vivos &c.* Et penitus introspectanti ita videtur.

Respondit Intelligentia: Non verum est, neque est consequentia necessaria, Animas peccasse prius in Cælo, ut Origenes suspicatur; neque in aliis corporibus, ut Pythagorei opinantur: sed amorosus Deus, cuiusdam gratia ludi, quem ipse agit cum creaturis suis, infundit Animas in corporibus, quando illas creat, ut in perpetuo bello pugnent, & vincant: seque dignas reddant divina gloria. Intellectus quidem, Dæmones vocati, qui ad centrum submittuntur, peccarunt; qui autem ad peripheriam terræ, in corporibus creantur, ponuntur in agone, ut Job declarat. *Militia est vita hominis super terram*: & Gregorius Theologus uberius exponit vobis, quoniam est lucta, & pugna contra caliginem Mundi, & contra Dæmones, qui ipsam incolunt; magnumque in Cælo spectatoribus Angelis fit gaudium, quando illæ vincunt. Porro ipse Sol igneus non peccavit, nihilominus continuo cum terra pugnat, ut ipsa purificetur, & mundetur: ejusque vires splendoresque continuo remanent in terra conclusi: generantque ignem, si potentes sunt valde, ut in vulcanis: Ipsamque liquefaciendo, faciunt aquam: indurando, lapides, metallaque: liquefaciendo verò, unaque indurando, & attrahendo per intergenitam tenuitatem, efficiunt plantas: dum nimirum calor ipse vestitus crassitie ascendit, nec potest separare onus crassum, viscosumque ex matre tellure. Intra crassitiam verò, atque humorem ingenerando spiritus vivaciores, faciunt animalia, agitante spiritu molem, & segregante, & organizante, & movente, & vivificante sub Opificis summi imperio, & Ministrorum executione. Attenuando verò efficiunt vapores, fumosque: qui in aerem delati, vertuntur in ventos, in pluvias, in nives, in apparentias ignitas, aliaque, ut nosti, entia. Hæc autem omnia Deus fieri facit per suos influxus magnos, scilicet, Necessitatem, Fatum, & Harmoniam. Propterea mirari noli, quòd homo timeat mortem: id enim non est mortalitatis præsignium, cum videas etiam bruta, solo spiritu calido, tenui, & mortali prædita (quapropter anima eorum in sanguine est:) natura autem caloris est semper sursum exhalare, revertique ad Solem suam originem; nihilominus mortem timeant, quoniam fugiunt non esse sic: extra quod putant se annihilari, dum mutantur. Quod non fit, sed enim mutantur in aerem; at melius est

Resp. ad Origenistas, & Platonicos, quòd Animæ sunt, In agone, nō in carcere punitivo, sed probativo.

Exemplum à solis viribus generationi rerum applicatis.

Verb. M. N.

Quid intelligat Author per hæc tria Necessitatem, Fatum, & Harmoniam, spectandum est in eius Metaphysica, ubi in vocibus minus usui congruis habet bonum sensum, ut supra dictum est.

Vnde timor mortis. Spiritus calidus, tenuis, mobilis, sensuallus, vita brutorum est Ambr. August. Greg. Nyss. Laet. Fir. & D. Tho. etiā in 3. contra Gē. & in 4. c. 20.

Aug. lib. 7. in Gen. c.
19. Spiritū, seu Ani-
mam brutorum dicit
esse aerem lucidum:
nervoso genere in-
clusum.

est illis esse aerem liberum quàm captivum, uti nunc sunt, sed quia & vitam animalem, & memoriam amittunt, cum ipsorum memoria sit sopitus motus, & passio relicta; major autem passio minorem obruit, & transmutatio vitam, & memoriam, sensumque priorum; proptereaque ingens motus passioque morbifica tollit etiam memoriam sensitivæ partis etiam in vobis: idcirco mortem timent entia omnia; quia oblita sunt esse præteriti, incertaque futuri: gaudent verò præsentem esse, quod semper bonum est. Anima autem humana, corpori infusa, ignorat eum, qui ipsam creat: & quid ipsa sit: nam & nunc post nativitatem ignorat, oblivisciturque multa eorum, quæ facit, aut passa est in utero, & in pueritia. Hoc autem Deus ordinat, ne ipsa Mens corpus contemneret, & fortè occideret ante tempus ab eo præscriptum; ac spe separatæ felicitatis advolaret in libertatem: sed hic laboraret acquirendo cognitionem Dei, & operando in corpore, quæ Deus jussit, & ad finem magnum universalem ordinavit.

Hinc videre potes, non extare hominem illo infeliciorem, qui hanc vitam caducam nimis amat; seque nimis dedicat terrestribus bonis, impuris, turpibusque.

Cur homines amant
vitam præsentem et
tantopere infelicitate.

Tunc ego dixi. Hoc verum est: multos enim vidi captivos in carceribus diuturno tempore assuetos, quibus displicet egredi in libertatem, eo quod viles sunt animo, servilique: nec confidunt, alibi vivere se posse. Servos plurimos novi, quibus servitus grata est; nec in libertate norunt vivere. Imò vidi in triremibus captivos remiges multos, exercentes multo labore remum: & quia sunt abjecti animo, nec per aliud exercitium vivere norunt, contentantur in triremibus manere catenati: peractoque tempore, quo condemnati erant ad remigandum, iterum sese quoque vendunt pro menstruo salario ad remigium. Quid mirum si etiam Anima contentatur degere ad remigium brachiorum, & crucrum laborando: manereque catenata nervis, fibrisque, ac cerebro clausa, parva spiritus animalis luce, objecta ministrantis, quasi menstruo stipendio delectata, unde capit voluptatem, atque cognitionem rerum crassarum modò, imperfectamque, cum ipsa libertatis gustum non habeat, aliisve superioris disciplinæ illustrioris saporem? Quinimò eo ipsam usus hujusmodi redegit, ut putet, quòd scire, sit videre per foramina, & audire per parietis gracilis percussiones, & significare per ventum percussum dentibus; nec potest imaginari, quomodo sentiant, ac significant mutuò scientiam entia libera à materia, scilicet Angeli; nec quæ materialiter percipiunt. Hæc autem cogitatio ita stulta est, ac si quis putaret, ventum non posse moveri, eo quod caret cruribus, pedibusque.

Confirmatio ex de-
lectatione impuro-
rum obiectorum, &
languidorum.

VII. Dehinc eadem comprobans, dixit ad me meus superior intellectus. Rectè considera, quòd vos res tantum impuras diligitis. Quippe qui nec lumen Solis purum intueri potestis: placentque vobis colores virides, rubri, cærulei, crocei, qui sunt ipsamet lux Solis scedata à nigredine terrena, sicut in fumo, & in iride patet: ubi lux alba à tenebris magis minusque scedata colores vertitur in multos.

Tunc ego exclamavi: Heu sæculum nostrum impurum, scelerosumque, quod solummodo tetro colore infernali delectaris: & gens nigris nunc utitur ubique vestibus: quasi lugendi rationem duplicem habens.

Et dixit superior mea mihi Mens: Si benè argumentari pernocti, agnosces ex coloribus vestimentorum mores cujusque Sæculi, & Nationum omnium. Deinde addidit. Vos audire non potestis sonos ingentes, excessivosque: quia frangunt, obtunduntque vestrum in cellis cerebri interclusum tenuem Spiritum. Atqui pro musica habetis sonos languidos, compositosque ex gravibus, acutisque, sed depressis, mollibusque. At si unquam Stellarum motus perciperetis, & (ut Job. 38:

dici-

dicitur) concentum cæli, stupor vos apprehenderet nimius, percipientes, quanto soni illi, & harmonia, sunt vestris vividiores. Sed vobis in corpore discordes apparent. Sique scis arguere ex cuiusmodi sonis delectatur Natio quælibet, mores quoque inde investigabis. Et ait, sic etiam vos tangere non potestis vivum ignem efficacissimumque Solis: & (ut dicitur Sap. 18.) *Limpidas Stellarum flammæ*, quoniam destruit corticem, & compositionem corporis vestri, ac proinde per ipsum vos dolore afficit; at in cælo est tanquam res suavissima, propter symbolum cum spiritibus abstractis. Et quo magis viva est lux, calorque potens, plus voluptatis, & amoris affert illis; at ubi reperitur macula, & corpulentia, sicut in Inferno, ibi fit combustio, & dolor. unde nec lucem, quam spiritus vester amat, intueri potest, propter oculi corpulentiam. Nec Stella (si penitus igneæ essent) stellam urit, sed lignum. urere enim, est facere de dissimili simile: in Cælo autem jam facta sunt similia omnia: & sic cum resurget corpus spiritale.

VIII. Insuper dixit ad me. Aspice per gyrum Mundi spatium universum. et vales. Expandi Animam meam, & vidi ex Terra nostra, usque ad certum Cæli spatium surgere fumos continuo tetros, impurosque, totumque aerem nostrum caliginosum esse, Cælo comparatum, quousque pertingit umbra terræ: huncque aerem tanto esse crassiores Cælo, quanto aqua maris est crassior hoc ipso aere. Et imaginatus sum totum regnum hoc aereum plenum Diabolis, & spiritibus immundis, qui optarent bellum inferre Cælo, infestantque homines modis mille; Et lucem, quæ ad nos purissima venit, esse minus vivam, quàm illa, quæ extat super aerem caliginosum, quanto est minus vivus candor carthæ, quàm Solis candor, quem fulgentissimum nos videmus; & super hunc aerem extare millia millium spirituum colentium, servientium, & glorificantium Creatorem, suum, ac volitare in ministerium per cuncta systemata semper exultantes. Item supra aerem non reperiri mortem, bellum, transmutationem, dolorem, malignitatem, errorem, aut non ita existimari, sicut nobis hic patientibus; sed cuncta bonum, sed per gradus pluri pauciorisque bonitatis, ac felicitatis. Ac ejusmodi mala tantummodo reperiri intra Terram, & Cælum, ubi præliantur Calor, & Frigus: & consequenter efficiunt transmutationem, missionem, mortem, & dolorem. Quæ si sursum sunt, ut quidam observant, sine dolore sunt mutationes.

IX. Tunc miratus sum (animaduertens ideo quamvis falsò persuasos) Pythagoricos opinantes intra quodcunque Sydus reperiri Terram, Aquam, Aerem, Animalia, Homines: & luce Solis perfundi; viderique lucens, sicut in Tellure nostra hæc sunt; quæ lucet ex Aqua, & Aere, excipientibus Solis lucem; & quod dixit mihi amicus quidam Copernici assecla, his intinctus, videri absurdum, quòd tot Systemata sunt in spatio Mundi longè majora, quàm Tellus, quæ tamen non contineant, quæ in terra in sunt, res, & longè plures; frustra namque essent. Et dixi. Hæc imperfectio transmutationis, & contrarietatis si essent etiam in syderibus, sicut apud nos; exosa esset Creatoris indignitas, & minor virtus. Nec quidem ociosæ sunt Stellæ, quia carent huiusmodi forditia, & malis: sed ad meliorem usum, & diviniore; quandoquidem in cunctis Deus suæ potentiae, & sapientiae, & amoris divitias tanquam in Scenis repræsentat: & quæ in eis latent entia, alterius sunt ordinis, atque rationis, vobis, ignota: sed per quandam analogiam, olfacere solum datur. Angelicæ vero mentes mundum incolunt Mentalem. sed egrediuntur in ministerium ad corporalem. præsent cunctis Cælestibus, & Terrestribus corporatis rebus, ut canit Psaltes, facientes verbum, & voluntatem ejus.

X. Ex his argumentans dixi, Mortui non resurgunt; Animæ non reuertuntur

Cōsideratio aerorum.

Non est transmutatio mala, & dolorifica, vel sicut apud nos, in æthereis.

Resp. ad Aristotelicos, quærentes: cur si Anima est separabilis, non revertitur in corpus: sed sicut forma cum suo subiecto perire videtur.

tur in corpora; unde suspicio aliquibus suboritur, nè fortè mortales omninò finimus, quia non est agnitus, ut Ecclesiasticus disputat, qui sit reversus ab inferis. Sed jam patet ratio: quoniam illæ, quæ ad centrum puniendæ detruduntur, redire nequeunt, quia detinentur ut ligatæ, & veluti demortuæ: illæ verò, quæ ad Cælum eleuantur, odere solum, ubi in ærumnis fuere tanquam captivæ, ideoque reverti nollent, sicut nec sensitivus Spiritus aereus brutorum (quem in sanguine Moses, & spiritum vitæ facit, ut Ambr. August. Gregor. Nyss. Lactant. declarant) reverteretur, si subsisteret, & post mutationem sui in aerem, maneret memoria, ita ut posset reverti; nollet enim: quoniam melius sibi esse sentiret unum esse cum aere, quam in carcere, ac sepulchro corporis. Nec tamen propterea fides de corporis resurrectione vana est. Nam & id rationabile est, quòd Anima cupiat corpus quoque beari, in cuius exercitio ipsa meruit Cælum. Ac proinde amorosus Deus Animæ illud iterum uniet: non amplius crassum, & caducum, sed (ut ait Apost. 1. Corin. 15.) spiritale, cælestè, subtile, lucidum, quales sunt Stellæ; quæ non impediunt agilitatem, motum, & cognitionem animæ, sed potius obscurant illi, eo quòd priorem quidem retinet substantiam, sed alterius gloriæ.

Et hoc evenit quando potius passionis sensus, quam rationis dogmata, quod teste S. Thoma plerumque accidit, sequimur.

XI. Vidi deinde, quòd Dæmones tyrannidem exercent in inferioribus ferè ubique: & quòd Angelis, non habentibus symbolum cum caliginoso inferiori Mundo, nulla ratio, nec voluntas esset descendendi ad nos, nisi divinum imperium præberet alas, cui libenter obediunt, & curam hominum gerunt, & belluarum, & omnium generum rerum, & quomodo pugnant cum Dæmonibus: oppositis enim voluntatibus, & conatibus feruntur; & illi in horum effectus quasi fulmina, isti in eorum effectus caliginem, & turbationem cientes. & quomodo utrique præ oculis turmatim transeunt: nosque illos non videmus inter alias causas, propter informati corporis impedimentum. & quomodo qui nequam sunt, quodammodo illudunt, & jocantur: & quomodo irrident actus nostros, quos opinamur in secreto clanculum facere; & sunt toti universo manifesti palam. Boni autem misereantur, juvantque. Et quomodo modico calore, aut frigore, aut motione aeris, & atomorum, inducunt passiones varias sensibus nostris: & per accidens desideria, & motus, & timores, & odia, & iras. Et quomodo nos istis ducere satagunt affectibus: sicuti nos belluas funibus, virga, & clamore, & esca. Et vident quando morituri sumus, eorum aliqui; aliqui vero minimè: & quæ passuri sumus, & tollunt, aut afferunt occasiones: sicuti nos agimus erga gregem bestiarum: qui scimus quando manducaturi sumus illam, & vendituri istam, & daturi aliam; & ducimus eas ad macellum, & nundinas, & ipsæ ignorant: & cum vident alias interfici à lanio, parum considerant de morte earum. Talia stellæ influunt in nobis: & Angeli hoc sciunt: & vident caloris, & frigoris mixturam, & rerum seriem, & quid nobis afferant, nil considerantibus aut parum; cum tamen in his, quæ nobis imputantur, nihil nos cogere possint.

Quid scientia, & jucunditas humana.

XII. Vidi deinde, scientiam nostram esse quandam ex parte stultitiam; gaudia ac voluptates nostras esse dolores. Ecquod majus homini sensuali videtur esse gaudium, quàm veneris usus? nihilominus & hoc deceptio est, ac damnum. Propriam enim substantiam ex parte amittit in coitu animal, efficiturque languidum: sæmina verò gravi impletur pondere, quod diuturno vèstat labore, & in doloribus illud parit, & in molestia educat. Dehinc laborant homines diuque, noctuque, ut filiis divitias relinquunt, quorum ignorant vitam, & exitum. Nec sibi eos educant, sed Regi, & Reip. & mulieribus, & aliis: quorum usui erunt magis,

magis, quàm Parentibus. Ex quo innotescit, quòd Natura dedit nobis hunc amorem, & modicam voluptatem, ut alliceret nos ad capeffendas ærumnas magnas, & labores: sicut esca piscator abscondit piscibus hamum: & hordei ostentatione sellam equo imponit Auriga. Et quòd Deus hunc instituit ordinem, ut rerum successio prosequatur, quæ ejus ideam apud nos manifestant. Et quòd tot res sunt in Mundo, non quidem, quòd solus homo eas consideret, solusque Deum laudet: qui sanè meliores ignorat, & innumerabiliores, ac solam corticem eorum, quæ novit, perspicit: sed quòd Angeli, superioresque creaturæ eas contueantur ad gloriam Dei, qui sanè intrinsecus eas conspiciunt, quoniam abstracti sunt; discurruntque subitò per Mundum totum, easque admirantur, & stupent, qui in sic corpulentis materiis tot affabrè elaboret opera mirifica; hinc collaudant, & admirantur Opificem, cui etiam in ministerio hoc subserviunt.

X I I I. Vidi etiam voluptatem cibi, & potus non verè voluptatem esse, sed remedium doloris. Fames enim est stimulus dolorificus ventriculi vacui, qui stringitur, spiritumque afficit: qui proinde repleti cupit, ut dolor strictionis auferatur. Et quidem excitatur famis à melancholico acetoso humore; homoque comedit, ut amoveat repletionem fastidium. Hinc coquit cibum, & nutritur instaurando illud, quod continuo calor furatur. Ergo molestia est. Et quidem in labore, & molestia acquiritur etiam cibum, & molitur, & concoquitur: parvaque voluptas in instauracione invenitur còtra morbificam famem. Quæ voluptas etiam est nonnulla deceptio: quoniam data est, ut nos alliciat ad labores quærendi cibi, & manducandi, ne moriamur, ante quam Deus præscripsit ad finem suum.

X I V. Honor quoque iocundus apparet; sed labore comparatur, & studio multo: illique prospicere est intolerabilis servitus, quæ libertatem adimit faciendi quod tu vis; sed facere cogit, quod nolles, ne honorem amittas. Et profectò præfagium quoddam immortalitatis est: quoniam illo conservatur in hominum memoria nomen nostrum.

X V. Imperium quoque belligerando paratur, fraudibus plerumque retinetur, & deceptione populorum. Sæpè hypocrisi: quæ te annihilat: quoniam facit esse, quod non es. Metu quoque, & suspitione continua te affligit, ne Populi rebellent: aut alii Principes te expellant; vel maledicant sapientes; & Deus te eradicet, quoniam vexas creaturas ejus. Si, quod te decet, facere vis in Regno, infelix servus plebis eris: continua sollicitudine, & labore fatigatus: sin quod non decet, Macchiavellisticè vivas, ea te comprehendent, quæ jam dicta sunt mala. Et profectò inveni omnes Principes Macchiavellisticos, Imperium, & vitam subitò in se, vel in filiis amisisse. Dux Valentinus discipulus Macchiavelli, est testis: & Oliverottus ab eo laudatus: & Castrucci, quem sapientissimum Macchiavellisticè laudat Macchiavellus; qui nec ad posteros tyrannidem transfuserunt; similiter Ludovicus Sfortia, & Azzalinus: & infelix Henricus Rex Anglorum V I I I. & Ieroboam Macchiavellisticæ Religionis inventor: & Absalon filius David, consiliis Achitofellis, qui fuit Macchiavelli figura, Principatum arripiens. Et Iulianus Apostata, Antiochus, Dionysius, Federicus. Addamus & Iulium Cæsarem, in quo Macchiavellizavit; & Pharaonem, & Cyrum, & Alexandrum. Deficit tempus, & cartha, si omnes enumerare velim. E contrà vides viros pios diu, & bene regnasse; ut David, Ezechias, Salomon, Theodosius, Constantinus, Carolus Magnus; quorum memoria in benedictione est; & in Gentilibus laudatur Octav. Augustus, Titus, Vespasianus, Adrianus, Antoninus, & alii, qui virtutem philosophicè coluerunt. Quapropter felicitas non reperitur

Quid volupras alimentionis.

Quid honor.

Quid imperium.

tur in Macchiavellistis, at neque sat in hac vita in Davidicis Principibus. Sed in his conscientia recte factorum beat, in illis damnat.

Nec physica.

XVI. Philosophiam inveni pleniorē jocunditatibus. Sed in labore, & vigilia, & infirmitate corporis acquiritur, & sæpè ad insaniam labimur. Est plena incertitudine, ita quòd qui verè sapit, hoc tantum sapit, quòd nihil perfectè sapiat, ut in Metaph. disputatur; nec unquam inquirentes saturamur scientia.

Dei. I. lib. I.

XVII. Ergo felicitatis partem (quam Salomon disputans laudare videbatur, dicens. *Vidi nihil melius esse, quam manducare, & bibere, & gaudere cum uxore sua*) invenimus quoque esse infelicitatem, & vanitatum vanitatem, si totaliter consideretur.

Ex cognitione vanitatis bonorum mundanorum.

XVIII. Hinc clarè innotescit, quòd homini, propterea quòd intelligit omnia bona hujus Mundi esse vana, convenient alia bona majora, ac veriora, & ad illa natus esse videtur, ad quæ sua ipsius sagacitas ipsū stimulat.

Quæstio cur si tellus est carcer, est etiam elementū, Soli contrariū, secundum naturam.

XIX. Deinde dixi ad intelligentiam magistrum in me: si Tellus facta est, ut in centro sit carcer intellectibus peccantibus: & insuperficie exercitium beatificabilibus: quorum in terra sit seminarium, ex quo deinde transplantentur in Cælum; ergo non est verum, quòd sit ipsa elementum frigidum factum, ut antagonista pugnans cum Sole, ut scriptum in Physicis est: videtur enim mihi talem esse debere terram secundum naturam, & non quia sit carcer. Si enim ipsa tellus amitteret frigus, & tenebras, & densitatem, quibus renitur Soli, omnia tunc entia fierent ignis, cælumque, ac pulcherrima rerum distinctio perderetur, fieretque chaos ex omnibus rebus una: sicuti Heraclitus dixit, omnia in ignem aliquando fore, ut vertantur elementa.

Resp. Physica res est propter Metaphysicam rem.

Respondit illa. Tu adhuc permanes in stultitia Physiologorum, qui non considerant rerum fines, sed tantummodo modum existentie, & compositionis, nativitatis, & mortis. Si quis te interrogaret: Quare scribis librum? Tu responderes physicè; quoniam habeo pennam aptatam, & atramentum, & cartham, super quam movendo pennam juxta ideam meam, hos characteres imprimo, conficioque scripturam hanc. Sed respondens metaphysicè, diceret; scribo, ut doceam homines veritatem: & acquiram laudes in immortalitatem: Theologicè verò, diceret. Deus ordinavit, me ita scribere in gloriam suam. Omnes profectò causæ istæ veræ sunt: sed ut sciens quis dicatur, necesse habet omnes inspicere, & scire. Verum est igitur, omnia fieri à Natura; quæ est artis divinæ Ratio, indita rebus à Deo, per quam ad suos parducantur fines. Dedit ergo frigus terræ, ut Soli repugnaret. Sed hic non est ultimus finis; sed ut etiam sit carcer per duriem, quam illi frigus dat; ut per tenebras, terror; & per frigus, poena. Nihilominus intra viscera eius multis in locis ignis conceptus est, qui affligit Animas; quoniam ipsæ fuerunt in corporibus maculatæ; ex quo secundum ordinem divinæ justitiæ factæ sunt à corpore intentionaliter passibiles. Augebitur autem extensione afflictio, quando corporibus reunientur: quando, & ipsa corpora, ut non destruantur, alia temperie donabuntur, veluti scis, quòd multa sunt corpora resistentia in igne, quamvis fragilia videantur. Ejusmodi quoque ignis non lucet propter terrenam caliginem; idcirco quoque magis est afflictivus, & potens. Ignis enim non cremat res tenues, purasque: qualis ipse est: aer siquidem, & cælum, & astra non uruntur, nisi ubi inest caligo, & crassities; urere enim est calefacere, attenuare, & movere: quod quidem jam habent celestes materiæ, ideoque pati illud nequeunt, sicuti terrestres.

Definitio D. Thom. 2. phys. Lec. 14.

Quin etiam dico tibi, poenam non minus atrocem posse esse in glacie, quam in igne:

in igne: quoniam illa dissimilior est corporibus, & inde magis inimica spiritibus humanis. At in Purgatorio proprius est ignis, attenuandi gratia purificandique maculas: ut proprium nomen, ac Sanctorum sermo, sonat.

Dico etiam: Potest Deus absque frigore, & tenebris terram servare, ne à Sole destruat: elongando ab ea Solem, & Stellas. Nec quia tellus deficeret, Mundus verteretur in chaos, nisi quo ad terrestria entia. Sed totus verè esset Cælum: distinctum quoque in Stellas multas: sicut & nunc distinctæ sunt, absque frigoris ope, inter se: Spiritus quoque distincti sunt, & Intelligentiæ, & quemadmodum luces diuersæ in corporibus, quæ sese interfecant multipliciter, efficiuntque tot angulos, (habent enim ipsi inter se habitudines consimiles) vobis ignotos, nobis verò venustos, ad immaterialem quandam luminosam prospectivam.

Dico etiam secundum Scripturas, affore tempus, & citò, in quo tellus purgabitur in superficie, sicut Crystallus: & colliget tenebras suas in centrum, nec effundet eas in Cælum amplius; cessabitque generatio, & corruptio, & mors, & afflictio: (Hæc cogitatio digna est consilio Creatoris ad finem ipsius magnum:) Nec terram attenuabit in cælum, quò remaneat carcer impiorum. Et jam si consideras Solem, & sidera, descendere multam viam: carinesque caelestes mutatos, & obliquitatem, & apogia, & excentricitates jam cernitis. Idcirco rectè contemplare miracula hæc: Mun loque annuncia; ut benè invigilet: ne *dies Domini sicut fur in nocte vos comprehendat*: veluti infideles super iudiciis Dei dormitantes; & Mundum aternantes. Instat tempus, quod prædixit Petrus Apostolus. *Cæli magno impetu transient: elementa calore solvantur: terra autem, & quæ in ea opera sunt, exurentur, &c.* Deus quidem incedit numero, pondere, & mensura in operibus suis. Ut rationabiliter conicere debeas, convenire summo Bono, tollere de mundo omne malum; & hanc globum nigrum de medio tot globorum candidorum: hoc regnum mortis, & miseriarum de societate Regnorum vitæ, & voluptatum. Atqui huc usque relictum esse pro illius quodam iudo: & ad fines à vobis non perceptos. Omnis namque cogitatio vestra stultitia est, omneque verbum vestrum, saltem ex modo significandi incongruo, cum de divinis loquimini, continere errorem quasi blasphemiam, si secundum illum Deo quid attribueretis. Id apud Angelos apparet. Sed nil mirum: quoniam vocabula, & conceptiones accipitis in loco, ubi res, prout sunt, non introspicitis: sed tantummodo superficiem; & hanc non totam, nec ut est, sed alteratam ab aere, à luce, & tunicis, humoribusque oculorum: & per sensuum organa corpulenta intrat ad cognoscentem Animam vestram objectum quodlibet, & alteratur. Sentitis rerum species non res ipsas, & illas alteratas ex parte, non ex toto; & hoc non perpendentes, putant se scire homines, & superbè Deum ipsum emendant.

Aspice hanc cartham: nonne superficiem ejus solum vides, & non totam, utrinque; nec unquam omne ejus atomum, & pilos omnes, ex quibus componitur, & quomodo facta fuit: & colligationes flocculorum, & tempora, & modos, quibus ad hanc formam ab initio rerum hucusque concurrerunt, & quam ipse mundo habent partem, & relationem, & usum, & finem. Interiora verò rerum omnia ignoratis: videtis enim per speculum & ex parte: continuæ mutationes vestri, & rerum sunt vobis ignotæ, & partium & particularum. Et quid prius fuere: & quomodo hanc in compositionem convenere, & occultius est. Ex his verò rebus corporalibus, & agrè notis, transfertis vocabula ad Deum, & ad superiora entia. Quidquid de Deo profertis, quasi blasphemiam esset ex modo

Finis rerum impurorum instat.

Homerus etiam, aliter res in Cælo, ac in Terra nominari. S. Cathar. teste B. Raymundo, blasphemiam esse quidquid de Deo etiam bene dicimus, non ex parte nostri, neque ex parte Dei, sed si Deo tribuatur ex modo significandi, ut etiam S. Thom. docuit.

significandi, sed maximè in metaphoricis: At non vobis imputatur propter ignorantiam, & quia non intenditis id ei tribuere, quod non convenit. Cum enim dicitis per propria, Deus sapit, Deus misericors, Deus sanctus; ex modo significandi propè blasphemiam est. Non enim Deus sapit, à sapore uti vos: nec est miser corde: nec sanctus, idest purificatus, uti vos: sed secundum id, ad quod imponuntur. At cum dicitis per metaphorica, Deus movetur, Deus loquitur, Deus ambulat, videt, extendit brachium &c. Incongruum, & blasphemum est, si Deo in se ista convenire affirmaretis per proprietatem; videre enim est habentis oculos corporeos; sapere est actus gustus in lingua, sapores discernente: loqui est ejus, qui habet os, & linguam materiale; motus est rerum finitarum variatio; Quæ Deo tribuere nemo potest quantum ad modum significandi, & id à quo nomen imponitur, nisi cum falsitate, & blasphemia. Sed quia intelligentia vestra non aliunde potest quàm à vobis erigi in Deum; nec scit enunciare, nisi more suo; hujusmodi impotentia, & locus tenebrosus, & voluntas non depravata, vo excusatos faciunt; nec imputatur vobis in blasphemiam, priusquam intretis in malitiam, & in procuratam ignorantiam. O si audires quàm priori, & diuiniore modo enunciant Angeli. Discurre nunc in tuis syllogismis, analogicis, & videbis, verum esse quicquid dixi tibi etiam in terra, nedum in cælo.

Hem stupor ingens, hem mirabilia Dei: tunc dixi. Nunc itaque Dei altissimi finem olfacio, propter quem hæc Terræ conditiones largitus est; si finis Metaphysicus fuit, ut sit carcer, terror, & instructio aliis: utique electi gratias agerent Deo ingentiores: qui eis hanc ædem noxiam perpetuò dare cum posset; non fecit; sed tandem sunt hæc omnia propter gloriam suam, revelandam in extremo, quod expectamus, facinore egregio; & jam imminet. Tempus præteritum malorum fuit quasi jocus quidam, si æternum respicio, quod hinc succedet, quod scriptum est, *Mutabis eos, & mutabuntur, &c. Filii servorum tuorum habitabunt, &c. Annunciant Celi Justitiam ejus populo, qui nascetur quem fecit Dominus.* Sed ò qui sciret quod fuit, & quod erit Totius? & subito vox in corde meo: caput, & pedes velata sunt alis Seraphinorum: medium apertum est, in quo volant. Quod fuit ante Mundum, & post Mundum erit, absconditum est, quousque placuerit Deo. Cogita in his, quæ accepisti.

Psal. 101.

Psal. 21.

S. Ber. ser. in primo
Novèbr. S. Hier. in
Isaiam, & Origenes
exponunt hoc idem
de Seraphinis.

A P P E N D I X.

MOx sagacissimè argumentans, dixi, Proculdubio nos terrigenæ ludum agimus cæcum: quem vocant cæcariam; ac comedias ostentamus Creaturis Cælestis Aulæ: Bruta, & lapides nobiscum sunt ad complendas scenas in Theatris Maris, & Terræ; quæ unum modò illis spectaculum sunt. Pugnamus contra Dæmones, nobis insidiantes invisibiliter cum magna Creatoris gloria; quòd à Spiritibus, clausis in obscura corpulentia, illi etiam superentur, qui cum Deo pugnare voluerunt, Macchiavellistica agitati prudentia. Et veluti spiritus calidus brutorum, quasi ignorans propriam originem, amant hunc ludum, in quo sumus nos, & illa. Sic & Mens nostra, à Deo immissa, eadem Comedia delectatur, quia meliora non novit. Qui autem alteram vitam verè credit extare meliorem, clamat: *Cupio dissolvi.* Qua propter necesse est;

est; quòd una tandem die omnes veluti spoliati larvis, quas circumgerimus, hoc est corporibus, affectibusque ipsorum, accepturi simus à Deo laudem, aut pœnam, prout quisque melius, aut deterius fecit, ac dixit actum, dictumque suum. Equidem inveni sæpè Sacerdotes fieri eos, qui sunt animo pii, sanctique, sed multoties Caiphas, & Isafones, & Alcimos. Nec Reges, eos, qui Regio sunt donati animo: sed quos fortuna, idest nostra ignorantia, Reges facit, ut Nerones, Ezelinos, Midas &c. nec bonis bene, nec malis male esse, sed sicut dixit Salomon. *Vidi neque velocium esse cursum; neque fortium bellum, neque sapientium panem: neque artificum gratiam: sed tempus, casumque in omnibus.* Ergo vestiti sumus, alii veste Sacerdotali: alii Regia: alii plebea: alii servili: alii sancta: alii impia: alii militari: alii captiva, &c. At cum postmodum nudi fuerimus omnes, omnia inversa è converso videbuntur. Non enim pictor est qui pingit, habetque pinicillos, & colores, & scdat parietes, & carthas; sed qui pingere sciret; quamvis careat instrumentis. Nec Cuculla facit Monachum. Igitur Rex non est, qui regit, possidetque Regna multa: sed qui regnare sciret. Nec nobilis est, qui filius nascitur nobilis viri; sed qui animo nobili præditus est: nobiliterque operatur. Veluti in Tragædia non est Agamennon, qui ejus personam agit: neque Therfites, qui Therfitis vestem induitur: Nec Hecuba, quæ personam gerit Regina vetulæ, atque mestæ: Ergo nostra Politica subsistentiam habet, dum isthæc Comedia durat: sed pereat necesse est. Præterea videmus, homines sese facere Deos, idolaque lapidea res vivas haberi, alios etiam adorasse serpentes, & flumina, & stellas, & stelliones. Ergo omnes ludebamus simul in Cæcaria, cæci, & Duces cæcorum, & focii. Cum ergo transcurrissemus in huiusmodi blasphemias, ex quadam comica licentia, decebat Deum nos admonere. Deinde vero reliquit nos, donec Comediam compleamus, & terminemus. Sed jam video scenas evacuari, & tentoria amoveri. Erit ergo finis. Convenit enim summo Bono, hanc etiam malorum apparentiam suis ex effectibus auferre, & voluptates Veneris, & Bacchi, quæ vt ostendimus, sunt labores, aliqua conditi suavitæ, ita vt decipiamur, etiam auferantur. Ergo generatio corruptio finem habebit: & contrarietas ipsarum parens. Reverà enim ista omnia carent subsistentia, si ad veram entia, verasque voluptates respiciamus; sed sunt umbra verorum comica representatio ad tempus. Et quicumque hac ratione philosophantur intellectum acutum dubitantem, curis liberabit, quæstionibusque. Et ex vanitate rerum præsentium argumentari sciet, sibi deberi futura bona vera, & secura, ac permanentia in istorum fine; vt summæ convenit Providentiæ; non autem id quod iniqui concludunt, neque hic, neque alibi vera bona dari.

Eccl. 9.

he mutavit
quædam in hanc
etiam in hanc

Et vidi, quòd hoc modicum tempus turbulētum, in quo Mundus stetit turbatus, licet centum mille annorum esset (quod tamen recto quæstum examine per historias tutiores, ac veraciores, nō dum pertingit, quod præterit ad septem millia) est quidem ludus puerorum in tenebris ante cænam, comparatum sempiternitati sæculorum: quæ vivunt creaturæ sanctæ, & quibus fruemur nos posthoc breve spatium. Sed cacus homo qui æternitatem non considerat, scandalizatur sine causa, dolet propter punctum; & non, vt æquum est, theatro, amplissimo bonorum sacrorum glorificatur.

RELIGIONEM COMMUNEM, POTISSIMAM
 justitiæ partem, non esse inventum Politicorum: nec sola
 arte, aut non naturâ constare, ut dicunt Epicuræi: sed esse
 naturalem: hanc verò, & illam positivas, quas Nationes pro-
 fitentur, esse secundum mores, ritusque particulares Gen-
 tium: & secundum fidem, quam præstant Legislatôri quæ-
 que suo. Et quibus notis, & argumentis agnoscipoteft, quæ
 verè sit à Deo tradita, & quæ ab hominibus per Rationem;
 aut per fraudem: quivè sint, qui veram fidem habent.

C A P. I X.



UANDOQUIDEM extant apud mortales Sectæ plurimæ
 varix, ac rituum, & cultus diversitates; diuersique Principatus,
 & Resp. tanquam scenæ varix universalis comedix, consideran-
 dum est recto examine: quæ nam ex his verè placeat Creatori,
 & Aulicis ejus. Et cur ipse tot permittit in Religione contro-
 versias: quæ Politicos in suspensionem adducunt, quòd nulla sit
 vera: sed quòd omnes sint humana inventio, & non secundum
 veritatem, & naturam rationalem: sicuti olim Democritus, & alii, à Platone ci-
 tati, & nunc Macchiauellistæ opinati sunt.

Fundamentum ad
 discernendum verum
 ab apparentibus.

Ego dixi in cubili Animæ meæ. Non propterea quòd plurimi profitentes phi-
 losophiam, sophistæ sunt, & maxima quidem ipsorum pars, existimandum est, nul-
 lam reperiri scientiam veram; sicuti Sceptici asserunt; sed quòd veritas abscondita
 sit valde, dicendum modò videtur. Quando nimirum ego certus sum, me nunc
 verè scribere: aliosque qui hanc visunt sunt scripturam, affirmaturos, esse scri-
 pturam, & quid significet: quamquam alii alium haurient sensum. Datur ergo
 aliqua scientia. Similiter non propterea quòd multi Medici imperiti sunt,
 Medicina est vanitas, ut Romani ruditer aliquando putarunt: Nec quia Cau-
 pones omnia adulterant vina venalia, reperiri purum vinum non potest. Ego
 (dixi) non propter multitudinem falsarum Religionum, omnis religio falsa
 censenda est.

Quotuplex Religio. Religionem quadruplicem esse inveni apud Philosophos, & Theologos: scilicet,
 Naturalem, Animalem, Rationalem, & Supernaturalem, comprehensis quibus-
 cumque Religionis imitationibus.

Naturalis Religio
 quæ.

Naturalis est cultus ille cunctarum rerum, quorum alia cognoscunt finem, &
 rationem finis, ut homo, & Angelus: alia appetunt finem, licet non cognoscant
 rationem finis, ad quem naturaliter feruntur, & cui volunt assimilari, ut D. Tho.
 exposuit, tamen Creatori obediunt, ejusque verbum faciunt secundum scripturas
 Dei: & ad ipsius laudem, & gloriâ sunt, & operantur, ut Plato, Trimegistus, Seneca,
 Pythagoras, Anaxag. Parmenides, & omnes Philosophi sensere, exceptis Epicuræis.
 Similiter David inquit de lege hac velut religione naturali, ut patres exponunt.

P. 1. q. 1. & 3. cont.
 Gent.

Cali

Celi enarrant gloriam Dei, & opera manuum eius annunciat firmanentum: dies diei eruffat verbum: & nox nocti indicat scientiam &c. Et quidem non sermone Latino, aut Greco, aut Hebraico, non omnibus noto, sed cunctis notissimo. Etenim ait, *Non sunt loquela, neque sermones, quorum non audiantur voces eorum &c.* Siquidem ut probat S. Thom. 2. 2. q. 81. *Religio est cultus Dei, ut principium est essendi, & gubernandi.* Omnia autem entia sunt & gubernantur à Deo, ergo colunt Deum naturaliter plusquam se. At colere Deum est conjungi illi (ait in 1. 2. q. 99. 3.) per actus internos, idest intelligere, & amare in rationalibus: in naturalibus verò per aliquos actus, his analogos, quia supremum inferioris attingit infimum superioris; unde propter amorem, & obedientiam erga Creatorem Sacri Scriptores, & Philosophi tribuunt omnibus creaturis. exteriores, etiam ut laudare & facere verbum ejus, licet rationem finis, & facti non cognoscant, ut D. Thom. advertit. probatur: Propterea enim cunctis, ait Ecclesiast. 42. *Omnia* 1. 2. q. 1. *hac vivunt, & in necessitate obediunt ei.* Quo circa S. Hieron. in 8. mat. *Omnes creaturæ sentiunt Creatorem* Et D. Thom. *Amant plusquam seipsas naturali amore* 1. p. q. 60. art. 5. *pro modo suo.* Et propterea venti, & mare obediunt Christo imperanti, ait ille: iste verò, appetunt Deo assimilari omnia. Religionis quidem rationalis externi actus, internorum signa, sunt adoratio, sacrificatio, laudatio, votum, juramentum, consultatio: sed in naturali hac non insunt, nisi juxta suum modum (ut Divus Thomas 1. p. q. 60.) Et Divus Hieronymus in 8. Mat. & 10. Ezechielis, & multi Patres contestantur. Idem dicit Iamblicus, & Theodorus, & Plato: & Pythag. &c. Ambros. verò in prologo Psalmorum & Aves cantu laudare Deum dixit, & septies in die. Quòd intellige iuxta S. Tho. sensum. propterea enim non modo *Celi enarrant gloriam Dei.* Sed Daniel advocat etiam omnes creaturas ad laudem Dei, *Benedicite omnia opera Domini Domino;* Sic etiam David. *Laudate Dominum de Calis &c. Laudate Dominum de Terra,* & non illusoriè, & sola prosopopeja grāmaticali, uti dicimus, quòd lapides laudat Regem, aut Amasiam in poematis. (Non enim obediunt ad nutum creaturis, à quibus non habent esse, & operationem, sicut Creatori, à quo in utroque dependent. Unde Hieronym. *Quæ vobis (ait) sunt insensibilia, Deo sunt sensibilia*) Sed propterea quòd omnes Creaturæ, ut ait idem Hier. suo pro modulo sentiunt Creatorem: eius enim obediunt imperio: & ducunt in cognitionem excellentiæ Dei, & ideo tanquam si sentirent, & loquerentur, dicuntur laudare, & impropere pseudopoliticis irreligiositatem. Nam ut D. Tho. docet in 3. d. 26. q. 2. quemadmodum sensitivum ex participio est aliquo modo intellectivum, quia, teste Diony. semper supremum inferioris attingit ultimum superioris, unde videtur ratiocinari: sic etiā Naturale attingit sensitivum. Et operatur in multis, ut sentiens non solum externo impulsu, ut sagitta, & prædestinatus, ut dicitur 1. p. q. 23. sed etiam interno formæ propriæ inclinamine, licet non cognoscat rationem finis: cui intendunt assimilari, ut dicit 3. cont. Gent. c. 131. Error enim est has virtutes, & actus formis etiam rerum non tribuere, ut dicit ibidem c. 164. & hoc sensu etiam Ambr. dixit, *omnia sentiunt sicut opificium Opificem,* & S. Dionysius *omnia convertuntur ad amorem Creatoris,* unde S. Thomas addit, *amant Creatorem,* ut scilicet est Naturæ author, plusquam se ipsas, & propterea quodammodo adorant, nam (1. 2. 109. art. 3. dicit) *Diligere Deum super omnia est quoddam connaturale homini, & etiam cuilibet creaturæ, non solum rationali, sed etiam irrationali, & inanimatæ, secundum modum amoris, qui unicuique creaturæ competere potest: cuius ratio est, quia (nota hanc rationem Sancti Doctoris) unicuique naturale est, quòd appetat, & amet aliquid secundum*

quod natum est esse. Sic igitur agit unumquodque, prout natum est esse, ut dicitur 2. phyl. Manifestum est autem quod bonum partis est, propter bonum totius, unde res unaquæque naturalis amat bonum suum proprium, propter bonum commune totius universi, quod est Deus. Unde etiam Dionys. dicit in lib. de divin. nominibus, quod Deus convertit omnia ad amorem sui ipsius.

Ecce quàm subtiliter probat S. Thomas, quod in cunctis rebus, nè dum in homine est insitus amor Dei, qui & cultus metaphorice dici potest, & in 3. cont. Gentiles probat, quod omnia entia affectant Dei similitudinem: & propter hoc operantur. Præterea in 1. p. q. 60. art. 5. demonstrat ex eo quod naturalis dilectio non potest esse perversa, sicut electiva; Omnis res etiam inanimata plus amat naturaliter Deum quam seipsam, unaquæque (ait) pro suo modo. Quoniam Deus est Universale Bonum, & totum amabile plusquam pars. Ergo (inquam) & pro suo modo naturaliter colit. Cultus enim amore notitiaque, & obedientia, & laudatione perficitur, ut docet ibid. q. 99. 3. & 2. 2. q. 81. & 3. cont. Gent. c. 119. ad quos actus exteriores, qui sunt inclinatio, adoratio, sacrificium &c. ordinantur. Et propterea in sacris litteris omnes creaturæ quasi sentientes, amantes, & benedicentes Deum introducuntur, & facientem verbum ejus. Inclinantur enim ad ipsum, ut ad finem, licet non cognoscant rationem finis, uti nos, sicut dicitur p. 2. q. 1. Idem probat S. Hier. in 10. Ezech. exponens illud Spiritus vitæ erat in Rotis. Item docet Plato sapientissimè. Unde Ficinus super Tim. probat ex causalitate, & providentia, quam habet Deus super omnes creaturas, non solum Religionem, sed etiam actus Religionis: qui sunt adorare, orare, vouere, per quos conunguntur primo principio, Uni, & Bono, esse naturales pro suo modulo cunctis rebus: quemadmodum naturale est helitropio herbæ conuertere ad Solem: & scilicet ad Lunam. Probatque non solum ratione naturali, ut fecit D. Tho. sed etiam auctoritate, & usu Sapientum apud omnes Nationes, quales Bracmani apud Indos; Magi apud Persas: Theologi apud Græcos: Astrologi apud Chaldeos. & ad horum testimonium adducit Iamblicum, Proclum, Porphyrium, & tandem Magnum Theodorum qui ait; Si quis naturas rerum diligentius explorauerit, inueniet, non animas tantum, atque mentes, sed quodammodo entia omnia, excepto primo, adorare, atque vouere Deo summo Bono &c. Id quod D. Thomas probavit ex amore, & Hier. ex sensu, & obedientia. Ambr. verò etiam ex laudatione, sicut Daniel, & David. Benedicite Domino omnia opera ejus in omni loco dominationis ejus; id est naturaliter pro modo quodque suo, ex D. Thom. Sed hæc Religio dicitur analogica, sicut hoc nomen Dei de vero per essentiam, & per participationem de analogis, apud D. Thomam.

Animalis religio
quæ.

Religio animalis addit supra naturalem cultum, illud obsequium, quod Bruta præstant superioribus sibi beneficis causis; Deum enim naturaliter diligunt, ut ait, S. Thom. sed animaliter omne beneficium principium. propterea Elephas Lunæ genuflectit; & se baptizat à coitu: & Solem aves præcununt in mane, venientem quæ vocibus lætis excipiunt, ut S. Ambr. & experientia testatur.

Rationalis religio
quæ.

Religio rationalis est, qua creatura rationis particeps, sapientiam, & rationem Dei, Deumque ipsum novit, & colit, finem, & rationem finis pernoscent. Hic cultus in sacra Scriptura vocatur timor Domini, qui (teste Ecclesiast. cap. 2.) cū hominibus in vulva concreat est, & ante usum rationis inest quasi seminaliter, sicut ratio sine usu, ut probat S. Hier. in Epist. ad Galat. Unde Iamblicus de myst. Aegyp. cap. 1. ait. Ante omnem usum rationis, inest naturaliter insita Deorum notio: imò talis quidam divinitatis melior quàm notitia. Ex quo incitatur naturalis appetitus boni ratio-

ratiocinatio, atque iudicium. Idem docet Cicer. in lib. de nat. Deorum, & Senec. in lib. de providentia, in Epistolis: & Pythagoras in aureis versibus. Præterea Lactantius lib. 3. cap. 9. probat, cultum Dei, idest, Religionem, ita esse homini naturalem, ut sit ejus ultima in definitione differentia: *Animal rationale Religiosum*: alioquin non rectè prorsus à brutis secerneretur, ratione sensuali, quam S. Thom. vocat æstimatoriam, præditis, idemque docet Cardinalis Osius in Confess. Petrarcor. & S. Chrysost. tom. 3. Homo, ait, in cunctis cum brutis convenit, sed religione sola secernitur; Lactantius idem probat auctoritate. Anax. & Ovid: & aliorum contra Epicureos, S. August. in lib. de vera Religione probat; & Ret. c. 12. Religionem Christianam fuisse ante legem scriptam, semper eandem in Mundo naturaliter inditam, exceptis cærimonialibus. Hinc Isidorus, allegatus à Gratiano, dicit. *Ius naturale est, quod continetur in Lege, & in Evangelio*. Similiter S. Clem. Rom. ex ore S. Petri. Justinus Martyr in Apost. 1. & 2. & lib. de Monarch. & S. Ambr. lib. de Parad. probat idem ex Apost. Rom. 2. qui in excusabiles facit gentes, qui non adorant Deum, & Sap. 13. efficacius id probatur. Idem confirmat jus Gent.

Qui hæc negat pseudo politici, ostendunt se Theologiz sacræ, & Philosophiz veræ jejunos plusquã beatiz.

Religio supernaturalis est id, quod revelat Deus in Lege, & Prophetis, & in Evangelio: quæ perficit naturalem, & eleuat ad diviniorem ordinem.

Has distinguit Fic. 18. Theol. cap. 8. & 9. Religionem, ait, intelligo instinctum ipsum omnibus gentibus communem, naturalemque: quo ubique, & semper providentia quadam Regina Mundi cogitatur, & colitur. Quam primo cognoscimus naturali sagacitate; deinde Philosophicis rationibus; postremò Prophetis verbis, atque miraculis: & hoc probat auctoritate Procli, Pythag. & Avic. idem Damasc. 1. de fid. ort. idem Trismeg. in Pymandro, & Plato in Prothagorad. cens. Homo tanquam divinitatis particeps ob cognitionem quandam, Deum agnoscit: & cupit tanquam auctorem: invocatur, & amat ut Patrem: veneratur ut Regem: timet ut Dominum; & sicut Sol non cognoscitur sine lumine Solis; Ita nec Deus sine Deo, ergo lumine divino innatoque cognoscit homo Deum. Hoc autem lumen, ut ait D. Thomas 1. 2. q. 91. est legis æternæ, idest, Verbi Dei participatio, impressioque divini luminis in creatura rationali, qua inclinatur in debitum actum, & finem, idest, Deum, ex lege naturali, indelebili de mente hominum, & hoc probat auctoritate Psal. 5. Signatum est super nos lumen vultus tui Domine, &c. quod omnes etiam Patres exponunt de lumine naturali innato. Eadem ratione utitur Gregor. Nyss. oratione cath. cap. 5. qua D. Thomas, & Plato; & verè sic est. Si enim homo est creatus ad imaginem Dei, semper naturaliter ad Deum fertur, sicut ignis ad suam sphaeram. Vnde idem D. Thom. 3. contr. Gent. 51. omnes mentes naturaliter desiderant videre Deum, & cap. 119. Deum colimus per exteriores actus, & ideo sic cultus vocatur Religio, quoniam per illos actus religamur, ne evagetur Mens. Instinctu enim naturali homo non solum cognoscit se obligatum colere Deum, sed etiam colere suo modo, idest per actus exteriores, & sacra; ergo & cultus in D. Thom. & modus colendi est ex instinctu naturali, & de jure naturæ. At in cap. 123. Leges humane, ait, ex naturali instinctu procedunt, sicut in demonstrationibus humana scientia, & conclusio, & inventio est ex principiis naturaliter notis. Divine autem leges non solum instinctum expli- cant, sed etiam defectus naturalis instinctus suppleant, ut lex naturalis matrimonij à lege divina sacramenti matrimonij perficitur.

Et cap. 129. probat, quod non solum lege, ut vult Epicurus, sed natura constat bonum, & malum: & non solum quæ lege naturali sancuntur, sed etiam quæ divina sunt natu-

Supernaturalis.

D. Aug. fecistis nos Domine ad te &c.

Lex supernaturalis supplet defectus legis naturalis, non ex legis natura, sed nostri peccati abusu causatos.

naturaliter recta, & 1.2. q. 98. art. 6. lex divina data est in auxilium legis naturalis

Idem in 3. cont. Gent. cap. 119. vbi Fer. propter defectus legis naturalis non naturales, sed exuberantia peccatorum obscurata, data est divina.

Omnes Philosophi, & Nationes fundant leges in cultu divino, ut probat S. Thom. & Sotus 4. de just. & jur. q. 4. art. 2. Soli ergo Epicurei, & Macchiavel-listæ ex peccatorum mole (ait S. Damasc.) obscuratum lumen naturæ habent, ut Religionem, etiam in tota natura cognitam, non agnoscant.

I I. Deinde dixi. Naturalis est homini inclinatio in Justitia, & in Religione vivere, ut omnis Schola, & Natio profitetur; dissident autem circa supernaturales, & positivas leges, & ritus in Religione. Item circa objecta cultus, & modum colendi, non circa cultum conceptum inclinationemque; in qua conveniunt.

Religionem ergo esse de jure naturæ nos discursu cognoscimus, & sensu experimur naturaliter. Quod autem sua Religio positiva vera sit, hæc, aut illa, sicut quilibet opinatur, habent homines per fidem, quam quælibet natio suo Legislatori, ac Præceptoris præstat. Quin etiam in Philosophis plus valet fides, quam ratio, si rectè introspicias. Platonici enim Platoni credunt, & adversariorum objectiones videntur illis fallaces; & glossis plurimis defendunt doctrinam, Præceptoris sui. Deterius Peripatetici, quasi adorantes omnem stultitiam Præceptoris sui Aristotelis. Pythagorici de Pythagora testabantur. Ipse dixit: Stoici Zenoni sunt addicti. Democratici Democrito, & Epicuro ita credunt, ut Lucretius vocet Epicurum Deum: & impia Democriti dogmata, vocat sancta. Medici verò Galeno, & Hippocrati fidem adhibent plerumque sine ratione. Sceptici nemini, nisi sibi ipsis negantibus, Scientiam extare. Hoc idem inveni in legibus. Nam ut veri Dei cultores rectè credunt Christo, ita quamvis falsò arbitrantur bene se credere Iudæi Moyse: Arabes, Turcæ, Mauri & Persæ Mahometto: Tartari Cingho: Iaponenses Amida: Græci Soloni, ac Lyurgo: Scythæ Zamolxi: Aegyptii Osiri: Assyrii Belo. Quoniam verò hi Legislatores diversa senserunt de prima causa: & Regiones sunt moribus diversæ; diversum cultum introduxerunt. Deinde Asectæ, & Commentatores eorum adduxerunt schismata, & hæreses, & cultus varios. Et nulla Natio cultu caret alicujus Numinis.

Ex his palam innotescit, quòd omnes Gentes per Religionem vivunt, ergo est de jure Gentium, & Naturæ. Sed quòd hæc, aut illa sit vera, unusquisque judicat secundum suam fidem tantum cujusque Gentis.

Secunda ratio ex cultu naturali brutorum, & omnium entium.

I I I. Amplius esse de jure Naturæ vidi, quoniam, & animalibus extat quædam Religionis umbra, & in plantis sicut monuimus in prioribus sermonibus. Et ex hoc bene percepi, totum Mundum Religionem habere erga suum Creatorem: eique cunctis servire: & Cælum enarrare gloriam ejus, ut Pythagorici, & Platonici, assentientes Davidi, testantur. Procul dubio naturale est diligere eum, qui tibi benefacit: & timere, qui malefacit; ergo causæ potentes, ac bonæ honorantur, & timentur naturaliter. Hic autem est actus Religionis, si causæ illæ sunt divinitatis participes. Sed quædam entia quibusdam insuper serviunt causis; in quibus Deus bonorum ipsorum, & timorem locavit, ut beneficium Elephantum in Luna: Et Stellarum in Sole. Sed homo, cognoscens seipsum nobiliorem creaturis inferioribus: & Cælum, & Stellæ, limitata pollere divinitatis participatione cognovit, extare quoque aliam causam longè majorem, & illimitatam: eique præstare tanquam magnanimi obsequium proprium, ac servitutem. Et intellexerunt, quòd Cælum, Terra, cunctaque entia illi primo enti immenso serviunt, quoniam qui sapientior est, sagacius pervenit ad primæ Causæ cognitionem.

nem. Qui autem magis illam cognoscit, honorat magis, colitque: ergo naturale est homini divinitatem colere, quando & in belluis aliquale vestigium ejus cultus est. Hoc autem est ipsa Religio. Si quis Bubulcus in nemore Regem venantem videret, non honoraret eum tanquam Regem, quia minus agnosceret. at Aulici Regis confestim inclinantur reverenter, quoniam magis norunt eum. Sic homo cum sit rationalis, verè colit, longeque magis, virtutum Auctorem, & Verum Deum.

IV. Vidi prætereà, non posse Rempublicam fundari absque Religione; 3. Ex necessitate, & secus enim foret latrocinium mutuum, continua rixa, & reciproca insidiatio, tota ratione politica. Civitas. Et quique potentiores palam, & clam omnia mala perpetrarent; & deprehensi fugerent: & dissolveretur Societas. Ergò Religio necessaria est, ut defendat jus naturale inter homines. Ergo ita naturale est eis religiosè vivere, sicuti naturale est homini esse animal Politicum, & plus quàm cæteris animantibus. Quin etiam homini, viventi seorsum in heremo, naturalis est Religio magis, quàm Elephantis: sicuti naturale est colere, ac servire præstantioribus. Unde sunt heremitæ, & domus Religionum sequestratæ sunt ad serviendum Deo in cunctis Nationibus; neque enim adeò agrestis reperitur ulla in utroque Hemispherio, quæ non colat Deum, vel id, quod putat esse Deum.

V. Id quoque Religionem sic esse naturalem ostendit maximè, quod homo inveniens aliquod ingens bonum, vel malum, repente attollit vultum in Cælum, gratias agens, aut auxilium petens, eodem planè instinctu, quo ultrò manus capiti auxilium parat ob naturalem Animæ consensionem; & ideo Religionem, & actus exteriores Religionis, ut orare, adorare, sacrum facere, D. Thom. nedum Plato, dicit esse ex instinctu naturæ 3. cont. Gent. cap. 119. 4. Sumitur ratio ex actibus internis, & externis Religionis apud Lactantium, & August. & alios Patres.

VI. Et quidem naturalissimum est nobis beneficientem amare, & colere: Ratio 6. ex causali- & ab eodem opem petere, quando quid mali nobis contingit. Et hoc nos, & bruta facimus erga parentes; & res omnes erga res naturaliter, à quibus beneficium recipere solent quodcunque. Ratio 6. ex causali-
tate, & providentia Dei.

Cum igitur verum sit, Deum esse, ac Mundum regere, omniaque bona ab eo emanare, & poenas peccantium, ut in superioribus ostendimus; fieri non potest, quin nobis naturale sit colere illum, ut primam Causam, Patremque communem; Et quin ipse, cum sit benignus, providusque, dederit Legem, ac Religionem, qua ipsi serviremus, ut ipsi placet, & convenit, non autem, ut nobis videtur. Conclusio.

VII. Quoniam verò inter diversos homines diversorum Climatum diversi inveniuntur ritus in suorum Dominorum cultu: Nam alii genuflectunt, ut Lusitani; Alii tantummodo inclinantur, ut Turcæ; Alii inclinantur, & nudant caput, ut Itali. Igitur eadem ratione diversus est cultus, quem exhibent Domino Dominorum: omnesque boni sunt, dum Deo fiunt absque pravitate, & superstitione: maximè autem ille, qui exhibetur decente Deo. Unde D. Aug. lib. 1. de cons. Evang. ait, cap. 28. *Socratis sententia est, Deum quemque coli oportere, sicut ipse se colendum præcepit.* Unde varii ritus.

Nam, quando torquetur cultus divinus ad creaturas, aut non tantus Deo exhibetur honos, quantus debetur summo bono, aut contra ejus præceptum, iniquitas est atrocissima. Eoque magis, quòd etiam Diaboli dolosè cultum divinum usurparunt ab homine. Similiter superbi, astutique homines, qui fingentes se Deos, aut à Deo missos, diversas Religiones falsas, ut regnarent, introducere: tanquam deceptores, vel decepti à Diabolo.

VIII. Nec existimandus est Deus hac cura nontangi, utrum colatur, aut Deus vult coli. non,

non : aut suus honor alteri detur ; quoniam , ut ait Epicurus , cum sit beatus , hanc molestiam averfatur . Deus enim jam declaravit , fe honorem tanquam debitum requirere à nobis , Naturæ , & Nationum testimonio : & miraculis supernaturalibus . Scimus etiam , fi non colatur , non nocere illi , fed nobis , à summo Bono recedentibus . Item naturale est omnibus parentibus , ac majoribus à filiis , & minoribus agnofci velle , colique , ut in eos fuas effundant opes , & gratias fi benefici sunt , amorisque , cujufmodi maximè est Deus . Novimus etiam , Deum curis non laborare , cum fit infinitè potens , & sapiens , neque dolere per fe , fed in nobis : & effectum dolentis ostendere , dum nos caftigat . Sed hæc doctrina nihil ad nos in præfentiarum , ubi de hoc non est difputatio .

6. Ratio ex cura peculiari Dei , erga Remp. humanam .

Vidimus jam in tota rerum natura , Deum curare omnia , etiam minutiffima ; ergo multo magis artem principalem vitæ humanæ , quæ est Religio , vita Reipublicæ . Si enim præbet spinas , ac frondes arboribus , & animalibus organa in magnos ufus , &c. Religio cafu , ac fine auctore efle nullatenus poteft .

Quod faciendum eft Macchiavellitæ , volenti invenire Religionem veram .

IX. Igitur multa illi homini examinanda funt in cunctis feftibus , ac Religionibus Mundi per rationem communem naturalem , qui volet per hanc viam , inter omnes veram Religionem , & à Deo præfcriptam , invenire ; quamdiu per fupernaturale donum plenè non adjuvatur , ut falfarum detegat impofturas ; & veræ Religionis animadvertat evidentem , & rationabilem credibilitatem .

Prima nota veræ Religionis , falfeque .

I. Conditiõ præceptorum moralium , utrum funt utilia , & fecundum naturam omnibus convenientia , pia , facilia , amabilia , clara , certa : quæ homines femper meliores reddant , quo magis ea obfervant ; deteriores verò , ac in vitia mala ruentes , qui minus ea obfervant ; & utrum admittant vitium aliquod oppofitum virtuti naturali .

II. Secundò fides eorum , quæ proponuntur credenda fupernaturaliter , fcilicet , utrum prædicentur fimul cum lege eo modo , quo à Deo accipitur ; an à naturæ arcanis per fapientes cognitores primæ caufæ .

III. Utrum funt rationabilia ; convenientia Deo Potentiſſimo , & Sapientiſſimo , & Optimo , & non contradicentia evidenter decretis naturæ , pia , & devota : olentia fapientiam , & non fabulas , & vanitatem : utrum contineant impoſibilitatem & contradicitionem nec ne ; & quomodo probantur efle divina . Et utrum jubeant vitioſa , ruinofa , & obſcena , an non . Et utrum verè elevent animos ad Deificationem fui . Et utrum ejus Autor ad hoc munus fuerit miſſus à Deo , an ab hominibus , an à propria ambitione , an à Diabolo .

IV. Et utrum qui dicunt , fe miſſos , aut inſpiratos à Deo , ita certi funt , quod comprovent testimonium fuum ſanguine , parati mori pro veritate , quam Dominus Deus ipſorum tradidit annunciandam ; an mortem effugiant . Et utrum ſcopus intentionis eorum fit honor Dei , & premium , quod ipſi à Deo expectant , & non à populis : an mortem averſentur : terramque cupiant .

V. Et utrum afferant , oftendereque poſſint , literas patentes , feu diplomæ : ſanguine ſigillatum . Et ſigna miſſionis , quæ funt miracula : & utrum miracula ſint mirabilia tantum , & ſecundum magiam naturalem , an ludicram fictitiæque , aut Diabolicam ; aut miracula vera ſecundum ſupra naturalem , diuinamque .

VI. Et utrum Deus auctorizaverit etiam ſequaces illius , qui fe oftendit Nuncium miſſum è Deo eiſdem miraculis , & ſanguine libenter effuſo ; in hoc enim maximè negocium verſatur . Nam palam fit ; quod non fuerint decepti , neque deceptores .

VII. Conſidera , num perſeeveret eadem virtus miracula faciendi , in poſteris

steris sanctioribus secundum legem ; Et utrum fides certa, & sincera eorum, parturit miraculosos effectus contra Dæmones, & infirmitates, & contra omnia mala, quibus Religio opponitur in auxilio alicujus Dei, quem colit : & cum aviditate moriendi propter præmium, quod Legislator pollicetur.

VIII. Librare oportet omnia præmia, & pœnas temporalia, & æterna, quæ promittit observatoribus, & transgressoribus ; hoc namque maxime refert : & utrum eos spoliet, an ditet.

IX. Considerandum est, utrum Legislator habeat testimonia Prophetarum, qui ipsum præconizaverunt venturum ; & num per prophetiam verè divinam ; an per conjecturam, & præsagium naturale ; an per pseudoprophetiam diabolicam.

X. Et utrum quæ ipse Legislator prædixit futura post se, eventu comprobata sint ; Et qua ratione ea, prædixerit, naturali ne ? an divina ? Sic etiam ejus præcones, & attestatores, & contestatores, &c.

XI. Examinanda quoque est vita Legislatoris, & sequacium, utrum fuerit in patientia multa, & virtutibus heroicis, sanctisque exemplis, & constanter. Ex vitæ namque probitate, & nequitia, gravissimum sumitur argumentum.

XII. Et utrum armis Religionem plantaverint, an virtute, & miraculis : an utroque instrumento.

XIII. Et utrum Deus auctorizaverit scholam eorum successione diuturna, ac possessione. Et num ubi arma defecere, auxiliumque humanum, creverit Religio per patientiam, & martyrium : an decreverit.

XIV. Et, num si mundus totus sub unam legem conveniret, posset hæc lex esse sufficiens, & commoda tot variis hominum moribus, in omni loco, & tempore ; sic enim procul dubio divina esset, & secundum communem naturam, quam & perficit.

XV. Utrum prohibeat omnia, & singula vitia, & imperet omnes virtutes &c.

XVI. Nec negligendus est locus, & tempus, considerando Cælum, & Terram, quando, & ubi data est lex.



EXAMEN CHRISTIANÆ LEGIS,
cæterarumque Nationum : quo demonstratur, illam pro
fundamento habere Charitatem, & Rationem primam; cæ-
teras vero leges bonas, philosophicas, Justitiam humanam,
& rationes secundas : ac solius Christianæ solum præcepta,
moralia, & ceremonialia cum natura, quam perficiunt,
prorsus congruere. Et quo pacto obligent. Inde necessario
futurum, ut si totus Mundus ad unam legem reducendus
est (quod nos firmissimè probabimus) aliam præter istam
esse non posse. & adduntur responsiones ad argumenta
Juliani, Luciani, & Macchiavelli.

C A P. X.

Vovet auctor quod
sub Christiana Lege
in toto Mûdo unum
ovile, unus pastor.



Ex consensu Natio-
num probatur.

Ex conventionem, &
communitate.

EINDE his propositis signis, ac notis, omnium morta-
lium leges percurri, examinando eas in iudicio contradi-
ctorio ab omni passione remotissimus : & comperi, Reli-
gionem solum Christianam esse veram, undeque, nec
unquam naturæ repugnantem; Eandemque cæteris cunctis
fore anteponendam. Unde mihi certum est, totum Mun-
dum, jam lassum, sub eam unam reuniendum fore, post pe-
riodumurbationum multarum, quæ ex divisione Principa-
tum, & Religionum acciderunt. Futurumque opinor unicum in terra Principatum ea cum felicitate, quam cecinere Poetæ de sæculo aureo, & Philosophi de-
scripserunt de statu optimæ Reipublicæ, adhuc non viso. Quod etiam verisimile
est (aliis Catholicis intellectibus salvis) indicasse Prophetas, cum prædixerunt de
tranquillitate Ierusalem reedificandæ post captivitatem Babylonicam, seu post
confusionem sectarum stultarum, & impiarum; & omnes sapientes Nationum
expectaverunt : & populi vehementer optant, ut fiat voluntas Dei in Terra, sicut
in Cælo; & cessent mala super terram. Nec quispiam reperitur, qui hoc non de-
sideret, præter Tyrannunculos quosdam, qui tamen & ipsi cuperent, totum
Mundum sub sui quisque Principatum unicum omnes mortales convenire. De-
siderium autem commune naturale est, & non frustra; unde verisimile est, quod
complebit illud Deus. Nam & hoc esse non videtur extra promissionem Dei ad
Abraham, ut hæres esset Mundi (Rom. 4.) & ut sit Pater omnium gentium. Gen. 17.

II. Hanc sententiam sic mihi persuadeo. Illa lex omnibus anteponenda est,
in qua omnes nationes vivere possunt, quoniam sola naturæ minimè repugnat,
sed prodest perficitque; & secundum innocentiam primariam, in qua creatos fuisse
homines, æstimandum est; & infantia ipsorum admonet. At video præcepta Chri-
sti moralia ea esse, quippe quæ fundantur super amore Dei, ac proximi, quate-
nus frater noster est, & omnes sumus filii Dei. Aliæ verò leges, & Principatus
humani fundantur super externa, & philosophica justitia magis. Quæ virtus cui-
libet dat, quod sibi acquirit : solumquæ curat populos in communitatem unire,
nec

nec divellere peccata secreta, nec publica : nisi illa, quæ proximo injuriam inferunt manifestā. Fornicationem enim ferè omnes illæ permittunt, plures sodomiam. Avaritiam, & ingratitudinem non puniunt; nec invidiam, nec pusillanimitatem, nec audaciam, nec ebrietatem, nec ocium, nec anxietatem, nec mendacium, nec malignitatem, & similia, nisi ubi proximo nocent manifestè, & satis. Quæ omnia vitia & exorbitantiæ in lege Christiana cordetenus vetantur; & oppositæ virtutes plantantur. Dicimus enim, Christum esse Sapientiam æternam, primamque rerum omnium Rationem, cujus proles est Amor in Metap. & par primalitas cū ea. Ergò omnia, quæ aguntur contra virtutem, & rationem, sic esse contra Christum; qui teste Apost. *Est Dei Virtus, & Sapientia, & Ratio*, (Unde concludit Origenes, & SS Justin. Hier. & Aug.) Ergo est iustitia, fortitudo, clemētia, & quidquid nomine virtutis gaudet, sed per essentiam : nostræ enim virtutes sunt splendores, & participationes illius. Hoc autem S. Hier. sæpe inculcat, maxime autem super epist. ad Ephe. 4. in illum locum. *Vos autem non ita Christum didicistis &c.* ubi ait. *Discere Christum idipsum est quod nosse virtutem, & audire illum non differt ab eo si diceret audire Sapientiam, Iustitiam, Fortitudinem, Tēperantiam &c.* quæcūque Christus vocatur &c. hæc ibi Hier. Item super epi. Gal. 5. in illum locū Pauli. *Nos enim spiritu ex Fide, Spem, Iustitiæ expectamus*, ait, idem S. Hier. Sic (*Spes Iustitiæ Christus intelligendus est, quoniā ipse est Veritas, Patientia, Spes, Iustitia, omnesque virtutes.* Item ad Gal. 2. super illum locum, *Vivo autem jam non ego, &c.* (inquit idem S. Hier.) *Vivit in eo Christus Sapientia, Fortitudo, Sermo, Pax, Gaudium, cæteræque virtutes.* Quòd autem, qui Ratione vivunt, sint quodammodo Christiani implicite, ut vult S. Justinus, ex jamdictis necessariò, sequitur, quoniam Christus est virtus & ratio : omnisque virtus est rationis decretum. Sed idem Hier. clarè pronunciat contra imperitos in epist. Eph. 2. super illum locum. *In quo habemus fiduciam*, sic dicens. *Vt firmior sit accessus, habere illum in confidentia, cu us fiducia, & accessus principium, & origo, fidei in Christo est.* *Qui omnia ratione, & ordine facit, isle credit in Christum Rationem, atque Sermonem.* *Qui Sapientiam potuerit comprehendere; isle credit in Christum Sapientiam.* *Qui intellexerit veritatem, credit in Christum veritatem.* *qui iuste vixerit, credit in Christum iustitiam &c.* Igitur rectè dictum est, viventes contra rationem, & virtutem, esse contra Christum; è contra verò omnes ubique homines, viventes secundum rationem, ut sic esse Christianos. Quemadmodum Hieron. cōcludebat; similiter Sanctus Clemens Romanus. ex ore Principis Apost. contra Simonem Magum pronunciat. Adde D. Justin. Mart. cognomento philosophum in exortatione ad Gentes, & in 1. Apolog. pro Christianis in Senatu Romano coram Imperatore Antonino disputantem contra eos, qui dicebant Christianos impios, & irracionales, ubi dicit se factum Christianum ex Platónico, *Non quia* (inquit) *Plat. doctrinæ sunt alienæ à Christo, ubi rationales.* *Nos enim adoramus Christum ingeniti Dei Verbum, & Rationem* ita dicit in 1. Apologia: & iterum in 2. ubi ait, quòd Christus Ratio per Socratem tanquam suum sequacem arguebat vanitates Græcorum, & iterum. *Dicimus Christum primogenitum Dei & Rationem, & Verbum esse cu us uniuersum hominum genus est particeps; & quicumque cum Ratione, & Verbo vixerunt, Christiani sunt, quamvis Athei, & nullius numinis cultores habiti sunt, quales, inter Græcos Socrat. & Heraclitus fuere, & his similes, Inter Barbaros autē Abram, & Ananias, & Azarias, & Misael, & Elias, & alii cōplures &c.* perinde atque ex veteribus, qui Christum præcessere et absque ratione, & Verbo exegere *αχρηστοι*, hoc est incommodi & sine Christo fuerunt: eorumque, qui secundum rationem, & Verbum vixerunt, percussores &c. Hæc D. Justinus, quæ ab omnibus ferè Patribus Græcis, atque Latinis repetuntur, qui consideraverunt

M.N.

Christum, ut auctor Naturæ: maxime autem rationalis Naturæ, ac Legislator. Omnis enim lex positiva dependet à lege naturali; & lex naturalis est impressio legis æternæ; lex autem æterna Christus est Dei Sapientia, & Ratio. (*Qui autem ex recentioribus plus meticolosi, id negasse videntur, sumpserunt vocabulum Christi, à Christo secundum quod est nomen dicens Incarnationis æconomiam, cuius effectum incipitur intrinsecè à vocatione, & excitatione ad fidem supernaturalem.*)

Omnis lex à Christo, & quomodo, ostenditur.

Quod Christus sit Ratio, unde homines naturæ sunt rationales, & per gratiam sancti secundum patres, vide postillam paginæ 27. & rextans.

Si cognosceretur prima Ratio, nemo à Christo abiret.

Etiam ignorantes Christum, velint nolint sunt cum Christo, inquantum putant se vivere secundum rationem, voluntque. Sic qui nolunt Deum, & volunt Bonum, etiam volunt Deum.

Ex hoc validissime conuincitur Aduersarii.

Quando ergo omnes Nationes recognoscunt Christum esse Deum primam Rationem, aliam legem, ac Christianam, amplecti nequeunt; siquidem lex omnis, legis digna nomine, qua usus est, & utetur Mundus in qualibet natione, data est à prima Ratione Christo, ut Auctor naturæ est, & prima Ratio. Idcirco quatenus rationales nobiscum sunt. Omnis quippe lex Ratio est, vel rationis regula; ergo lex omnis est participium & splendor primæ Rationis, Sapientię Dei: qui est Salvator. Ratio enim seu Sapientia est, quæ gubernat, & salvat omnia entia, secundum modum suum. Iustitia ergo, in qua fundantur leges humanæ, si leges sunt, est splendor Rationis primæ, & quantum Sol suum excedit splendorem, tantum Ratio Iustitiam, & lex Christiana leges humanas. Et in Metaph. ostendi, Sapientiam esse Primalitatem Entis, Iustitiam verò modicum influxum illius.

III. Deinde dixi. Quoniam mortales non dum omnes norunt Christum ut Deum, & Rationem primam, & in illis quodammodo ecclipsatus Christianismus, eò quod putant, ipsum à nobis predicari, quasi unum sectariorum, unde ejus Regnum Principibus Terrę quidam Theologi, nedum Heretici suppositum arbitrantur, ut gladium, & potestatem mendicant ab eis; idcirco non currunt omnes ad Christi legem certatim.

Deinde lætabundus, ergo Nationes cunctæ Christianæ sunt quodammodo; cum enim secundum rationem vivere se velle profitentur, etiam ignorantes Christum, Christum querunt, cum id querunt, quod sola Christi lege de facto reperiri potest, quæ (ut Aug. ait) à principio ad finem Mundi semper est eadem, exceptis caeremonialibus. Virtutes enim naturales, & gratia sanctificans nunquam defuit, Audi Hier. super epist. ad Ephes. 1. in illum locum, *Gratificavit nos in dilecto*, sic dicentem: *Si Christus est, ut sape diximus, Sapientia, Iustitia, Pax, Gaudium, Continentia, &c. Virtutum vocabula; etiam hi, qui sequi nequeunt, diligunt; & nullus tam confessi sceleris est, ut non Sapientiam, & Iustitiam amare se dicat. Quomodo & de substantia Dei, omnium hominum cõsentit opinio, quod divina sit, & nullius sensu facile cõprehendatur; Errat verò unusquisque dum talem, vel talem eam putat; ita & Christum secundum id, quod diversas virtutes sonat, omnes diligunt, licet plures factis non possint probare quod diligunt, Imò etiã nasci quodammodo Christianos omnes, nedum Justinus, Greg. Nyss. Irenus, Origen, Clem. Alexan. Aug. ceterique Patres, dum Gentilismum convincunt, compelluntque ad fidem, declaravere; sed maxime Hier. nec esse nec nasci posse sine Christo auctore Naturæ, & morum, & gratiæ, mirifice confirmavit: ita quod licet velint, nolint, etiam qui Incarnationem Christi Primæ Rationis, aut nesciant, aut non acceptant, convincuntur Christo adherere & quia Deus & auctor Naturæ, & rationis est in eo quod sunt, aut profitentur velle rationaliter vivere, sicut qui negat Deum esse, fatetur, Deum esse, & qui dicit, non dari rationem, & probat hoc rationibus, fatetur rationem. Hæc enim est veritatis vis, ut docet S. Thomas, & Aristoteles, & Plato, ut dum negatur, affirmetur. Sed audi S. Hieron. in Gal. 1. super illum locum. *Cum autem &c. ut revelaret filium suum in me &c.* dicentem, hic. *Non dixit Apostolus, ut revelaret mihi, sed in me. Cui enim aliquid revelatur, huic illud potest revelari, quod ante in eo non erat. In quo verò revelatur, huic illud revelatur, quod prius fuit in eo, & postea revelatur juxta illud in Evangelio Ioan. 1. Medius in vobis stat, quem vos nescitis.**

scitis. Et alibi: *Erat lux vera, quæ illuminat omnem hominem venientem in hunc Mundum. Ex quo perspicuum sit, naturâ omnibus Dei inesse notitiâ; nec quenquam sine Christo nasci, & non habere semina in se Sapientiæ, iustitiæ, reliquarumque virtutum. Unde multi absque fide, & Evangelio Christi, vel sapienter faciunt aliqua, vel sanctè, ut parentibus obsequantur, ut inopi manum porrigant, non opprimant vicinos, nō aliena diripiunt: magisque iudicio Dei obnoxii fiant, quod habentes in se principia virtutū, & Dei semina, non credunt in eum, sine quo esse non possunt.* Quid Clarius ad probandum, quod etiam nascendo cum seminibus virtutū homines sunt quomodo Christiani, nē dum operando virtuosè, & rationabiliter, quamvis nesciant, sicut Iudæi, ad quos dicitur: *Medius vestrum stat, quem vos nescitis.* Ergo quatenus rationales nobiscū sunt implicite, idest Christiani, licet quā male, & sine ratione vivunt, nō sint Christiani. Et propterea in Synodo V. c. 12. damnatur Theodorus Mopsuastenus, quia dixit, *Nos dici Christianos à Christo, sicut Platonici à Platone, id quod verum esset secundum vocem, non secundum rem, quoniam non particulariter, ut Plato Platoniorum, sed universaliter est Christus caput omnium Rationalium creaturarum, quoad Naturam, & mores, & gratiam, &c.*

Occurrit objectioni

Et cum Aurasicani Canon. 8. negat, quōdāmodo omnes homines fideles esse, (uti coguntur dicere, qui fidem in Deum faciunt naturalem, & non infusam) loquitur de fide, quā credimus in Deum, idest de informata per charitatē operante cum merito condigno vitæ æternæ, quā Pelagiani putabant ex viribus naturæ adipisci: contra quos Concil. procedit. Ratio verò nostra cum S. Hier. loquitur de fidelitate secundum, & dilectionem naturalem ipsius Dilecti, qui est summa Ratio. Et hoc sufficit illi: & necessarium erat ad convincendos Athēistas, & Macchiavellistas, qui diversas leges à sectariis diversis credunt esse, & Christum unum de sectariis esse volunt; contra quos ritè procedimus ostendendo, quod sit prima Ratio, & Lex æterna, à qua omnes leges oriuntur, & cui nemo contradicit, nisi per errorem, quo ignorat Christum esse primam Rationem, & incarnatam fuisse propter nostram salutem, & vocatum Iesum à salvando.

Omnes igitur, qui profitentur vivere secundum Rationem, Christiani sunt eo modo, quo Patres, victores mundi, docuerunt: ergo in quantum à recta Ratione defleunt, etiam à Christo non sunt: sicut & nos Christiani neque Christiani in illis sumus actibus, in quibus à ratione exorbitamus. Quod & Bernardus monet.

Una lex in Mundo naturalis, plures autem ritus, vel abusus.

V. Ergo Mundus unam habet naturalem legem in cunctōrum hominum, cordibus insitā, quā nulla diversitas obliterare potest. Sed nos ludū cæcorum agentes non animadvertimus: Illæ enim leges ritusque, qui contra rationem sunt, non sunt leges, sed abusus, & distortæ regulæ. Ratio autē prima Deus in persona Verbi inter alia propter hoc etiā incarnata est, (teste S. Tho. & Lactan. & alijs Patribus) ut nobis declararet doctrina & factis universalem naturalem legem, quā per legē super-naturalem dein perfecit, elevavit, & adimplevit. Stupor tenet me considerātem, quod velint, nolint Homines, subditi sūt Christo, noto, aut incognito. Et ut Hier. ait, nec possunt nasci, esse, & operari, prout oportet, sine Christo, naturæ, & gratiæ authore.

Conclusio utilissima & fortissima.

Ergo nullum est argumentum illud atrox petitum ex legum varietate; nam exclusis falsis, quæ veræ leges non sunt: tunc leges positivæ sunt specificationes, & explicationes, & applicationes ejusdem legis primæ naturalis. Earum ergo varietas non constituit nos irracionales, neque alienat à Christo in quacunque Natione. Et cum hoc Athei, putantes se ratione vivere, intelligent; non poterunt Christi, qui est summa Ratio, non Sectarius legifer, fidem renuere, sicuti nec qui Bonum amat, non amat Deum, vel implicite, ut concludit Plato, & D. Thom.

Responsio ad 2. cap. arg. principale.

Prædicauit insuper Christus Regnum unum cæleste, & tanquam custodes legis dedit Amorem, & Timorem Dei, & præmia, & poenas post mortem. Ergo & palam, & clam, publicè, & privatim providit, ut fiat in nobis viridarium omnium virtutum: quæ virtutes cunctæ sunt quoque leges partiales, & expulsionones vitiorum cunctorum, contrariorum legi; quæ est mater, & nutrix virtutum, pendens à prima omnium Ratione essentiali Verbo Dei, quod est Christus; Qui, si vel minimum permisisset vitium, cum venit legem complere, non verè ostendisset, se esse Deum: nec puram ejus legem divinam, & universalem, sed humanam, particularem. Quapropter, purgato Mundo vitiis omnibus, remanere non potest, nisi lex Christi, quæ est hortus omnium virtutum.

Objectiones pseudo-
politicorum contra
legem Christi, ex
Luciano, & Tripho-
ne exortæ.

Sed obiicit Macchiavellista irrisor nobis, ut olim Lucianus Platoni, & Triphoni S. Justino; Christus formauit quandam Rempub. sicut Plato suam, quæ in Mundo reperiri nequit.

I. Nulla enim Respub. potest prohibere vitia omnia; neque præcipere virtutes omnes. Apostoli ejus fatentur, *Si dixerimus, quia peccatum non habemus, ipsi nos seducimus.*

Argum. 2. 3. 9.

II. Christus, præterea, addidit quædam, in quibus Resp. non potest subsistere.

III. Veluti, non jurare omnino.

Math. 5.

IV. Non judicare.

V. Non litigare: sed cedere & pallium petenti tunicam.

VI. Non ulcisci injurias; sed si quis te percusserit in maxillam unam, volve ei & alteram.

VII. Benefacere inimicis; pro eis orare.

VIII. Non cogitare de crastino, non thesaurizare. Non esse sollicitum, quid manducabimus. Ergo non est laborandum, neque seruanda bona in tempus indigentiae naturalis; neque per totum annum congregandum est frumentum; neque arandum, nec bellandum; & sic quicumque inuasor nos subiiciet, & erimus preda Misorum, ait Arist. aut omitemus Remp. ergo impossibile est.

IX. Sed quid ineptius, quam cum ait, ut vendamus, quæcumque habemus, & demus pauperibus &c.

X. Utque castruemur propter Regnum Cælorum.

XI. Et eiiciamus nobis oculum, qui nos scandilizat.

XII. Et gaudeamus, & cupiamus, si nos alii persequuntur.

Resp. uniuersalis ad
dicta argumenta.

Cui respondi. Etiam si non reperiretur homo omni virtute plenus ita, ut à ratione nihil exorbitaret, qui instruit hominem; non propter hoc non debet omnes virtutes docere, & vitia explodere omnia: sicut neque quia Poema non invenitur omni vitio carens, debet qui Poeticam scribit, præcepta aliqua prætermittere ad Poemata spectantia; nec, quia Arist. demonstrationem nullam fecit, qualem ipse faciendam scribit, debuit à præceptis quicquam demere. Neque Cicero ab Orationis regulis, quas docet; licet non omnes quisquæ peritissimus eas observet. Sed hoc admonet, nos esse in statu imperfectionis, & contendendum nobis esse, ut pertingamus ad Idæam perfecti viri, quæ Sapientes in Dei luce introspectant, describuntque.

Ergo, inquam, quanto plus Christianæ legis à nobis seruatur, eò meliorem vitam traduci, meliusque nos seruari ad Deum & ad proximum. Item addo, verè impossibile esse, quòd contingat ipsam seruari ab his, qui dicunt Deo, recede à nobis, vel factis, vel etià dictis; non autem ab his, qui per Dei gratiam bonos operarios & inconfusibiles se exhibent. Et Apostolos ejus vixisse hæc Remp. in actis Apost. teste Luca, & Aegysippo, & Patriarchatum S. Marci in Aleßandria, teste Philone, sci-
mus.

mus. Quod etiam ex parte, licet inutiliter, contendunt Anabaptistæ in Moravia.

Et primò: quantum ad nostram communitatem, quæ in consilio ponitur; confidero; quòd si nemo thesaurizaret, omnes divites essemus, & Resp. abundaret bonis sufficienter pro omnibus. Sed quoniam humanæ opes divisæ sunt inter paucos potentes divites, ceteri urgentur paupertate. Pauperes autem sæpè viles, seditiosi, insidiosos, perjuri, fures, adulatoresque fiunt. Diuites verò superbi, avari, vel prodigi, gulosi, ociosi, libidinosi, contumeliosi, & tyrannici fiunt. Ideoque Resp. plena est ærumnis, & malis omnibus. At si omnes in communitate juxta Christi consilium viveremus, & Magistratus distribuerent munera, labores, & artes unicuique secundum propriam habilitatem naturalem, vel prædia, atque opes omnes ad Rempub. pertinerent, & fierent divisiones, & æqualitates, etiam pro meritis, ne filii optimorum ignaviter viventes, paterna bona ligurient, & Rempub. exemplo, & verbo, & factis pessundent: tunc melius viveremus, nec magis divitias, quàm Deum amaremus, & hanc vitam ad aliam melius transferremus. Quapropter & si peccata essent, ut fatentur Apostoli, illa non essent, nisi qualia in se fatentur Apostoli, non destruentia Rempub. neque charitatem ad Deum, sicut Ciceronis, & Demostenis errores in Orationibus componendis, qui tolerabiles reputantur.

Responso specialis
Ad primā obiectio-
nem. Responderetur
de communitate
impossibili.

II. Secundo dixit, *Ne juremus omnino*, propterea quòd deberemus erga invicem ita boni esse, ac veraces in hac lege sancta, ut juramento nullo indigeamus ad veritatis confirmationem: sed quisque eam simplici animo proferret; sicut consuevit inter amicos fidelissimos, & Philosophos. Ergo sicut divisionem bonorum intelligo iterum factam esse propter defectum charitatis, & negligentiam curatorum particularium, sic Juramentum propter defectum veracitatis, & propter incredulitatem exigentis. Ergo utrumque ex quadam necessitate permittitur, & non ex legis imperfectione naturalis, aut divinæ: sed enim *A malo est, quod amplius est*, dixit Iesus. At si Iesu legem plenè observaremus, essemus perfectò prudentes, charitativi, veraces. Nec divisione indigeremus, quæ est proles iniquitatis, teste Sancto Clemente; neque juramento, quod est in remedium perfidiæ.

Respon. ad 2. d. Iuramento.

Ad III. Dixi iudicium temerarium à Christo prohiberi, sed non rationale: nam addit, *Sed quod iustum est iudicate*. Et fortè docere volebat ad summum, quòd inter Christianos peccata nō deberent esse nisi venialia, vel ex fragilitate, & imprudentia, non autem ex malignitate; vel saltem ea, quæ sunt contra proximum, (quorū gratia instituuntur Tribunalia) nō essent tam levia, ut illis indigerent. Nam, quo etiam possent absque peccatis vivere, tradidit nobis Sacramentorū auxilium, ut infra dicemus. Propterea ergo præcepit, ut quilibet ignosceret Proximo suo; ex quo sequitur, quòd non indigeremus Tribunalibus, neque iustitia punitiva. Quòdque reprehensus quilibet à propria conscientia, vel à fratribus, ultro pœnitentiam huiusmodi peccatorum subiret, sicut David, & sancti homines multi. Sed hodierno tempore, cum peccata hominum enormia sint & gravia, Tribunalibus indigemus. Sic S. Gregor. ait, quod *nisi fraternitas exerceretur inter Episcopos*, nec ipsum Papam oporteret præcipere, & iudicare alios Episcopos si peccata non extarent; *lex enim non est posita iustis, qui sibi ipsis sunt lex, sed iniustis*, ait S. Paulus. Et omnino peccatum est in vobis, quia iudicia habetis: quare non magis fraudem patimini? &c. ac deinde concedit Corinthiis Tribunalia propter ipsorum fragilitatem, & necessitatem; & committit ea Sapientioribus: & Timotheo significat, ut *accusationes accipiat: & publicè peccantes, publicè arguat*.

Respon. ad 3. obiecta
de iudiciis: & ad 5.
de Tribunalibus.

1. Tim. 1. & 1.
Cor. 6.

1. Tim. 5.

Quapropter, cum edixisset Christus, quod major sit sicut qui ministrat, & non dominaretur, more Gentilium, ut Domini, sed tanquam fratres majores minoribus; intendebat auferre superbiam, & omnem punitivæ justitiæ materiam. Quoniam opus ea non est, ubi regnat Charitas; ut patet in familia. At deficiente charitate, necessaria est punitiva. Sed lex directiva, & justitia distributiva munerum, & laborum, & opum, & reciproca officia, & auxilia, sunt charitatis propria: per quam omnia membra mutuò compatiuntur, & congaudent, & coadjuvant mutuis sese officiis. Sicut olim fuit in Clero, & nunc in multis Ordinibus sanctarum familiarum Christi. Quamquam & vindicativa per omnes quoque jam serpit, quoniam peccata alter alterius non ferunt: & sæpè enormia sunt, nec ferenda, quoniam destruunt charitatem, radicem Reip. sanctæ.

Responsio ad s. & 6.
de nō litigando, non
ulciscendo, & ceden-
do injuriantibus, be-
nefaciendo inimicis.

VIII. Cateri jam prædicti ordines sunt consultationes, sublimes valde, valdeque naturam perficientes. Et profectò, si observaremus omnes hæc moralia, abundaret sanctitas, innocentia, & sælicitas maxima; cessaret enim lis, & fraus, & odium, & vindicta. Nam insinuat Christus: Quod si cum Sanctis tractas, quales singuli integrè rationales, hoc est Christiani, esse debent; tollenti pallium, vel percutienti cedere debes; non autem contendere: quoniam persuasum habere debes, quod ille amet proximum sicut seipsum, & quod non nisi ex magna charitate movetur ad id faciendum; vel, ut te probet; vel ne tu pecces, ut in collationibus Patrum sæpe evenisse legimus. Aut quod ex fragilitate, & ignorantia peccet; & ideo parcendum esse illi. Ergo cedere debemus injuranti, tanquam patri, aut fratri, aut tanquam puero: quibus cum minimè litigamus, sed condescendimus. Sin verò non cum Christianis tractas, sed cum scelestis, debes etiam cedere, ut eos meliores reddas: erubescant enim tantam patientiam experientes. At si contendas, facis quod facit ipse, qui tibi injuriatur. Ergo imitaris ipsum: ergo accipis ab ipso legem: ergo tu es victus, qui accipis legem à victore. Sin verò tu cedis, ipse contendere omittit: ergo facit quod tu: ergo accipit legem à te, & est ergo victus, & ex fero fit mansuetus. Sic intelligitur Paulus Apost. dicens, *Noli vinci à malo, sed vince in bono malum*. Hoc autem non est vilitas, & abjectio, ut vulgus Macchiavellisticum putat, Aristotelicumque, nisi ubi fit extrinsecus propter timorem, non quando ex animo; tunc enim est sublimitas, & magnanimitas. Sic rectè Diogenes dicit: Si te percutiunt Asinus, aut ebrius, non debes ulcisci: Similiter quicumque te percutiunt sine ratione, ebrii sunt, asini-que irracionales: ergo dimitte eos in ipsorum stultitia, quoniam nesciunt quid faciunt; nec tibi injuriam faciunt, quoniam nesciunt; sed potius sibimet ipsis. Et quia in sapientem non cadit injuria. Telesius etiam Physiologus, nullius adulator, similiter sentit, ad sublimitatem animi spectare, ita cedere. At cum cedit homo, propterea quod non potest ulcisci, & metuit, non autem quia parvipendit injuriam, quasi non tangentem ipsum, nec quia putat alios meliores sua mansuetudine reddere; tunc non esse magnanimitatem, sed ignaviam, & abjectionem. Quando Germanus Imperator misit exercitum, qui occideret Anabaptistas: hi omnes genua flectentes in quadam planitie simul mortem præstolabantur. Milites autem eo pervenientes, rubore, & stupore perfuncti, noluerunt vel gladium contra eos stringere, sed permiserunt vivere; sic & Imperator ipse. Ecce quantam vim habet Christi consilium, utpotè quod etiam Diabolus vidit suis salutare futurum.

Rom. 12.
Ant. Miran. in lib.
de everf. Monoma-
chiz, cum Aristot.
non piè sentire vi-
detur.

IX. Non propterea assero, Christianis non esse bellandum: quoniam, & hoc naturale est. Si enim te invadit bellua indomita, quæ per mansuetudinem, &

huma-

humanitatem tuam domari nequit, nec in primo impetu quid boni per patientiam elicitur: tunc licet tibi vim vi repellere. Et perversi homines, qui Evangelium virtute plantatum, eradicare contendunt, armis propulsandi sunt: non autem sponte sunt lacessendi ad bellum sine causa, nec propter ampliandam nostram ambitionem, & cupiditatem: sed vincendi sunt benignitate, & urbanitate, & veritate, rectè prædicata, & miraculis, & patientia, ut facias eos plene rationales: quod sanè non nisi Christianitas constituit. *Fides enim est suadenda, non imperanda*, ait Bernardus: & profectò res nulla sic est Evangelio opposita, ut coactio hominum ad Christianitatem. In Christianitate enim sola Rationalitas perfecta inest: quæ agnita respui rationabiliter non potest, sed per Dei gratiam suaviter amplectitur. Nihilominus populo hoc cedere consilium est; quoniam non omnes tantæ virtutis in culmine capaces sunt: & secundum præparationem animi, & post illatam injuriam, intelligitur.

Sed ex his innotescit, quæcunque agimus contra consilia Christiana, suboriri ex quadam depravatione naturæ hæreditaria, quam peccatis enormibus adaugemus. Unde, sicuti peccare est contra naturam, virtuosè autem vivere est secundum naturam; sic lex Christi, ejusque consultationes, continent ipsammet legem naturæ, quam implent, elevant, & perficiunt, reformantque; & propter pravitatem permitti ea; quæ, si Mundus totus secundum consilia Christi viveret, quod esset maximè rationabile, permittenda non forent. Et quoniam unus apex non præteribit à lege, donec omnia fiant, si lex frustra non est; satis consequenter affirmari, vel conijci posse videtur, Mundum, malorum jam lassum, ad legem hanc reducendum fore. *Et fiet unum ovile, & unus Pastor*. Itaque res salubris est, sanctaque, pro universis orare, ut boni fiant; & rationabile est valdè secundum veriorum philosophiam. Ac video hoc Regnum Christi simile esse fermento abscondito in farina satis tribus; quæ sunt Anima, Corpus, & Opes exteriores; donec fermentetur totum, ut Mundus totus Christianus sit. Vel, tria fata sunt, Potestas, Sapientia, & Amor: ex quibus singula constant entia: & Communitas, & Respublica omnis vera, quæ etiam farina naturalis sunt, sed corrupta, immutataque in Tyrannidem sophisticam, & hypocrysim; sed fermentum Christianum convertet eas ad fraternitatem, prudentiam, & charitatem. Quòd autem possibile sit hoc, demonstratum est alibi. Et quòd illo forsan in tempore Prophetæ promittunt Mundo Remp. stabilem, felicem, sine bello, & fame, & peste, & hæresi: ac sæculum aureum; in quo sanè (sicuti optantes rogamus in oratione Christiana) fiet voluntas Dei in Terra, sicut in Cælo. Hoc autem ominor futurum mox post Antichristi casum, & Sectariorum, juxta doctrinam Sanctorum: & quòd post multum temporis surgent Gog, & Magog, occasionem victoriæ Sanctis adducentes; & deinde hoc Regnum, evacuatis Principatibus, & Potestatibus, in Cælum transferetur. de quo alibi.

Igitur cum hæc sit sola lex, quæ naturam efficit innocentem (quod nec Machiavellus inficiari potest, licet ei videatur impossib.) consequenter verum est, quòd si universa non observatur, tamen ubi plus observatur, plus acceditur ad bonitatem in cunctis Nationibus. Pervenietur, ubi tota observabitur. Hoc autem erit, quando in omnibus, & per omnia confidemus in Deum, & sperabimus in Deum, plusquam in nostra prudentia, & honoribus, & divitiis: & unanimes erimus cum eo, superantes eos, qui irrationaliter ita se habent cum amasia, quòd absque ipsa non possunt cogitare, sperare, aut operari. Quòd si tantum potest naturaliter amor fœminæ, turpe est, quòd multò non efficiat in nobis plus amor agniti Dei.

Propte-

Declaratio responsi
ad 6. object. & resp.
ad 7. de orando pro
inimicis.

Repugnant consiliis
Christi, qui naturā
depravatam sectan-
tur: nā & ante Evan-
gelii predicationem
Chryl. docet multos
fuisse legis, & consi-
liorū observatores.
nō enim homini de-
fuit gratia, ubi ho-
mo non defuit gra-
tiæ.

In lib. de Monarchia
Christianorum, &
in 2. scripto de Mo-
narchia Messia, &
in Civitate Solis.

In Artic. Prophe-
taliibus.

Omnis lex philosophica fundatur in virtutibus naturalibus, & in rivis: Christiana in supernaturalibus, & in fonte. Plat. in Dial. 1. de legibus.

Iterum respondetur ad 7. & 8. 9. & 10.

Mathr 10.

Ad 9.

Ad 8.

Ad 10.

Multiplicitas legum unde.

In Matt. prologo.

Grat. cap. dilectissimi.

Deut. 6 & Luc. 10.

Math. 7.

Proptereaque lex Christiana fundatur super Fide, Spe, & Charitate, Virtutibus divinis, altissimis, ut Metaphysicè ostendimus: Leges verò Philosophicæ, quantumlibet rationi conformes, super virtutibus humanis inferioribus, quæ non ligant nos valde cum Deo, sed cum rebus à nobis tractabilibus; sicuti Prudentia, Justitia, Temperantia, & Fortitudo; super quibus Plato suas fundat leges. Perfectò humanæ leges fundamentum non respiciunt, sed fastigium; idcirco citò ruunt. Nam videntur etiam Deum colere propter bona mūdāna, unde non tam nobiles efficiunt animos, sed relinquunt timidos, avaros, & fraudulentos, & anxios.

Neque Christus prohibuit hominibus cunctis arare, serere, & curam familias habere; neque consuluit, ut omnes venderent quæ habent, & se se castrarent propter Regnum Cælorum, & oculum scandali occasione eiicerent: Sed Prædicatoribus suæ legis proposuit omnia abicere, ut aliud non curarent, nisi Verbum Dei, quoniam cibus, & vestitus simplex sufficit illis; quem ab iis, quibus prædicabant, sumere poterant: quoniam, *Dignus est*, ait, *operarius cibo suo*. Cætera verò dixit aliis hominibus curæ esse. Et anxietatem, quæ fiduciam in Deo frangit, non autem rationalem curam prohibet.

Castrari verò non dixit secundum literam; sed ut continentes sint spontè, sicut castrati coactè.

Vendere omnia, & dare pauperibus, his maxime consuluit, qui ipsum in prædicationem verbi sequi volebant: non tamen propterea despexit Lazarum, & Martham, & alios, qui ministrabant ei de facultatibus suis.

Oculum eiicere non præcepit literaliter: sed scandalum, quod per oculum intrat, & fenestram scandali: hoc est, ut avertas oculos à rebus, quæ scandalum afferunt: quandoquidem præstat oculis carere, quam peccare. Stultitiam hanc Mahometanis, Christi verba non capientibus, relinquamus; qui se, viso sepulchro pseudopropheta, cœcant, ne quid amplius videre dignati. Christus ergo nos à terrenis abstrahit: & eis docet uti, non frui: & possidere, & non possideri.

XII. Præterea leges Nationum positivæ, etiam quæ iustæ sunt, quotidie novis indigent legibus, pragmaticis, glossis, additionibus, subtractionibus, quoniam non sunt scriptæ in cordibus, sed in carthis; & quomodolibet ab uno quoque torqueri possunt: nec convenire possunt in uno spiritu cuncti ob varietatem animorum, & affectuum, & finium. Sed Lex Christi, cum sit ipsamet rationis naturalis eminentissima Regula, ejus spiritu perfecta, vivificataque, elevataque, stat in animis. Et quando omnes secundum illam benè revivificati fuerimus, non indigebimus tot novis legibus amplius. Rectè dixit Chrysostomus. *Gratia Spiritus sancti pro scriptura nobis utendum erat: sed quia gratiam excusimus, libris indigemus*. Ergo asserendum videtur, hanc à ratione, & spiritu gratiæ elongationem, introduxisse in Christianismum tot scriptas leges; sicut defectus mutui amoris introduxit Tribunalia, & juramentum, & divisionem bonorum. Et verè communis iniquitas ad divisionem bonorum coegit Gentes, teste S. Clemente.

Iustus sibi ipsi est lex, ut omnes Philosophi dicunt: sic & Paulus Apost. Ergo propter injustos fiunt pragmaticæ, sanctiones; & non dum finis. Veluti enim, charitas absque ulla alia lege communi sufficit mutuo regimini, ac vitæ, ut patet in familia bonorum; Sic deficiente charitate, non sufficiunt innumeræ leges; ac semper adaugentur cum dedecore, ac detrimento nostro nimis. At si ista tantummodo observaretur, *Dilige Dominum Deum ex toto &c. & proximum tuum sicut te ipsum*, sufficientissima foret. Superaddita una glossula Christi mirifica: *Quæcunque vultis, ut faciant vobis homines, & vos facite illis*. In qua explicatur lex, & ratio

& ratio legis totius simul, & omnis. Respublica verò Christi ad idēam familiā instituta est, ubi omnes fratres sumus, & majoribus tanquam patribus obedimus. Ad idēam quoque corporis humani depingitur à S. Paulo, & ordinatur sapientissimè in unitate spiritus, & multiplicitate membrorum, compatiētiū, congaudentiū, & subito ad nutum sigillatim operantiū: quod omnibus simul utile est absque schismate. Hujusmodi Reipub. verè competunt laudes, quas Plato suæ consimiliter fictæ tribuit, atque Telestus instar corporis animati, ut S. Chrys. & S. Clemens Rom. admonent, & quam Thales instar familiæ instituit: undique enim veritas habet testimonium.

XIII. At recentiores quidam præstigiōsa Aristotelis cupidine ducti, condemnant communitatem, tanquam impossibilem: & divisionem adeò obstinatè tuentur, quòd hæresim esse putant ipsam negare; propterea quod S. August. hæreticorum in numero eos ponit, qui communitatem tuebantur; & Conc. Const. damnavit Ioannem Us, asserentem, clericos non posse propriū quid possidere.

Ego è contra communitatem difficilem esse prædico solum ex defectu charitatis. At charitatem augeri magis in communione quam in divisione; & ita sentit August. dicens. *Amputationem proprietatis esse augmentum charitatis.* Et hoc experimur in Religionibus, ubi qui proprietarii sunt Monachi possidentes pecuniam, ad Episcopatus, & Prælaturas adspirant, & Religionem prosternunt. Qui verò non possident propriū, Religionem tuentur, & fratres suos. Et ratio naturalis hoc docet, & exemplum corporis, & familiæ, ubi membrum unum plusquam convenit nutrimenti, aut vestimenti capiens, vel ocians, infirmatur; & cæteris languorem affert. Et filii familias potiores partes quærentes, familiam destruunt, & fratres oderunt, & S. Clemens idem approbat, & Chrysostomus, Basiliius, & Ambrosius, qui dicunt, *Meum, & Tuum esse verba mendacii*; omnia enim secundum naturam sunt Dei Patris nostri, nec divisit ea filiis, sed in communi seruanda, & possidenda reliquit, & sic fuit ab initio etiam post Adam; sed deinde *Jus Gentium* (ait S. Clem.) propter iniquitatem introduxit bonorum divisionem. Ergo S. August. non damnat eos, (respondit D. Thom. 3. cont. Gent. cap. 122.) qui se dicebant Apostolicos propter communitatem bonorum (hoc enim hæreticum est asserere) sed quoniam se ab Ecclesia separantes nullam spem salutis putant habere eos, qui utuntur iis rebus, quibus ipsi carent: Vel (adde) propter communitatem mulierum. Quas, Gratiano teste, etiam S. Clemens, ex præcepto Petri Apostoli declarat debere esse communes, proculdubio (inquiens) etiam conjugēs. Quod tamen Glossa intelligit, quoad obsequium, non autem quoad thorum. Sic etiam scribit Tertull. Christianis priscis omnia fuisse communia, exceptis mulieribus: quæ tamen in officiis communes erant, non autem in coitu, nisi apud hæreticos Nicolaitas.

Argumentum Arist. directè S. Aug. contrariatur, dum ait, quod in communitate deficeret charitas sicuti parum mellis in amphora aquæ. Hoc autem falsum est: nam potius augetur: at veritatem haberet in amore partiali, & proprio, in quo fundat Macchiavellus suam Remp. cum Aristotele, non autem de charitate, & naturali, quam Capreolus forsan vocat informem, & secundum quam novit Plato, neminem sibi soli natum esse; sed ortus nostri partem sibi Patriam vindicare: partem parentes, partem amicos, & Lucanius ait, Professionem Stoicorum rationalium fuisse, loquens de Catone. *Non sibi, sed toti natum se credere Mundo.* Et in Rep. Rom. id ex parte videmus.

Ergo magnanimorum, & confidentium, sibi, & aliis posse se sufficere, est communitas.

Juxta illud Mat. 24. *Fidelis servus, & p. q. c. d. super familiā.* 1. Cor. 12.

Resp. Christi in cōmunitate.

Argumenta Aristotelicorū contra Remp. Christi, à nostris confirmata imprudēt.

Arg. 1. ex S. Aug. & Concil. Constant.

Resp. ad argumentū.

12. q. 1.

Arg. 1. Arist. solvitur.

Epist. ad Archid.

Communitatis ma-
jorem esse perfe-
ctionem.

munitas. Ignavorum verò, & hujus Mundi curis nimis dicatorum, tantopere
divisionem affectare. Quapropter decipiuntur qui putant esse contra naturam;
magis autem docentes esse hæresim ipsam communitatem. Quinè contrà ipse af-
firmo, hæresim esse secundum nomen, & secundum rem ipsius hæresis, negare
communitatis perfectionem maiorem. Et id D. Thom. docet in 3. contra Gent.
c. 127. nobiscum. Si præterea esset hæresis, Apostoli quoque hæretici fuissent; qui
ipsam observarunt, & innumeræ familiæ Monachorum, & fratrum; & Clerus an-
tiquus; quandoquidem divisio in Clero cæpit tempore Simplicii Papæ, potius per
permissionem, quam per legem, sicut etiam S. August. docet, à Gratiano citatus.
Ego malo, dicens, *Clerum habere claudum, cæcum, aut manibus truncum, quam
mortuum*. Appellat enim claudos, & mancos, Clericos proprietarios, in via
Christi: Mortuos verò hippocerytas, qui fingebant se vivere in communitate, &
occulte usurpabant, & surripiebant communitatis opes, ut nunc multi rapaces, &
avari, qui propterea mortui sunt; quia fingunt se esse id, quod non sunt; Ergo
non sunt quod sunt: Ergo mortui sunt. Propterea ergo August. permisit in re-
medium divisionem in Clero suo, ut ample declarat. Utique ergo hæresis esset af-
firmare, quòd Pontifices summi non habuerint potestatem concedendi divisionem,
ac proprietatem non hæreditariam, ipsi enim hoc rationabiliter fecerunt imperfe-
ctionibus condescendendo. Nec mirum est Pontifices minora etiam bona permit-
tere, cum Legislatores aliquando permittunt mala, sicut Moyse usuras cum ex-
traneis permisit, & libellum repudii, quæ pluris sunt momenti. At nunquam,
Conc. Const. negavit, neque Pontifex ullus, communitatem, quam Religiosi pro-
ficientur; sed commendarunt semper, & divisioni prætulerunt. Illa enim rationa-
bilior, ista medicinalior. Ordines ergo Fratrum viventium in communi Chri-
stus conservat semper in Ecclesia in memoriam, & fermentum, quo forsan ali-
quando reliquus Mundus ad id convertatur. Quo casu verum erit, omnem virum
probum dominum esse omnium rerum, ut Gerson, & Richardus sentiunt: qui ta-
men reprehenduntur recte à Soto juxta præsentem praxim; non autem absolute,
juxta eam, quæ forsan est futura. Et ego sic existimo.

Arg. cætera Arist. cõ-
tra communitatem
solvantur.

Cæteræ Aristot. rationes contra Rempub. Apõstolicam, sunt ex frigida Lo-
gica petitæ. Primo, quod videlicet quilibet plus fructuum, quam laborum cape-
feret. Secundo, & quod mallent omnes fieri Sacerdotes, aut Milites, quam
Agricolæ. Tertio, quod tolleretur Temperantia, & Liberalitas: cum nulli ad-
fuerit proprium, quod daret &c.

Resp. ad 1. de offi-
ciorum confusione.

Ubi profectò temerè loquitur. nam magistratus distribuerent labores, ac fru-
ctus juxta meritum, & naturales habilitates; & quilibet ei addiceretur Arti, ad
quam aptus natus Rectoribus apparet: Nec quilibet pro arbitratu suo operaretur,
ut Arist. putat, garrit, & nugatur. Hoc palam noscitur in Monasteriis, ubi non
quicunque, quod vult officium facit, sed quod melius potest secundum naturam,
& studium.

Resp. ad 3. delibera-
tatis cessatione.

Liberalitas autem Virtus partialis est, hoc est, germen beneficentiæ, quæ in-
mutuis officiis & auxiliis corporalibus, & spiritualibus relucet magis. Porro qui se
totum dat, totamque vitam communitati, is verè liberalis est, (ut respondet S.
Anselmus,) non autem qui pecuniam, quæ sua non est, sed res à se extranea, ac
fortuita: ut liberalior qui totam semel arborem, quam qui aliquando fructus
aliquos dat.

Resp. ad 4. de tem-
perantiz peremptio-
ne.

Magistratus etiam, Temperantiæ curam gerentes, præficerentur, qui ordina-
rent divisionem cibariorum, & esculentorum in mensa communi in qualibet æde
refectio-

refectionis, quam cœnaculum reſectoriumque vocant, & matrimonia ſecundum dotes naturales, & non fortuitas, copularent. Sed Monaſteria oſtendunt vanas ratiunculas Ariſtotelis, ubi maximè temperantia viget, imò etiam Monaſteria Gentilium Indorum.

Quod autem diſſilio minus ſublimet naturam, ut S. Clem. & Patres docent, quam communitas, nemo negare audet. Quoniam verò Eccleſia Chriſtiana eſt inſtar ſagenæ ex omni genere piſcium congreganti, optimorum ſcilicet & bonorum, atque malorum: & cum bono frumento non ſolum fructui centeſimo, ſed & ſexageſimo, & trigefimo, & zizaniis, eſt locus: Veriſimiliter poteſt expectari juxta Doctorem ſententiam, ut *convertantur ad Dominum univerſi fines Terræ*; & tranquillitas, & victoria Sanctorum, præd cato Evangelio in toto Mundo, & ſicut David ait, *omnes gentes quaſcunque ſeciſti venient, & adorabant coram te Domine*, ut Tobias 14. exponit, & tunc vivatur ſæculum ſanctum; transferendum denique in Cælum. Et ſub hoc ſenſu poſſunt audiri (ut monet S. Hieron.) verba, quæ Tertullianus, Lactantius, S. Ireneus, S. Sulpitius, S. Clemens Rom. S. Iuſtinus, Clem. Alex. Origenes, Apollinaris, Papias, Victorinus, S. Bernardinus, de ſæculo hoc dixere; cui & Sybillæ, & Philoſophi multi, præcipuè Platonici, & quicunque de optima Rep. ſcripſerunt, & Poetæ, qui de ſæculo aureo, concordant, quod forſan Chriſtus reſtituet; ut omnes ſatentur, excluſo errore Cheliſtaſtarum, & illorum, qui partim erraverunt cum Cherinto, putantes in hac vita futurum eſſe Paradifum deliciarum: Alii dixere per mille annos Chriſtum viſibiliter cum Martyribus reſuſcitatis regnaturum in Mundo; & Mahomettus poſuit Paradifum carnalem Veneris, & Bacchi, hac doctrina non intellecta deceptus. Hoc tamen excluſo fabuloſo ſenſu, etiam S. Auguſtinus dicit, eſſe poſſibilem hanc doctrinam millenariorum; & Hieronymus dicit, ſe non audere ipſam improbare, niſi quatenus conſentit Cherinto in carnalibus. A quo credendum eſt Lactantium, at prædictos Sanctos, longè abeſſe, palam eſt. Multi Recentiores ipſam muſſitando pertranſeunt. Ego verò in Prophetaliſis oſtendi, quòd, licet neque Chriſtus in carne, neque Martyres in reſurrectione anticipata, ſint regnaturi (ut & ego arbitror) tamen conveniens eſt aſſerere, Eccleſiam non gemmatam, & auream materialiter, ut Talmutiſtæ garriunt, quos irridet Hieronymus, ſed virtutis gemmatam, & Regno ſuper omnes fines terræ decoratam, in tranquillitate innocentie diu victuram, poſt Antichriſti caſum; in qua errores Priſcorum vitavi; non quòd ſupereſt doctrinæ, cui Hieron. & Auguſtinus aſſentit, ſi ſpiritualia bona in ea fuerint: quod docent prædicti Martyres, & Doctores Illuſtriſſimi, & Apoſtolorum Diſcipuli. Et proſectò qui penitus Scripturas introſpicit, & convenientiam ex parte Dei, & hominum cunctorum deſiderium, & omnium Nationum applauſum, hanc intelligentiam non contemnet. Et Don Seraſinus Firmanus Doctiſſimos ſequutus, idem expectat. Et S. Catharina Senenſis renovationem Eccleſiæ à Chriſto didicit aſſuturam in epiſt. quam Archiepiſcopus Ambr. Catarinus exponit, & S. Brigida, & Dionyſius Carthuſianus, & Ioachinus, & Poetæ noſtrares, & Grammatici, & plebiculæ cum eis, expectant, ut fiant unum ovile, & unus Paſtor, in gloria, & tranquillitate magna. Idcirco etiam fortè oramus, ut Regnum Dei adveniat, ubi fiat voluntas Dei in Terra etiam, ſicut fit in Cœlo, & hoc etiam continebat oratio, quam docuit Chriſtus.

Hinc reſolvuntur omnia argumenta Macchiavelliſmi, qui ex Reipublicæ humanæ inſtabilitate negant Dei providentiam. Quod autem poſſibilis ſit Reſpub. hæc, quam putant impoſſibilem, alibi declaravi.

De Reip. Eccleſiaſtica ſtatu optimo poſt ruinam Antechriſti.

Pſal.

Hier. in Ezech.

Excluſo manifeſto errore Cheliſtaſtarum.

XX. de Ciuit. Dei cap. 7.

Hier. lib. 4. in Ierem

In Monarchia Meſſiæ, & Civitate Solis.

Altera solutio.

XIV. Sed licet hoc futurum non esset, haud tamen propterea tollitur veritas, quod Christi Resp. in statu innocentiae de facto fuerit juxta omnes Sanctos, & Philosophos, & Poetas: & quod nunc minimè sit contra naturam, sed summo opere illam perficiens: & possibilis: & quod qui plus ipsam observat, melius vivat in Terra, & in Cælo. Et quod talis Monarchia, in Petro fundata, sit omnium perfectissima, cum Senatu Cardd. & Politica tot Archeiepiscoporum sub illo, & Episcoporum sub his, & Plebanorum sub his. De quibus in lib. de Monarchia Christianorum loquutus sum luculenter, ostendens Philosophos secundum naturam nusquam potuisse meliorem formare Remp. quàm Ecclesiastica, etiam præsens. Quod si Principes laici in omnibus vellent obtemperare Ecclesiasticis, nil melius desiderari posset pro salute communi contra Infideles, & concordia inter Fideles, & securitate, ne quis invadat alienum Regnum; neque jura: & tunc sub uno patre Principibus Christianis convenientibus statim Hæretici, & Mahomettani victi cederent, & totus Mundus subito Christianis subderetur. De his alibi.

Argumentum novum
Politicoꝝ.

XV. Et pergunt alii. Munus Legislatoris haud esse, omnia prohibere vitia, omnesque jubere virtutes, sed Philosophorum: qui de vitiis, virtutibusque scribunt; & quæ Christus dixit, non saluere. Quibus respondi, non esse munus Legislatoris humani, sed divini, & Dei, & Rationis universalis, & primæ, qui maculam in sua lege non finit. Philosophos autem omnes nosse id secundum naturam perfectam esse, locutosque esse tanquam testes, non tanquam Legislatores hujus veritatis. Ex quo palam fit, qualiter Christus est ipsa Rationis Ratio viva, à qua omnes Philosophi rationales lumen accipiunt, aut naturale, aut gratuitum. Omnemque Philosophiam datam esse hominibus, ut Cyrillus docet i. lib. contra Iul. tanquam Cathecismus ad Fidem Christi; idem probat S. Greg. Nyss. in Abram, ut in Greg. Theum. quod per Philosophiam, & Astronomiam Cathecizati sunt ad Fidem. Idem de se fatetur S. Iustinus in Dialogo Triphon; Et quidquid rationabile dixerunt Philosophi, esse à Christo, ut Ratione prima, & idè nostrum, non ipsorum. Similiter S. August. de Doctr. Christiana. Propterea (dico) Philosophi hanc Remp. agnoverunt. Quamobrem Sapientes omnes posuere inter amicos communitatem. Unde proverbium, *Amicorum omnia communia*. Ergo multo magis inter fratres, cujusmodi Christus in uno amoris, ac Rationis spiritu nos facit omnes.

Consideratio.

Id quoque neminem latet, quod hodie non vivimus secundum Legem Christi tantummodo, sed secundum Civiles, à Gentilibus derivatas, ut Bern. etiam lamentatur in lib. de Confid. quoniam nequitia, & fragilitas Divinam Legem observare diffidunt. Lex tamen Christi Tribunalia pro conscientiiis instituta habet. Ad quæ unusquisque recurrit pro pœnitentia culparum suarum, in se ipso voluntariam recipiendo, & exercendo vindictam. Et o beati nos, si alio non indigeremus tribunali: & unusquisque in hoc peteret à Sacerdote pœnam suæ culpæ, non expectatis accusatoribus, & testibus, qui ipsum cogant. Et hoc licet sublimius in bonis Christianis impleatur, fuit in omnibus Socratis desiderium. Dicebat enim, sic faciendum esse secundum naturalem rationem: utquæ nemo se defenderet, neque per Advocatos, Oratores, & Glossatores legum, ut Plato refert in Critia, in Protagora, & in Phadone. Nec id modò docuit Socrates, reis faciendum; sed etiam innocentibus, ut videlicet respondentes, quod verum est, nil amplius sese defendant, aut excusent. At si quis injuste condemnatur, humiliter subeat pœnam, speretque è Deo post mortem retributionem. Quod autem docuit, fecit etiam Socrates, injustè damnatus: secutus Christum sibi ignotum in carne, sed quæsitum in uni-

in universali ratione boni, quæ veraciter solum in illo est. Unde Sanctus Iustinus in Apolog. 1. facit Socratem hoc titulo Christianum, & in Apolog. 2. ait Dæmones impulisse Græcos ad occidendum Socratem, quia negabat Deos falsos, cum esset veri Dei cultor, à Christo instinctus ad prædicandum contra falsos Deos; & sic de cæteris Philosophis, si aliqui veritatem ex toto corde quæsierunt, pronunciat: & Hieronymus, & alii Patres contestantur. Nunquam enim Christus defuit ante Incarnationem, nec deest ulli homini in his, quæ sunt necessaria ad salutem, nisi sint rebelles luminum, ut etiam probat Sanctus Thomas 12. quæst. 98. & 2.2. quæst. 124. & 2. sen. dist. 25.2. Universa ergo Christi lex minimè impossibilis, & maximè secundum naturam comperitur, quam perficit, & exaltat. Cui & boni Stoici, & Socratici, & Pythagorici, & Es-sent, quin etiam Platonici, & omnes veri Philosophi ita consensere, ut Doctissimis Patribus videantur propemodum Christiani: non autem Peripatetici, & Epicuræi, quoniam verè Philosophi non sunt, in quo rationem Dei, philosophiæ auctorem, negant.

Nunc iudicet qui penitiora sapientiæ studiosè introspicit, utris credendum sit. Hoc autem non faciat Macchiavellus, qui nullas scientias percurrit, nisi historiam humanam nudam, ratione communi non examinatam, sed sub amoris proprii curta consideratam ratione.

XVII. Præterea nemo neget, quòd quicumque hanc Christi legem observat, *Quæcunque vultis, ut faciant vobis homines, & vos facitis illis*, non sit vir omnibus utilis, bonus, rationalis, honore dignus, & quod lex hæc faciat hominem sibi, & Reipubl. utilem, ac bonum. Videtur etiam bona, ac magnanima magis, magisque hæroica, quam illa naturalis cunctis Gentibus. *Quod tibi non vis alteri ne feceris*. Hæc enim est lex Iustitiæ, illa vero magninimitatis, & beneficentiæ: quæ Mundum vincit divinis modis. Parum enim est non malefacere: heroicum autem est etiam benefacere. Unde David, *declina* Psal. 33. (ait) *à malo: & fac bonum*. Rectè cognovit Telesius quanto jure beneficentia diuiniore est, quàm iustitia; sed à Peripateticis neque inter virtutes numeratus. Senecas doceat eos in septem, quos scripsit libris de Beneficiis.

Confirmatio ex hoc quod lex Christi facit homines bonos.

DE CÆREMONIALIBVS.

Quoniam verò ex altero capite plurimi scandalizantur in Christo, impiè eloquentes, quòd Christus.

Argum. 1. contra cæremoniatia Christi præcepta.

I. Non modò legem austriorem ferè, quàm Stoica, tulerit, omnia prohibendo vitia (quæ quidem dulcissima est viventibus secundum naturam.)

II. Sed insuper præceptis moralibus addidisse, ajunt, cæremonialia, quæ nihil cum natura commune habent: sed superflua videntur.

Argumentum 2.

III. Præterea; immanis apparet impietas, eos, qui Sacramentis cæremonialibus carent, pro damnatis ad pœnas æternas habere; sic enim totus ferè Mundus ad infernum damnatur; & illi, qui secundum virtutem vixerunt; quod intolerabile, Deoque indignum videtur. Unde abominantur, quod scriptum est tam absolutè. *Nisi quis renatus fuerit ex aqua, & Spiritu sancto non &c.*

Argumentum 3.

86 ATHEISMUS TRIUMPHATUS.

Responsio.
Idem dicit D. Tho.
3. contra Gentiles
c. 117.

Heb. 11.
2. Cor. 6.
Apoc. 3.
1. Jo. 1.

Quibus durè examinatis, dixi. Christus non dedit Sacramenta ad coarctandum viam salutis, sed potius ad illam dilatandam: nempe in auxilium, quo possimus legem naturalem, & Evangelicam observare, & ad supernaturalia elevari: communicando nobis per illa auxilium, gratiamque suam; quæ tamen nulli viventi secundum virtutem, ullo in loco, & tempore deest. Non enim his est ita ligata organis materialibus, ut cum desunt elementa necessaria Sacramentorum, per infusum votum, & desiderium ipse non suppleat: nisi quis desit, ut dicit Apostolus *Gratiæ Dei: aut in vacuum recipiat, quæ stat ad ostium, & pulsat, & illuminat omnem hominem venientem in hunc Mundum.* Hæc autem doctrina secundum naturam incedit; nec à Macchiavellista negari potest. Confessi enim utrique sumus, legibus humanis haud omnia vitia prohiberi, eo quod major hominum pars imperfecti sumus, nec ad tantam reduci possumus rationalitatem. Ipsi quoque, qui summè rationales esse volunt, sæpè delinquant. Igitur conveniebat Christo, cum sit Deus, non modò legem ferre secundum rectam naturam, ejus regulam primordiale, sed etiam supernaturalem dare: facultatemque præbere, qua possimus etiam legem servare; remediaque delendi peccata, quæ quotidie committuntur. Id nimirum est supernaturale auxilium, quod Sacramenta instrumentaliter conferunt. Quod si tu hoc auxilium inficiaris, propterea quod tuus fictus animus, vel incredulus, in causa est, quominus illud in te sentias, neque recipias, & pars major hominum ferè ab ejus perceptione excluditur; nihilominus longe secus experimur in verè piis, ac bene credentibus; qui Sacramentorum perceptione colliquari dulciter animum persentiunt, & robur acquirunt, & quidam in estim rapiuntur. Hujusmodi autem homines semper in Christianismo quolibet tempore extiterunt, & nunc extant. Et ego vidi quosdam: & hoc inficiari, est protervè procuratæ ignorantia.

Apud S. Thom. dicitur etiam naturale quod natura nō prohibet.
Quo sensu Sacramenta dicuntur naturalia.

III. Præterea quanquam natura haud jubet Sacramenta supernaturalia, quæ vocantur sacra rei signa, tamen neque prohibet (imò omnis res naturalis est signum latentis divinitatis, ait Sanctus Augustinus.) Nec sunt talia, quæ cunctis nequeant convenire Nationibus, & personis singulis; cujusmodi fuit Circumcisio solummodo masculis, & difficile. Atque abstinencia à carne suilla, aliisque cibis, qui regionibus plurimis viles sunt; & tot lavacrorum usus, quæ solummodo aliquo in tempore & personæ profunt; & sacrificia animalium, quæ solis divitibus sunt possibilia. Ex quo patet, præcepta Christiana caeremonialia omnibus esse facilia, & ubique & semper (ubi enim impossibilitas accedit, excusat à peccato,) dignaque esse legis latrone divina universali; nec naturæ contradicentia, sed auxiliantia.

IV. Quin etiam invenio Sacramenta esse constituta in rebus, quarum natura symbolum, & congruentiam habet cum effectibus, ad quos divinitus assumuntur; & propterea sunt invisibilis gratiæ visibilia signa, ut ex visibilibus ad invisibilia assurgamus, inquit Sanctus Dionysius. Etenim naturalis mos obtinuit, ut quando quis novam militiam, aut gymnasium ingreditur, soleat accipere signum aliquod, & priscis renunciare negotiis, & vitæ; & fidem suam Principi, aut Præceptori obligare. Hoc autem fit in baptismo, & quicunque supernaturaliter adjutus voluntatem habet illud suscipiendi, si suscipere nequit in facto, salvatur in Christo, quoniam ut dixi, Sacramentum non coarctat, sed dilatat viam salutis, ut Divus Bernardus epist. 77. docet. Non enim materialia signa dant gratiam de se, ut corporalis medecina, sed verè

ex

ex instituto Dei; qui ubique adest quærentibus, & invocantibus cum in veritate.

Igitur omnes Mundi homines quando proponunt animo vivere secundum divinam sapientiam, quamvis ignorent in particulari esse incarnatam, si ex toto corde Dei iussionibus, etiam sibi ignotis, obedire proponunt, tunc Deus, qui per gratiam ad hoc propositum eos elevat (siquidem non jubet impossibilia, nec in lege naturæ, nec in lege gratiæ, sicut injusti Principes, sed *juste instat præcepto*, ait Sanctus Leo, *quia prævenit auxilio*) tunc vel docebit per se, vel per Angelos, vel magistros visibiliter de divinis mysteriis; ut habeantur pro baptizatis in voto, arcano infuso: quoniam quicquid Deus juberet parati sunt ex voluntate facere, sicut qui sciunt explicitè præceptum incarnati Verbi, & noti, & ignoti, sanantis gratiæ naturam: & illa poenitudo (per secretam gratiam nulli deficientem) veteris vitæ, & propositum novæ, est lavacrum peccatorum interius; & hoc dico esse Baptisma, quod fit per aquam exteriores in corpore, symbolum illius, quod fit in anima interius per aquam spiritalem. Quas ob res non decet (ait Sanctus Bernar.) omnes in aqua non baptizatos de facto, propter defectum baptismi condemnare, nisi eos, quibus in promptu fuit baptismus: persuasumque est rationibus, aut miraculis sufficientibus, id esse à Deo præceptum. Nemo enim ad illam obligatur legem, quæ sibi promulgata non est: dicente Apostolo, *Quomodo credent ei, quem non audierunt?* Aut si promulgata est, non ostendit jam promulgator diploma, & sigillum Regis, qui misit illum ad legem promulgandam. Igitur quamdiu sibi sic non proponitur, is manebit à poenâ non accepti baptismi tutus, legem naturalem servando: & si juxta præcepta Dei, supernaturali gratia præmunitum supponat se, affectus, effectusque suos Primæ Causæ, salvabitur ad regnum.

Responsio pro Baptismo.

Ser. 10. de Pass.

In epist. ad Hug.

De Infantibus non Baptizatis.

De pueris autem non baptizatis cuiuscumque nationis, jam certus sum per revelationes S. Brigidæ, & auctoritatem S. Bernardi, & Patrum, & Scolasticorum, quod damnati nequaquam sint ad poenam aliquam cruciantem. Et quamquam non sint Beati, manent tamen in locis naturalium bonorum, qui ipsis etiam, quamvis ex negato Paradiso miserrimis, pro deliciis sufficiunt; quoniam Christo conformes in naturalibus: non autem bonorum supernaturalium, sicut illi, qui Sacramentum susceperunt. Unde S. Bonaventura in 2. dist. 33. quæst. 3. nec de carentia divinæ visionis eos cruciari putat: quoniam non se ad tantam gloriam idoneos sciunt per naturam; quam tamen perfectam habent ab instauratore naturæ, & hoc satis illis: sicut nec rusticus cruciatur, si non sit Rex, quoniam ad hoc se non natum intelligit. D. Thomas in q. disp. de poen. pecc. orig. q. 3. & in 2. sent. dist. 33. q. 2. art. 1. & 2. in arg. sed contra, & in resp. ad 5. & conformem horum puerorum divinæ justitiæ, & non inordinatam inesse voluntatem, & rationem contendit: at scire se non esse proportionatos ad vitam æternam ex naturalibus, propterea non dolere de privatione visionis Dei. Imò, ait in resp. ad 5. licet sint separati à Deo per conjunctionem quoad gloriam, non tamen ab eo sunt separati, imò sibi coniunguntur per participationem naturalium bonorum; & ita de ipso gaudere poterunt naturali cognitione, & dilectione. Idem diffusius in corp. eiusdem art. 2. Nihil dolebunt (ait) de carentia visionis divinæ; imò participabunt multum de divina bonitate, & perfectionibus naturalibus. Idem Fer. in 4. cont. Gent. c. 90. Catharinus, Viguerius, & Durandus in 4. d. 44. q. 9. & meliores Scolastici, naturalibus bonis eos contentos fore decernunt. Idem Greg. Nazan. orat. in lavacr. Greg. Nyss. in lib. de præmaturè

Idem docet D. Tho. 4. d. 43. q. 1.

arreptis, pollicetur ex eo quod sunt ipsi etiam sub providentia Redemptoris, bona naturalia infantibus. Similiter S. Iustinus q. 13. & 65. ad Orthodoxos. & Richard. in 4. d. 50. q. ult. & Scotus ibidem: & quia secundum S. Thom. ibidem, habent voluntatem nil obviantem divinæ Justitiæ, & rationem rectam: & in 4. d. 43. q. 1. præsertim in Resp. ad 3. & 5. docet omnes homines resurgere, & infantes non baptizatos, propter conformitatem cum Christo in naturalibus, ergo gaudebunt de divinis naturaliter cognitis saltem post iudicium. S. Aug. vel hoc sentit, vel rigidius locutus est, ut longius à Pelagianis discederet.

Ergo patet, in Baptismo renasci hominem in Christo supernaturaliter, & nihil contrarium naturæ reperiri, nec gratiæ arctationem, qua renascimur supernaturaliter in schola Christi. Et ut D. Tho. ait in 3. p. & in 4. d. 34. q. 1. ad 5. Natiuitas Christi facit nos consimiles sibi in naturalibus: passio autem, cui per sacramenta incorporamur, supernaturaliter.

Responsio pro sancto Chrysostomo.

V. Porro cum itur ad prælium, naturale est militibus aliquo se corroborare symbolo. Itaque milites præfati, præsertim Lacedæmones ad Marathonam pectebant se, & oleo ungebant. Nil ergo naturæ dissentiens, si iisdem significationibus utens inungit Christus nos milites interiori oleo lætitiæ Chrismatis sensibilis Elemento ad pugnam. Unde militia Christiana testimonium suæ credibilitatis & convenientiæ habet in Sacramento Chrismatis rationabile.

Responsio pro Matrimonio.

VI. Matrimonii contractum naturalem esse nemo neget: quem Deus congruenter ad supernaturalem rationem sacramenti elevavit; tum ob necessitatem vitandi peccatum in illo sæpe implicabile, tum ad multiplicandum feliciter Deo populum absque carnis vehementi conturbatione, ut dicitur in Civitate Solis.

Responsio pro sacris Ordinibus.

VII. Initiari Sacris per caeremonias, omnibus fuit naturale Nationibus, & Græcis, & Romanis, & Iudæis ipsis, quibus Sacerdotium carnali successione propagatur: ergo cum per Sacramentum Ordinis initiat suos Christus, non destruit politicam, sed perficit, augetque, decoratque.

Profecto, qui in Sapientia, quam veteres vocant Magiam naturalem, periti sunt, rectè norunt, quantum ista conferant symbola; saltem ad excitandam fidem, & opinionem hominum, & animandos ad novitatem cogitationum, & operationum, sicut docet S. Tho. 3. cont. Gen. & Dionys. de Ecclesiast. Hier. utque reverendi fiant populo; cui necessaria est Rectorum venerabilitas: quo alacrius, & sincerius legem observet. Unde non est mirum, si Christus nostræ naturæ author & cognitor, per ea quæ sunt nobis familiaria, nos ad suorum donorum promovere participationem constituit.

Responsio pro Extrema Unctione.

VIII. Sic & in Extrema Unctione, etiam præter gratiæ, quæ per illam confertur, donum, unde morientibus consolatio adsit, & fiducia ad convalescendum, aut moriendum alacriter in spe alterius vitæ, utilis esset omnibus etiam secundum naturam. Siquidem Socrates cohortatur, & commendat animam morientis, in Anaxiocho. Quin sæpe (ait Avicen.) *confidentia de bono Medico sanat ægrotum*. Magis autem, quæ in Sacerdote Medico fundatur, ait Gal. in lib. de Morb. vulg. Ergo rectè loqueretur S. Iacobus etiam extra gratiam in puris naturalibus: quanto magis accedente Dei gratia? *Ungat, inquit, Presbyter eum oleo, & oratio fidei alleviabit infirmum &c.* Ego quoque in lib. 4. de sen. rer. scripsi sapientiam Christi divinam, & Moyse, habere certum in Gentilibus quoque testimonium, licet ipsi magiam appellaverint, quæ in natura est sapientia, & in gratia, Dei instrumentum.

Plato in Axiocho.

IX. Sacramentum Eucharistiæ præter fidem supernaturalem, qua creditur realiter ibi inesse Christus, quatenus signum, & memoria illius est, quod illi homines

mines unit, videtur quoque secundum naturam incedere, quoniam nos coniungit omnes in eadem mensa in mutuum amorem in Christo; ejusque meminisse monet, & observare, quæ docuit.

Resp. pro Eucharistia.

Item secundum naturalem rationem conciliandi amicitias, hujusmodi commemorationes, & cæremoniæ homines imbui, afficique eo, cujus gratia in eis sese exercent, mirifice efficiunt. Reuerentiæ quoque, nudationes capitis, salutationes, continuæ consuetudines, & simul comedere, amicitiam conciliant, & in mente plantant imaginem amici: Unde ad cogitandum de illo, & operandum, quæ edicit, inclinant magis animum, quàm in contrarium. de quibus alibi. Colligunt, revocantque animos ab aliis ad hoc unum cogitatum, & consuetudinem. *Consuetæ autem omnia jocunda*; ait Arist. in Rhet.

X. De confessionis secreta Sacramento superius dictum est, quod congruè utatur natura hominis, cujus est pœnitere peccatorum. Quin pœna, quæ naturaliter sequitur peccata, nos admonet. Podagra enim nos reprehendit vitio crapulæ: anxietas, avaritiæ: erubescencia, ignaviæ: rixa, & vulnus, injuriæ illatæ: inflatio intestinorum, otii, &c. Plurimi etiam extra Legem Christi, cum patrant crimen, se ipsos percutiunt, & cum perperam obloquuntur linguam sibi mordent in pœnam; seque ipsos objurgant, & puniunt peccantes multi, nolentes etiam sumere cibum; ut M. Alexander, quando injustè occidit socios. Socrates autem intellexit hanc voluntariam punitionem esse veram, & rationalem animis Philosophorum. Insuper consuetum est errantibus, cōsidere secretum amico sapientiori: dicendo, Incidi in talem culpam; dic mihi quomodo cavendum est ab imminentibus per eam malis; & consilium petere. Sic igitur Sacerdos præter quam quod divina potestate sibi tradita te absolvit; ut caveas ab erroribus, dat tibi pœnitentiam, in memoriam, & satisfactionem divinæ justitiæ, jubet satisfacere parti offensæ per tuam culpam, purgat animum, illuminatque ad melius vivendum. Efficitque te membrum utile; qui prius noxium eras tibi, & Reip.

Responsio pro Confessionis secreta Sacramento.

Verum quicumque hoc irrident utilissimum Sacramentum, considerent, quomodo amici, & servi eorum insidiantur eis, & furantur, & nocent absque tali Sacramento; & Angli de hoc valde conqueruntur, postquam hoc Sacramentum expulerunt.

Necessitas Sacramenti Pœnitentiæ in Repub.

Profectò exterior justitia peccata tantum publica de Repub. pellit, & illorum modò, qui legibus coerceri possunt: sed occultis, & Procerum, Potentiumque peccatis, obviam iri non potest, nisi per hoc divinum Sacramentum; quod in conscientia examen, & rationem petit. Si igitur bonum est jam congruens naturæ nostræ, qui illum contemnit, naturam contemnit, & Deum Auctorem ejus. Equidem non invenio legem utiliorem hac de Confessione inter Christianos, nisi ea abuterentur perversi, & parum crederetur ab aliquibus.

XI. Ergo iam perspicuè novimus naturali etiam examine in præceptis moralibus, ac ceremonialibus in Christianæ legis nihil esse nisi suavitatem, veritatem, certitudinem, innocentiam, amorem, rationem, totamque felicitatem in hoc Sæculo, & in futuro, ut etiam Simoni Mago apud S. Clement. respondit Simon Petrus.

Conclusio.

Examen aliarum legum collatarum ad Christianam
in moralibus, & ceremonialibus.

Leges gentium nec
totam iustitiam hu-
manā, nec divinam
amplecti rationem,
nec politicā finem,
nec scelera nisi ex-
teriora, nec omnia
hæc tollere.

I. **C**onspiciens autem sub eodem examine leges aliarum Nationum, inveni eas prolixas, ex parte irrationales, partim impias, maculatas injustitia, latas ad Tyranni utilitatem, vel potentum, vel plebis licentiosæ, permittentes vitia plurima, & remediis solidis vacuas, habentes pro fundamento præsentem felicitatem. Quod sanè non corrigit, nisi publica crimina, & exteriora. Et pro regula habentes iustitiam exteriorem, quæ in commutationibus, & distributionibus, & vindictis exercetur. Ideoque peccata tantum contra Reipub. dominium, & contra Proximum, testibus tantum comprobata, punit; atque scopum ipsarum esse, facere homines cives bonos, non autem homines bonos, ut fatetur Arist. & tollere mala, non autem radices malorum. Nec enim habent pro fine Deum.

II. De antiquis legibus Romanis, & Græcis, & Aegyptiis, & Babyloniciis, & Medis, & Persis, exempla adducere superfluum est, quippe cum ipsorum historia id testentur, & Philosophi, ac Poetæ ipsorum, eas prænotatis culpent criminibus. Et quidem non hominibus modò, sed etiam Diis licita faciebant enormia scelera, & canebant ea, ut sales, & lepores politicæ.

De Romanorum le-
ge sub Romulo, &
sequentibus.

III. Romana quidem, quæ præ ceteris, quoad moralitatem laudatur in lib. 2. Maccab. pro scopo, & fundamento gloriam habebat, teste Salustio; cujus acquirendæ gratia multa declinabant vitia, cæteris communia Nationibus. Id nihilominus cupiditatem vincendi quacunque via ingenerabat; efficiebatque, ut bellum, quod nimirum inter homines pro medicamine inventum est, cum contra naturam sit adversus propriam Speciem pugnare, esset scopus ipsorum principalis; ut & Lacedæmonibus fuit, incusatis in hoc à Platone, & Aristotele duriter. Vicerunt quidem armis Romani Mundum: at à parvalis Christianis inermibus mox victi sunt. Erectumque est Romæ Christi tribunal: Romuli verò prostratum, & Numæ; Cæsaris verò subactum, correctum, translatumque. Quod, si Christiana Lex non longè antecelleret illam Romanam, nunquam evenisset. At divina veritas, absque armis vicit magis. Item omnes potentiores Nationes domitæ sunt per Religionem ab impotentioribus, ut Gothi, Hunni, Vandal; Tartari. Gens quidem omnis, omnisque humana res præda est hominum armatorum. Ac deinde Arma veniunt in potestatem profitentium Sapientiam Religionis, etiam apud Infideles. Quandoquidem videmus Turcas, & Tartaros post victorias ipsorum ingentes, prædam factos esse sacerdotum Mahomettanorum: Quibus colla spontè supposuerunt. Prædictæ præterea leges idolatræ fuerunt, & Prophetas, & Sapientes, & miracula secundum Deum non fecere, & Christianæ succubere, & succumbent, ut sequentes indicabunt sermones; nec habuere, in quo Christianam expugnarent. ergo.

De Mahometana
lege examen in Re-
ligione, & politica.

IV. Lex autem Mahometti super gloriam armorum & ipsa fundatur: & quamvis aliquam retineat moralitatem, facit nihilominus homines erudeles, & ignorantes. Permittit vitia multa usque ad sodomiam cum extraneis. Ponit atrocem servitutem libertatis loco. Negat liberum arbitrium, ergo facit hominem bestiam, vel mancipium. Nec Rempub. fundare quis potest secundum hanc legem, sed Tyrannidem modò absolutam. Ponit Paradisum carnalem fabulosum, & ad relaxandas humanas cupiditates aptissima est. Multitudo vxorum,

rum, licet contra naturam subdò ac primò non sit, cum etiam Patriarchis concessa fuerit, parum profectioni prodest: ponit rixas inter mulieres: quas reddit etiam viles, & ancillas, dum uxores quatuor & concubinas concedit innumeras. Obligationes quoque ejus ad ceremonias multas, & lavacra crebra, & ciborum delectus, olent superstitionem & impossibilitatem; potiusque spectant ad gentem particularem, & puerilem, quam ad Mundum universum, & ad profectos in via Dei. Vinum interdicere omnibus, quia inebriatur unus, aut duo, stultitia est contra salubritatem: & quidem fundat eam super fabula quadam impia; Quia nimirum aliquando Angeli duo à femina, cujus concubitum perebant, inebriati sunt. Sic etiam abstinentia ab carne suilla, utilis est leprosis modò. Ipse autem fundat eam super fabula, qua ait, Iaphetum suscitatum narrasse coram Christo, & Discipulis ejus; videlicet natum fuisse porcum ex stercore humano, misto Elephantis excrementis, in Arca Noè: Ideoque non esse comedendum. Et quorquor præcepta dat, totidem fingit fabulas pro fundamentis, contrarias factis Bibliis, & rationi omnium Mortalium. Et singula moralia præcepta, licet bona, maculat tamen his cerebrosis dictis. Nec quispiam credet profectò facile, quam impius, stultus, ac fabulosus sit, nisi prius ejus legat librum; quem fingit, sibi missum esse à cælo in pluribus vicibus. Nec quis reperitur tantillum sapiens, etiam inter Mahometanos; qui illum non irrideat. At violentia, & ignorantia illum defendunt. Hoc unum laudavi in eis, quòd nobilitas acquiritur, licet acquisitione nequam. Non peperit hæc lex Prophetas, ac Sanctos, & miracula; Sed tantummodo Medicos, Astrologos, & Philosophos, qui nihil credunt Mahometto, ut inferius memorabimus.

V. Lex Cinghi parum distat à Mahomettana. Patitur eadem vitia, ac videtur pariter esse sectariorum inventiones, ex modico, quod ad nostram de illis pervenit notitiam. De lege Tartarorum.

VI. Peruviani, & Mexicani, quoniam vescuntur carne humana, utuntur sodomia, & moribus impiis, & superstitiosis, qualibet polluantur Idolatria ineptissima, & Tyrannos, ut Deos alunt: Militibus Hispanis in prædam dignam, jam de nefandis ejulmodi vitiis pœnam daturi, devenerunt. De lege Americanorum.

VII. Japonenses egrè propriæ legi credunt, nihil liberum arbitrium: seipsos in mari necant plurimi decepti, ad Deum Amidam transmigrare putantes: & quidem plebula tantum aliam post præsentem credit manere vitam. Sunt effrenes in passionibus suis: Virtutem veram non norunt: commercium habet cum demonibus; & sequentes eos se præcipitant de rupi altissima: ubi etiam sese in statua ad præcipitum pendente librant, peccata sua confitentes, in quo umbram Sacramenti Confessionis nostræ ferunt (quod & in Cuzco, & Mexico servatur) non penitus à Christianis abhorrent, Diabolo Deum emulante, ut antiquus Tertullianus, & S. Iustinus monuerunt, ne veritas Christiana melior sua falsitate illis videretur. Non tamen morabiles, & ceremonias habent, quæ toti queant Mundo convenire. Et dum arant colorem nigrum etiam in dentibus, sicut etiam Catani, indicium pravae opinionis ostendant. De Japonensium lege.

VIII. Inter Gentiles videntur Chineses à Justitia minus recedere, & politicam satis habere rationalem. Sed non omnia explodunt vitia per legem. Plures habent Deos; & unicuique suos facit Deos; adorantque viventes: Indicium pravae religionis; ceremonias habent impias, quoniam idola sua maledicunt, & projiciunt in ignem; & deinde mulcent blanditiis, prout fortè meliorem, aut pejorem illis significant. Libidini sunt obnoxii. Virgines singulas tribus De Chinesium lege.

bus decatis emunt: utunturque ad libidinem. Tandem non reperio in morali-
bus, multoque minus in caeremonialibus, puritatem, nec possibilitatem conve-
niendi cunctis Nationibus.

De Indorum lege.

¶ I. X. Consideravi & Indos, ubi Braemani leges ab antiquo retinent; vidi mul-
ta bona, sed superstitiones quoque multas: non occidere animalia: maximi fa-
cere vaccas, in quas putant migrasse Majorum animas: Deos lapideos colere, &
pyramides: permittere se pediculis vorari. Quidam ex eis abstinent à coitu ad
certum tempus, quo tamen expleto deinde miscentur ad libitum quibuscumque
obviis mulieribus, reputantes se jam impeccabiles factos esse propter merita præ-
teritæ vitæ. Idem facere consueverunt in Africa sanctones Mahomettani; quos Ma-
rabutos vocant.

Leges meliores, quò
rationi primæ pro-
pinquiores: deterio-
res verò, quò distan-
tiores.

X. Tandem omnes percurri Nationes, & leges; vidique eas bonas in quo
adhærent legi Rationis primæ; malas autem in quo ab illa recedunt. Dicerem de
Tartaris, Georgianis, & de Monopotapa, & de Abassinis, qui Christiani Aetyo-
pes sunt, deque aliis Populis Africanis; sed minimè opus est: quippe cum Mac-
chiavellista nullus eorum ineptiis adularetur. Et in lib. attitulato, quòd Remini-
scentur, postea latius de omnibus scriptum est.

De Lege Moysi.

X I. Lex Moysi à Deo lata palam videtur, sed pueris, donec crescant. & hu-
jusmodi erant Hebrei manentes in servitute Aegyptiorum, rustico, vilique ani-
mo jam effecti. Nam sicut canit Homerus.

Dimidium sanè ingenii Deus abstulit illi:

Qui in miseram servi fortunam venerit unquam

De Judicialibus.

Qua propter oportuit quoque eos docere, quomodo corpus evacuarent, & ex-
crementa tegerent, quod cæti faciunt naturaliter: utque non aspicerent bestias
cocuntes, quo eos à libidinosa cogitatione amoveret: ut non caperent matrem,
simul & natos ex nido avium: nec coquerent hedum in lacte matris suæ: multa-
que hujusmodi. Profecto his in edictis, multam ostendat pietatem, & partim natura-
lem sapientiam, partim significata moralia, & divina, ut alibi declaravimus. Ideo-
que non videtur lex hominum liberorum, sed servorum imperitorum, supposito-
rum pedagogi disciplinæ.

De caeremonialibus.

Cæremoniæ autem in victu, & vestitu, & ciborum differentia utiles erant eo-
rum rusticitati, & lepræ, quam naturaliter illa gens patiebatur: Quæ omnia,
subtulit Christus, qui primum, & quasi solum respexit hominem plenè bonum
facere secundum Deum. Qui enim talis est, ipse, sibi met est lex; & per se sciet
ea, quæ sibi, ac proximo profunt, observare. Prævaricantes autem reliquit corri-
gendo per Pragmaticas, & Bullas humanas, ex lege Naturæ Evangelicæque defum-
ptas à Sapientioribus, in auctoritate constitutis, prout convenit varijs Nationibus,
varietas. Unde Isidorus citatus à Gratiano, inquit, *lex, naturalis est, quæ con-
tinetur in lege, & Evangelio*. Utilis erat (etiam politicè loquendo) circumcisio,
ut divideret eos ab alijs populis: & à seditione, & defectione ad alios arceret.
Propter hoc enim & mancipia in carne signamus indelebiter. Sed Lex Christi
cum toti sit data Mundo, hanc distinctionem, & partialitatem abiicit; retinetque
Sacramenta, possibilia masculis, & fœminis, barbaris, & civilibus in uno spiritu
conflatis, nobilitatisque simul.

Quid permissio in-
dicet in Mosaica.

Permisset Moyses usuras cum exteris: indicium legis partialis, non autem uni-
versalis, quæ omnes copulet Gentes in unum. Divortium verò quacunque ex causa
perniciosum est; aliaque hujusmodi, quæ perpetuò durare non possunt, nec om-
nibus convenire: sed donec Mundus sub pedagogo detinendus erat, utilia erant:

at ho-

at hodierno tempore, & semper, molesta esset nimis. Attamen in moralibus, quòd divina esset lex, & primæ Rationis regula, liquidò constat. Ubi nota Mahometti ignorantiam, quippe enim accipit à Moyse, quæ erant permixta, & non iusta; & quæ erant cæremonix ad tempus propter corporis salutem; & regioni uni congruebant: non autem quæ ex jure naturæ, cunctisque communia Nationibus, perpetuò subsistere debebant; unde videtur transcribere quodam casu, & superstitiosè, non autem recta ratione, ut Moyse, dictanteque Deo.

Peperit lex Mosaica viros sanctos, & Prophetas mirificos, celebres adhuc nomine per totum Mundum: unde constat, quòd sit divina lex, à nemine rationaliter impugnanda. Quoniam verò post Christum charismata amisit, deberent animadvertere Iudæi, Christum fuisse finem illius. & quia Christiana non amisit, ex quo prædicavit Mahomettus: non ergo Mahomettus fuit finis Christianismi secundum Deum, sed flagellum. De his inferior disputabit sermo.

Effectus Mosaycæ legis in hominum studiis.

Argum. est S. Iustini, & Patrum, & Scholasticorum.

Responsio ad Macchiavellum, & Julianum, de Virtute, & Re militari, Gentilismum, præ Prophetis, & Christo, laudantes.

I **A**T Macchiavellus objicit; quòd quamvis Moyse gloriatur se habere Deum Ducem, ac Præceptorem in operibus suis, non tamen majora, & clariora facinora fecit, majusvè imperium acquisivit, quàm Cyrus Persarum Rex, qui totum subjugavit Orientem; gloriamque sibi, suæque Nationi immortalem comparavit. Julianus verò ignaviæ (ut ait) Christianæ improperat Magnum Alexandrum, & J. Cæsaris præclare gesta, &c.

Argum. I. Macchiavelli in libro, ubi instituit Principem, contra Moysem.

II. Ego verè rectè hoc examinans, invenio Macchiavellum esse ignorantissimum omnis politicæ doctrinæ veræ; sed astutiæ tantum servilis, esse magistrum. Neque enim Cyrus, præter quam quod turpiter occubuit cum Tomiri scæmina committens bellum, in improprium suæ crudelitatis in utrem, sanguinis plenum, capite ipsius coniecto (licet Xenophontes in illius persona Ducem sapientem simulans, secus dicat) fecit quicquam Heroe dignum, si Moyse comparetur. Nam, præter miracula, & victorias mirificas contra Magos Aegypti, & contra proprium Regem, & quòd ex populo, servituti diræ subdito, per portenta, & signa multa, fecit Regnum nobilissimum; & innumeros expulit ex nativis populis sedibus: dum Cyrus, & alii, in armis tantum naturalibus, liberi populi fundaverunt Regnum. Insuper legem condidit Moses, sic sapienter, quòd totus hodie Mundus post tria millia annorum credit à Deo manasse. Hæbrei enim, & Christiani, & Mahomettani, Turcæ, Mauri, Persæ, Arabes, Tartari, &c. sic credunt; & à cunctis colitur Moyse, tanquam Discipulus, & Nuncius, & Propheta Dei, & propter suæ auctoritatis defensionem quilibet libenter mori vellet, seque beatum existimaret. Et de stirpe Abraham, qui fuit fundamentum, & origo Moyse, & legis ejus, omnes Nationes dependere gloriantur. Et de principio, & progressu Mundi, saltem usque ad diluvium ipse solus habetur ab omnibus divinus Scriptor, & certus. At Cyrus floccipenditur etiam in Perside nido suo, in quo nunc regnat Mahomettus: & Moyse, & Christus venerantur, saltem tanquam Prophetæ.

Resp. ad dictum argumentum.

III. Sed omisso Cyro, veniamus ad Alexandrum Magnum, & Jul. Cæsarem, qui

Resp. ad arg. Juliani
Apostatae.

Macchiavell. in Prin-
cipe obicit Christo,
& Prophetis, & Hie-
ronym. Savonarola,
ignorantiam politi-
cae, quoniam suos se-
quaces non armave-
runt.

Argum. 2. ex Macch.
contra Moysen.

Responsio.

Distinctio modo-
rum acquirendi re-
gnum.

qui heroicis gestis, & doctrina, longè Cyrum antecellunt, quos Julianus opponit nobis. Et hi profectò re in nulla prae Moyse magnificari possunt, & in eorum Regnis Moyses hodie imperat. Lex Alexandri annihilata est. Leges Caesaris, & successorum emendatae fuerunt à Christianis Pontificibus; & Christo serviunt, & Moyse credunt, ceduntque.

IV. Si obiciis, fuisse larvas, & deceptiones, miracula, & prætersam divinitatem, qua vicere Moyses, & Christus: tunc cur (inquam) tu Macchiavelle, tuique discipuli non molimini easdem deceptiones ad regna comparanda miraculosè: quandoquidem regnandi gratia omnia vobis licent, & hoc unum est studium vestrum? & hoc putatis docere melius, quam Christus, & Moyses, quos dicitis regnandi causa simulasse; sed tanquam ignaros nescivisse armare suos credentes, ac sequaces? Ergo deceptiones vestrae sunt astutiae pueriles, quae repente deteguntur. Cur ergo tantum profitemini magisterium super Moysen, & Christum, & Prophetas, quos ignavia, & ignorantiae politicae accusatis? Præterea vos nobiscum, fatemini, Zamolxim, Pythagoram, Numam, Minoem, aliosque simulasse, se esse Dei Legatos, & Nuncios ad ferendam Legem: Cyrus quoque dixit, se à Deo esse Missum, & Alexander fecit se filium Amonis Dei: nihilominus non reperitur, eis qui velit credere: & quidem post Moysen extitere. Ergo Moyses prudentior fuit illis etiam secundum politicam tuam, ò false astute Macchiavelle. Nec nos movet Mahomettus, & Cyngus, de quibus is finis erit, qui fuit Hercules, & Apollinis, & Zamolxis, & aliorum simulantium, ut inferius disputabimus. Ergo diuturniorem dominatum fundavit Moyses, & in pluribus Nationibus, & in animabus hominum; illi autem exterius, & cadentem, ut & latrones omnes.

V. Sed replicat Macchiavellista. Cyrus occupavit plures nationes, quam Moyses, & prævaluit in vita sua.

Respondeo hoc argumentum indocti, ac plebei animi esse. Excellentia enim hominis non consistit in armorum victoria: vincere nanque corporeis viribus bestiarum est quoque munus: Rationis autem viribus, proprium est hominis. Hoc autem modo longè plura Regna subiecit sibi Moyses; ac continuò acquirit semper. Cyrus autem paulatim amisit omnia Regna sua; & lex ejus, & ditio ejus annihilata est.

Insuper dico, reperiri Regnum animorum, & corporum, & fortunarum. Qui vincit, occupatque fortunas, & non corpora, est Pyrata, & prædator, & latro, qui Dominium fundare nequit. Qui autem vincit corpora, & fortunas, non autem animos; subito dominium fundat, & subito amittit illud, sicut Tamerlanus, & Pyrrhus, & Vitellius, & Phoca, & consimiles. Qui autem vincit animos, & corpora, & fortunas simul, subito regnat, & longum dominium ad posteros transmittit, sicut fecit Mahomettus, & Caesar, & Cyngus, & Constantinus, alique. Qui autem animos, & corpora, idem facit, sed diviniore modo, & his consequenter adiiciuntur fortunæ. Sic fecit Moyses, qui in deserto captivavit animos, dominatus est super corpora, sed deerant fortunæ, ex quibus viverent; sed miraculosis modis conservavit dominium illud, transfuditque in posteros: simili quodam modo fecit David. Qui autem captivat tantummodo animos, serò vincit, ut Imperium fiat: sed cum sit inermis, quoniam utitur solo verbo, vitam amittit: sed quò veracior est doctrina, eò diuturnius durat; & quò magis oppugnatur, eò accenditur magis, ut ignis vento molestatus. Sic fecit Christus, & Prophetæ, qui animos hominum sibi, ut Dei ministris, subjecerunt, verbo: quos confestim sequuntur corpora, fervientia animis; ac mox fortunæ, & politica exterior, tanquam addi-

additamentum . Unde ait Christus . *Primum querite Regnum Dei , & hæc omnia adjicientur vobis* . Et id vidimus passim in Ecclesia ejus . Ex his palam est , Moysen captivasse animos longè sapientius , & fortius , quam Cyrus ; & paucos elegisse homines , & Regiones paucas , ut plantaret legem . Et tamen vicit etiam Aegyptios , multosque Reges ; sed hæc nulla fuit ad victoriam animorum , quæ expantia est per totum Orbem , & durat in æternum . Captivare autem animos hominum , secretum divinæ est artis , Macchiavello ignotæ . In hoc tamen Moyses à Christo exsuperatur , ut suo loco declarabimus , quia sinè armis Christus vicit Mundum , gente idiota utens , & exili : & Principatum suum universalem fundavit in Regia Monarchæ Romani , potentissimi super omnes totius Orbis ; & Vicariorum suorum pedem osculantur omnes Principes Terre , qui primæ omnium Rationis esse volunt servi : & habent ipsum , ut Deum Deorum ; & supra Moysen armatum , tanquam Ministrum Christus inermis , ut Dominus , adoratur . mira res .

At si quis dicat , id fuisse fortunæ eventum , & non artem Christi divinam : is tenetur nos docere , qua ratione Deus , seu ejus providentia , quam Fatum vocant , hoc efficiat . Et cur Macchiavellistis non est notum : qui profitentur se Sapientiores Christo , & Prophetis ; & propterea contrariam viam , tanquam meliorem ad dominium acquirendum , servandumque , docent . At quoniam arte carent hæc magnalia patrandi ; ergo truncata , & incerta est doctrina Macchiavelli , & cæci sunt ejus sequaces .

Occurrit novæ objectioni .

Sed non (inquam) casu , sed divinitus hoc fecit Christus , & prædixit , ne casu venisse putemus , dicens , *Omnia traham ad me ipsum* ; Et quod *Evangelium ejus prædicabitur in toto Mundo* . Et Apostol. Paulus , quod *evacuabit Principatus , & Potestates . & sedet à dexteris Dei* , donec ponat omnes inimicos scabellum pedum suorum ; ut olim prophetatum erat . Et non ne in Apocalipsi , dum exilis erat , & turbabatur ejus cæsus , dicit Iesus , *faciam illos , ut veniant , & adorent ante pedes tuos* ? Et ipse dixit . *Quodcumque solveris , aut ligaveris super Terram , erit solutum , aut ligatum in Cælis* ? Et hæc promissa non ne verificata sunt ? Ergo ars Christi fuit ; & præscientia id docet , & prophetia ejus , & suorum : ergo non fortuna . Ipsi enim ignorassent hæc , si casu tantum futura erant . Ubi nunc est astutia tua , ò Mastigia inepte ? ubi invenies politicam hanc , quæ per Crucem dominetur in totum Mundum ?

Io. 8.

1. Cor. 15.

Psal. 109.

Apoc. 3.

Matt. 16.

Saltem hoc animadvertere debuisset , quod seu vera , seu falsa , Religio semper in Politicam dominatur . Græci , & Romani creabant Magistratus : tunc si dixisset Sacerdos , vitio creatos esse , statim illis repulsis , alii eligebantur . Si pullarius dicebat , pullos tripudiam non fecisse ; bellum non mittebatur à Ducibus : omnia prout Augures , & Auruspices jubebant , fiebant . Sic & Assyrii , & Chaldæi , & Phryges , & Aegyptii . Idem observat Turcarum Rex erga suos Muſſihids . Omnisque Natio propriis paret Sacerdotibus : in quantum existimant esse Ministros veri Dei .

Qua propter stultitia est belluina Macchiavellistarum , putantium Religionem esse artem quandam politicæ astutiæ ; non autem potius reverentiam erga Deum , Factorem , & Governatorem , sicut ipsa natura docet : cui omnes inclinantur , ut bonorum omnium largitori summo Bono .

Veluti enim iis , qui se diploma Regis habere ostendunt , seu falsum , seu verum habeant diploma , dum certiores reddi non possumus , paremus : sic etiam Sacerdotibus , & veris , & falsis , ex debito timore Dei , sive falsis , sive veris literis patentibus ostendant se missos à Deo , consequenter obedimus . Vide quanta fecit Mahomettus in diplomate hoc falso .

Occurrit obiiciendi : Cur etiam Religio falsa dominatur Politicæ inter Nationes .

Argum. Macch.

VII. Subfannat deinde Macchiavellus Prophetas, & consequenter Christum, dicens quod credentes suos armare debuissent, sicquē vicissent, salva eorum vita, quam perperam amiserunt.

Responsio.

VIII. Hoc examinans, vidi plurimos quoque armatos vitam amisisse, ut Cyrus, Asdrubal, Frater Dulcinus, Iohannes Leidenfis, qui nec gloriosa facinora, & durabilia patrarunt. Qui verò armati vitam non amiserunt, nec millesimam, partem gloriæ, & Regni, quod Prophetis etiam occisis perpetuò partum est, sibi compararunt. Et quidem, loquor etiam in hoc Sæculo mortali, si homo perennem victurus esset vitam, nisi occidatur, ejus argumentum aliquid valeret; sed omnes morimur; nec scimus quando: Ergo melius est vitam impendere pro defensione divinæ Rationis, quæ te in hoc, & in futuro Sæculo æternet, quam armis ipsam defendere, sicuti rem humanam, præsertim in principio foundationis. Sed hi spiritu Dei aguntur: quid nos doceamus eos?

Proverb.

Hodie Romæ regnat Petrus, & Paulus, olim occisi inermes, non autem Romulus armatus, neque Nero, interfector; cujus memoriæ, & statuæ prostratæ sunt; erectæque Templâ, Altaria, Statuæ, & Lampades in memoriam Petri, & Pauli. Et qui his contradicit, subito perit. Neroni autem detrahunt omnes. Quin gloriosior est Socrates hodie, quam Melitus, & Anitus, ejus accusatores, victores, & interfectores per calumniam; quorum memoria in maledictione est. Et Senecas, & Lucanus celebriores sunt Nerone, occisore ipsorum. Quin etiam Sejano, & Tiberio Macchiavellistarum patre. Probitas ergo victoriam parit, & sublimis amor erga genus humanum, & zelus Dei, & Rationis æternæ, etiam in morte, sicut scriptum est. *Condemnat justus mortuus vivos impios.* Verba Apostolorum aureis literis, & vocibus ubique resonant, & constant singula verba sanguinis mare; & quicunque sese eis opponit, habetur tanquam bestia, seque ipsum exitio dat. At è contra futilem, vel nullam victoriam parit proprius amor: in quo fundat suam Macchiavellus Politicam rationem, quam vocant *de statu* sui sequaces; Paulus verò, *prudentiam carnis eorum, qui terrena sapiunt.* Et quicunque ipsam sectati sunt, turpiter in se, vel subito in posteris perierunt. Inspicè Cæsarem Valentinum discipulum ejus, & Oliverottum, & Tyberium, & Castruccium, & Ezzeulinum, & Absalonem, aliaque id genus monstra, quomodo perierunt, ac memoria eorum in maledictione est. Profectò ad pauca respicit homo iste, & ut ejus conterraneus Poeta canit.

Juliani arg. 2. contra Christum.

,, *Inver questo amor proprio hà del bestiale, &c.*

Resp. quòd armis, si eris, religione, & virtutibus mirificis exsuperet Christiani omnes Nationes.

Ut autem respondeamus Juliano, qui deridet Christum, non modò, quia suos non armavit; sed quia nec heroes peperit lex illius, quales Gentilismus habuit, Cæsares, Alexandros, Achilles, &c. Dico quod Heroes Christianæ Legis imperant Cæsaribus, & Alexandris suis: & illi quidem inermes Mundum subjugaverunt, quem Cæsar, & Alexander armati, nec ex parte potuerunt. Et sublimitas Christi fuit sine armis vincere, non vilitas. Qui indiget armis divina caret virtute. Neque profectò arma Cæsarem magnificarunt, cum in illis esset inferior Pompejo, sed militaris virtus, & Prudentia. Veram autem virtutem in Apostolis cernimus exuberare adeò, ut Dii præ Cæsare videantur. At si & in armis Heroes cupit: postquam victoria animorum parta est Christo; habemus Constantinum, & Carolum Magnum, Alexandro, & Cæsare superiorem; & Orlandum, Achille: quoniam utrorumque vita fictionibus magnificatur. Goffredus verò Cyro nò cedit: Fernandus Cortesius longe exuperat, sed Christophorus Columbus omnes mortales antecellit; ne dum fictos Theseos, Iasones, & Typhes. Scanderbegus Judæ Machabeo adæquatur. Sed

novos

novos Mundos invenire, Oceanum domare, & Typographiam, & Archibugia, & usum magnetis reperire; non nisi divinatorum ingeniorum Christianorum fuit. & tamen hæc à nobis pro nihilo habentur, si minimi ex Sanctis, ab Ecclesia canonizati, virtutibus comparentur. Profectò in scientiis naturalibus excellimus Gentilismus. Copernicus enim & Tycho, et Galileus, præstantiores sunt Ptolemaeo in Astronomia; Teleseus exuperat Aristotelem in Philosophia naturali, ac morali, quamvis utriusque lucubrationes erroribus non careant. Basilius magnus, Platonem: Origenes, Porphyrii, hostis nostri, testimonio, ingenio, & scientiarum abundantia, omnes Gentiles exuperavit. Augustinus verò acumine, Hieronymus peritia linguarum. Sed quidquid boni habent Gentiles, notum est nostris, & multo plura. Albertus, & Divus Thomas sub se totum Peripateticismum ambiunt. Utuntur quidem Christiani Gentilium libris, quatenus rationi congruunt: sic enim sunt à Christo Ratione divina, ut Sanctus Iustinus docet: quatenus irrationales, eosdem reprobant. Nos enim non ponimus schisma inter bonum, & bonum, sicut illi; sed inter malum, & bonum; unde Medicina utimur Hippocratis, in quo rationalis, non autem, ut irrationalis. Omnia approbamus, & quod bonum est tenemus. At in Theologia Christiani, omnes mortales vicerunt. Quin & Angeli prædicatione Apostolorum multa didicerunt: & mysteria Dei apud eos sunt, & librorum copia: et sapientia omnibus præstant. Et in moralitate, & religione, & miraculis sic exuperant totum Mundum, pro ut æmulatur similia, ut Cælum fabam unam. Sed Macchiavellistæ non gustant Chrysostomum, Athanasium, Hylarium, cæterosque Patres, & Scolasticos; Ideo ad pauca respicientes, de facili enunciant. Omisi, quod Poema Danthis omnes Mundi Poetas antecellit.

Ad Julianum ergo dicimus, Christum non dedisse legem de arte bellica: Responsio iterum ad Julianum.
hæc enim ars extabat jam in lege naturali, ad quam ipse à se perfectam resti-

tuit Mundum; & in principio fundat legem in sanctitate, non in ar-

mis; & vincebat divinitus, non humanitus. Protulit præce-

pta cunctis universalis Nationibus: particulares verò illorum

applicationes suis reliquit successoribus. *Pasce* (ait)

ovēs meas &c. & qui vos audit, me audit &c.

eisque insuper Spiritum largitus est san-

ctum, ut possint omnia invenire, &

docere moralia, & cæremonias,

& judicia: quoniam non

amplius infantes erāt

sed viri: nec

servi, sed

liberi.

De quo, suo loco, cū perso-

nam legislatoris exa-

minabimus,

Joan. 21.

EXAMEN SECUNDUM NATURAM
credibilitatis eorum, quæ proponuntur tanquam super-
naturalia, & fundamenta legum in quacunque Natione.
Christianam præcellere omnes puritate, pietate, ratione,
utilitate, & congruentia cum natura.

CAP. XI.

Difficultates in Fide
Christiana.



IRCA fidem veritatum, quæ proponuntur ut supra natura-
les, examinando inveni, Christianam quasdam pati difficul-
tates, plusquam Hebraicam, & fortasse Mahometanam;
propterea quod sublimiora, & difficillima revelat mysteria,
quæ non nisi prævio lumine auxilii divini, credere potes.
Ac si Metaphysicam, pro Theologia Christiana assequenda,
perfectam ex Arcanis Primalitatibus Naturæ non calles su-
pra impiam Aristotelicam pædagogicam, videntur impossibilia. Ideoque He-
bræi obstinati permanent; similiter & Turcæ contra Christianos. Quoniam prom-
ptissimum est quavis in scientia credere Deum esse unum, simplicissimum,
æternum, infinitum, Creatorem, & Rectorem omnium. Quod autem hic Unus
sit etiam Trinus, mendacium reputatur à Turcis, & Hebræis, & irridetur à
Mahometto tanquam impossibile; & contra hoc dogma se nullum esse dicit.
Philosophi autem eis applaudunt magis, nisi majore lumine eorum intellectus
roboretur.

Demōstratur evidē-
tia credibilitatis SS.
Trinit. & persuade-
tur veritas.

I I. Ego autem arcana Dei in suis imaginibus, ac vestigiis perscrutatus in
hoc examine, inveno etiam apud philosophos, præsertim Platonicos, & Stoi-
cos, aliquam distinctionem inter Deum, & Rationem, seu Artem suam, per
quam fecit regitque Mundum. Unde Senec. 4. de benef. cap. 7. *Quid aliud est
Natura (inquit) quam Deus, & divina Ratio toti Mundo, & partibus ejus
inserta?* & in epist. 65. *Materia, ait, est rerum causa, & Ratio faciens, idest
Deus.* Similiter Plato Deum, & Verbum, seu exemplar in Tim. in epist. & sæ-
pissimè principia rerum ponit. Trismegist. in Pym. Deum, Verbum, & Spiritum
agnovit in Divinis. Ergo sequitur, quod cum deberet Mundum recuperare re-
laxatum, corruptumque falsis credulitatibus, proculdubio à Diabolo investis,
conveniens erat, quod Filius, qui dicitur Verbum, Sapientia, & Ratio, incar-
naretur. Ex incarnatione autem patefacta est distinctio personalis Patris, ac Fi-
lii explicita; quæ apud Philosophos nesciebatur, nisi sub umbra, & aliquo pa-
cto, aut secundum rationem tantum. Postea verò in apparitione Spiritus sancti,
hujus ab eis distinctio patuit, qui per modum amoris abdi ab eis procedit.
Vidi etiam subtiliter inquirendo, rem omnem licet simplicem, qualis est calor,
constitui, vel integrari participationibus Potentiæ, Sapientiæ, & Amoris; &
ipsum esse rerum Propotentiā, & Prosapientiā, & Proamorem existere.
Juxta modum, & gradum suum, à primo Ente manantem Potentissimo, Sa-
pientissimo, & Amorosissimo. Ac tantum esse rem quamcumque, quantum
potest esse, & præsentit esse, & amat esse. Nam & D. Thom. ait, *quod omne ens
tantum*

Vide postillam pa-
ginæ 21. quot voca-
bula dant Patres Fi-
lio: dicitur enim
Sermo, Logos, Ra-
tio, Ars, Exemplar,
Lex.

Amb. lib. de Dignit.
hom. & Richar. ad
Bern. ita procedunt.

I. 2. q. 109. art. 3.

tantum amat, quantum habet de esse. Et cum horum destituitur vel vno, tunc mori. Dehinc percepi, quod Potentia, ut sic, quodammodo est à se: & potest, quia potest: non autem scit, quia scit, sed quia potest scire. Ergo Sapientia latentem quandam processionem habet à Potentia. Et deinde amat, quia scit, & potest. Quod enim ignoratur, amari nequit. Sic & quod non potest amari. Ergo Amor à Potentia, & Sapientia procedit. Et quoniam hæ primalitates Metaphysicæ compositionem non faciunt in rebus simplicibus, quales sunt calor, & frigus: Igitur, dixi, non debet impossibile videri, quod fides docet, nec sine vestigio, exemplo, licet remoto, & testimonio in causatis, quod in Deo, ut ait Plotinus, sit prima Potentia, prima Sapientia, & primus Amor; ac proinde processionem, & Unitas, & Trinitas sine compositione. Scire enim & amare est esse res scita, & amata, vel fieri. Quod autem est, non fit. Deus intelligens est Deus idem intellectus à se, ac Deus amatus à se intelligente, & intellecto. Et reperi, quod appellare tres Personas, ut Fides nos admonet, quia singulæ per se sonant aliquid distinctum realiter realitate relativa tantum, non debet irrationabile videri: Et quod meliori modo non possumus de his in terra enunciare: & video ex vestigiis, quæ sunt in natura, taliter insinuari id quod Fides docet, quod animadverto, nullatenus probari posse, quod sit impossibile; sed esse evidenter credibile; & moraliter persuasibile; per Metaph. Unde & rectè dixit S. Thom. contra Gent. disputando. *Quod pie consideranti semper magis, ac magis rationes suppetunt de mysteriis supernaturalibus.* Et propterea Rich. de S. Vict. sex libros de Trinitate condens, dixit, se velle probare solis rationibus absque autoritate Scripturarum, mysterium Trinitatis: hoc est ejus credibilitatem: Quoniam in natura sunt res omnes similes quoquo pacto suo Autori. Neque enim non sibi, sed alii, fecerit eas similes. Et sic procedunt rationes Patrum persuasivæ. Unde Trinitas prædicata, quæ in natura non videtur impossibilis, in veritate per Fidem declarata extare realiter videtur sagaciter & pie contemplanti. Esse autem idem essentialiter, Potentiam, Sapientiam, & Amorem, dixi nuperrimè: ac Metaphysica hæc propinqua Entis docet. Nec profectò Christus unquam dixisset, ut baptizaremur in nomine Patris, & Filii, & Spiritus Sancti, nisi summa æqualitas, & unitas esset inter personas. Dare enim creaturis honorem Patris Dei Creatoris, esset ignorantia impia valde, pariter pari loco, & dignitate collocans in infinitum distantia; quam ignorantiam rimatus cætera non invenio in Christo, sed piissimam, ubique supereminentem Sapientiam. Ergo (dixi) verum est quod Ecclesia Romana prædicat; & mentitur Arrius, & Photinus. Deinde Apost. Paulus me certum reddidit prorsus, quando ait: *Christus ipse est ante omnes, & omnia in ipso constant &c.* At quomodo constarent in Christo omnia, nisi esset ipse Deus? Et ait, *In ipso sunt omnes Thesauri Sapientiæ &c. & habitat omnis plenitudo divinitatis &c.* Et alibi, *Qui est super omnia Deus benedictus.* Et Ioan. *Hic est verus Deus, & vita æterna.* Et in Euang. docet idemmet, Verbum, & Rationem, quod erat apud Deum, & per quod Deus fecit omnia, incarnatum fuisse. *In principio* (dicens) *Erat Verbum, & Verbum erat apud Deum,* (ergo distinctum, si apud) deinde ait: *Et Deus erat Verbum;* ut ostenderet unitatem essentialem, cum distinctione personali. Unde potuit hæc fingere Piscator, scribendi, ac legendi ignarus?

Hanc processionem in ordinibus potentiarum, D. Thom. in 1. d. 3. q. 4. ar. 2. & 3. ex Aug. & Mag. agnoscit, probatque, ne dum præfati Patres.

Coloss. 1.

Coloss. 2. Ibidem.

Rom. 9. 1. Ioan. 5.

Ioan. 1.

III. Porro cum credideris in Deo existere distinctionem, ac Trinitatem, & providentiam, nullum obstat inconveniens, quominus Deus se ostendat hominibus in hominis forma vera, quando in apparenti multis se ostendit. Quippe cum infi-

Vide cap. 7. ubi has
opinionēs tractavi-
mus.

Postea incarnatione
de facili cetera my-
steria suadentur.

De Sacramento Eu-
charistiæ Matt. 26.
Mar. 14: Luc. 22.
Paul. 1. Corin. 11.
Ioan 5.
Ex inuictis & con-
cordibus testimo-
nijs.

Examinari ad ma-
ius.

Confirmatio credi-
bilitatis dogmatum
Fidei Catholicæ.

1. Ioan. 1.

D. Tho. ex uno cre-
dito sit necessaria
sequential ad alte-
rum credibile cor-
respondens credito.

nitus Deus non finiatur in ea; quoniam nō contrahitur in hominem, sed assumit ad se humanitatem, ut Instrumentum personaliter conjunctum suarum actionum, apud homines visibilium. Et Arist. & Aver. pater Macchiavellistarum, & Avicen. & Alexander, ponentes unicum intellectum in sphaera hominis, qui nobis cunctis conjungitur continuo absque concretione, & finitione sui in unitate personæ eum in modum, quo Deum unitum esse humanitati, nostra Theologia declarat, habent modum, licet falsum, satis manuducentem ad illud Incarnationis mysterium; ut Sanctus Augustinus contra Felicianum, & D. Thom. in 4. cont. Gent. animadvertunt. Unde non est cur refugiant credere hoc mysterium tanquam impossibile, dum in cunctis hominibus eandem Mentem primam cum Anaxagora, seu Calcodeam, seu Intellectum, seu Deum incarnari ponunt. Quod Stoicis, & Pythagoricis congruit aliquanto magis. Hac autem credita Incarnatione, omnia secundum rationem ex hoc procedunt, ut concludit S. Chrysost. quando doctissime per naturam rationabilis, & euidenter credibilis consequentiæ in Christianismo.

Quod nascatur ex Virgine Deus, dignum est. Et quod resurgat à mortuis, ascendat in Cælum, miracula faciat: Spiritum Sanctum det; & peccatorum remissionem &c. Quod autem moriatur, & patiatur atrocissima, sitiat &c. convenit ipsi secundum humanitatem; omniaque argumenta sic de facili dissolvuntur.

I V. Dogma de Sacramento Eucharistiæ durum mihi videbatur. Sed qui credit, Christum esse Deum: & testimonium habet quatuor Evangelistarum, & quintum Pauli, dicentium: *Hoc est corpus meum: & Panis quem ego dederò, caro mea est &c.* fatuè & impudenter id inficiabitur. Quod si ais, esse in signo, non in re cum Calvinistis: Ego magis Deo dignum assero relinquere nobis signum substantiale, quam accidentale; sicut cyathus vini in taberna significat Vinum, & verè Vinum est; circulus lauri significat Vinum, & Vinum non est. Quod autem id totum sit credibile, in Dialogo, quem contra Lutheranos scripsi, ostensum est. Cùm Rex dat titulum Marchionis servo suo, repente mutatur servus, & vestibus, & cogitationibus, & desideriis. Christus autem dans titulum Corporis sui ipsi pani, non ne rationabile est, ut credamus, facere mutationem intrinsecam longe maiorem in eo, si est Deus, & quanta requiritur, ut verba plenè verificentur?

V. De his cunctis libros scripsi secundum rectam doctrinam: itaque prorsus certus sum quæcumque docuit Christus, & Religiosa Fides supernaturaliter in Ecclesia approbat, nullatenus impossibilia per philosophiam demonstrari posse; quæ sunt certa in Theologia per miracula, & sanguinem; & testes, omni fide dignos; qui viderunt, & tetigerunt, & aliis palpandum præbuerunt, sicut ait S. Ioan. *Quod vidimus, quod audivimus, & manus nostræ contrectaverunt &c.*

Profectò qui de diuina benignitate erga nos, & de providentia dubitat, is tantum de his articulis dubitabit. Sed qui rectè credens considerat, quod Deus Creaturarum nihil indigens, ipsas tamen creat, & regit: incunctanter credere potest quòd absque indigentia quoque potest incarnari, & auxiliari, & manifestari nobis. Unus enim articulus confirmat alterum, ac proinde probat, ex D. Thoma contr. Gent.

Quòd si te tangit falsa cogitatio, quòd Mundum fecerit propter suam iucunditatem, & etiam propter indigentiam quandam; pariter dicere debes, similiter propter iucunditatem, & indigentiam incarnatum esse, si potes id intelligere. Omnes namque fatemur Deum esse in omni re absque sui divisione; ergo est

in hac penna, qua scribo, & non finitur ab hac, & in hac penna; sic neque finitus est à corpore humano, sibi conjuncto; neque à Mundo, neque ab ulla re. Res enim in ipso sunt, esse accipientes, non autem sic ipse in eis (sublimiter considerando). Quod si pergis: Quid opus erat Deo incarnari? Non ne poterat ipse per se salvare gentes, se non vilitato, exinanitoque? Iam respondi, non esse vilitatem, sed nobilitatem, hoc modo, qui vilis videtur nobis, ingentia facere beneficia. Et cum creaturæ omnes effectus sint illius, non minuitur dignitas ejus, quia sibi eas conjungit modo aliquo novo: quippe quibus semper conjunctus est intrinsecus. *Portat enim omnia verbo virtutis suæ, &c. In quo omnia, & per quem omnia, &c. Exinanivit se*, hoc est, accepit naturam inanem; non tamen, propterea ipse Deus in se, & secundum divinitatem est passus inanitionem. Neque enim, quia est in Mundo, & Mundus in eo, inanis est ipse. Animadverti etiam Deum quodam ordine in cunctis incedere operibus. Posset quidem Deus totum augmentum hominis complere in uno die; nihilominus non nisi in x xv. ferè annis hoc facit. Sic de arboribus, ceterisque rebus, quæ in Mundo sunt; quæ sanè absque arte divina, ut dictum est, non fiunt: nihilominus cum tempore, & numero, & mensura operatur, quoniam rebus ipse condescendit, cum non possint ad ipsum res elevari.

Resp. ad quid opus erat Deo incarnari?

Heb. 1.

Rom. 11.

Philip. 2.

VI. Et dixi. Potest Deus facere, quæ non facit, si puram ejus consideres potentiam; & potest arborem facere Solem; & existere plures Soles, & Mundum esse aureum, & omnes homines divites. Sed non facit, quoniam omnia sapienter fecit, & rationabiliter. Utrum autem congruat sapientiæ, ac rationi aliquid, nec ne, non possumus nos animulæ clausæ in tenebris intra pugillum cerebri, judicare. Ergo existimare debemus, non posse meliorem fieri Mundum, cum semper fiant quæ sunt, qualia, & quanta, & sicut Deus vult fieri; & verò vult res quam optimè, quoniam optimum est, ut Plato in Timæo concludit, & Patres sacerrimi. Neque enim sibi dissimilia facit, aut dissimiliter. Nec invidia tangitur, nec pigritia, nec ignorantia, nec impotentia. Porro si duo extarent Soles, cremarent Terram; si omnia essent aurum, ludibrium Midæ pateremur. Si omnes divites, quis ministraret cibum in culina?

VII. Sed hic priora argumenta resurgunt.

REPARANTUR ARGUMENTA ad Responsiones.

1. **S**I Christus est Deus providus, cur prioribus non venit sæculis ad salvandum homines?
2. Et cur nunc tam innumeræ damnantur Gentes? ergo vanus fuit adventus ejus. Et cur alias multas perire, absque remedio permisit postmodum in altero Hemispherio, quem vocant Novum Orbem?
3. Et cur creat animas, quas prænovit esse damnandas? & plures salvandis?
4. Et cur unius pomi morsus tantum invexit malorum, ut totus exitio sic debeatur Mundus ex tam levi crimine, quod Deus necesse habeat incarnari, & redimere eum per gravius crimen, in sua morte ab homine commissum?
5. Si enim homo ob tantillum inobedientiæ tanta passus est mala, nunc quia occidit Deum ipsum, quanto majora pati debet, nec salvari illius sanguine, sed irreparabilius damnari?

Phalanx argumentorum in ij. capite positorum, & novorum quorundam dubitantium in fide.

6. Et cur hodierno tempore Diabolus locupletior, & potentior est, quàm Christus super homines?

Resp. ad 1. & 5.
ex Clem. Rom. lib.
Recog. & S. Justino
Apol. 2. cur Christi
nō venit prius.

VIII. Respon. semper fuisse divinam Sapientiam, & Rationem, in Mundo salvantem eos, qui per ejus gratiam volunt rationaliter, & secundum divinam rectitudinem vivere: omnesque, qui sic vixerunt, usque ad finem, jam salvos esse in illa. Christum verò, qui est ipsa Patris Aeterni Sapientia genita, se se ostendisse in carne, quando magis necesse fuit, quia Gens descebat multum à Rationis regula: & instaurasse Cælum, & Terram. Et de hoc arcano multum ignoramus in Cælo, & in Terra. Et qui voluerunt plus sapere, quàm revelatur, ceciderunt, nisi ad Deum recursum habuerint, volente Deo, ut multa subterfiantur, quemadmodum dicitur in 4. Esdræ; & sciamus ea tantum, quæ ad nostram spectant salutem. Sed hoc scimus, nos cogitare debere, hoc rationabile fuisse, & per Prophetas prænunciatum olim esse: & quadam mensura, naturæ nostræ se attemperante, processisse: at tandem venisse, quando illi optimum visum est venire. Scimus præterea ex Metaph. nos nullius rei posse sufficientes ostendere rationes, nisi ut nobis congruit: Quomodo de divinis poterimus? sufficere nobis debet ipsum, Quia est, ut Logici loquuntur.

Rom. 8.
1. Cor. 2.

1. Cor. 1.

Nostra Religio docet, quòd ingredi Cælum corporaliter non poteramus, nisi ipse corpus assumpsisset humanum, ac viam fecisset. Multa huiusmodi convenienter docet Ecclesia, quæ piis satisfaciunt intellectibus. Sed Sophista, ac Macchiavellista non acquiescit, quoniam videtur eis esse id contra rationem Politicam de statu. Et verè sic est: quoniam ut inquit Apostolus, *Prudentia carnis inimica est Deo &c. & Animalis homo non percipit ea, quæ sunt Dei &c. & Quia non cognovit Mundus per Sapientiam Deum, placuit Deo per Stultitiam Crucis salvos facere credentes; quia quod Stultum est Dei, sapientius est hominibus.* Atqui hi, qui terrena sapiunt, intelligere non valent, tantam celsitudinem in tanta relucere humilitate; & benignitatem Dei assumpsisse carnem propter charitatem, licet posset aliter salvare.

Resp. ad 2. cur adventus Christi non
salvat omnes, nec
plurimos: & de
vi orbis incolis.

Ad 2. De his qui pereunt, dicendum videtur, quòd Christus venerit tanquam Medicus. Qui autem Medici præcepta spernit, non sanatur. Et quòd non conveniebat ei, per arma, sicuti Legislatores ceteri, cogere gentes ad huiusmodi præcepta, sed per virtutem vincere, & per charitatem instruere. Et hoc ipse fecit, & continuo fit in virtute ejus. Sed illis, ad quos hæc Gratiæ lex & remedia nondum determinatè pervenerunt, non deest ipse illuminando, & providendo supernaturaliter, quantum sufficit saluti eorum: nulli enim deest; sed nos illi, ut supra ostendimus. Et pro comperto habeo, deceptores damnari in quacunque lege, non autem damnari deceptos ex hoc, quòd vivunt secundum leges patrias, quam erroneas. Dum tamen non contineant errores, quos possit dignoscere, qui sub tali est natus, educatusque, fide, ac Religione. Si tamen legem naturalem per gratiam, & fidem Christi, quæ præstò eis erit, observent. Neque enim (ait S. Leo) obligat ad impossibile, sed dat prius ut possint, ut dicitur etiam in Conc. Trident. & in quo peccant, veniam à Deo ex puro corde petunt. Et hoc revelatum fuit S. Brigidæ nō semel, & Theologi meliores sapiunt. Unde fortasse non tot damnantur, quot putamus: sed iudicium Dei occultum est: Ad illud me refero &c.

Quapropter Deo gratias quisque agere de suo beneficio debet, & orare pro aliis. Profectò hæc ratio me captivat. Quod si nos optamus omnes homines salvos fieri cum simus mali, & non eorum auctores, multo magis Deus bonus, ipsorum auctor. Curam Patri relinquamus; nosque quod debemus faciamus. Propterea

Esdræ

Eldræ hoc quærenti respondit, *Multum tibi deest, ut amare possis creaturas meas plusquam ego.* Tu fac quod tuum &c. Sentite de Domino in bonitate christiana; non in dolo Calvinii: non in crudelitate Mahomettis.

4. Eldr.

Creat Deus animas, nec propterea ipsarum debet omittere creationem, quia prænoscit damnationem. Non enim ipse debet non facere bonum, quia ille facturæ sunt malum, quo damnentur: Alioquin bonum Dei præsens metu quodam malo aliorum futuro vinceretur. Sic respondet S. Irenæus. Hæc Judicia Dei occulta sunt, ac parum ad politicum spectant, quo cum loquor. Hoc autem scimus, Deum non esse causam peccandi, & homines propria culpa damnari. In hoc stemus.

Responsio ad 3. cur creat animas, quas prænovit damnandas.

I X. Has easdem difficultates multò fortius reperiri, ac plures in cunctis legibus, comperi: & opinionem quorundam Mahomettanorum, qui in omni lege hominem salvari asserunt, stultam reputavi. Quoniam ubi naturaliter nota est falsitas, non est salus illi, cui est nota, & non recedit. At nos asserentes Christum, ut Deum, esse Rationem primam supernaturalem, cui subservit naturalis, in omnibus Nationibus per eius gratiam, nulli deficientem, idiotarum, rectè viventium, & invincibiliter proprium errorem ignorantium, reperimus salutem. Numerumque damnatorum esse minorem, quàm objicientes intelligunt. Non enim intellectus, sed voluntas judicatur. Nec Deus quibus non dat supernaturalia, negat naturalia bona, tollitve.

Non salvatur homo in omni lege, ut putat secta quædam Mahomet.

Hæc tamen quæstio mentem Eldræ valde exagitavit, responsumque accepit de peccato Adæ, quòd per illud omnes debemur exitio; Et quod Deus servavit sibi acinum de botro; & quod pluris valet Mons unus aureus, quàm centum lapidei: & sic differt inter bonos, & malos. Et quòd libertas humani arbitrii reddit Deum excusatum, cum damnamur: & tandem, quis es tu, qui respondeas Deo?

Quæstio cur permittit Deus multos damnari.

Origenes autem, utinam tam foelix, quam doctus, hac vexatus quæstione, opinatus est animas in celo peccasse, ideoque alligatas fuisse corporeis carceribus; sed destructa, ac renovata Mundi Machina, Deum ignosciturum cunctis hominibus, & dæmonibus. Hocque dicebat dignum esse Dei clementia infinita, salvare omnia opera sua. Attamen Ecclesia, à Christo edocta, poenam prædicat æternam, quam Diabolis, & pravis hominibus paratam ex Evangelio didicit. Profecto si has Christi minas aspicimus, verissimum est poenam futuram esse æternam: & voluntas Dei signata talis est. Et ratio sic suadet, quoniam veluti homo peccaturus fuisset semper, si viveret semper, ideoque in illa voluntate peccandi semper, impenitens mortuus est, sic debet etiam pati semper in æternum in vigore illius voluntatis peccandi semper in æternum. Ergo impenitentibus modo debetur æterna poena. Præterea contra Deum æternum peccat homo, igitur poenam meretur æternam: quoniam quantum ad se vellet, ut Deus non esset propter hoc, ne ipsum puniret. Ergo directè contra æternam peccat essentiam. At cum aspicimus immensam Dei misericordiam erga creaturas suas, suboriri, nisi nos retineret divinum Magisterium, posset suspicio, quòd voluntas beneplaciti ejus sit salvare omnes post Mundi renovationem: ut aliquando Gregor. Nyf. & Hieron. disputant: Infinitaque ejus bonitas interficiet finitam nostram malitiam, si infinita hæc non est, nisi in illa finali impenitentia, quam ipse mutare potest. Et quemadmodum dixit, se velle subvertere Ninivem: quod deinde non fecit; sed utili poenitentia illam reddidit meliorem: sic posset quis opinari Deum indixisse poenam æternam peccatoribus, quòd à peccatis caverent: at post multa sæcula, quibus in Inferno cruciabantur, misericordia motus ad poenitudinem eos convertet salutarem. Veruntamen asserere quòd sic erit, falsissima assertio, & maxima temeritas est,

Opinio Origenis, quam ipse non dixit esse de tunc in Periare. & sic Athanasius adnotavit in orat. contra Arr.

speciem

speciem quidem pietatis habens ex altera parte, vel potius adulatoria: sed ex altera revera hæretica; dum aliter ab Ecclesia docemur, & ab Evangelio. Quamvis ab Origene, cui Hieronymus videtur Rufino, non tamen rectè, assentiri, aliter interpretetur, quàm ab Augustino; & huic subscribunt Doctores. Animas autem in corpora immitti, non quia peccarūt, sed in exercitium & in occasionem merendi, dictum est prius. Aug. addit, & ob propensionem ad regendum corpora.

Augu. 7. super Gen. c. 7.

Libertatis humanæ à Deo nō esse peccatum.

X. Hominem esse liberum, palam est, saltem ad velle, & nolle, in quo peccatum, & meritum constituitur, ut scripsi contra Calvinum. Nefanda quoque fatuitas est, credere Deum intrinsecus adigere hominem ad peccandum: atque cum Diabolo certare, quisnam melius hoc officium faciat; & hominem, quando blasphemat Deum, impelli à Deo ad blasphemandum Deum: ergo Deus contra se ipsum? ergo ne divisus?

Causa humanarum calamitatum unde.

Resp. ad 4. de peccato Adæ.

In Theol. & in Met.

XI. Quod creditur de peccato Adæ, efficacius est. & intellectui satisfacit. Tantum enim chaos, & turbationem variarum sectarum, & falsitatum, & iniquitatum, quibus obcæcantur homines; & potentiam pravorum, & ærumnas bonorum, & miseras, & calamitates miserorum mortalium omnium, à Deo verisimile non est per se feminata fuisse. Porro verum est, quod Comedia agitur coram illo, propterea quod res omnis, etiam mala, in illius gloriam resultat; non tamen ipse ita voluisset antecederet. Nos obijcimus Equum prædam Leonibus, & spectamus ludum: non tamen hunc vellemus ludum, nisi quia Equus ille superbus erat, & indomabilis. At quomodo valeat hæc similitudo in Deo, qui omnia scit, & mutare potest, & prohibere, ne mutantur, alibi scriptum reliqui. Et quod Philosophi tribuunt seriei Planetarum succedentium in regimine rerum, & de Cæli reversione, & gubernatoribus supervenientibus, alibi ostendimus fictitium esse, quoniam, Naturalia Moraliibus & Transnaturalibus subservire non aduertunt. Et qualiter hæc, & cætera omnia, absque nutu Dei non mutantur, sed propter peccatum hominis, domini creaturarum inferiorum, omnes mutatas esse contra homines, facile est creditu magis, magisque pium, præsertim cum cernamus S. Franciscum, & S. Blasium, aliosque pios homines innocentes jubere creaturis, & obedientiam subito exigere. Ex quo rectè monemur, Christum venisse ad restituendum, & perficiendum sæculum innocentie; idque factum esse, & fieri ordine quodam invisibili, quem natura in plantarum augmento imitatur. Id forsan patebit quando fiet unum ovile, & unus Pastor, & perfectè cōsummabitur in beatitudine.

Et dixi ad objectiones: Peccatum Adæ, quia accidit in Mundo, non adhuc corrupto, nec radicem infectam in eo habebat, nec exemplum aliorum peccantium, uti nunc; & quia ipse erat origo, & radix, & semen generis humani; fuit quasi infinitum; & propagatur ipsa inobedientia, & culpa; non autem morsus Pomi. Nec tamen hoc peccatum damnat cruciatibus æternis, qui pertinent ad pœnam sensus, sed privat bonis æternis. Et contra hanc privationem remedium in Redemptione paravit.

Nec mors Christi salvat nos, quatenus est culpa suorum interficientium, sed in quantum est pœna ipsius interfecti, & solutio pœnarum, quas nos pati debebamus. Et ita pretiosa fuit, quod etiam peccatum interficientium delevisset, dum tamen remedium agnoscere voluissent, ut S. Bernardus dicit contra Petrum Abailardum. Sed locus iste has disputationes non requirit, quoniam declaramus tantummodo, rectè nos id factum credere, quod impossibile non est: & quod saltem propter amorem suum in nos, & in exemplum nobis vivendi, & moriendi propter virtutem, divina Sapiencia carnem sumpserit.

XII. Facilius est credere ex naturalibus, quòd sit incarnata Sapiencia, ut le-
gifer, verbo, & exemplo; difficilius verò credere, quòd & ut Redemptor. In
hoc enim plus credibilitatis, quàm in illo. Sed qui considerat calamitates huma-
nas, hujus etiam necessitatem intelligit; ac proinde non impossibile esse decernit.
sed hoc in sequenti cap.

XIII. Non continet ergo Evangelium in supernaturalibus articulis menda-
cium ullum, neque impossibilitatem, neque stultitiam; sed summum amorem Dei,
pietatem, providentiamque nimiam erga nos; & peperit, parturitque in dies Vi-
ros sacros, qui miraculis, & virtutibus, & sanguine, & doctrina id comprobant,
elevantur in Deum, communicant cum Angelis, & certam, evidentemque credi-
bilitatem Christianæ faciunt Fidei.

Harum quæstionum de malis Mundi, & remedio divino, & providentia, cæ-
terisque supra positis, reddere rationem, aliæ nesciunt sectæ hujus Mundi. Plato
enim adscribit hoc materiæ repugnanti animabus. Sed cum Deus materiam longè
exuperet, poterat ipsam sic animabus subicere, ut malum ex ea nullum timeri
queat. Alii elementorum pugna. Sed causa potior invenitur utens elementis.
Nec enim possunt facere animal, & plantam sine Artifice, sicut nec ignis, lima, &
malleus clavem sine Ferrario. Alii Deorum contrariorum discordiæ. Sed nos
unum Deum ostendimus. Alii siderum varietati. Sed Auctorem supra sidera inve-
nimus. Igitur cum ille Auctor sapientia regat, & hominem etiam libertate: ho-
minis repugnantiam contra Deum oportet malorum causam dicere; ergo non in-
congrua est Adami defectio ad solvendum modum. De his alibi. Et apud Philo-
sophos Christiana habetur pro omnibus rationalis maxime, ac pia. Et Sanctorum
experientia continua, & dominium super animalia, & revelatio probata, qua cæ-
teræ carent, satisfaciunt cuilibet inquirenti.

Iterum de causa hu-
manarum calamita-
tum.

EXAMEN MAHOMETTIS.

Contra verò Mahometti lex, quanquam Idolatriam tollit, & unum modò
Deum asserit, nihilominus prædicat opiniones irrationabiles, nimis fabu-
losas, & mendacia, & impossibilia, & obscena.

Primo quidem videtur facere Deum corporeum, quoniam sedere dicit in solio
delato ab Angelis quibusdam, quorum tanta est magnitudo, quòd ab altero in
alterum oculorum unius Angeli, non potest volitans avis pervenire in centum
millibus diebus. dicit etiam hos Angelos habere cornua immensa, quæ composita
sunt ex nive, & igne simul, aliisque misturis impossibilem. Et addit tanquam
derisorum in cathedra loquens: *Non tamen ignis dissolvit nivem, nec nix extin-
guunt ignem.* Ubi de industria videtur loqui, ut videatur dicere mirifica, & por-
tentifica, vel ut derisor, vel sicut dementatus. Dicit in principio creasse Deum,
plumam multifidam, ut scriberentur futura. Totam Genesim pervertit, & Mun-
dum prius habitatum fuisse ab Angelis, & deinde condemnatum fuisse Beelzebub à
Deo, quoniam noluit adorare hominem, quem Deus propterea prætulit illi, quo-
niam scivit rectius imponere nomina rebus. Item duos Angelos inebriatos fuisse à
quadam muliere lasciva, cujus concubitus appetebant, quæ pacta est seipsam, si
illi patefacere nomen Dei, quo volatur in Cælum. Quod cum rescivisset, ine-
briatis Angelis, deceptisque, volavit in virtute illius nominis. Quam Deus videns
conver-

Examen Mahomet-
tanæ sectæ circa su-
pernaturalia.

convertit in Stellam. Item peccatum Adæ fuisse, quod manducarit unum, ac dimidium frumenti granum. Et quod ex dimidio postea in minutias redacto fecerit omnium plantarum semina. Item Cælos sustineri, ne cadant, à Monte Caf, cujus colore repercusso videntur cærulei. Stellas ligatas esse partim catenis aureis, pendentibus à folio Dei. Et extare Cælum aliud ex adamante, aliud ex luce, aliud ex smaragdo. Et super Cælum extare Maria. Deinde alios Cælos turbidos. Deinde Montes superbissimos. Deinde alia Maria. Deinde multa millia intervalla. Et de hujusmodi, casu quodam loquitur quicquid in buccam venit; & re vera tanquam Dæmonoplexia arreptus, nihil prorsus perpendens, aut curans, quod dicit. Dicit & sub nostra terra extare mare, & sub eo alias septem terras, aliam super aliam. Deinde Bovem magnum ab Oriente, usque in Occidentem protensum, qui sustinet Mundum: Bovem verò sustineri ab aliis montibus, & montes à mari-bus alijs. & sub his piscem ab Oriente in Occidentem, usque longum sustinentem hæc systemata: & piscem ab aere alio sustineri. Et sic interrogatus semper respondet hæc dicteria sine fine. Ponit Paradisum post mortem, in quo manducatur, & bibitur ex fluminibus vini, & lactis, & coeunt homines cum mulieribus formosissimis, & mundissimis, quæ habent pupillas brevissimas. Et quoties vult homo, coitu venereo utitur, & semper voluptuosius, & sine zelotypia; & edunt piscem, quem illis servavit Deus. & hæc accipit à Talmudistis, Et innumera addit id genus. Et quod in examinandis culpis, & meritis durabit iudicium universale ann. 50000. Dicit se missum fuisse à Deo in virtute gladii, & non miraculorum, quoniam homines non credunt propter miracula; ergo si non vis (inquit) credere me esse Prophetam Dei, auferam tibi uxorem, & opes; & interficiam te: vel sub tributo cogam. At in alio Capitulo ait, se non missum à Deo, ut cogeret homines ad credendum. Alibi ait; Lunam cecidisse, & disuptam esse; at Mahomettum amplexatum eam sanasse, & in Cælum remisisse; ideoque maculas adhuc habere. Item in principio Mundi Lunam fuisse æqualis luminis cum Sole; Sed alis Gabrielis pervolantis imprudenter, extinctam esse; & nunc parum lucere; & similia innumera dicteria fabulosa, quæ narrare non sufficio. Dicit, se licentiam à Deo habuisse subagitandi omnes mulieres, etiam consanguineas; & virtutem in renibus tot subagitandi, quot possent quadraginta homines, quò generaret plures prophetas: nec tamen genuit, nisi fœminas duas. Ecce signa sanctitatis, & sapientiæ ejus.

Porro omnibus Prophetis, & Moyse, & Evangelistis adversatur, manifestissimis utens mendacijs, etiam historicè: & nihilominus acceptat has scripturas omnes, tanquam veras, & à Deo. Sed quia ipse legere nesciebat, ut fatetur, neque scribere, dum laudat suam sapientiam, quasi divinam; nec recordabatur ea, quæ audierat, & sibi legebantur à duobus Hæbreis, quos secum habebat, & à Sergio Monacho, & alio quodam hæretico; ideo dictabat Scriptori suo quidquid in buccam veniebat. Cum verò alij objiciebant scripturam aliquam suæ contrariam, respondebat, illam falsificatam esse. Historiam Geneseos penè totam depravat; præsertim de Ioseph; & præponit Ismaelem, & Agar, unde ipse genus ducit, Sarra, & Isaac. Depravat historias David, & Salomonis, & libros Regum; & arbitrato suo loquitur de cunctis. De Christo inter cætera mendacia manifesta per historias Christianorum, & Judæorum, ac Gentilium, refert, quod non fuerit crucifixus, sed mutato vultu, volavit in Cælum, & decepit judeos, ut loco suo Iudam crucifigerent. Qui legerit, longè plures deprehendet insanias.

Quapropter Rex Persarum de secta Haly, has sententias Mahometti vertit in sensus mysticos, & alteratos, repugnantes historico. Unde Turcæ irrident Persas, habentque

habentque, ut Hæreticos. Sunt inter eos variæ sectæ, parum subsistentiæ ostentantes. At astutiores substulerunt omnes libròs, & scientias de Regno suo; & solo gladio defendunt mendacia hæc, maximo profectò cum damno, ac dedecore totius generis humani. Sed de his in p. 3. Reminiscentur, &c. Hæc recitalle est confutasse.

EXAMEN JUDAICÆ.

XV. **C**Redulitas legis Hæbraicæ rationalis est in hoc: quòd sit unus Deus vivus, incorporeus, æternus (licet C. Tacito, propterea quia tollit Deorum cultû, videatur prava, voluntaria gaudèi cæcitate) quòd dederit legem Moyfi, quòd Moyfes, & Prophætæ prædixerint Messiam Instauratorem, & Legislatorem totius generis humani. Sed assertiones Talmudistarum, & mendacia de Christo, quòd non fuerit Vir sanctus, nec Messias, & quæ fingunt de ejus nativitate, & educatione, & morte, deliria sunt, similia Mahometticis, ab omnibus confutata Historicis, præcipuè à Iosepho Hebræorum sapientissimo, qui loquitur de Ioanne Baptista, tanquam de Magno Propheta, & de Christo, tanquam plus quam homine. Et quoniam contra Moysem, & Deum ipsum, vidi Talmudistas obloqui stultè, mendaciter, & fabulosè, intellexi, quæ de Christo dicunt, vanissima esse. Nam præferunt Talmud Moyfi, concedunt sodomiam cum uxore, & retentionem inventi alieni marsupii; & jubent odium usque ad mortem contra inimicum: & falsos testes non puniendos, si accusatus, jam pœna est affectus; & multa similia, contraria Moyfi. Et qui contradixerit Rabbini, morte plectendus, non autem, qui Moyfi; sed absolvi posse. Item quòd Deus multos Mundos fecit, & destruxit, antequam diceret facere hunc Mundum, exercendo se in hoc labore. Et quòd Deus facit preces quotidianæ devoto animo; & vestit caput victis, & corrigiolis; & procumbit in genua, & orat. Quòd aliquando in loco separato plorat, & pœnitentiam agit. Quòd iratus injustè contra Judæos, miserit eos in captivitatem. Et quòd præ dolore, quem habet de Judæis, emittit duas lacrymas in Oceanum quoties reminiscitur; & quòd propter scelus à se perpetratum, quando abstulit injustè lumen Lunæ, & dedit Soli, iussit fieri in lege Moyfi festa plenilunii, & sacrificia ad expiandum sui ipsius culpam. Quòd tres horas diei consumit in studio legis Judaicæ. Quòd disputans cum Rabinis victus est ab eis, & anathematis sententia percussus, dixerit: *Filii mei vicerunt me*. Quòd astutia cujusdam Rabbini victus est Diabolus, & Deus vice quadam. Quòd Adam coivit cum omnibus animalibus masculis, & fœminis, neque appetitui satisfecit, donec concubuit cum Eva. Quòd Corvus missus à Noe, nolebat egredi de Arca, timens, ne Noe post discessum cum Cornice uxore sua coiret. Sed quis narret omnia dictèria, & blasphemias, & fabulas istorum? Et vidi, quod veniente Christo, eo non recepto, Judæi traditi sunt in reprobum sensum. Non habent prophetiam, & charismata priora; & dereliquerunt legem Moyfi re verà, sed in voce tantum gloriantur de ea. Nunc autem lex eorum est Talmud impiissimum.

Examinavi Prophetas eorum, & tempus adventus Messie, & agnovi Diabolicam esse pertinaciam, infamare Iesum Christum usurpatione falsi nominis Messie, & negare tot miracula, & historias Hebræas, Romanas, & Græcas. Et ipsi Talmudistæ dicunt, Solem in quarta die creatum esse: & idè Messiam affuturum in quarto

Quam evidenter errant Judæi Christum Messiam non acceptando.

quarto

quarto Millenario ; & Iesum natum esse cernentes circa finem quarti Millenarii , nec alium Messiam comparere ; & jam sumus post quintum millenarium , & dimidium : & nihilominus dicunt propter peccata sua dilatatum esse adventum Messiae : & contra propria Dogmata , & ea , quæ dicunt esse Heliae oracula , manent obstinati ; & contra Deum : quasi Deus fuerit deceptus in tempore adventus Messiae ; vel nesciverit eos peccaturos , & impedituros adventum ejus per duo millia annorum . O dedecus insanum , perfidumque , diabolicumque ! Vident Christum mutasse leges Mundi , & omnes Gentes ad Eide[m] vocasse ; & fecisse omnia , quæ de Messia prædicta erant : attulisse cælestia præmia , quæ tacuit Moyses ; mortuum , fuisse secundum Scripturas ; resurrexisse , ascendisse in Cælum , & promississe se reditum ; nihilominus obstinati perseverant in perfidia sua .

In quo obstinatio
Judæorum .

Sed tota obstinatio eorum in eo consistit , quod non restituit Regnum Israel , non reedificavit Templum , neque Jerusalem , nec regnavit super sedem David in universum Orbem , nec vicit armis omnia Regna Mundi , ita ut adorent illum omnes Reges Terræ ; neque sæculum aureum instauravit , de quo Isaias , & Tobias , & Propheta alii cecinerunt ; & ipsi solum materialiter intelligunt ; unde aliquid apparentiæ sibi videntur habere in hac parte . Ideoque in libro de Monarchia Messiae , ostendi Christum sedere in sede David , quæ est Ecclesia . Et per suos Successores Mundum totum vicisse , & vincere , donec ponat omnes Principes Terræ scabellum pedum suorum , & evacuet omnes Principatus , & Potestates ; & Judæos decipi , quia putarunt armis in primo adventu Christum omnia subjagaturum Regna , cum tamen in Isaiæ cap. 53. post mortem illi promittantur omnia Regna in semine suo longævo , qui est Papatus : & omnes Christianos pertinere ad Israel spirituale , & similiter , Deo Duce , recte viventes . Et Jerusalem esse Ecclesiam . Sed utrum sit reedificanda in Palestina , disputavi in Prophetalibus . Et licet renovationem spiritualiter tantum Doctores multi exponant : Ego tamen non video , quomodo qui in Terra etiam expectant ea ratione , qua superius scripsi , Regnum unicum totius Mundi cum illa felicitate , quam omnes Sapientes , & Nationes expectant , denotari possint ; salvo semper quod etiam si id ita non esset , non propter hoc cælestia oracula spiritualiter non subsisterent . Quod sæculum quia descriptum est in Scripturis sanctis & prophanis instar Paradisi æterni , quem præcedet hoc Regnum tanquam præludium , fuit in causa , ut deciperetur Cherintus , & Mahomettus , qui solum hunc Paradisum carnaliter accepit , sicut Chiliastra , qui posuere anticipatam mille annis resurrectionem bonorum , & Paradisum in Terra . Sed profectò qui hoc punctum notat , potest facilius Judæis , & Mahomettanis deceptionem suam ipsorum persuadendo aperire .

XVI. In verbis ergo Christi mendacium reperi nullum . Quæcunque prædixit , eventus comprobavit . Restitutionem Israel vidimus , cum totus Mundus Israeliticum , idest Christianum , rationalem se cupiat , faciatque . Regnum unicum expecto , & video palam fieri post novi Orbis fidelitatem . Adventum ejus , ut proximum , qui cælestia considerat , expectat . Nec dubito quin Mahomettus pertineat ad Antichristi Regnum ; & cum multis Scriptoribus insuper sentio , ex Mahomettismo oriturum caput impiissimum , qui omnium perversorum scelera recapitulabit : & durabit annos tres cum dimidio ; Mahomettismus verò tot annos , quot sunt isti dies ; & de hoc multa alibi scripsi .

Non latuisse novum
hemispherium divi-
nos Scriptores .
Gen. 10. Ioan. 10.

Dico etiam ad priores quæstiones , quod de novo Orbe loquutæ sunt Sybillæ , & Senecas , in Med. & Plato in Atlantico , & Moyses , quando dixit , *Insulas Gentium d filiis Javam originem habuisse* ; & Christus quando dixit : *Alias oves habeo , quæ*

quæ non sunt de hoc orile, & illas oportet me adducere. Quod non intelligitur tantum de Gentilibus hujus Hemisphærii, sed & alterius, de innuit quoque S. Brida, quod ante aduentum Antichristi replendum esset fide: & Esdr. lib. 4. cap. 7. revelandum.

EXAMEN GENTILISMI.

XVII. **A**T cum Religionem Gentilium considero, comperio intolerabilem. Sed stultissima, impiissimaque præ omnibus est, colentium, ut Deos, creaturas viliores, & deteriores se ipsis; sicut Aegyptii profitentes sapientiam coluere Vitulum, & Ibicem, & Cocodrilum: Chineses vero stellionem: & alii lapides, pyramides, serpentes, & arbores, ut olim & nunc gentibus utriusque hemisphærii, mos est. Hi profecto inexcusabiles sunt coram Deo, ut primum loqui ferè, ne dum ratiocinari, norunt. Non enim honorem divinum dare debent deterioribus se, cum apud omnes palam sit vel ex instructu, Deum esse meliorem nobis, & potentem facere quæcunque vult, & patrem esse creaturarum, & gubernatorem, & summum bonum, aut illud quo majus cogitari non potest.

Primus gradus stultitiæ Gentilium in Religionis intellectu, rituque.

Impii autem inexcusabiles in secundo gradu ii sunt, qui colunt homines, sibi æquales secundum naturam, sicuti Græci antiquiores, & Romani, & Aegyptii, & Assyrii, & quæ Nationes Deos fecere, Ioves, & Hercules, & Apollinem, Romulum, Augustum, & consimiles. Ergo pœna digni sunt, quoniam cum sit per se notum, Deum esse meliorem nobis summumque bonum, confestim nosse debebant, homines, non esse Deos.

Gradus secundus.

XXVIII. At si obicias, quod hæ nationes cognoverunt unum summum Deum vivum, & verum, hosce autem secundos Deos putabant, & colebant in eo sensu, quo nos colimus Sanctos homines, qui etiam Dii appellantur propter excellentem participationem Divinitatis,

Respon. quod in hoc sensu non peccassent, si ii, quos colebant habuissent veras virtutes, quod opinatus Plato coluit Heroes, qui homines divini sunt; qui ob virtutes, quæ videbantur ingentes, ac beneficia præstita humano generi, digni apparebant cultu, non latræ, & servitutis, sicut Deus, sed dulciæ, & observantiæ, & reverentiæ, tanquam amici Dei veri: & hæc fuit Thologia Romana Varronis, Valerli, Sorani, Senecæ, & aliorum Philosophorum. Et Trismegistus in Aegypto declaravit verum Deum, & permisit cultum Diis in prædicto sensu. Nihilominus plebs eo lapsa est, quod non modo deditit verum Deum, Primatum Iovi homini largiendo; sed postmodum statuas Deorum ligneas, & marmoreas adorabant latræ cultu. Et hoc fuit in causa, ut Moyses tolleret omnem picturam, & statuam; & de hoc conqueruntur Prophetæ, & Apostoli. Quinimo & Socrates cernens Alcibiadem pro voto coronam cuidam statuae Apollinis impositum ire, suavit ei, quod non essent Dii illi, neque statuae veri Dei: & quod magis statua, & imago Dei est sapiens vir, & probus, quam statua illa marmorea. Et ex hoc Plato docet, quod potius sit statua Dei tibi Pater tuus, quam illud figuratum lignum: plusque honoris tuo patri, quàm illi debes. Stoici quoque idem opinati sunt. Unde Cato apud Lucanum cõtemnit oraculũ Ammonis, cum esset in Lybia accipere; sed ait, in nobis, & ubique esse Deum, quem consulere oportet dicens. *Æstus Dei sedes & Terra & Pontus, & aer. Et Cælum, & Virtus. Superos quid querimus ultra? Jupiter est quodcumque vides, quodcumque movetur.* Numa Pompilius reliquit libros abscondito adversus

Plato in lib. de voto

110 ATHEISMUS TRIUMPHATUS.

Deos secundum rectam philosophiam. Sed Prætor Romanus zelo superstitionis patriæ cōcitus, stultè combussit eos postea repertos. Senecas unum esse Deum docet; Mercurium verò rationem Dei, Herculem Dei fortitudinem, Palladem ejusdem Sapientiam. Nec fuit schola etiam indocta in Mundo, quæ id non intelligeret.

Quare dico, quòd ii prædictorum Dii talem non meruere honorem, qualem nos Sanctis nostris exhibemus. Namque historiæ ipsorum narrant de Jove, de Mercurio, de Venere, Marte, Cæsare, & aliis, adulteria, stupra, ambitiones, dolos, aliaque facinora, nec viro mediocriter probo tribuenda. De Jano nō obloquor; quoniam credo ipsum esse Noe: & meritò pro sancto habitum esse sicut & Moyse, & Petrus, & Paulus, & Prophetæ. Puto etiā plurimos fuisse sapientes, & respectu virtutis adoratos à Gentilibus, qui non habebant eos tanquam essentialiter Deos.

Nomen Jovis esse Jeova; & quis primus profanavit.

XIX. Inveni etiam apud vetustissimos Deum nuncupatum fuisse Jovem, ideoque Hebræorum lingua יהוה adhuc nominari, cujusmodi Abraham Chaldeus ipsorum pater illos docuit. At Belumpatrem Nini primum fuisse, cui nomen Jovis (idest Dei) tributum est; ex quo incepit Idolatria: deinde verò Osiri Aegypto: Mox autem filio Aptere Saturni Cretensis, propter facinora ipsorum ingentia, & posterorum observantiam, & amorem erga eos. At quidem Philosophi, semper hanc Religionem irriserunt. Cato mirabatur quòd Sacerdotes conscii ridiculæ Religionis post sacra obviis invicem non corriderent, eo quod Populum tam deceptum apud se vidissent. Diogenes hecatombam ex pediculis fecit, ut si Dea à divitibus vaccas, à se animalcula paupere acciperet. Socrates nolens jurare per Jovem, aliosque per Deos mortuos, jurabat per canem; cumque impietatis argueretur, respōdebat, se jurare per canem Deum Aegyptiorum (quoniam & hunc colebant) quasi indicans in suo sensu, stultum esse habere pro Diis statuas, mortuorumque homines, talemque dignitatem potius posse convenire canibus, qui vivi sunt. Nec est vir sapiens apud veteres, Religionis eorum tenax. Vide Cic. de Nat. Deor.

Omnis impietas ex prudentia carnis.

XX. Hinc animadvertite, quàm atrox fuerit Jeroboam impietas, vitulorum aureas statuas colētis. Sed profecto hæc, sicut alia omnis impietas, ex politica prudentia Macchiavellica manavit, ne, videlicet, Populus irret in Jerusalem ad adorandum verum Deum, secundum legē, ac proinde rediret universum Regnum ad Roboam Regem Jerusalem, à quo ipse desciverat, nec putavit Deum, qui suæ ditioni decem tribus subdiderat, posse tueri illum Regnū, quemadmodum potuit & dare.

Vidi etiam omnes hujusmodi impietates introductas esse vel fomentatas ab impiis Principibus: ut per eas facerent populum ignorantem, vilem, & servum Deorum vilissimorum, quo deinde possent ipsi facilius in illum dominari. Profecto enim Tyrannide premi ille populus haud potest, qui verum adorat Deum vivum: quoniam magnanimus est, sublimisque, & audens, nec injuriam tolerat tantam, suique abjectionem. Tyranni autem prius eum reddunt vilem per religionem stultam, qui proinde derelictus à Deo, & ab illa celsitudine, & fiducia, quam indit, fovetque cultus omnipotentis Dei, tunc in pœnam sceleris remanet mancipium Tyranni. Postmodum verò Tyrannus fit præda extraneorum in se, aut in posteris suis, sicuti ex cunctis erudimur historiis.

Tertius gradus impietatis.

XXI. In tertio gradu comperi eos, qui colunt Elementa, quoniam cum hæc sint corpora ingentia prima, & in Eccl. 42. viva appellata, ex quibus res nascuntur omnes, & ipsi dii homines, quibus divinus tributus est honor; quo circa Plauto tellurem appellat Deorum omnium parentem; minus malum videtur Deum si ipsa colantur, ex quibus animalia habent vitam, & corpus, & animam, quàm si coluntur animalia, quæ illorum mixtura sunt; præsertim apud eos qui animam à Deo

Deo manare non norunt, sed ab igne, vel aere, vel stellis. Adeoque minus absurda hæc sententia reputata est, quod etiam Philosophi ipsam amplexi sunt, aut tanquam minus malam sustinuerunt; & Gentes admonuerunt, quod per Plutonem intelligitur Terra, per Neptunum Mare, & per Jovem Cælum, aut æther, cujusmodi à Virgilio nūcupatur, & per Junonem Aer, & per Apollinē Sol: & quidem ita melius fuit, ut tolleretur cultus rerum mortuarū. At mox ita applausum est huic sententiæ apud Romanos, quod cujuslibet rei proprium Deum invenerunt: unde fluvios dixere Deos, & terminum agri, & Forculum, & Pomenam, & Cuninam, à foribus, hortis, & cuna Infantū: Febrē quoque, Tremorē, & Pallorē, & Fortunam Deos vocitarunt, putantes numina invisibilia quædam esse horum morborū causas proprias.

Varro autem hanc opinionem defendit, quia (inquit) Deus est ipsum Totum, Mundusque à Deo animatur, unde inferebat, ergo res omnis coli potest, tanquam membrum Dei, aut spiritus, & motus, aut actus illius Dei, qui animat universum. Hæc sane Theologia minus stulta est, sed subversio est indoctis; doctis verò impossibilis reperitur. Nam licet Deus ubique sit rerum, non tamen inest tanquam anima in ipsis; tunc enim à corpulentia fatigaretur, sicuti nostra Anima. Mundusque æternus eilet, sicut ejus Anima: quod rationes plurimæ explodunt; essetque Mundus continens Dei, non contentus. Atqui per Metaphysicum examen inveni, Mundum non esse coeternum Deo; nec spatium, in quo Mundus insidet. At in Deo extare spatium, & Mundum, non autem Deum in eis; quippe qui ut sit, eis non indiget. Sublimiter hoc intelligendo. Nec decere facere membrum Dei sterces & urinam, omnesque res viles, stultas, ignorantes, blasphemias, impotentes. Attamen cum hoc stat, quod res omnis participet esse à Deo variis modis; ipsaque sit in eis eminenter, non autem tanquam anima, nisi per similitudinem. Hic autem cogitatus longe dignior est de Deo altissimo; dum nos intelligimus potestatem, sapientiam, & amorem infinitum, sicut alibi scripsi. Quinimo nec Deus sit in Christo ipso tanquam anima informans, sed tanquam ejusdem personans, etiam alteram naturam, ut instrumentum redemptionis conjunctum.

Varronis Theologia
Ex Aug. de Civit.
lib. 4. cap. 31.

In Metaphys. p. 2.

Quartus gradus Gentilismi.

XXII. Minore tandem reprehensione dignos deprehendi eos, qui adorant Sidera, Cælum, & Solem: quoniam hæc portiones Mundi se ostendunt, à corruptione distantes, & pulchritudine vivida, simplici que donatæ: suntque nobiliores rerum inferiorum causæ, & in sublimi regione degunt, continuò beneficientes nobis, lucem effundendo, calorem, & influentias: generando, alterando, omniaque producendo: quas ob res magis movere possunt Gentes ad credendum quod sint Dii. Africani multi hac tempestate, & in Aegypto antiquitus plurimi hæc opinionem sectati sunt; & Plato in Epinom. Similiter asserit, convenientius esse Philosophis colere stellas, quam mortales Deos Nationum.

Hanc ipse pressius exanimando sententiam, inveni non esse divinum cultum Stellaris tribuendum. Deus enim præferret Totum, & Animam in Mundo, si est aliquid ejus: Quapropter ita error esset hic, veluti, si quis Regem adorare volens, Animam Regis adorare prætermitteret, quia ipsam non videt; ex membris verò adoraret dumtaxat oculos, & aures, & caput; non autem pedes, & crura, & brachia. Nam vera Sol, Cælum, & Stellæ, sunt quasi oculi, & caput & membra Mundi nobiliora: Tellus autem sicut pedes, & crura, & scabellum. Præterea periculosum est ista colere, quoniam cum sint formosæ, & bonæ res, magis alliciunt gentem à cultu veri Dei invisibilis ad se; ut tandem incurrat ad illam iniquitatem maximam, quam tribuit Iob colentibus Lunam, & Solem. Nihilominus, quamquam vera esset sententia Philonis, & Origenis, Platoniorumque,

(quam Divus Thomas non includi, nec excludi à doctrina fidei docet, licet Sanctus Hieronymus, & Divus Augustinus dubitent, & Patres multi ita sentire videantur,) videlicet, Solem, & Sidera viva esse corpora, & sentire prorsus longe, magisque, quàm Animalia: sensus enim inexistit in Spiritu vitali passibili, cognoscente; oculi autem, nares, aures, nequaquam sensus sunt, sed foramina, & fenestræ, per quas intrat obiectum sensibile ad Animam sentientem, ut probant Ambrosius, & Augustinus, proptereaque, abscedente Spiritu, non videt, licet apertus oculus, sicuti multi apertis dormiunt oculis, nihil tunc videntes, nec auris audit, licet patens; sed Spiritus: qui itque, reditque, ut Sanctus etiam Augustinus adnotavit. Nam & oculum (ait) alterum claudimus cum volumus totum Spiritum in alterum confluere, ut totus per balistæ Dioptram conspiciat; unde ex Augustini, & Ambrosii, et Gregorii Nysseni sententia, perperam Aristoteles docuit potentiam informativam oculi, aliorumque organorum, videre, sentireque. Spiritus enim hoc munus obit, ut qui intermanet, quasi habitator domus, coniunctus tamen substantialiter, non ut forma Domus sicut probat S. Ambr. in libro de Isaac, et in lib. de Noe, et Arca: et cum eo sapè S. Aug. quanquam Anima intellectiva informet utrumque, sicut lux aerem, et nubem, non tamen ut forma dependens à materia aeris et nubis: sed oculus non videt, dum Spiritus recedit ad dormiendum, vel cogitandum, vel audiendum. Igitur posito, ut ajunt Stellas esse totas Spiritum tenuem, (nam propterea putant Solem vocari Spiritum, Ecclesiast. 1.) et non videre per fenestram sicut nos, sed in propatulo, et se radiis tangere, et motus audire mutuos, et harmoniam edere: unde consequens est, sensu exquisitissimo, ut Platonici ratiocinantur, præditas esse: nequaquam tamen adorandæ essent, sicuti neque Animalia, sentiente quæ vivunt Anima. At neque etiam si intellectuali Anima essent Animata, ut Plato, Origenes, et Philo volunt, et Aristoteles; et non discrepat Divus Thomas in 2. cont. Gent. cap. 70. & Caietan. super psal. 135. ubi dicitur. *Fecit Cælos in Intellectu*, idest (ait) intellectuales. Qua de re in Iob. Deus dicit, *Cum me laudarent Astra matutina, & jubilarent omnes filii Dei*: & Debbora, & Abacuc, & Baruc videntur confirmare. Hæc, inquam, si vera essent, quod non decerno, non propterea colendi essent Cæli divino cultu, sicut nec Angeli, cum creaturæ sint. Imaginabitur quis esse Stellas statuas Dei viuas, totumque Cælum sedem Dei, & statuam appellari posse; sic & Mundum; ideoque dignum esse consideratione, laude, & reverentia in gloriam Conditoris, quem manifestant. Et Plato idem sentit, quando appellat Mundum, & Solem filium summi Boni, Stellasque Dei statuas. Verum Divus Augustinus dubitat, num Animæ Stellarum pertineant ad societatem nostram, & Angelorum, ut dicit in Enchiridion 8. & Divus Thomas 2. cont. Gent. cap. 70. At Cajet. putat hoc esse placitum Ecclesiæ, nec amplius dubitandum, quoniam in præfatione Missæ canit: quod *Deum laudant Angeli, adorant Dominationes, tremunt Potestates: Cæli, Cælorumque Virtutes, ac beata Seraphim &c. incessabili voce proclamant; cum quibus & nostras voces, ut admitti jubeas deprecamur*. Qua in re non modo ordines Angelorum, sed Cælos ipsos, & Cælorum virtutes, Deum laudare, sicut res animatas, & Animas, ipsi videtur, Ecclesiam velle, juxta illud Iob. *Cum me laudarent Astra matutina, & jubilarent omnes filii Dei &c.* Hæc cum cogitasset dubitabam, an Cælestia sint colenda: & tamen conclusi, quonia hæc sunt incerta, & non probata mihi, & alium sensum in prosopopeia possunt habere, quod etiam si essent animata Anima intellectuali non informante, sed solum adistente, & movente, ut

Etiā si animata ponerentur, coli non debent Sidera.

Deb. jud. 5.

Hab. 3

Bar. 3. dicit Stellæ dederunt lumen in custodiis suis: lætatur sunt, & vocatur sunt, dixerunt, Adsumus. & luxerunt cum jucunditate ei, qui fecit illas.

te, ut explicat Sanctus Thomas in quæst. 70. 1. par. conciliando Basilium, Damascenumque cum Origene, & Hieron. Platonizantibus. Igitur conclusi, non esse colenda, nec quippiam sciri certi, an sint animata: Telesius enim probat nec assistentes, nec informantes Cælis inesse Animas intellectuales, licet falli possit: Nihilominus propter populi inconstantem stultitiam, & dogmatis incertitudinem, cum à Deo non sit revelatum expressè, subicitur. Quin non minori sapientia, ac magnanimitate adoratur Deus in se ipso, quàm in his statuís, imaginibusque ejus vivis: ex quibus postmodum elabi possumus ad cultum statuarum inferiorum, ut Aegyptiis evenit. Quamobrem Moyses, ipsis obstitens, cultum illum totum penitus suo prohibuit Populo, quod & consilio Dei factum est.

Quintus gradus
Gentilismi.

XXIII. Alias percurrens leges, in illis errores inveni minus, qui Deitatem colunt incorpoream. Sed quoniam vident in Mundo contrarietatem, & bonum, & malum, quæ ab eodem procedere non possunt; duos ponunt Deos, alterum Cæli, alterum Terræ, ut Manichæi olim, ac hodie Tartari apud Sarmacandam, & Balduc, qui colunt Deum Cæli, à quo bona Animi, & Cælestia petunt, & Deum Terræ, à quo bona corporis & terrestria. Manichæus asserit Deum malum fecisse legem Moysi, & malum, & tenebras: Bonum verò legem Christi, & bonum & lucem; Et Symon Magus alium præficit nostro Deo. Chineses pariter colunt Dæmones pro bonis terrestribus impetrandis, & ne sibi malefaciant: & in præscis sæculis apud Nationes usurparunt sibi nomen Deorum inferorum, & cultum; Et in Brasile, & Iapone invenitur idem penè cultus erga eos: & Porphy. loquitur de Diis bonis & malis, & Platonici omnes. Trismegistus admiratur hominis præstantiam, qui statuas animatas facit, & Deos, responsaque accepit ab eis. Hi oracula dedere, & quod placuit eis, fecere, ubi Christi lex seminata non fuit. Unde Plutar. de silentio oraculorum causas rimatur invalidas & inanes: quas Chrysostr. veras in Christo deprehendit, ut & oracula novi orbis, ubi Christus annuntiatus non erat, nos docere non cessant.

Equidem examine presso hanc scientiam ventilavi, admiratus quomodo Dæmones appareant multis, aliquibus verò minimè, quos scio perambulasse per loca tenebrosa, & animo indagasse: & quomodo Nero plurimorum Magorum opera, usus, ut videret eos, quod maxime cupiebat, non potuit quidem unum, ut Plinius refert. Aristot. verò irridet assertores Angelorum, & Dæmonum; sed Deum ponit Animam primæ spheræ, & tot Angelos motores, quot sunt spheræ. Inferiora verò nil ab eis gubernari, nisi ex consequenti. Quin in libro de Mundo; *Si Deus curat*, ait, *inferiora, non indiget ministris, ut Rex Persarum: quoniam Deus potest ubique, & per se operatur omnia sufficienter. Ministri verò indicium sunt imbecillitatis*. Sic deprehendi Peripateticos omnes negare Dæmones esse, & quidam Ant. Mirand. qui scripsit de everfione Monomachia, irridet Angelos, Dæmones miracula, & Deos; sed cum Aristotele sentit, quem putat non posse errare: & solvere conatur prorsus argumenta contraria. & in fine ponit tanquam commissuram, quòd credit in Theologia aliter, ut Christianus; palam ostendens, se nihil credere in Christum, nisi propter timorem tribunalium; Aristotelique erranti, tanquam Deo, inhærere, sicut Averrois. Multi quoque præsentis sæculi Scriptores in hoc errore versantur. Quapropter ipse magno arsi desiderio experiunda hujus veritatis; quod tandem non sine Dei providentia, ex meo malo operante mihi bonum, affectus sum.

Historia veri experimenti, quod Dæmones, & Angeli sint, &c.
Plin. lib. 27.

Scio Astrologum virum moderatum, qui ex constellatione in genefi cujusdam juvenis idiotæ argumentatus est illi apparituros intellectus abstractos, licet incerta

argumentatione ; tunc avidus experiundi instruxit juvenem quomodo esset rogaturus Angelos Lunæ , & Stellis præsidentes , quos Philosophi , vel solos non negant Peripatetici , qui negant Dæmones , & Angelos alios omnes . Disposuitque confectis orationibus , cærimoniisque . Tunc juvenis cæpit mirifica videre , & responsa accepit Astrologus per illum de rebus gravissimis , & qui apparebat ei Spiritus , simulabat se esse Angelum , & aliquando esse Lunam , aliquando solem , aliquando Deum . Sub his enim , & aliis formis apparebat inter somnum , & vigiliam . Veritates plurimas annunciabat . Multique apparuerunt ; sed paulatim ad magis falsa pertrahere conati sunt idiotam adolescentem ; scilicet non extare inferos : & animas migrare de corpore in corpus , etiam brutorum , & plantarum ; ut Pythagoras , & quidam Pharisei . Nec liberum arbitrium esse in homine . Oracula dederunt futurorum eventuum , & aliqua sic contigerunt . Dixerunt , non extare Diabolos in Mundo , sed omnes esse Angelos , magis , minusque bonos , sapientesque magis , & minus . Et Gentilibus respondisse per amphibologiam eos , qui minori pollent sapientia . Tandem amicus signa petit , sicut Gedeon , per juvenem . Pollicitus est qui apparebat : sed exinde dolis usus est incredibilibus , quo curiosum virum Astrologum dubitantem , & meliora consulentem , ab illo misero juvene separaret . Quem deinde separatum , ut libuit , deceperunt , & ad violentam necem pertraxerunt . Tunc alium virum præstolantem promissa ante casum juvenis , erumnæ atrocissimæ ad majorem experientiam tenuerunt diu , donec propriis visionibus agnovit , quæ vix unquam intellexisset . Alloquuntur , inquit , inter somnum , & vigiliam , unica voce præsertim , cum quid mali passurus est . Hæc cum ille mihi , quem nec deceptum , nec me decepisse credo , communicavit , cognovi vera esse , quæ narrantur de Dæmone Socratis , & Genio Bruti ; & hinc certus ergo experimentis omnino sum extare Diabolos perversæ voluntatis : sic etiam bonos Angelos . Et antiquos Gentiles ab illis nequam deceptos fuisse . Non quidem facere possunt quidquid rogantur , ideo dixerunt decepto juveni , omnes Deos fato subiacere ; ipsum quoque Jovem . Sic enim ipsum introduxit Ovidius , & Homerus . Itaque deceperunt Nationes omnes , quæ plures colunt Deos , & vultu homines pro Deis sese haberi faciunt per superbiam , vel quia putant non extare Deum : sic faciunt Dæmones . Unde percepi ego , eos nihil posse miraculosum facere , nisi utendo naturalium rerum viribus , & applicationibus . Et deceptos fuisse ab eis Magos imperitos , & mulierculas sapius . Et quod liberius quisque peccet , negant Infernum ; Et quod clam sit , eos ibi cruciari : utque corporibus intermaneat humanis , transmigrationem fingunt Animarum . Et Cacodæmones decipere amplius satagentes , Astrologo per juvenem interroganti de multis , dixerunt , quod ipse recte scripisset de libero arbitrio ; sed rectius Calvinum (utique ad illorum gratiam ;) unde de S. Augustino , & Chrysostomo simul interroganti an bene scripserint de libero arbitrio , non responderunt . Et quoniam ego semper pessime sensi , & scripsi de Calvino , ex hac certa relatione , agnovi Calvinum esse Diabolorum instrumentum , quoniam magno illis est usui : cum scribat Deum impellere sic ad malum , ut ad bonum , homines , tanquam instrumenta , & si spontanea , non libera ; quibus repleat Infernum , & Paradisum . Unde per ipsum sequitur , quod Deus sit perversior Diabolo ; aut quod peccatum non sit peccatum ; ut dicunt libertini . Quod per Philosophiam examinatum , stultitia deprehenditur impium . Non enim differentia esset inter scelestum , & sanctum ; & inter sapientem , & ignarum : & Cæsar , & Moyses , & Melchisedech pares essent Parasito , & Circulatori cuivis : imò inferiores . Circulatores enim deliciis fruuntur magis . Præterea manifesta

nifesta est differentia inter vitium, & virtutem; omnemque actum, qui nos destruit, aut Rempublicam, vel ad destructionem disponit, peccatum esse contra nos, aut contra Rempublicam. Qui autem conservat, meritum, iustitiamque. Hosce, negantes peccatum, quilibet verberare deberet duriter; & eis vindictam negare; quoniam vindicare non debent id, quod non est malum, & culpa. Oracula Græcorum, & Aegyptiorum, & Persarum, & omnium Gentium extare Diabolos manifestant ubique Terrarum. Nec si Pythia aliquando dolosè mentita est, non sint qui respondent ea quæ nemo scire posset. Porphyrius præterea, & Plutarchus, & Scriptores multi, Dæmones, & Angelos extare norunt; & qui afflantur Dæmone, idem convincunt. Responsa etiam à Diabolis in corporibus obsessis fæmellarum idiotarum, loquentibus Latine, Hæbraicè, aliisque linguis, indicant extare Diabolos, quod doctus L. Ananias expertus est; & Philippus Columna Dux, & Magnus Regni Neapolitani Comestabilis, prudentia, & probitate clarus, testatur, quòd se præsentem exiens expulsus Dæmon, lampadem extinxit jussu Exorcistæ; & Patavii cum ibi morarer, pulsavit campanam, & multa huiusmodi satis probant dubitantibus, extare Dæmones. Item Paulus Grillandus. Bar. Spina, Amb. Vignates, Volsangus, & alii multi Inquisitores publicis libris experimmenta innumera coacervaverunt; ut qui hoc negant, historias & testes, contra naturæ jus negare convincantur. Nec enim quia in multis atrabiliosis ægrotudo est similis demonoplexiæ, non datur dæmonoplexia; quæ tot signis mirificis, atrabili nullo pacto congruentibus, comprobatur; & tandem si vis, ò Macchiavellista experimmenta certa, vade ad S. Antoninum Surrentinum: qui respondet Oraculis; solvit ligatos ad columnam; fugat Dæmones; cogitque fateri mirifica; & quidquid postulas.

Quapropter ego experimentis jactis argumentatus sum efficacissimè; quod non sit Deus verus & primus alius, nisi unus; sed Dæmones usurpando divinitatem, introducere pluralitatem. Et in superioribus jam sentire professus sum, cælum terramque à consimilibus potestatibus activis constituta esse, idest à colore, & frigore, ambobus activis, corporeitate concretis, diffusivis, proferentibus; & contrarietatem suboriri inter similia propter amorem ejusdem boni insufficientis utrisque: Unde Rex Regi contrarius, non Davo: ergo conveniunt in aliquo. Ergo extat causa eis communis, à qua consimilitudinem habent, dependentque. Ergo Cælum, & Terra ab uno Deo. Et mox dixi, non posse Mundum ex contrariis compositum subsistere absque una principe causa, colligente contraria, ipsarumque pugnam temerariam ad productionem rerum artificiosam ordinante.

Nec propter impotentiam Dei, sed propter ordinem extant Angeli, & Dæmones. Si enim Aristotelis Ratio valeret, neque Angelos oporteret ponere, quos ipse ponit Motores spherarum; sufficeret nanque Deus movere omnes absque ministris: nec opus esset Sole in Mundo; Deus enim potest per se omnia collustrare: sic etiam calor tollendus esset, omnesque causæ. Ergo conveniunt majestati, non indigentia. Afferendum ergo est, quod totus expertus est Mundus, extare Angelos, & Diabolos, variis muneribus à Deo destinatos; & Sadducæos multum errasse in hoc. Deumque esse causam bonorum caelestium, & terrestrium, cum Mundus sit unus, unumque modo Principem admittit. Quin videbimus Cælum influere Terræ virtutes parturiendi bona terrestria, & utrumque colligatum esse sub gubernatione una, ergo sunt ab Uno.

XXIV. Si ita non esset, lex Christi etiam à Diabolo esset, quoniam in terra Deus malus solus exercet dominatum. Quod si ais; Deum bonum in terra per Christum occupasse partem Regni contra malum: condemnas te ipsum, ò Manichæ

Argum. ex historia prædicta.

Et Resp. ad Manichæos, & Catinos.

Resp. ad Arist. & Sadducæos.

Resp. adversus Manichæos de Scriptura veteri, & nova.

chæ. Christus enim allegat sententias multas Scripturæ Mosaycæ, tanquam divinæ, & dicit Moysen de ipso scripsisse; & in Prophetis fuit promissus. Ergo est idem Deus. Item idem Deus, qui Moyse comparuit, allegatur à Christo. Quòd si putas Evangelia depravata esse, depravatus es tu. Non enim bonus Deus, passus est malum in scriptura sua, ut & tu decernis; sed de his alibi.

Quæstio, cur Moyses tacuit Angelorum creationem, & pœnas, & præmia post mortem.

ad 1. quæstionem.

Responsio S. Augu.

Responsio Hieron.

Magnopere deinde animum meum vellicabat, quòd Moyses non loquutus est de creatione Angelorum, & Dæmonum; proptereaque Sadducei eos esse negant, & Julianus Moysen inculcat; Platonique postponit: quia eorum Creationem docuit in Timæo, Moyses verò tacuit. Id etiam maxime exagitavit me, quòd Moyses expressè nusquam promittit Paradisum, & Infernum post mortem, sed tantummodo bona, malaque temporalia; sed nec Prophetæ id tam apertè promiserunt, ut animis curiosis omnibus satisfieri queat. S. Augustinus accipit sermonem ejus mysticè, ut, cum dixit, *Fiat lux*, intelligitur natura Angelica; sed hoc non satisfacit, quoniam dogmata fundantur in sensu literali: ideo Hieron. dicit, à Moyse præsupponi creationem Angelorum multis ante sæculis; sic Basilii, Nazianzenus, Damascenus, Chrysostomus, Cassianus, & Origenes, & Græci omnes, & Ambrosius, Hylarius, & alii, quos D. Thom. Canonici decretalium conciliat. Sed hoc nihil ad præsentem causam. Sed palam deinde Moyses meminit Angelorum, & Dæmonum in serpente, qui decepit Evam: & in Iob de Satan, & de Angelis sæpe. Hunc autem librum Moyses scripsit. Ergò hoc silentium non debet suadere, quòd non sint.

Ad 2. quæstio Resp:

XXV. Quòd verò ajunt: Propterea non promississe bona, aut mala post mortem, quod populus rudis erat, & puerilis, qui malis bonisque præsentibus tantum, in officio detinetur, non satisfacit Politico. Nam Salomon in Sap. vocat *Populum sine querela, Sanctum, & Sapientem*, aliis comparatum populis. Nilominus Chaldei credebant Infernum, & Paradisum; & Plato, & Pythagoras, & Græci omnes, & Romani: & Salustius refert, Catonem exprobasse Cæsari hæresim, quòd nimirum non crederet Inferos extare. Quapropter dixi adhuc inquirens; si omnes Nationes rudiores hanc fidem habebant, debebat saltem, nisi alia subest ratio, Moyses inter, vel post præmia, & pœnas temporales, addere semel æternas, quæ vim majorem habent ad movendum animum, eoque magis junctæ temporalibus. Alii cogitare possent Esdram instaurasse perditas Scripturas, idcirco diminutas esse, & mancas. Sed ego comperio Esdram commemorare pœnas, & præmia post mortem, & loca mortuorum, & resurrectionem mirificè in lib. 4. Quod autem ejus sit, alibi declaravimus.

Salust. in Catil.

Idcirco cogitavi, veram esse doctrinam illam, quòd tunc usque Cæli Janua: aperta non erat. Et, quia Deus facit opera sua ordinatim, & oportunè, spectabat ad Christum ea aperire: & hujus veritatis notitiam expressè revelare; quam Moyses mysterio deserviens non explicavit tam manifestè, ut relinqueret Christo munus proprium: præterquam quòd id erat alias tam notum, ut non indigeret expressiori revelatione pro tunc. Nam quia ante Christi adventum deponerentur Animæ in Lympo; dicebat Jacob, & Iob, *Descendam ad Inferos*. Et quoniam aliæ Nationes doctrinam de peccato originali ignorabant, putavere beatitudinem esse apud Inferos, & in campis Eliseis, qui est Sinus Abraham: Infelicitatem verò in Inferiori Tartaro; quoniam Abraham cæterique Sancti Patres, & Heroes eo in loco detinebantur. Et hujus arcani publica, ut puto, revelatio erat in Mundo, derivata etiam ad Poetas, & leges Gentium. Unde Iob, cujus librum à Moyse scriptum credimus, loquitur de Inferis, & de fluvio Cocito, de resurrectione mortuorum: sic Sapientia, & Ecclesiasticus palam. Prophetæ autem mysticè, sed in lib.

Regum

Regum historicè. Unde & Phariseorum, & Essenorum secta hanc fidem indubitanter confitebantur. Christus autem multos Prophetarum locos, id docentes, exponit. Attamen quoniam ab antiquo fides Gentium omnium erat de Paradiso, & Inferno, & Purgatorio, sicuti Socrates, Plato, Pythagoras, Virgilius, Homerus, alique testantur: At non omnibus adventus Messiae notus erat: vel ignotum erat, quod ad ipsum pertinebat primum esse, qui in Cælum ascenderet; Idcirco scripserunt, Heroes quosdam, non in Campos Eliseos, sed in Cælum, ex templo fuisse assumptos, ut Romulum, Cæsarem, per similesque. Hæc autem mysteria velavit Moyses in lege, quia tempus non dum erat: at in Job clarè docuit, & simul Animæ immortalitatem; quam falsò putant ab ipso negatam Manichæi, & Sadducæi: addiditque corporum resurrectionem.

Nec existimandum est, Diabolum esse causam per se, à Deo non dependentem, & plura Regna possidentem, & potentem super nos plus, quam Deus. Nam & si Homines cunctos sub ditione sua haberet, nihil sunt comparati Angelorum multitudini. Porro asserendum est, Diabolum esse carnificem, & lictorem Justitiæ Dei; non autem competitorem, ut vulgus opinatur. Cum enim Deus reos punire deberet, idque per se nollet, cum sit proclivior ad miserandum, quam ad puniendum, nec à bono in quantum bonus, sed in quantum justus punitio sit, quoniam optimus est, ac suavissimus; ideo hoc munus Dæmonio demandavit perverso; in quo relucet Dei potestas in modum punitivum, utens etiam in bonum perversitate exequutoris.

Diabolus autem hoc munere gaudet. & qui se cum torquentur, blasphemant Deum secundum qualitatem, quam ipsi affigunt in imaginatione sua; non secundum quod in se est. Hæc autem est cælicolis comedia; & sicut qui sibi scabiem, & alopeciam scalpunt unguibus, aliquam capiunt ex hoc voluptatem falsam, & sibi plus malefaciunt scalpendo: sic Diaboli, ac Dammati *metaphoricè* gaudent malefactis, & pruritu quodam perfusi, maledicentia quasi perfruuntur. Hoc autem in eis pœnam adaugere, magno, & vero, cum gaudio Beatorum.

Et profectò hæc crudelitas Reip. necessaria est ad reprimenda vitia, & fovendas virtutes, clàm, & palàm. Etenim veluti mendacium impedit bona particularia, & communia in politia, homines depravando, nec subsistentiam habet, neque potest super mendacio Resp. ulla fundari, aut stabiliri: sic è contrà, veritas palàm, & clàm prodest; facit homines probos; & ad omnia utilis est, & in omni eventum subsistit periculis, probationibusque cunctis.

Item Justitia Dei deficiens mutilaque foret, si pios morientes pro Dei defensionem, Rationisque, & virtutis, non manerent præmia in alio sæculo: Neque impios, in hoc gaudentes, & prævalentes, pœnæ. Fama enim non esset ipsorum præmium, cum sit illis prorsus extinctis ignotum. Multi autem nulla relicta fama, sanctam abiere mortem. Achilles autem, & fabulosi homines, qui nec in Mundo extiterunt, aut scelestissimi fuerunt, fama gloriosa diuturnaue donati sunt.

XXVI. Nec profectò hæc fides Legislatorum astutiæ, ut putat Aver. tribuenda est; qui ut Varro scribit, quo leges ipsorum observarentur, suadebant timorem, & spem, pœnarum, & præmiorum post mortem: seque ipsos Deos faciebant, suæque corpora occultari post obitum providebant: & cum Deo se loqui, & leges accipere ab eo simulabant, sicut de Romulo, & Numa, & Minoe, & Pythagora, & Mahometto, & Zamolxi legimus. Nam hæc credulitas Inferni, & Paradisi, & Purgatorii, conformis est Justitiæ Dei, et voluntati bonorum; et stabilita est miraculis, martyrio, et visione. Credulitas autem Deorum falsorum odiosa

Resp. ad argum. cur
Diabolus plura possidet quam Deus.

Religionis dogmata
etiam politicè necessaria.

Item ex Dei Justitia.

Dogma de præmiis
pœnisque post mortem non esse Legislatorum astutiam.

odiosa est Philosophis, justitiæ, voluntati, & judicio piorum, & sapientum, & politicæ vitæ, quæ per illam vilescit, & scinditur, ut dictum est. Non ergo pari passu incidit fides de Paradiso, & Inferno, cum fide de Diis.

Plato in lib. de voto.

Enim. in Pym. Cic. de legib.

XXVII. Item veritas jam patefacta est contra falsos Deos: & semper cre-
scit in favorem alterius sæculi. Tot autem falsitates profunt; ut cognoscamus ne-
cessitatem adventus Dei in terram, prophetatum usque à tempore Enoch, So-
crates quoque, & Plato, & Cicero præstolabantur quendam instaurationem divini
cultus; & omnes nationes; ut per Sybillas innotescit.

Responsio ad argu-
mentum, quod Chri-
stus vere nos libe-
ravit.

XXVIII. Nunc ad eos sermonem dirigo qui dicunt Christum non libera-
se nos à Diabolo. An non vides olim orbem totum coluisse Diabolos, hodie
verò neque Mahomettanos agnoscere, nisi unum Deum? Gentes autem omnes,
paulatim ad fidem Christi reducuntur. Et ignorantia alterius sæculi sublata est.
Et differentia inter peccatum, & non peccatum; positusque est in terra modus,
& usus vincendi Diabolos sancta doctrina, non contentiosa (qui corrumpunt
eam, illi veh) & patientia, & probitate, coneruntur arma; et Imperium
Romanum eversum est, & Idola ejus; positumque est Romæ Solium Christi ab
idiotis Piscatoribus mirabiliter: totusque Mundus paulatim fermentatur, ut Chri-
stus prædixit. Conveniebat Deo opera sua facere non per vim. Qui ergo salva-
tur propria voluntate, à Deo id habet, & salvatur per gratiam Dei indeficientem.
Qui lucem renuit auxiliumque, propria cadit pravitare. Christus lucem miram
dedit, & legem immaculatam omni loco, & tempore convenientem. Et quid-
quid pollicitus est, factum est, & fit. Et quamquam nos iacturam multam fece-
rimus in probitate, & fide, quam docuit; ipse quoque & id prædixit, ut mox
patebit. Quidquid autem possidet Diabolus, non est suum, sed depositum divi-
næ justitiæ.

Nunc libra omnes Mundi Religiones cum ista, & videbis tantum distare eas
ab ista, quantum Auricalcum ab Auro: quod impius Boccaccius non consideravit,
nec qui de tribus impofteribus scripsit.

A P P E N D I X.

De causa mali, ex Metaphys.

Omnes errores Po-
litici, & Theologici
ex hac quod causa
mali ignoratur.

Omnium veritatum examinatoribus origo mali pernoscenta est. Quoniam
enim ignorabatur tot malorum, quæ in Mundo sunt, origo, & causa,
alii negarunt Deum esse; putantes impossibile, & inconueniens, si Deus est sum-
mum Bonum, fieri, vel permittit tantum in orbe malorum, ut Epicurus, & De-
mocritus. Alii negarunt providentiam Dei in rebus inferioribus, ut Arist. & Aver.
Alii posuere Deos duos, ut Manichæus, & Symon Magus. Alii plures, quibus
varia mala, & contrarietatem, & bona tribuerunt; Alii omnem transcendentem
impietatem asseruerunt, eundem Deum efficere mala, & bona, & esse in nobis
causam efficacem, ita ad peccandum, ut ad bene agendum; nos autem liberta-
te bene vel male operandi privarunt, uti Lutherus, & Calvinus, ab Alcorano edo-
cti. Quos Cicero cum suis Stoicis religiositate præcellit. Dum enim solvere
argumentum non posset; unde nam malum oriatur, statuit potius negandam esse
providentiam in his, quæ pertinent ad arbitrium hominis, quam Deo pecca-
tum

tum imponere, & libertatem humanam negare omnibus manifestam sensibus; ut patet in lib. de Diuin. licet alibi utrumque asserat, Damasc. etiam eximit liberos actus à providentia, sed determinativa necessario, ut exponit D. Thom. 3. contr. Gent. Alii vero negarunt extare malum, omniaque posuere indifferentia; excepto vitio, ut Stoici. At Libertini recentiores considerantes ex doctrina Calvinii sui Deum esse causam mali dixerunt Deum facere quidem malum, sed malum non esse revera aliquod, neque peccatum, quandoquidem à Deo fit. Et hinius impietatis redolent, quam Calvinus: excusantes Deum. Alii putarunt mala evenire propter peccatum ante corporationem Animarum commissum, ut Origenes, dum quærit excusare Deum, & Manichæis respondere.

Has cunctas examine presso per Metaph. discussi opiniones; & vidi, non extare malum ullum nisi peccatum, & vitium: Calamitates verò, & mortes, & generationes, & dolores, & corruptiones, posse in malum, & in bonum reverti, prout ea capessimus, & utimur bene, vel male, ut Stoici asserunt. Et quia non potest in Mundi partibus non esse distinctio, neque productio rerum variarum, nisi adsit contrarietas elementorum: Ex contrarietate autem illa derivantur, quæ mala putamus; idè non posse non esse malum, stante huiusmodi ordine. Sed verò contrarietatem esse, ut sic bonam, & duraturam, donec rationabile est apud Deum. Deinde vidi vitia, & peccata moralia carere essentia, & esse deficientias, & Deum concurrere ad quodcumque esse, & actionem quamcumque; quoniam est diffusio esse. Non autem sic ad non esse, & ad passionem, & ad mortem, & corruptionem, quæ sunt defectus Esse; nisi permittendo corruptionem, & mortem, & passionem, quatenus, & dum, concurrunt efficienter ad generationem, & vitam, & actionem, quæ ad illa consequuntur, & in illis includuntur. Quinetiam calor dum occidit frigus, aliud nihil facit, quàm calefacere materiam, in qua inest frigus. Ergo actionem, quæ est calefacere, facit per se: at per accidens sequitur passio, & mors frigoris; quæ non à calore emanat, sed à Nonente, & eo quod frigus non est calor; unde fit, ut secum permanere non possit; sic enim esse, & non esse manerent simul.

Hinc plane comperi, Deum non concurrere ad malum, nisi permissivè, & malum non habere causam agentem, sed solummodo deficientem: peccatum, verò esse nihil, idè defectum boni majoris, & abusum ipsius boni. Quia nos, amplectimur minus bonum, & apparens, ipsumque anteponimus majori bono, & vero contra Regulam Dei & Naturæ; Et quatenus est actus, & motus ad bonum, non esse peccatum, sed entitatem: quatenus verò est defectus, & tendentia ad ipsum minus quod est in illo bono, peccatum esse, & annihilationem partim peccantis. Et formaliter (ut aiunt) esse nihil, materialiter ens. Hoc autem, accedit nobis ex defectu potentiae, vel sapientiae, vel voluntatis; sed non imputari in peccatum, nisi ex defectu voluntatis, quia ipsa præsupponit posse, & scire. Et tunc solum completè perversa est voluntas, cum potest, & scit melius eligere, & melius facere, & nihilominus eligit pejus; vel minus bonum. Malum enim quod malum eligi non potest, nec à Creatore, nec à Creaturis.

Non ergo existit dualitas Deorum; Sed Ens, & Non Ens sunt principia Metaphysica; Et qui adhæret Non Enti, peccat, idè, bono, quod minoritatem habet. & Non Ens sapit, comparatum illi, quod Deus tibi, tanquam melius proponit. Non Enti enim in quantum Non Ens inhærere animo non possumus, nisi ei substernatur aliquod Ens. Unde privationem vocat malum D. Thomas, & Dion. non malè. Ergo in furari, & machari, physicè bona sunt apparentia parva. Non.

Entis

Entis participia : modicum afferentia fructum , & satisfactionem falsam , vilem , & exiguum , & brevem . Deinde verò trahunt , secum commissum malum , pœnitentia plenum nimis . Fallaciæ autem nostræ , ac deceptionis , causa est confusio mali cum bono . Si enim separari possent , peccatum committi non posset . Ullum malum enim per se diligere non potest ; neque odio haberi bonum . Sed per accidens , quia commissa sunt , dum complectimur minus bonum , quo cum inest majus malum , peccamus , contra Deum , & naturam , qui ostendunt , jubentque aliud bonum verum , majusque . Amplectentes autem illud malum , quod secum affert multum bonum , ut medicinas , pœnitentias , & labores , meremur , ut palam est in omni arte . Malum autem essentialiter non extat , nisi respectu particularis Entis , ut dictum est .

Hinc innotescit qualiter Deus concurrit ad peccatum , in quantum habet existentiam , & bonitatem substratam ; sic ad peccatum naturæ , ut ad peccatum moris . Non autem concurrit , quatenus caret existentia , & bonitate vera ; Estque ordinis rationalis defectus .

Deinde consideravi contra Tartaros stultum esse arbitrari , quòd bona terrena non dependeant à Cælo , cum videamus à Sole , & Stellas , Terram immutantibus , cuncta Entia nostra produci . Ergo idem Deus est utriusque Elementi . Diabolus autem non est Dominus , sed licetor miser ; tentatque nos ad faciendum malum , quoniam ipse malus est , non natura , quoniam à Deo bono creatus est , sed voluntate perversa : gaudetque similes habere . Hoc autem in nobis ipsis experimur , cum sæpe possumus , & scimus benefacere , & tamen potius eligimus malefacere . Autuma ergo idem evenisse Diabolo ; Deumque permisisse ; quem postea , malum effectum , voluit ad justitiam faciendam usui esse .

Ioann. 8.

De hoc casu Diaboli Moyfes loquutus non est , neque Christus , nisi parum ; quòd scilicet , *Ille homicida erat ab initio , & in veritate non stetit , &c.* Sed hoc scimus per traditionem , & historias Nationum omnium , & per sensus Scripturæ sanctæ mysticos , & per declarationes Apostolorum . Nos autem in tenebris versantes maximum finem horum ignoramus , quem divina intendit providentia ; & timor errandi , audaciam investigandi , & loquendi aufert .

Hoc addo , peccatum non esse à Deo , neque partem liberi arbitrii ; sed oriri ex Noennte , ex quo facti sumus , traductique ad esse per virtutem primi Entis . Posse autem peccare est impotentia , qua magis possimus inniti bonis exiguis participantibus Nonens , & non esse bonum ; quam magnis participantibus plus Entis , & esse bonum . Nos enim quatenus sumus , ad Esse incedimus ; quatenus non sumus (& quidem innumeræ res non sumus) currimus ad Non esse . Sic facit Diabolus , putans melius esse non subiici voluntati divinæ , quàm subesse : Quoniam amor proprius essendi per se , & à se , quod quidem nihil est per se , & à se , sed per Deum , & à Deo , decepit illum ; sicut & nos decepit , exorbitantes à regula primi Entis , per ejus verbum , Rationemque manifestata . Non ergo datur Deus mali , neque malum , nisi respectivè : & omne malum est minus bonum : quod id ipsum concludit simul cum nihilitate sua : quæ non facit causam existentem . Vide Metaphysicam .

EXAMEN CULTUS DIVINI EXTERIORIS
secundum Religionem Christianorum, & aliarum Na-
tionum, per indaginem certissimam, cum consonan-
tia ad naturam bene institutam, & restitutam, volun-
tatem rectam, & Sapientiam veram: ex quo probatur
cultum, & sacrificium Christianum esse rationabile in
summo gradu: & de Sapientiæ divinæ præstantia in Eu-
charistia.

CAP. XII.



QVEMADMODVM naturale est hominibus, potestates, su-
periores se, cognoscere: explorare caelestia, & horum ef-
fectus: & primam inquirere causam, ex qua omnia deri-
vantur bona. & nos dependemus, de instinctu & jure natu-
ræ est: sic etiam est colere superiores: maximè autem causam
primam. Quoniam verò isthanc Potentissimam, Sapientissi-
mam, & Optimam eodem cultu, qui cæteris tribuitur, ho-
norare, ignorantia impia foret: propterea peculiaris modus ipsius venerationi
adhibendus est: & quoniam ab ipso omnia bona procedunt, res meliores,
quas ab eo accipimus, à cunctis Nationibus eidem dedicatæ, oblatæque fue-
runt. Nec gratiorem compererunt, quàm animalium frugumque, ex quibus vi-
vimus, oblationem. Significantes enim se se à Deo omnia recipere bona; Idcir-
co illi in signum eadem offerunt: quæ optimo jure postmodum in Sacerdotum
Deo vivis animis servientium, cedunt usum.

At verò impia, stultaque cogitatio est, quòd Deus largiatur nobis gratias
suas, & placeatur, ignoscatque peccatis, propter exteriora tantum sacrificia
nostra, nisi ad interiora ordinentur. *Num quid ait, manducabo carnes Tau-
rorum &c. & Non qui dicunt, Domine, Domine, &c.* Neque enim homo
magnanimus placatur donis, si intelligit se non amari à Donatore, vel non
libenti animo ea dari, præsertim cum non indiget. Ergo sacrificium utile est,
quando exhibetur in signum sacrificii animi intrinsecus: unde Plato relegandum
præcipit ex sua Repub. Versiculum illum.

Munera crede mihi placant hominesque Deosque.

Quoniam verò certi sumus, nos à Deo nihil excellentius accipere, quàm
animam: hanc offerendam illi censeo, & sacrificiis exterioribus protestandum;
populumque hoc sensu imbuendum.

Quapropter palam fit sacrificium majus in Mundo non reperiri, seclusa revela-
tione divina, quàm cum homo sacrificat se ipsum, dum fit Religiosus, & cultui
divino se totum dedicat. Et licet Averroes reputaverit hoc ociositatem, quo-
niam Reipublicæ nihil prodest; ipse aliam vitam agnoscere noluit, & irrisui
habebat Christum, & Mahomettum suum, & cunctas leges. Nec putabat,
orationes nobis prodesse, neque proinde Eremitam orantem pro Repub. uti-
lem

D. Thom. 3. cont.
Gen. cap. 119. *Non
solum homo instin-
ctu naturali cognos-
cit se obligatum co-
lere Deum sed etiã
colere suo modo, id est
per actus exteriores.*

Actus exterior Re-
ligionis ordinatur
ad actum interiore,
qui est per intelle-
ctum & voluntatem;
propterea exteriora
significat intellectu-
& afficiunt volunta-
tem: ex D. Thoma
p. 2. q. 99. ar. 3.
Psal. 49.
Matt. 7.
De Justo dial. 3.

Sacrificatio sui ip-
sius est potissimum
sacrificium notum
omnibus.

Religiosi ubique
exempti tributis, &
præferuntur aliis de
jure naturæ D. Tho.
in 13, cap. ad Rom.

Religio est Anima
Reip. non Princeps
ut vult. Arist.

In Politicis.

Triplex Sacrificium

lem esse; nec exemplum patientiæ, & sanctitatis innoxie in eo agnoscebat, nobis utile, & honestè, & sine noxa viveremus, & in timore Dei. Sine quo profecto timore à Sapiantibus, piisque, bene refoto, beneque roborato, nulla potest subsistere Resp. neque secundum Macchiavellum. Omitto, quòd sæpe Deus flagella universalia non immittit propter paucorum sanctitatem. Omnes quoque Nationes huic assenserunt sententiæ, nec frustra, insert Seneca. *Deum quoque preces humanas exaudire, manifesta nos experientia admonent.* Et quamquam ab æterno statuerit quæcunque facturus est, nihilominus etiam statuit faciendas preces, effectusque suos per illas revelandos patrandosque, veluti & frumentum dat multiplicatum, si tamen seminamus. Idcirco Hebræi Levitas habuere, & Nazareos, & Phariseos, aliosque Religiosos, divino cultui addictos. Turcæ, Arabes, & Persæ, plures quoque ordines, qui se dicunt Religiosos habent. Multoque plures sunt apud Indos Orientales; & Iaponenses habent plurimos, quos vocant Bongos. Christiani habent Clericos, & Monachos, & Fratres. Et ubique hæc gens diuino cultui mancipata, est suæ nationis pars sapientissima, & exempta tributis fiscalibus. *Filii enim Dei sunt*, qui vere Religiosi sunt: ideoque liberi, ut dixit Christus, quia mediatores inter Deum, & homines. Non veri autem apud Nationes sunt exempti, quoniam veri reputantur apud illos, Idem Arist. refert de antiquis Græcorum Sacerdotibus. Idem legimus de Romanis, & de Aegyptiis in Bibliis, & de Levitis. Quin apud omnes aluntur decimis & stipendiis publicis, vel elemosina; adeo præ cæteris hæc Reip. pars utilissima existimatur, vel ex solo lumine naturæ. Si enim Sacerdotes non extarent, nulla prorsus Resp. subsisteret; quoniam non extaret Religionis doctrina, quæ est anima unitiva propter divinam unitatem animorum omnium Civium, & consequenter corporum; & fortunarum. Nec populi obedirent legibus, neque Principibus, sublato Religionis metu: Neque Principes quod iustum est judicarent. Tunc continuo erumperent Tyrannides, seditiones, scismata, crudelitates, excidia Regnorum, ut alibi ostendimus; ergo diuina res est Religio, non autem humana astutia, ut putant Macchiavellistæ.

Ergo primum sacrificium est animi, & ad hoc omnes obligamur. Secundum est nostri corporis, at non sine animo, quo Sacerdotes perpetuo sacrificati visuntur. Tertium est bonorum exteriorum, quæ offerimus. Et hoc est animalium, aut frugum, aut supellectilium &c. At istorum nihil potest Deo placere nisi sit etiam signum interioris servitutis.

Possit cuipiam videri post sacrificium animi optimum esse sacrificium nostri corporis. Et reverà sic est, sed non quando à nobis occiditur, ut mos est Mexicanis, Brasiliensibus, Peruanis, aliisque Barbaris. Imò & Romani, & Druides Galli, priscis temporibus huiusmodi sacrificio usi sunt. Sed iste usus profecto maledictus est, execrabilisque. Deus enim cum sit Pater noster, nostris malis non gaudet. Cum ergo malorum extremum sit interfectio, sacrificium illi acceptum esse non potest. Item ex hoc abusu inducuntur ad vescendum homines hominibus. Nec verò perniciosius quippiam reperitur, magisque naturæ adversum, quàm carnem ejusdem speciei in propria specie manducare. Et quamvis Cati sæpe natos devorent proprios, aliaque animalia carnes propriæ speciei, & utiles sint, & sapidæ, unde Diogenes existimavit non esse contra naturam manducare eos saltem, qui Bello, aut Justitia necantur: nihilominus hoc exemplum suadebit manducare quoscunque: & insidias in invicem moliri multiplices in Tabernis, & Sylvis; & corrumpere Justitiam propter esum carnis, & pietatem, & humanitatem.

rem. Nec homo bestias imitari, sed rationem sequi debet. Existimandum est etiam quicquid nobis malum est exitiumque, displicere Deo, patri benigno, non crudeli: Cum praesertim videamus, Diabolos his delectari sacrificiis. Praecipit quidem Abraham sacrificare Isaac, quo nobis obedientiae exemplum poneret. Sed deinde renuit impedivitque eadem. Quando autem decem de stirpe Saul ut placaretur ira sua ex peccatis Saulis: non quidem sacrificium fuit, nisi illo sensu Senecae. *Vistima nulla Jovi magis opima, quam caedes Tyranni*. Christus quoque permisit se occidi propter peccata hominum, utque exemplum praeberet moriendi pro ratione; & quomodo moriendo ita vincimus. Obtulitque seipsum in sacrificium, sed non in virtute eorum, qui ipsum occiderunt, tanquam impii, non tanquam Sacerdotes; sed sui ipsius: qui tanquam Sacerdos seipsum obtulit Deo. Et hac ratione quicumque propter virtutem moritur, est Martyr, & sacrificium Deo suavissimum, dum non hac ambitione, & per se, sed resistendo Tyrannis propter virtutem, se morti offert in honoris Dei, ac rationis defensionem.

Occurrit objectioni.

IV. Posthac respiciens ad sacrificia nationum, Deo facta, non invenire quid accuses, si creaturis non exhibent honorem Creatoris; sed ex effectibus manantibus tali ex cultu, & omni ex sacrificio, de illorum bonitate iudicium haberi potest.

Apud Hebraeos inveni Prophetas, ac viros olim sapientissimos, qui cum Deo loquuti sunt, & miracula fecerunt insignia. Unde non potest eorum cultus, nisi rationalis aestimari, Deoque acceptus. Erat quidem servitus Dei plena caeremoniis, lavacris, oblationibus, ita ut penè impossibile videatur, quòd ad expiandas tot contaminationes, quas incurritur secundum legem ipsorum, & peccata, & ob alias causas, possint tot animalia educari, praesertim à pauperibus. Praeterea semper apud ipsos suspicio, & scrupulus vellicat mentem contra sycophantiam Sacerdotum: quòd peccata desiderarent, ut sacrificia multa in eorum veniant usum: & palam est, quod Populus saepe saepius quacunq; ex causa à lege illa recedebant. Et Sanctus Petrus existimavit eam intolerabile jugum. Cognoscitur quoque ad tempus lata. Nam abstinere à carne suilla, utile erat populo illi leproso, recens è servitute liberato. Et in Palestina porcus non est salubris, sicut in Regionibus nostris: plurimaeque aliae ciborum abstinentiae non prosunt apud nos. Unde cognoscimus, Deum illam legem non ad perpetuum tempus tulisse, neque pro omnibus Nationibus: quandoquidem non omnibus, nec semper utilis est. Unde & extra Provinciam, & templum judaeae vetuit sacrificari. Ergo non est pro toto Mundo. Minus quoque decorum videretur semper sordere sebo & carnibus; & bestias tot in Ecclesia mactare. Deus autem condescendit, donec verus, & perfectus cultus revelaretur: tunc enim ægre poterant usum Aegyptiorum, & Gentium relinquere, ut Ierem. & S. Clem. docent, & de hoc inferius.

Sacrificium animalium apud Judaeos quid.

V. Mahomettana lex sacrificium non habet, nisi orationum. Sed hoc est argumentum impietatis; cum quia debetur Deo particularis cultus exterius in protestationem servitutis; qui solis conveniat Sacerdotibus, ad id consecratis: Tum quia à Daniele prophetatum est; quod Antichristus ablaturus erat sacrificium. Mahomettus autem est unus ex eius magnis Praecursoribus, & Capitibus, ut in Prophetalibus docuimus, & inferius patebit. Oratio quidem communis est omnibus. Quid ergo opus est Sacerdotio, ubi non est sacrificium? Nunquid qui in ministerio Regis sunt eandem servitutem exhibent,

De Cultu exteriori Mahomettanorum descriptus.

quam plebicula omnis? Item ex hoc sequitur, quod secularis Princeps sit major Sacerdote, non faciente aliquid erga Deum, quod non faciat Princeps. Hoc autem est contra legem naturæ, & divinam, & humanam, ut alibi docui. Sed Calvinus Mahometanus est in hoc. Præterea hic cultus Mahometticus non peperit homines supernaturales, & divinos; & miraculorum, & charismatum, gloria decoratos, qui per prophetias certissimas, ecstasim, & miracula declararent, se cum Deo in ejusmodi cultu communicare. Quin apud Turcas, neque literati reperiuntur. Omnis nanque doctrina, & disputatio veritatis ostensiva, illis odiosa est.

Mauri autem sicut & Turcæ habent Religiosos, qui carnes sibi incidunt amore Mahometti; alii oculos ignito calybe sibi obcæcant, postquam vident sepulcrum ejus: Res profecto irrationalis; quæ Deo non prodest, Reipublicæ nocet. Et Sanctones illi Aegyptii & Fezitiæ, qui per multos scientiæ gradus transeuntes existimantur postea impeccabiles, & subagitant quascunque palam obvias mulieres, & ab omnibus propter hoc magis coluntur, & admirationi habentur: nonne manifestè indicant Religionis illius turpitudinem, scelestam: & irrationalitatem stultiorem, quam Bacchi olim cultus, imitantur? Pacinora non dissimilia Japonenses Bongi, & Indi Sanctones committunt.

De Abstinencia à
vino in Mahometis-
mo.

Abstinencia à vino Mahomettica, licet Religiosis sit laudabilis, nil prodest toti Reipublicæ, nisi fortè militibus, ne ferant impedimenta, & quacunque sint re contenti. Ob hoc enim ipsum instituit eam Mahomettus. Et circumcidit suos, ut divideret eos ab aliis Principibus, quibus rebellabant; utque attraheret Hebræos Circumcisione, & Christianos Baptismis. Pluribus enim utuntur lavacris, quæ ad munditiam non essent inutiles; sed ad divinum cultum superstitiones sunt: faciuntque hominem in his ludicris, non autem in vero Baptismo Christi Sapientiæ Dei, qui Animam, & corpus abluit, confidere.

De cultu America-
norum.

V I. De Americanis cum admiratione audiui, quòd confessione peccatorum utebantur; plebs Principibus, Principes Regi, Rex Soli consitebantur; Sol autem Deo, ut putabant: & panem quasi Eucharistiæ manducabant, formantes Idolum ex sanguine, & pasta, & distribuentes, & communicantes in illo: quem vocabant nomine Dei sui, æmulantes de Diaboli magisterio Christianum ritum. Unde quoniam non sunt ritus ex cognitione veri Dei, nec ejus instinctu, vel lege instituti; & irrationabiles sunt: cum palam sit esse commenta Diaboli, simiæ Dei: siquidem sacrificabant Homines, colebant Dæmones, multaque Idola obscena valde: vescabantur carnibus humanis: Sacerdotes se lanceolis forabant in obsequium Tyranni Dæmonis: habebant auguria, ut olim Romani: & cum defunctis res cariores sepeliebant: quibus in alia vita uterentur; & sæpè servos, & uxores vivos; qui mos etiam apud plures Indos, & Tartaros extat, & Dæmonis nutu faciebant omnia isthæc, aliaque: palam veniunt reprobandi.

Plurimos variosque ritus diversæ Nationes habent; Sed quia earent rationalitate de his alibi.

De sacrificiis Chri-
stianorum.

At vero Nationes cunctæ præsertim Hebræi, & Mahomettani irrident, improperantque Christianis idolatriam in Sacramento Eucharistiæ: opinantes impossibile esse, Christum esse Deum, & insuper manducari in pane: *vidi gentem comedentem Deum suum*, dixit quidam Maurus. Et argumenta Jeremiæ in gentes torquere solent diabolico instinctu in Christianos. Nam ex eadem farina partem manducamus, partem facimus nostrum Deum. Huncque Deum Muscæ irrident

Arg. contra S. Euch.
pseudopoliticorum
& Judæorum.

irrident & mures & vermes, qui ipsum devorant: sæpeque pollunt. Item vermes: si ipsum non mutant novi panis consecratione. Subditus est igni: aquæ; latrones furantur pixidem auream, in quo servatur, ipsumque humi prosternunt: ipse autem sese non defendit. Ergo non est Deus. Item qui fieri potest, ut sit integer in singulis hostiæ particulis? at simul sit in Cælo & in Terra, & multis locis idem corpus numero. Attamen *Piè consideranti semper magis, ac magis suppetunt rationes ostendentes credibilitatem in mysteriis supernaturalibus*, D. Tho. ait, p. cont. Gent. non semel.

Ex demonstratis, & creditis alia demonstrantur, credibilia esse.

Prima Ratio ex testimonio.

in illis de miraculis

omninoque ad

Secunda ex minori ad majus.

Occurrit Zuinglio dicenti purum signi.

Quarta ex requisita unione Reip.

Joan. 17.

VIII. Equidem post considerationem respondeo: inter Christiana dogmata, hoc de Sacramento difficillimum esse; nec aliud subjectum magis Hæreticorum blasphemis, & stultis irrisionibus politicorum reperiri. Si certus non essem, à Christo institutum fuisse ex testimonio concordi quatuor Evangelistarum & Pauli Apostoli: & Christum esse verum Deum, & Rationem omnium primam ex jam dictis; nunquam ita philosophatus essem, ut hujus rei credibilitatem inquirerem, & tandem acquiescerem. Et dixi. Procul dubio Christus est sapientia Dei, cui nihil est impossibile; & ipse dixit de Pane consecrato: *Hoc est corpus meum*. hoc necesse est fieri aliquam ingentem mutationem in pane, dum Sacerdos secundum Christum ordinatus eadem verba, prout ipse instituit in ejus memoriam, cum vera intentione juxta fidem Ecclesiæ profert (in nobis vero per ipsum mirificatis interior fit cum fide suscipientibus sacrum, mutatio, non autem ita & incredulis.) Si Vis tanta est in naturali Magia, quod aliquando res ipsas immutat, ut testatur Avicen. præsertim in se: & nobis in 4. lib. de Sensu Rerum probatum est in eo, quem subitaneus timor subito canum fecit, & in aliis alia mira imaginatio & fides promit. Ergo cum fide supernaturali longe plus in nobis ex instituto divino Deum hospitantibus, efficiet

Item si Rex (dicebam) qui nihil immutare potest secundum substantiâ, solo verbo suo præbendo titulum Consiliarii, aut Marchionis alicui viro, efficit miram mutationem cogitationum, operationum, vestimentorum, & vitæ: longe majorem mutationem in pane Christus omnipotens facere existimandus est: dum titulum sui Corporis cum veritate illi confert; veramque esse edicit transubstantiationem. Nec esse signum dumtaxat extrinsecum, sicut laurus in vinaria taberna, vini est signum, sed esse substantiale, sicut ampulla vini ante tabernam posita, est signum, quod ibi vinum venundetur, & vinum est. Hujusmodi autem signum est Christo dignius. At etiam si non appareat extrinseca mutatio in pane, ut piæ locus fidei, & communicationi relinquatur, credibile tamen est valdè, quod intrinsecus fiat: si Christus est potentior humanis Regibus ad suos titulos transformandos.

Item dixi: Convenit hoc divinæ benignitati; ut quia natus est, & mortuus est pro nobis, amans nobiscum manere, reliquerit se ipsum in Sacramento, ut nos magis uniremur in illo sibi, & inter nos communicando, & manducando idemmet corpus omnes simul: quandoquidem sumus omnes simul corpus unum mysticum suæ Reipublicæ; & in suo corpore vero, ab omnibus simul manducato, communicamus. Et quanto magis arcani hujus altitudinem considero, tanto magis Deo dignam comperio. Porro Resp. humanæ, quanto magis unitæ sunt, tanto magis referunt corpus unum, conservabile magis, secundum Platonein, & Teleium, & quemcunque Philosophum optimum. Ergo convenit Christo suam efficere unitissimam longe magis, quàm describitur à Platone tota prorsus in communitate. Hoc autem unum modo arcanum reperitur quod fiat interius unitas præceteris maxima. (*Volo Pater ut omnes unum sint in me*) ipse orando

Confirmatio, ex magia naturali.

dixit. Pari modo qui conjurant in negotium egregium, ut fides, & amor inter eos copuletur mutuo, edunt bibuntque ex eadem mensa, & sanguinem interdum communem in eodem poculo bibunt, ut idem spiritus in cunctis communicetur, sicut Catilina cum suis conjuratis omnibus fecit. Igitur, quo Christiani fiant corpus unum, cujus est unus consensus, unaque membrorum conspiratio, ut dixit magnus Hyppocrates; magna sapientia fuit, sicut sciunt peritiores in naturali secreta sapientia, quam magiam vocant, talem inuenisse modum compaginandi, & uniendi, membra unius Reipublicæ per corpus suum, sanguinemque vitalem hominis Dei; unde nos deificat in eo, & unit diuino amore in unum spiritum Rationis divinæ: aptiorem profectò, longe magis ad id faciendum, quam per quantumque, vel naturalem magiam.

Confirmatio ab exemplo eiusdem Magiæ.

Qui duobus, amoris conciliandi gratia, rem eandem plenam spiritu in cibum dat, aut res duas amore unitas, sicuti Columbas duas masculum, & feminam: quoniam nutrimentum mutat in se partim nutritum, ut vinum inebrians ostendit, & caro bovis, qui comedit rapas, olet rapas: saltem symbolum producit. Carni ergo Christi, Deo unitæ, quæ mutat nos in se, vim mirabilem inesse faciendi nos omnes unam rem; cum sit ipsa eadem una in omnibus, affirmandum est pariter. Nosque verò ut plurimum id non magis plenè sentire in nobis, quoniam ea fide viva caremus, quæ nos facit unum cum eo, cui confidimus. Qui in meretricibus confidit, fit animo meretricius; qui prorsus Philosophis se credit, fit animo philosophicus: qui ergo prorsus in Deo, fit animo divinus. Idcirco innumeri sancti homines, hoc Sacramentum sumentes, rapiuntur in ecstasim, vident mirabilia, absorbentur in gaudium, sunt Dei, ac proximi amatores. Nec carere possunt hoc Sacramento ulla die, ut S. Chatarina Senensis, quæ plures menses hoc solo nutrita cibo perseveravit. Et voluptate & estasi afficiebatur, quando sumebat Eucharistiam hanc; quando autem non dabatur, moerebat & affligebatur. Ecce Christi veluti Magiam supernaturalem. Omitto hic miracula multa, quomodo sanguis, & puer Iesus in eo sæpe comparuit: Et à perfidis laceratus manavit cruore, ad convincendam perfidiam: non sui physicam passionem.

Occurrit objectioni.

5. Ex experimento.

Recapitulatio responsionis ad argumentum.

Quapropter quando Ieremias irridet Deos ligneos, jure optimo id facit; quoniam ab hominibus fiebant ex eodem ligno, quo calefacti erant; illudque institutum erat humanum. At hoc est divinum; & in virtute Dei peragitur miracula transmutatio. Nec quia materia humana est, transmutatio à Christo promissa negari debet. Arca quidem etiam in veteri Testamento lignea erat, & quoniam Deo præcipiente facta est à Moyse, magna ab Hebræis, & ab ipso Jeremia observabatur reverentia; Et quia Ozas ipsam tantummodo, & sine dolo, tetigit, percussus est ad mortem propter temeritatem; & Azotici in partibus posterioribus. Nec tamen erat in arca illa transmutatio intrinseca, ut in pane sacro; sed solum habitaculum Dei cum hominibus. Nec quia Turcæ derident nos, & Calvinistæ, & Hebræi; magni refert. Ipsi enim mysterium non pernoscent, nec Christum esse sapientiam primam. At non irrideret Trismegistus, si viveret; neque Magi sapientissimi, scientiæ hujus cultores. Tandem absque superna sapientia, & charitate viva, percipere hoc mysterium, & per experimentum saporis degustare, nemo sufficit.

De muscis & vermibus in Eucharistia quid.

Contumelia muscarum & vermium, & murium, potest de quacunque re sacra exprobrari. In omnibus enim Nationibus, & in Templis, & in Altaribus, & in Tabernaculo veteris Legis, muscæ sordebant. Haud tamè id Deo, aut nobis, est ignominia. Deus profectò in omni re inexistit. Ergo nec mingere, nec excrementa emit-

emittere aliasque spurcitas licet, ne Deum offenderemus. Id plane stultius est. Deus enim in rebus modo tam eminenti est, ut nihil ex illis contrahat labis. Inter res autem obscenitas non extat; nec malum, nec immunditia, respectu Mundi, & Dei, sed solum respectu partium contrariarum. Quod nobis amarum est sordidumque, perplacet cani, & porco, & arboribus. Quod autem ipsis est immundum, nos manducamus. Zipetium colligitur ex testiculis sudantis animalis; muscus quoque testiculus est Castoris, ut multis scribitur; frigus immundum videtur calori, non autem Telluri: Febricitanti aqua placet, quæ vinosis exosa est. Porro Deus, qui est omnia entia eminenter, & causaliter, & ubique est, à nullo afficitur. Qui autem id non percipit, rudi, stultoque donatus est iudicio; qui omnia metitur proprio sensu crasso particulari, miseroque, non autem mensura entis & veri universalis, & absoluti; quod Totum Jocundum Toti est, ut in superioribus ostensum est sermonibus. Quapropter haud propterea, quòd bestiolæ contemnunt Eucharistiæ accidentia extrinseca; quæ etiam in vermes convertuntur, materiæ vicem tenentes, aut comburuntur: Christus Deus pati quippiam existimandus est. Hoc autem faciunt bestiolæ, quoniam non cognoscunt illam rem, sicut nos, idcirco nec colunt eam reverentia ulla. Omnis quippe natio eas reueretur res, in quibus religionem ponit: in quibus tamen aliæ nationes, & bestię, non credentes, aut nescientes, haud quaquam reverentiam agnoscunt, aut Deitatem, quamvis Deus ubique sit & in rebus illis. Nec in Eucharistia est, ut in aliis rebus religio, in quibus non, sicut hic, ex instituto Dei, necessarium edente promissum effectum, sed juxta operantis affectus, aut juxta Dei novum iudicium religionis actus effectum habent; propterea doctiores Theologi ex Ezechielis doctrina, & experimento declarant, Deum respondere interdum hominibus illis in rebus, in quibus invocatur: nec respicere ad ignorantiam, ubi malitia non est, sed ad voluntatem pie credulam. Ubi sane nos ipsum credimus, ibi respondet nobis, ubi credunt alii, ibi respondet aliis, dum credulitas impia non sit. Sepe quoque impiis ipsis respondet, ut capiantur in malitia sua; vel, ut mutationem aliquam in Regnis humanis, ut consuevit, ea faciat ratione.

Ezech. 14.

Tandem dico, quòd alia Christianismi Dogmata irreprehensibilia, hoc quoque difficillimum mihi credibile faciunt. Et addo: quòd, cum natura dicat hominibus Deum sacrificiis colere, & omnia sacrificia nationum sint per se inepta ad placandum Deum: Deus enim nostris haud indiget: sed solum valeant ex vi fidei, ac devotionis, quæ offeruntur, & tanquam signa protestantia nostram subjectionem Deo, ejusque jurisdictionem (loquor etiam de Hæbraicis) volens Deus magnificare populum suum sacrificio ab aliis differenti, quod Deo per se ipsum esset acceptam, ut aliquid plene dignum se largiretur, non potuit, nec decuit eum aliud largiri, quàm se ipsum in Sacramento. Solum enim Deus acceptus est per se Deo, ut etiam inquit Plato. In hoc autem Sacramento inest divinitas concomitanter cum substantia humanitatis. Ergo à quocunque offeratur, placet Deo, etiam à sceleratis Sacerdotibus, non propter devotionem, qua ipsi carent, sed propter essentiam ipsam huiusmodi sacrificii, quod prodest. Hanc mirificam dignitatem consideret, qui in animo pietatem vilibus non contaminatam ratiunculis affectibusque, & cognitionem infinitæ misericordiæ, & providentiæ sollicitissimæ Domini Dei Patris erga suas creaturas, gestat, consideratque. Et quicunque verè amat.

Mirificentiæ amoris
in Eucharistia.

Profecto cum personam quampiam revera amamus, & ardemus, nos illi evisceramus, & vellemus, si potis esset, sanguinem & animam, & nos ipsos penitus

illi dare, præsertim in discessu (hoc recogitet, qui medullitus amavit unquam) cur ergo Deus, qui longe nos in amando excellit, suis amatis non dederit creaturis seipsum, cum posset sanguinem, & corpus suum, quod à nobis accepit; sicut Amans ab amata re hausit imaginem, & verius & intimius essentiam sibi copulavit?

Cur irrita Eucharistia miracula non facit semper.

Hæc profecto evidenter mihi suadent credibilitatem veracitatis Eucharistiae; Et non injuria Calvinistis absconditam esse, nec miracula irridentibus & frangentibus per ludibrium hostiam sacram, exhiberi, quoniam generatio prava est, expers charitatis Dei, idcirco signum non dabitur ei, ut pereat in iniquitate sua. Sed sæpe vidimus sanctos, Deo caros, in virtute Eucharistiae miracula fecisse, & ejus dogmatis fidem, confirmasse. Quid enim patitur Deus à Calvinistis? Non ne seipsos lædunt in blasphemia, ut in superioribus ostensum est, dum Deum blasphemant?

Quid persuasionis Theologorum rationibus.

Rationes Theologorum, quod Christus sit in Hostia consecrata realiter per conversionem alterius in ipsum, vel præsentialem multiplicationem: Quod accidentia remaneant absque subjecto: Quod substantia Christi insit ex vi consecrationis, corporalis verò figura, & alia accidentia ex concomitantia: Quod non frangatur corpus: sed signum, & accidens; aliarque similes rationes, sunt pulchræ sane ad persuadendum, & respondendum disputantibus: sed profecto ille, cui deest pia affectio, nunquam intelliget hoc mysterium. Cui autem inest, satis est audire, quod Christus ibi insit realiter, & sacramentaliter per transubstantiationem: hoc est modo quodam vero, sed secreto, & substantiali quem capere non possumus nisi Deus illud nobis interiori operatione revelet intrinsecus: Et quidem sic est. Ego per scientias perveni ad ipsum evidens credibilitatis ipsius quia est. Ultra progredi ratio humana non potest. Hic Macchiavellistas relinquo.

Ezech. 20.

IX. Cum vero è contra sacrificia cæterarum Nationum, solerter inspectamus, ea partim impia, partim sordida, & spurca adipibus animalium invenimus. Quæ quidem Deus populo olim suo ad tempus dedit, ut testatur Ieremias, & Ezechiel, *Dedi eis præcepta non bona; & pollui eos in muneribus eorum.* Quod quidem fecit, moribus eorum, in Aegypto sacrificiis hujusmodi assuetorum juxta ritum omnium gentium, condescendendo: utque detineret in his figuris usque ad adventum Christi, ait Clemens. Talia enim sacrificia dedit, quæ perse peccatum non tollebant; nec Deum placabant, nisi ex devotione & signo, & protestatione. Insuper quasi specimen heluationis, & ingluviei, & crudelitatis in Sacerdotibus præferebant; sicut dixit Pythagoras; qui cædes animalium in sacrificio, & cibo vituperavit, vetuitque. Cato etiam miratur apud Ciceronem, cur Sacerdotes quando se mutuo contuebantur, non riderent. Interrogatusque quamobrem; Respondit, quoniam nobis illudunt in Idolis suis, & sacrificiis: comedunt, & heluantur, nobis applaudentibus. Itaque ridere quidem deberent (aiebat ille) quod apte nobis illo die illuserint: sicuti & Manticularii quando crumenam alicui subripiunt, mutua sibi obvia occurrentes, corrident. Diogenes quoque cernens, quod Idolo fieret sacrificium centum bouum, quod vocabant hecatombam, ipse quoque scandens super altari, centum occidit pediculos, dicens, se quoque velle facere hecatombam. Cumque objurgaretur, respondebat, quod veluti ditiores offerunt Diis Boues, & animalia grandia, sic pauperes debent parva offerre, quæ habent. Nam si Dii boni sunt, acceptassent ejus hecatombam non minus æquo animo; quandoquidem non minus devotus erat oblatores. Devotio autem valet in sacrificiis. Dii enim non manducant. Nil ergo (ubi non intervenit divi-

divinum præceptum, sicut in lege veteri) mactare hoc, vel illud genus animalium, aut grande, aut parvum, interest. Ex quibus patet omnes ritus esse ludibrii subditos, excepto Christiano, ubi intrinsecus perpenduntur.

Religio colendi imagines Sanctorum ubique recipitur, præterquam à Turcis, & Calvinistis. Hebræi quoque hostes sunt imaginum, eo quòd illusionibus videantur bestiarum, & ignis, & aquæ injuriis subiacere: populusque in eis idolatria contaminari possit. At nihilominus ego, ubi populus rationalis est, invenio non dedecore secundum naturam ipsarum cultum. Nobis enim naturale est venerari imagines amariæ, & amicorum; & cupere has in ipsorum absentia. Cum ergo Deus quoque factus sit homo, quod non erat Moyse temporibus; utile, & piūque est ejus imaginem colere, & Crucem, in qua repræsentatur Crucifixus. Nec quidem retinendæ sunt modò tanquam Scriptura ignarorum, & memoria omnium; hoc enim sub sensu nemo eas neget; sed ut adorentur in spiritu elevato ad id, quod repræsentant; quoniam naturale est plus illud revereri, quod plus repræsentat.

Sanctos autem dignos esse adoratione dulciæ, manifestum ex mutua inter vi-ventes observantia, præsertim erga sapientes, & pios, & Dominos. Rationabilis quoque credulitas est, quòd ipsi nostras indigentias cognoscant, cum ex relatione Angelorum ad nos venientium, tum ex visione Dei, in quo cuncta relucent. Igitur si charitatem habent, opem ferunt, & orant pro nobis. Negare autem intercessionem naturalem, etiam inter nos, est beatorum charitati derogare. Haud tamen Dei adoratio, & sacrificium illis debetur: Id enim esset idolatria. Quod autem Deus velit honorari in suis amicis, per quos miracula operatur, & divinas actiones, digna fides est, probataque.

Signum quoque charitatis ingentis est, quando quis pro alio pœnam suscipit; & in Romano exercitu hic mos colebatur; & in Schola Grammaticorum, alter pro altero discipuli plagas in manibus excipiunt. Ergo communicatio meritorum, & satisfactionum pia est, secundum veram charitatem. Sed hic non est locus ejus.

Satis ergo est ex naturæ decretis agnovisse naturalis Religionis veritatem; & supernaturalis credibilitatem; effectusque ejus mirabiles; quibus pii transhumanantur credentes.

De Imaginum pia
adoratione ex natu-
ralibus argumentū.

De Indulgentiis
congruentia.

PROPONITVR EXAMEN DE PERSONA CHRISTI,
aliorumque Legislatorum Nationum cæterarum; & inqui-
rendas esse notas: quibus, quem Deus miserit, quem Dia-
bolus, quem ratio, aut astutia propria, pernoscat.

C A P. XIII.



DEVS solus, semperque verax est. Ergò solus dignus est fide in-
dubitata. Omnis autem homo mendax, vel ex ignorantia, vel
malitia, vel fragilitate.

Qui mentitur per jocum, aut metum, aut consuetudinem ur-
banitatis Aulicæ, inter fragiles mendaces numeratur. Adeò con-
valuit hoc genus mentiendi, quòd venustas, & humanitas nostro
saculo apparet. Nam pro ly, Tu, dicunt, Voi, e Vossignoria.

Vide primum lib,
nostræ Metaphys.

Triplex mentiendi
modus.
Primus, ex fragili-
tate.

Qui

130 ATHEISMUS TRIUMPHATUS.

Secundus, ex ignorantia. Qui veritatem ignorant, eamque enunciant, ac si scirent, aut qui putant falsum esse verum: in Scholis humanis reperiuntur innumeri.

Tertius, ex malitia. Mendacium ex malitia pessimum est; quod propter lucrum, & honorem, aut divitias, aut alterius exitium, aut, ut regnet quis per violentiam, & per sophisma, usurpatur. Mundum corrumpit. Mendacium Legislatorum, & Doctorum, & Principum, perniciosius est, quoniam multos in perditionem trahit.

Tria requiruntur ad veritatem fide dignam. Nemo igitur fide dignus est, nisi sit bonus; potens, vel animo; & sapiens. Propterea ergo naturale est nobis credere Patribus, & amicis, quoniam credimus eos esse bonos, saltem erga nos; nec proinde nos decipere velle. At si in eis ignorantiam cernimus, fidem non prestamus in eo, quod ignorant; idcirco Medicis ægrotantes credimus, magis quam Patribus; & Nautis magis in navigatione; & Philosophis in philosophando. Insuper plus fidei prestamus Diogeni, absque metu veritatem proferenti, quam Aristippo, dum Dionysio mentienti adulatur. Nullam quoque Poetis adulatoribus, formidolosisque, aut Theologis, venundatis sub timorem, & lucri cupiditatem, aliisvè talibus, credulitatem adhibemus.

Unde fidem acquirunt sibi homines. I. Hoc considerantes homines, lingua, calomoque potentes, ut compararent sibi fidem conati sunt fieri boni, & sapientes, & liberi, aut saltem tales apparere. At nec postmodum eo devenire possunt, ut indubitata fide digni appareant. Neque enim homo homini in secreto animæ suæ subditur, licet foris subdī apparet, quoniam ut Poeta inquit,

Qui velit ingenio cedere, nullus erit.

Solus Deus per se magister indubitata fide dignus, quoniam Potentissimus, Sapientissimus, & Optimus. II. Et dixi. Ergo solus Deus est per se magister hominum certissimus, quoniam non habet, quem timeat, nec cui aduletur; nec quid cupiat: unde veritatem corrumpat. Dein sapientissimus est, ut nullo possit eam ignorare pacto. Est demum optimus, & amorosissimus, expers ambitionis, fallaciæ, indigentiae, fraudulentiae, quæ à veritate ipsum distrahant. Ipse solus est Pater noster. Nostri enim Patres facere homines nesciunt, sed ad actum generationis amore, qui Dei est calcar, adiguntur, quod agendum est, ignorantes, & quo pacto tormetur infans in utero, sicut nec calamus scit, quod ego per ipsum scribo. Deus solus est insuper integrè hominum Dominus, Auctor vitæ, & mortis. Et sicuti Pastor superioris speciei; Grex verò inferioris est. Sic Deus Pastor: nos autem greges; Principes verò nostri, quasi Tauri, & Arietes: quorum collis Deus campanulam appendit; ad cuius sonum regitur grex. Sunt ergò loco Dei: nec punire possunt, nisi secundum regulam, à Principe Deo præscriptam: qui unus est nostræ Dominorumque Dominus. Hæc regula est ipsa lex naturalis, unde positiva derivatur: A Philosophis autem utraque nobis ostenditur, & à Legislatoribus imponitur; Eatenus fide dignis, quatenus sapientes rerum, amantes nostri, & liberi passionibus sunt, hoc est, Deo persimiles.

Qui novam legem prædicant, aut mittuntur à Deo, aut à naturali ratione, aut ob Astutia, aut à Diabolo. III. Et vidi, quod quicumque doctrinam religiosam, & legem, tulerunt hominibus, missi sunt, aut à Deo visibiliter illis comparente; quippe qui nobis est inaccessibleis, multoque magis plebibus, proptereaque aliquos ad hoc munus auctorizat, cum sit providus, amorosusque Dominus. Aut à Ratione naturali: Aut ab Astutia propria; aut à Diabolo.

Examen missorum à ratione. Qui ratione moti ad hoc munus surrexerunt, laude quidem digni sunt. At quia errare potuerunt, fide indubitata haud itidem digni sunt. In horum numero vidi Philosophos multos, ut Platonem, Socratem, Senecam, Dantem, Telesium: qui ingenuè confessi sunt quicquid ignorabant, atque sciebant. Inter Legislatore vidi Draconem, Solonem, Lygurgum, Charondam, Phoroneum, aliosque qui

qui leges suas, & doctrinas, sine sanguine, & miraculis, & sine prophetia in sola Ratione fundavere. Hi sapienter loquuntur, & student facere homines bonos; non autem sibi honores, & divitias comparare.

Qui autem ab Astutia, vel à Diabolo missi sunt, conveniunt. Inter Philosophos, vidi Protagoram, Gorgiam, Aristotelem, Epicurum, Hippiam, Homerum, Arrium, Calvinum, Lutherum, & consimiles; qui ut lucrarentur honores vanos, ac divitias, & majoribus incommodarent, scripserunt; & loquuti sunt de rebus, quas ignorabant. Religionem ludibrio exposuerunt; & quicquid ipsi nescierunt, falsitatem, & vanitatem esse existimarunt: Quin & fraudulentiam, persimilem vafriçiei ipsorum. Inter Legislatores, plurimos astutos invenio, qui aut ex ambitione propria, aut quia existimarunt, acta aliorum Legislatorum ex astutia manasse, & simulationes prudentum esse miracula, quò Populos in officio detinerent, deceptione quadam amorosa, aut perniciosà, hinxerunt & ipsi sese à Deo missos esse, & miracula falsa fecerunt, & legem dederunt. Ita sentit Varro de cunctis Legislatoribus, & Prophetis. Averroes quoque, & Aristoteles putant, Legislatores omnes esse simulatores vafros, & prudentes propter sui utilitatem, aut populorum excitos. Hanc sententiam mordicus tuetur Macchiavellus, & liber de Tribus Impostoribus impissimus fovet. Ego autem in horum numero conscribere consuevi Minocem, Numam Pompilius, Pythagoram, Zamolxiam, Romulum. At de Mahometto, & Cingho opinor, quòd ab astutia propria, & à Diabolo decepti, ac proinde deceptores evaserunt. Pari modo multos sectarum Auctores in Nationibus. Nam ex Vafriçiei docere soliti apparent. Siquidem Minos duodecim annis in antro commoratus, fingebat se cum Jove loqui, cujus quoque filium se fecit, ibique leges scribebat, ferebatque ipsas ad Populum per Radamanthum carissimum, qui negotio inserviebat. Porro inveni, omnes fere homines, lingua, virtuteque potentes in magnis temporum articulis sectarum Auctores consuevisse fingere sese esse Deos, vel Deorum filios astu quodam diabolico ad obscurandam veritatem illam, quæ expectabatur in toto Mundo. Sic Aeneas filius Meretricis, aut Ancillæ Patris sui, fingitur filius Dææ Veneris; quoniam caput est sæculi. Romulus verò Vestalis Virginis filius, & Sacerdotis, fingitur filius Martis, ut sub magnis auspiciis Romam fundaret. Bacchus, & Hercules adulterino natus concubitu, Jovis proles habetur. Alexander Magnus, quo spontè Populi subderentur, fingitur filius Dei Ammonis. Cyrus verò Commissarius Dei; licet iste prophetiam habuerit Isaïæ, & ille Danielis; sed sibi ignotas. Nabucodonosor Deus pradicari voluit ubicunque Olofernes Imperium suum extenderet. Idem, conjicere possumus de Belo, de Mercurio, de Osiri, & de similibus Deis antiquis, fictis à se, aut mox ab opinione vulgi decepti. Idem hodie studet adipisci nomen Divinitatis Faxiba Japonensium Monarcha.

Ex his plurimi miranda fecere, quæ Populo discernere nescienti visa sunt miracula; & post mortem curaverunt sua cadavera occultari, quò crederentur in Cælum translati esse. Et horum collatio videri facit Macchiavellistis, & Peripateticis, Christum, & Moysen esse pariter simulatores. Alter enim se filium Dei fecit. Alter Nuncium Dei; & corpora eorum post mortem non comparuere, sicut nec corpus Aeneæ, nec Romuli: quod Livius refert hac de causa à Senatoribus absconditum fuisse; ut crederetur translatum in Cælum, sicut Aeneas, quem vocant Deum Indigetem. Idem fecit Periander, unus de septem Sapientibus. Numa Pompilius intra quoddam nemus sacrum cælabatur, ubi fingebat se loqui cum Dea Aegeria, & cum Superis, de hinc leges Romanis ferebat. Pythagoras

Examen missorum
ab astutia.

De Pythagora Le-
gislatore.

duobus

duobus annis sub fossa latuit; deinde dixit, se ab Inferis redire; narravitque prae-
mia, & poenas futuri Saeculi, magnumque metum Populis indidit. Et indicavit
eis quidquid fecissent in duobus illis annis; quoniam ejus mater, vel uxor, nego-
riorum tantorum conscia, sibi illa indicaverat. Sic leges Crotoniatis tulit in
Calabria; sed mirabilia alia de illo non legimus; nisi naturalia, & doctrinam
admirabilem.

De Zamolxi.

Zamolxis ejus Discipulus fuit, Scythias leges dedit in quodam antro, simulans
cum Diis ibidem loqui.

De Epimenide.

Epimenides Cretensis, quinquaginta annis dormivit, vel finxit se dormivisse,
fortè, ut quid miri hac ratione perficeret, & quidem summam venerationem
sibi comparavit.

De Mahomette.

Mahomentus etiam in antro ad Montes Arabiae philosophabatur cum Diabolo,
& scripsit alterius manu, & foras emisit scripta illa, ex quibus compositus est Al-
coranus sub Rege Moavia, ex successoribus suis quinto. Finxit quod illa praecepta
ab Angelo Gabriele accepisset; & quod in pluribus vicibus de Caelo descendis-
sent. A Sergio Monacho, & à duobus Hebraeis, cum quibus disputare ipse in
suo libro introducit, adjunctus, fidem comparavit sibi exulum, & latronum, &
fervorum: atque cum eis cepit rebellionem exercere. Morbo sacro laborabat,
ac fingeat spiritu Dei tunc rapi, praesertim apud uxorem ditissimam, quae hera
sibi fuerat: & deinde per mulieres invaluit fama. Hic morbus solet magni inge-
nii homines vexare, ut testatur Arist. in problem. de Socrate, Callimacho, &
Hercule; quibus Scotus Theologus addi potest.

Sect. 30.

De Cingho.

Cinghus finxit se filium Solis; & signa mirabilia fecit Tartaris. Transire visus
est Mare Caspium sicco pede, sicut Moyses Erithreum verè transivit cum Populo
suo, legesque tulit hac ratione.

De cæteris Legislatoribus Nationum parva apud nos extat notitia: sed omnes
aut per astutiam, aut per naturam, aut à Diabolo missi, facinora grandia sunt
aggressi. Hoc autem ex sequentibus agnosces.

De Christo, Mose,
Prophetis, & Apo-
stolis.

Pseudopoliticorum
argumenta contra
Mosen.

V I. A Deo missos inveni Christum, & Moysen, omnesque Prophetas He-
braeos. Qui tamen videntur Peripateticis, & Macchiavellistis, pari astu simulasse.
Opinantur, Moysen moratum esse super montem ad sculpendas tabulas lapideas,
& comedisse, & simulasse x x x x. dierum jejunium, & colloquium Dei, & scul-
pturam digito illius: & à Josue admonitum fuisse, quod vitulum aureum adoras-
sent; omniaque alia, quae dicit à Deo didicisse. Gloriatur, se vicisse Magos in
Aegypto miraculis: quod nulla testatur Scriptura præter suam. Alii dicunt, ut
Cornel. Tacitus, & Justinus abbreviator Trogi, invenisse Moysen aquam, quam
de lapide eduxisse fingit, ductu Asinorum sylvestrium euntium ad bibendum;
Ideoque Judaeos colere Asinos. Et Zachariam, quidam dicunt, obmutuisse, quo-
niam vidit Deum Asinum intra Sancta Sanctorum, & revelavit cæteris. Item
pharmaco naturali aquam dulcem reddidisse. Et mare rubrum transivisse in reflu-
xu, quando descendit: Pharaonem verò in fluxu, quando intumescit; ideoque
hunc necatum. Licet Justinus dicat ex fluviorum illuvione, mox succedente ex
pluviis. Item finxisse, se Deum habere ductorem: dum ipse mitteret quendam in
nocte cum tæda, & facibus ignitis, quocunque iturus erat; in die verò cum eisdem
ignibus, sed non apparentibus, nisi per fumum ob Solis praesentiam: & Aaron, &
Josue, & Ur, & Mariam, conscios fuisse, & adjuutores in tanto negotio. Eos verò
qui id agnoscebant, & murmurabant, interfectos esse, ut Chore, Dathan, &c.
& cadaver suum calandum curasse, sic etiam Aaronis, ut cultum divinum sibi ex-
hiberent.

hiberent. Plinius verò putat, Moysem sapientissimum Magorum fuisse, & per Magiam omnia miracula fecisse. Quintilianus verò, astutum, & impium.

VII. Nec abstinere à Dicteriis contra Christum, alii dicentes per Magiam miracula fecisse; & se vidisse librum Christi de Magia missum ad Petrum, & Paulum, ut Augustinus testatur. Alii finxisse ex condicto miraculum cum Lazaro, & aliis; & in Aegypto didicisse scientias, quando aufugit; & ab Astrologis genus mortis suæ, & adorationem. Idcirco libenter ad mortem perrexisse; ac procurasse, ut cadaver de sepulchro subriperetur post mortem; nec verè cuipiam comparuisse. Nam resuscitatus comparuisset in platea publica, ut plures animas lucrifaceret; & fidem fortius plantaret, & Phariseos, aliosque calumniatores confutaret.

Quid fingunt contra Christum.

Equidem omnes argutias suspiciones, contradictiones perscrutatus sum, examinavi, & consideravi. Res enim tanti momenti utiliter tractatur in præsentis sæculo tenebricoso, ubi boni, & mali, Philosophi, ac Sophistæ, Sancti, & Hypocritæ, Legislatores divini, & humani, & diabolici, omnes videntur impiis unicolores. Et longè plures dubitationes, & quæstiones commovi super Evangelio, & super sacris Bibliis. Ac postquàm supradictis experimentis certior effectus sum extare Diabolos, & Angelos, & vidi errores horrendos Aristotelis, & Politicorum recentiorum in physicis, & moralibus, ritè intellexi, longe magis potuisse eos errare in Doctrinis sacris, quæ maximè refert nosse: difficileque introspectantur.

Resp. in genere.


Impresentiarum de his disputandum non est, qui à Diabolo missi sunt. Hæc enim turba impia non credit esse Diabolos. Nam subito sequitur, quòd, si Diabolus mittit Legislatores, mittat etiam Angelus, & Deus suos Nuncios, & Legislatores, & Prophetas. Isti autem omnia huiusmodi astutiæ tribuunt humanæ, regnandi cupiditati, adeò quòd, & Savonarolam ob id ipsum simulasse colloquium Dei, docet Macchiavelius. Ergo ad examen necessarium accedamus.

Errores Aristotelis, & Philosophorū in Philosophia, indicant ipsos magis errasse in Theologia, quam impugnant.

EX CERTISSIMIS NOTIS EXAMEN

particulare præsius, ac rigidius, veritatis Prædicantium nova in quocunque Sæculo dogmata; & confirmatio testimoniorū Apostolicæ doctrinæ, ad quamlibet invictæ probationem.

C A P. XIV.

I.  ORVM profectò, qui sese à Deo missos asseruerunt, neminem suspensione vacuum prorsus, excepto Iesu, & per Iesum invenio. A quo etiam nisi de Moyse doctrina certus factus essem; dubitationes, & quæstiones plurimas animo volutarem; quas non tam facile solverem. At quidem examinata signis, & contestationibus collata suis, post longam disputationem, & experimenta, hæc quoque divina reperitur; nec Magiam esse naturalem, per quam Mosem vicisse Aegyptios Magos affirmat ineptè Plinius, cujusmodi etiam Magiam Cypriam, qua Apost. Paulus divinitus Elymam magum cœcitate percussit, multa que signa coram Sergio Proconsule effecit, ineptius suspicatur.

Solus Christus per se omni suspensione vacat; at alii non prorsus, nisi per ipsum.

Plin. lib. 27.

II. Cuicumque à Deo missio diploma habere convenit, quod quilibet suo dat Rex oratori, legatoque. Diploma Dei divinis est literis scriptum, & demonstrationibus

Notæ unde dignoscantur qui à Deo mittuntur.

Prima nota.

tionibus non naturalibus, sicut eorum qui à natura mittuntur, sed supra naturalibus.

Hæc autem miracula sunt, & operationes supra naturam.

De hinc intrepiditas ad omnem adversitatem, & contemptus mortis pro obedientia tui Dei, dum certus es, te ab illo missum: qui ostendit tibi posse se dare vitam, & gloriam æternam pro temporali, veluti tu cæteris prædicas ex ore Dei. Utque ostendas, te non motum cupiditate bonorum hujus Mundi, valdè prodest sigillo sparsi sanguinis diploma firmetur. Qui autem sanguinem spargit miraculis carens, quamvis oretenus mandata habeat cum verax esset, videtur tamen venire absque patentibus literis, seu diplomate. Nam & hoc opponi illi potest, quòd etiam Hæretici multi mori optant pro sua hæresi, quoniam decepti sunt, ac moriuntur, sicut cæteri malefactores, Deo non confirmante signis doctrinam eorum. Si autem miracula habes absque proprii sanguinis effusione; diploma quidem habes, sed non tam benè sigillatum, ideoque dubium de te remanet apud gentes; quibus non persuadetur, te vasrum, diabolicumque non esse.

III. Si verò utrunque testimonium prædictorum habes, ac præterea addis contestationem Prophetarum, qui tuum adventum prænunciarunt, fides augetur tibi apud omnes.

IV. Item, si quæ tu annuncias, & prophetizas, eventus cōprobat, longè magis.

V. Item, si Gens alia, tuam amplexa doctrinam, eadem facit in miraculis, sanguine, & prophetia; palam fit quòd cum tam plures nequeant esse confesii, & complices ejusdem vaftriciei, ac doli, quin detegatur, nec propriæ morti consentire stabiliendi alieni gratia doli, verax sit ipsorum Magister, & Auctor.

VI. Item si probitas vitæ, & certitudo, & constantia in dicenda veritate, simulationibus mundanisque respectibus sublatis, & notitia rerum divinarum concomitantur; nullatenus dubitandum est de illo, qui talem seminavit doctrinam; sed credendum est, Deum esse cum illo.

VII. Si temporis quoque diuturnitas confirmat Rem, nullus remanet dubitandi locus ipsi quoque Macchiavello, si vel modicum considerare velit.

Propositio universalis, quòd omnes istæ notæ Christo conveniunt.
Mar. 16.

2. Cor. 12.
Mat. 10.
Joann. 16.
Luc. 18.
Mat. 10.

Quæ notæ defunt:
& quæ convincunt
Mosen esse à Deo.

Porrò in Christo & Apostolis ejus inveni omnia isthæc indicia, & testimonia, & contestationes, & collationes, & signa, amplissimè cōstare. Ipse quidè ea ostendit in se, & dedit etiam suis discipulis, & discipulorū discipulis promittit. *Signa* (inquens) *eos, qui crediderint hæc sequetur. In nomine meo Dæmonia eiicient: Linguis loquentur novis: serpentes tollent, & si mortiferum biberint, non eis nocebit. Super ægros manus imponent & bene habebunt, &c.* At Paulus ejus Apostolus ait. *Signa autem Apostolatus nostri edita sunt apud vos in multa patientia, in signis, & prodigiis, & virtutibus, &c.* Et Iesus. *Nolite timere eos, qui occidunt corpus, &c.* Et alibi. *Confidite, Ego vici Mundum, &c.* *Oportet filium hominis pati, &c.* *Occident eum: & tertio die resurget, &c.* *Ecce mitto vos, sicut oves in medio Luporum, &c.* *Tradent vos in conciliis, &c.* *Flagellabunt vos, &c.* *Nolite cogitare quid loquamini, &c.* *Spiritus Patris vestri loquitur in vobis, &c.* At verò cæteris Legislatoribus inveni ex prædictis indiciis, & testimoniis deesse quàm multa. Nam & Moyse, & Prophetis non omnia insunt.

Moyse primus martyrio sanguinis sui (quamvis ad hoc promptus) non confirmavit fidem, quàm prædicavit. Et in locis, ad quos ejus plantandi gratia migravit, bellum invexit aliis: expulit eos de propriis sedibus, armavit gentem suam materialibus armis, fortificavit posteros doctrina, & armis. Prophetas ante se non habet, qui ipsum præconizaverint, nisi quos ipsemet allegat, nobis, & Mundo ignotos.

At miracula sua, & prophetiæ, eventu comprobata: & successio, & Discipulorum mira-

miracula facientes, & sanguinem effundentes, & prophetantes; & tandem Christi testimonium, dat Moyfi firmam auctoritatem.

Mahomettus testimonium habet nullum, nisi victorias diuturnas armorum plurimas; quod commune est Cingho, & Alexandro Magno, & Cæsari, & Tamerlano, & omnibus strenuis Ducibus, licet scelestis. At martyrium non habet in se, neque in suis. Mendacia habet horribilia, depravat Biblia sacra, & Evangelium, & cunctas historias. Non est qui prædixerit adventum ejus, nisi quatenus Pseudopropheta, & Antichristi, ut infra videbimus. Fundavit, ut ipsemet fatetur, doctrinam suam in armis, & sine miraculis. Fingit tamen quædam, & vult per vim sibi fidem præstari; quod videlicet refecerit Lunam: loquebatur cum animalibus, quæ dicebant velle fieri Mahomettana. At nusquam resuscitavit defunctos, neque curavit ægrotos, &c. Successores ejus potentes in armis fuere, ut Alle, Oram, Qtomar, Abubacher: qui diversas sectas fecerunt, & se mutuo trucidarunt. Sic eorum mox Calissi, & Sultani, qui Imperium Romanum debile inveniunt, affligerunt. Et palam videntur ipsorum quilibet acquirendæ gratiæ tyrannidis, prædicasse, non autem cupiditate Regni Cælestis, nec moriendi pro ejus defensione, nisi eum in modum, quo omnes milites, etiam mercennarii, & alienæ fidei, & religionis, quin mutuis præliis sese persecuti sunt, dominandi ambitione: & alius alium occidit, ostentantes re vera ipsis non affuisse charitatem Apostolorum; quibus mutua tam fervens, sublimisque fuit, quàm contemptus divitiarum, & honorum, & vitæ, & dignitatis humanæ; sed affuisse diabolicam ambitionem ab ipsorum capite haustam. Nam qualis Magister, talis Discipulus.

Romulus armis legem suam fundavit, & cæde fratris, sicut mos quoque Turcarum est. Non habet Prophetas ante, nec post se. Pompilius verò jam, acquisito Imperio, tutatus est legem, & religionem, & doctrina quidem humana non roborata miraculis. Sic & Minos, quoniam Rex erat Cretensium, Trismegistus quoque Rex, & Sacerdos Aegyptiorum.

Belus Iuppiter caput fuit Monarchiæ Assyriorum successor Nembrot, qui primus dominari per violentiam in Mundum introduxit. Ninus autem filius propter gloriam suam, & amorem, quo patrem prosequabatur, adorationem ejus armis stabilivit, ut Nabucdonosor, & Julius, & Augustus Cæsares. Idem de cæteris invenio Legislatoribus, sanguine, & miraculis, carentibus.

Pythagoras quidem rationem naturalem defendens, effudit sanguinem, à Tyranno interfectus, & miracula non habet, aliaque prædicta testimonia. Nec pro lege sua mortuus est, sed Tyranni communis violentia. Credo etiam, Philosophos nonnullos pro defensione dogmatum legis naturalis interfectos fuisse, ut Anaxagoras, & Socrates, & alios, quos S. Justinus sapè nominat præsertim in 2. Apol. Qui quantum ad hanc partem digni sunt, ut Justinus, & Hjer. ajunt, qui numerentur in Christi assecclis, saltem quatenus auctor est naturæ. At miraculis caruerunt, aliisque indiciis, quibus prædicarent, se missos à Deo; nec id affirmarunt, ne mentirentur: sed illis satisfuit defendisse Rationem, quæ lumen est primæ Rationis, seu Verbi Dei. Sique, ut ajunt, finxit, Pythagoras mirifica, condonandum illi est ex parte, nam ignorabat plurimum de tractatione Dei cum hominibus; opinatusque est, deceptionem amorosam, in beneficium deceptorum, non esse peccatum: sicut cum Medicus porrigens Absinthium puero ægrotanti, dicit esse dulcem. Id confirmat Plato, asseccla ejus, & Origenes; in quam doctrinam D. Hieronymus in epist. ubi invehitur in August. & Patres Græci, minus sæveri sunt; quo ad mendacium officiosum. Ast in re tanta nescio, qui defendi potest, quod non

Quæ defunt Mahometti.

De notis Romuli, & consimilium.

De notis Jovis, Beli, pri scis adorati.

De Pythagoræ notis, & consimilium.

Denotis in Christo
potētissimis ad pro-
bandum, quòd sit a
Deo.

Prima Ratio uni-
versaliter pro Chri-
sto.

Quod Christus non
fuit deceptus, nec
deceptor.

Non ex Apostolo-
rum testamento.

In 4. de sensu re-
rum.

Ex communicatio-
ne potestatis.

Mat. 10.
Luc. 6. & 10.
Mar. 3.

Luc. 10.

Ex Apostolorum
simplicitate, & do-
ctrina luce.

fit quoque perniciosum; veluti id defendit Varro, à D. Augustino jure correctus.

I. Tunc è contra ad me dixi. Quis considerans Christum panis quotidiani indigentem, natum in stabulo, filium Fabri, humiliter educatum sine literis in arte paternâ, tantum aggredi, quòd se filium Dei affirmet, nec fundare in doctrina Philosophorum, neque in divitiis, neque in armis prædicationem suam, proculdubio, si non erat quod dicebat, audacissimam, cunctisque mortalibus judicandam impossibilem, quòd sit Deus verus, Creator, & Gubernator omnium, ille mendicus homo: sed in miraculis, toti evidentibus Mundo in promptu, & ubique, nullo prævio artificio, aut consultatione, & in propalando veritatem in faciem, contra Doctores, & Religiosos illius temporis, & contra Principes, & quoscunque violatores veritatis, & justitiæ; & mori tam constanter pro illa cælesti legatione, & bono nuncio, quod attulit Mundo, de Regno Dei, & perseverantem usque ad mortem in assertionem divinitatis suæ, & veritatis, & spei, cum prædictione eorum, quæ facturus erat post mortem, & suis ventura: Qua ratione, quæso, poterit (dicebam) quis suspicari fraudem, aut sui deceptionem in homine isto?

I I. At si ipse deceptus erat, persuasum habens per insanam imaginationem propriam, aut per aliorum sermonem, se esse filium Dei (nam & plurimi ipsum furiosum reputarunt etiam consanguinei, nedum Herodes, ejusque consimiles, ut S. Mar. testatur) & tanquam deceptus, & furens illam stultitiam prædicabat (sicuti & multos vidi furiosos sese Deos, ac Reges jactanter reputare) profectò tot miracula illi non affuissent. Nec potes credere, quòd ipse miracula per vafriam finxerit, nam si erat (ut ais) in se ipso deceptus, non poterat esse deceptor, & fictor. Nec Deus, qui Mundum regit, & in re quavis exigua mirabilem ostendit providentiam, concurrisset tot miraculis, ad ejusmodi stultitiæ vanissimæ confirmationem.

I I I. Item Apostoli, qui erant synceri, probi, idiotæ, inepti ad moliendas fraudes, & deceptiones, sed potius apti decipi, quàm decipere, non consensissent, neque mori voluissent pro defensione technarum, & fallaciarum Christi contra Principes, & Sacerdotes, & (ut videbatur illis) contra leges patrias divinasque.

V I. Si autem omnes unâ cum Christo decepti erant, non potuissent deinde per se, absente, vel mortuo Iesu Christo, tot miracula facere, & convincere Gentes, & Mundum totum patientia, & doctrina cælesti, signisque admirandis. Nec enim venenum Apulæ Araneæ mortua ipsa, in morsu perseverat, ut diximus de magia loquentes; quanto minus ista totius Mundi commotio in solo verbo?

V. Item quomodo poterat Iesus, cum esset furiosus, præbere illi potestatem contra spiritus malignos, & sanandi infirmitates, calcandi serpentes, & venenæ expellendi, ut testantur Matth. & Luc. & Marc. quòd miserit eos prædicare Evangelium Regni, absque pecunia, & calceis, & sine veste duplici; & dedit eis potestatem jam dictam. Quod ipsi impigre fecerunt, & reversi sunt exultantes, quòd tot miracula fecissent in nomine Iesu. Qui respondit. *Nolite letari in hoc*, videlicet, quòd miracula fecistis, & Dæmonia vicistis, &c. *Sed quia nomina vestra scripta sunt in Cælis*. Quibus in verbis ostendit mirificum spiritum humilitatis divinæ, & quandam certitudinem veritatis suæ in Cælo haustæ. Quomodo (inquam) poterat ista deceptus polliceri, & largiri; aut deceptor, cum videas idem effecisse realiter suos, & contigisse bene credentibus, ut & quæ prædixit?

V I. Si verò dicas, Apostolos idiotas etiam deceptos pariter fuisse: ac stellas eorum fuisse captis. Tunc objicio Lucam, qui manducabat, & bibeat cum Christo, & erat unus de 1 x x i j. Discipulis, Doctus in Philosophia, Poetica, Rhetorica, Medicina, in lingua Græca, & Hebraica, & Pictura: nec dignus fuit numero

mero xij. ascribere & Barnabam, qui fuit doctus in Lege.

VII. At & Paulus doctissimus in utraque lingua, & Poetis, & Philosophis, & in lege Hebraica; persequutor fœvissimus Christianorum, quomodo decipi poterat? quibus præstigiis, & ubi, & quando? Ipse nihilominus est, qui ait; *Signa autem Apostolatus nostri edita sunt apud vos in multa patientia in signis, & potentis*. Ecce diploma ejus, quo demonstrat, se legatum fuisse Iesu Dei sui. Et hoc post mortem ejus: unde Hæretici, & Gentiles falsò scripserunt, Christum misisse librum magicum ad Petrum, & Paulum: ignari etiam historiarum, ne dum mysterii.

Ex test. Pauli.

2. Cor. 12.

VIII. Adde tot doctissimos Principes Hebræos, ut Gamalielelem, Nicodemum, Josephum, Symonem, Lazarum, Stephanum, aliosque sæculi illius; qui Iesu crediderunt; & quod mirabilius est, ipsis Apostolis Hebræi, & Romani proceres fidem præstiterunt, ut Sergius Proconsul Romanus, Theophilus Præses Antiochiæ, Cornelius Centurio, alique plurimi, qui decipi non poterant à viris illiteratis, & puris, quales erant Apostoli, præsertim prædicantibus contra legem Romanorum, & contra commoditates, & delicias Mundi, quibus illi potiebantur.

Ex test. Principum Romanorum, & Iudeorum.

IX. Tota insuper hæc Schola Discipulorum sigillaverunt miracula, & prophetias, quas allegabant pro Christo, & pro Doctrina ejus, proprio quisque sanguine: nihili extimantes famem, carceres, naufragia, flagella, minas, blanditias, infamias, tribulationes. Sed hæc omnia amplectentes hilariter, cum quadam mirifica securitate, & certitudine, tãquam qui propriis continuò cernerent oculis Paradisum apertum, & Deum vocantem eos, & præstolantem ad immortalẽ gloriam. Equidem cum considero hanc cõstantiam, & certitudinem animi, comprobantur miraculis, & sanguine, obstupefco, & contremisco: Nec aliud dicere possum, nisi, quòd prædicabant veritatem certissimam, haustam in Cælo, & non in Terra.

Ex firmitate testimonium.

X. Hoc mirum etiam considera: Quòd Christus non promittit suis bona temporalia, sicut Moyses: neque delicias uxòrum multarum, & dominatum, & potestatem armorum, sicut Mahomettus, alique Legislatores; nec cathedras honoris, secundum humanam Sapientiam, sicut Philosophi; sed promittit ærumnas, carceres, flagellationes, anathematizationes, pressuras, & mortem; sed ne timeant, quoniam capilli quoque eorum numerati sunt apud Deum, nec cadet unus, absque ipsius voluntate. Ergo si interficientur, ut facientes Dei voluntatem, nolint timere eos, qui occidunt corpus, sed Deum solummodo, qui potest & animam mittere in Gehennam. Et his durissimis pollicitationibus, & moriens ipse primus crudeliter, & ignominiosè (quod sanè debuisset eorum frangere animos, & dehortari, ut fugerent doctrinam ejus, tanquam mortiferum venenum) tantam assequutus est gloriam, & sequelam.

Ex dictis factis, & conditionibus Christi.

Math. 10.

XI. Equidem summa animi attentione ipse considero, ejusmodi doctrinam, & duras pollicitationes suaderi verbis non posse iis, quibus ærumnæ diræ imminent: sed re verà eos miraculis plurimis, & visionibus certos fuisse redditos. Nec ista satis erant, sed infudit in eos Spiritum sanctum modo mirifico. Seque ipsum ostendit eis resuscitatum, & in Cælum ascendentem, ut eos tutos redderet de veritate sui dogmatis: & quòd ipsi pariter resurrecturi erant, & in Cælum ascensuri: alioquin post mortem Christi ignominiosam nemo ausus fuisset verbum de tanto seductore ullũ bonum proferre: sed revera ergo resurrexit, & ascēdit, & misit Spiritum. Quis unquam Moyses, aut Deus Gentium, vel modicum quid huiusmodi fecit?

XII. At ergo qui fieri potest, ut Apostoli prædicent Resurrectionem, & Ascensionem Christi, decipiendo semetipsos, ac ceteros? si enim decipiebant ceteros, non amplexi essent martyrium, & miseras in seipsos; si autem decipiebant.

Iterum quod Apostoli nec decipiebant, nec decipiebantur.

2. Pet. 1.

1. Ioann. 1.

1. Cor. 9.

Galat. 1.

Act. 1.

1. Cor. 15.

Act. 5.

Ex vita, & lege
eorum.Fragilitas, Ignorantia, & Malitia
testimonium infringunt, ut in 1. Metaph. & Topicis, quorum contraria in Apostolis fuisse circa ea quæ prædicantur.Occurrit objectioni
Mat. 19.

Ioann. 16.

Mat. 10.

Mat. 10.

Ibidem.

Ibidem.

Mat. 4.

Mat. 5.

Luc. 6.

Act. 4. & 5.

femetipfos, non fecissent miracula. Nec quidem fingi potest modus, quo ab alijs ipsi in negotio resurrectionis, & ascensionis delusi fuerint. Ecce quàm audacter dicit Petrus. *Non doctas fabulas sequuti, notam fecimus vobis Christi virtutem, & sapientiam, sed speculatores magnitudinis illius effecti, &c.* narratque transfigurationem ejus in Monte Tabor, & vocem quam audivit de Cælo. Et Io. epist. 1. *Quod vidimus, & audivimus, & manus nostræ contrectaverunt de verbo vitæ, &c. testamur, & annunciamus vobis.* Et Paulus. *Non nè Dominum Iesum vidi oculis meis?* & alibi *Ego Apostolus non ab hominibus, neque per homines, sed per Iesum Christum, &c.* Et Lucas, & ipse, conveniunt de apparitione sibi facta post ascensionem. In cæteris omnes contestantur. Et, *ibant gaudentes, quoniam digni habiti sunt pro Iesu contumeliam pati.* Quomodo igitur potuere hi decipi, vel decipere? quanto magis id confidero, & fingo ita esse, minus invenio.

XIII. Si vita eorum, ac Præceptoris contemplare, summam invenies innocentiam, probitatem, mutuam amorem inter se, & erga totum genus humanum: nullam jactantiam, aut ambitionem, aut cupiditatem inter eos. Videntur esse nati tantummodo ad beneficiendum, nullique nocendum, sed adjuvandum etiam inimicos operibus, & oratione ad Deum. Hac autem doctrina semper eadem perseveravit inter Apostolicos homines, verosque Christianos, & sic ubique prædicatur usque in hodiernum diem. Ergo fide quacunque digni sunt, undequaque, & usquequaque, Sunt enim probi, fortes, liberi, omisso timore, & cupiditate, veritatem propalantes. Sunt etiam sapientes ea, quæ prædicant. Nam eorum sensibus palàm manifestata est veritas Resurrectionis, & Ascensionis Christi, & miraculorum, & vitæ, & dogmatum; ergo testes sunt de visu simplices, puri: nec loquuntur opinativè de rebus non visis, aut non revelatis, sicuti Macchiavellistæ secus opinantes.

XIV. Nec propterea, quòd pauperes fuerunt, & Christus dixit eis, *Centuplum accipietis in hoc sæculo, & vitam æternam in futuro, & sedebitis super sedes judicantes, &c.* eorum testimonium infirmatur. Hoc enim præmium non est promissum illis, tanquam principale, in quo fundarentur tanquam possessores. sed promissa est eis pressura. In Mundo (ait) *pressuram habebitis. Vade, vende, quæ habes; & da pauperibus, &c.* Nolite portare sacculum, neque peram, neque calciamenta, neque duas tunicas, &c. Tradent vos in Conciliis, & in Synagogis suis, flagellabunt vos, &c. Nolite timere eos qui occidunt corpus, &c. Quin prædicatio Christi incipit. *Pœnitentiam agite, &c. Beati qui lugent, &c. Beati estis cum vos persequuti fuerint homines, & flagellaverint, & ejecerint, &c.*

Ergo illud centuplum, promissum est eis in bonis temporalibus, sicut additamentum ad magnum negotium, quòd operaturi erant; quasi admonendo eos, quòd providentia Dei illis, qui reliquerant propter Evangelii prædicationem, amicos, & parentes, & agros, aliaque bona, providisset eis, ut hæc illis non decissent, sed centuplum acciperent. Et verè sic factum est. Nam manducabant quæ dabantur; nec defuit illis victus, aut vestitus unquam; labores autem manuales, quos suscipiebant, nè scandalum avaritiæ olerent, voluntarii erant. Et quot quot homines Deo lucrabantur, fideles erant illis magis, quàm parentes, & amici carnales; & possessiones vendebant, & ponebant prætia ad pedes Apostolorum, qui distribuere omnibus. Et sic adimplebatur promissio, & non in possessione mundana. Et fundaverunt Ecclesiam in toto Mundo victoriosam, & potentem. Et quidem ita latabantur in tribulationibus, sicut in delitiis, & longè magis, si ritè contempleris ab initio. Porro, & hoc centuplum acceperunt non in morte

in morte Christi, in qua frangi potius, atque obmutescere debuissent; sed multo post in adventu Spiritus sancti. Et hoc centuplum pro nihilo habebant, nisi in Deo. Nulla ergo suspicio mendacii invenitur in eis; si enim in mendacio fundati essent, primis ictibus cadentes, cessissent.

XV. Plurimi Hebræi, & Turcæ, & falsi Christiani Evangelii historiam, & Apostolorum negant, & falsitatem inesse autumant, at temporis diuturnitate fidem nactas esse, quoniam in quadam Civitate, quam nominare nolo Macchiavellistæ pictis Apostolis flagellatis imposuerunt, titulum, *Pro falsariis*: propterea ipsorum testimonium iterum examinare non pigeat.

EXAMEN TRIUMPHI, ET PRÆCEDENTIÆ, qua pollent testificantes super opinantes: unde calumniatores Apostolorum omninò statim vincuntur.

C A P. X V.

I. **I** K O P T E R E A novo facto principio Metaphysico, in quo summa rerum, & disputationum, & negotiorum, & vitæ hominum, versatur, fundaturque, dixi sic inquirendo de Evangelio, eiusque testibus.

II. **P** ropositio omnis, aut vera est, aut falsa. Veritas & falsitas humanitus non cognoscuntur opinione, sed experimento omnium sensuum; nec ex revelatione opinantium, sed testificantium. Hoc principium asserere debent etiam Sceptici, qui negant omnem scientiam, etiam sensitivam. De quo manifestè conuincuntur in nostra Metaph. Lib. 1. primæ partis saltem quoad Quia est. Nemo enim videns me, negare potest, me nunc scribere. Nam & qui legent hanc paginam, dicent, me scripsisse. Quamquam enim quoad propter Quid, res omnis dubia esset, quia nullius quidditas perfecte cognosci potest, veritas tamen Quia est, cum sit historica, non potest pluribus dubia esse, certantibus ipsam simul ad lumen, cunctis sensibus adhibitis, non impeditis passione corporali, aut spiritali proprii amoris, aut odii.

III. Multi sanè scripserunt doctè, quod alterum hemisphærium Antipodum non extaret; & Lactantius Firmianus, Procopius Gazeus, & S. Augustinus, & sequaces multi doctissimi, ac piissimi, irridebant eos, qui extare asseriebant. Aliæ Philosophorum scholæ negabant. Aliæ ancepites erant. Tandem navigavit illorum Christophorus Columbus, invenit novum penè orbem, Antipodesque in altero hemisphærio. Et palam factum est, quòd ibi erant habitatores, & non Paradisus Terrestris, ut opinabatur Danthes, ut neque in Insulis Fortunatis, ubi Doctores, & Christiani, & Hebræi, & Gentiles ipsum posuerant; neque infinita aqua ut Xenophanes, & multi Philosophi; neque Tartarus, & inferi, ut Virgilius, & Iridorus; neque systemata plurima Terrarum, & Marium, & aeris, ut Mahomettus docuit. Et dixi, cuinam ex his nunc credendum est: huicne Nautæ idiotæ testificantem de visu, an Augustino, Lactantio, & Philosophis, & Poetis, & Legislatores? Nautæ Columbo prorsus. Ergo, dixi testimonium legitimum præcellit omnes opinioniones, licet Sapientum, & Sanctorum, dummodò quatenus opinantium tantummodo.

Principium, unde omnis veritas probatur, & ad quod resolvitur, cōtra opinantes.

Lib. 1. primæ partis

Credendum esse testificantibus, nō autem opinantibus quibuscunque.

Probatio, prima ex negato a Doctis, & Sanctis opinantibus hemisphærio altero, convictis ab uno testimonio.

tummodo . Item Arist. Virgilius, Ovidius, alique plurimi Philosophi, & Poetæ, & Theologi (quibus etiam quidam Sancti Doctores, & D. Thomas magis assentiendum judicant) negabant posse vivere, & habitare homines sub Aequatore, & sub Polis, ob nimium (ut putabant) calorem & frigus . At hodierno tempore Lusitani, & Angli, qui navigando contrarium viderunt, ostendunt Aristotelem mendacem, & omnes secum opinantes, & syllogismos eorum veritatem hic non affecutos .

Arg. 2. ex necessitate politica, & morali, & æconomica &c.

IV. Et dixi circumspectus . Profectò si existimatio, opinioque humana posset secundum naturam anteponi testimonio; hominum commercium, & Respublica omnis subito dissolveretur; nemo sciret cujus est filius: nec quòd sit legitimus prædij sui possessor. Quicumque enim alius dicere posset. Hoc est meum prædium, & probaret sic esse per syllogismum. Et tu non es filius Petri, sed Francisci, quia sic videris per syllogismum physiognomicum. Quòd si tu allegares testimonium vicinorum, & obstetricis, & instrumentorum, & codicillorum, nihil valeres contra sophistas in contrarium argumentantes. Item nec crederemus navigantibus, quòd extet alterum hemisphærium; neque historicis, quòd Cæsar fuerit in humanis; nec quòd Turcæ regnent in Constantinopoli; quoniam dicemus per opinionem syllogisticam, non debere Deum hoc permittere; & tandem nulla veritas substiteret, si testificantibus non plus fidei præstaretur, quam quibuscunque opinantibus Sanctis, sapientibusque. Omnesque historiæ rerum præteritarum falsæ haberentur, nullusque Rex ostendere posset, quo jure possidet suum Regnum, nec cujus filius sit.

Cōclusio quod miracula Christi & suorum negari nō possunt.

Ergo (concludo) quicumque negant miracula Christi, & Moyfi, & aliorum, & Historias autenticas propter opinionem contrariam, nullam merentur omnino fidem.

Arg. 3. ex sensuum testimonio necessario. Cui mens innitur, nō autem opinioni.

V. Deinde dixi. Naturale est homini propriis credere sensibus, eo quòd sunt testes ipsi animæ de rebus, quæ sunt extra nos. Alioquin sequendo opinionem, comederet amara pro dulcibus, noxia pro utilibus, alba diceret nigra, & somnia veritates. At ubi oculus luscus, & auris obturata, & gustus bilioso perfusus humore, haud quaquam præstatur sensibus fides absque errore. Ergo sensibus purgatis, mundis, & sanis modò credendum est. Pari modo naturale est alienis præstare sensibus fidem, nos enim omnia vidisse, & videre non possumus sensibus nostris. Ergo scientia rerum præteritarum, & absentium non esset scientia. Sed quia sensu nostro experti sumus aliorum sensus etiam veros esse, & nostris subseruire; consimiliter faciunt & ipsi nobis scientiam.

Qui sunt fide digni. Ex notis octo notantur.

VI. Deinde addidi. Sed testificantibus fide dignis dumtaxat credendum est, quòd fiat ex eis scientia. Tum, Ecquoniam digni sunt fide? Illi sanè, qui id, quòd sciscitamus, sensibus cognovere propriis.

2. Et non loquuntur ex opinione.
3. Et qui conformes sunt inter se non discordantes.
4. Et qui ab historiis contestationem habent aliorum scriptorum, at non malignantium, nec adversariorum.
5. Et qui non reperiuntur mendaces contra alias historias comprobatas omnibus veritatis notis.
6. Et qui ab inimicis quoque approbantur: quamvis hoc non semper sit necessarium.
7. Sed quòd sint probi non corrupti cupiditate, pecuniâ, ambitione, veluti Poetæ, & Historici venundati: nec timore Tyrannorum.

Et qui

Et qui loquuntur veritatem constanter, & certo, nihil vacillantes.

Ex quibus sane omnibus conditionibus simul palam fit, quod nec decepti fuerint, nec deceptores.

VII. At (dixi) hasce conditiones omnes invenio in Christo & Apostolis ejus. Quinimò nil profitentur aliud, quàm testificari semper, numquam verò opinari. Ecce ante omnes Iesus Ipse dixit. *Amen dico vobis, quod scimus loquimur, & quod vidimus testamur: & testimonium nostrum non accipitis? &c.* Et loquitur cum Emphasi, quasi dicens, naturale est credere testificantibus, tu autè non credis? Ecce quibusnam credes? opinantibus ne? &c. Et Joannes Baptista vocatur testis Christi. *Et missus, ut testimonium perhiberet de lumine* Et Apostoli mittuntur à Christo tanquam testes de visu, *Eritis mihi testes in Judæa, & Jerusalem, & usque ad ultimum terræ.* Et Petrus eleganter dixit animadvertite quoniam non opiniones, Neque doctas fabulas sequuti. (Sicut de Jove, & de Mercurio, aliisque falsis Deis narrantur à Gentibus) *Notum fecimus vobis Christum, sed speculatores magnitudinis illius effecti.* Accipiens enim honorem & gloriam à Deo voce de Cælo delapsa. *Hic est Filius meus &c. ipsum audite.* Et nos audivimus vocem hanc, cum essemus cum illo in Monte Sancto &c. Et insuper habemus firmiorem propheticum sermonem &c. Quoniam Prophetæ omnes prædixerunt adventum ejus & Deitatem, & conveniunt testimonia præterita, præsentibus. Sic & Ioannes semper scribit. *Quod vidimus, quod audivimus, & manus nostræ contrectaverunt &c. scribimus, & testamur, &c.* Et alibi. *Hic est discipulus ille, qui testimonium perhibet de his, & scripsit hæc; & scimus quia verum est testimonium ejus.* Ecce quomodo tota Christi schola fundatur in ipso puro & synce-ro testimonio nulla misto opinione. & Paulus, Si Christus (ait) non resurrexit invenimur falsi testes adversus Deum, dicentes, quia resuscitavit Christum à mortuis, quem non resuscitavit &c. Ergo vana est fides est vestra &c. Ergo nec nos resurgemus &c. Nunc autem Christus resurrexit, &c. Apparuit Cephæ, deinde undecim; deinde plusquam quingentis fratribus; Deinde Iacobo: Deinde Apostolis omnibus, novissimè autem mihi. Igitur conclude: Quicumque loquitur contra Apostolos testificantes, propterea, quod ipse opinatur contrarium, aut quivis alius, fide dignus est nulla prorsus.

VIII. Convenientiam tantorum testium deinde examinavi. Et vidi in doctrina morali concordiam, ingenti admiratione dignam. In omnibus Philosophis, & libris, annotantur contradictiones plurimæ, & dissensiones eiusdem Autoris, nè dum discipulorum; qui sanè pleni sunt discordia, & pugna de sensu Autoris, & proprio, ut apparet inter Peripateticos, Hippocraticos, Stoicos, Pythagoricos, & Platonicos, & Epicureos: Magis autem inter discipulos primarios Mahometei, qui confestim quatuor contrarias condidere sectas. At inter Christi discipulos unitas spiritus admirabilis; & pax, & consensio in tota doctrina dogmatum, atque morum: & in modo persuadendi per miracula, & testimonia Prophetarum, & signa confirmata virtutibus, & probitate vitæ, & charitate arctissima inter eos, conspiciuntur.

IX. Circa historiam verò in principalibus, quod Christus natus est Filius Dei, quod prædicavit; fecit miracula, & discipulos: quod Ioannes Baptista fuit præcursor ejus; quod uterque violenta occubuerit nece: quod Christus resurrexit: dedit Baptisma: ascendit in Cælum, quod fecerit carnem Eucharistiæ; quod promiserat Spiritum Sanctum: in his, inquam, omnibus conformes sunt omnino. Preterea conveniunt cum omnibus Prophetis antiquis; nullamque historiam allegant fallo

Conditiones veracis
testimonii omnes: co-
veniunt Christo, &
Apostolis.

Ioan. 3.

Ioan. 1.

AA. 1.

1. Pet. 1.

1. Ioan. 1.

Ioan. 22.

1. Cor. 15.

Concordia testimo-
niorum Apostolico-
rum.

Conveniētia in sub-
stantia.

Disconvenientia in
accidentalibus non
in re, confirmat testi-
monia.

In lib. de Consen-
Evangelistarum.

Ioan. 22.

Act. 20.

De concordia testi-
moniorum Evange-
licorum cum omni-
bus historicis, & Do-
ctoribus per totum
vices perpetuo eadē
durante ab Aposto-
lis usque ad nos.
Primum sæculum.
Secundum sæculum.
Tertium sæculum.
Quartum sæculum.
Quintum sæculum.
Sextum sæculum.

Arg. ex firmitudine,
& augmento in per-
secutionibus.

falsò, aut falsum, ut rectius ex Hieronymo docemur. At verò discrepare videntur in plurimis extra substantiam negotii. Alius ponit horam tertiam, alius sextam, alius unum, alius duos à Dæmone liberatos ibidem; alius unum Angelum in sepulcro, alios duos: alius Spiritum Sanctum datum insufflante Christo; alius de Cælo missum post quinquaginta dies. Adventum Magorum, & quasdam parabolas solus scribit Matthæus: miraculum Lazari, & Cæci nati, & Piscinæ, & æternitatem Iesu Verbi Dei solus Ioannes: Annunciationem Gabrielis ad Mariam, & Zachariam, & pastorum adorationem, & cantica, & Mundi descriptionem, sub Augusto factam, apud Lucam modò legimus. Hæc & alia diligenti perquisivi examine, sed me multo magis in fide confirmarunt. Nam constat testes non ex condicto per dolum convenisse ad scribendum eadem eodem modo, ut nos deciperent, neque ut deceptos à Dæmone eadem dictante prorsus: sed scripsisse veritatem eandem variis modis seorsum alium ab alio: veluti etiam fideliores habentur testes in iure Civili separatim, aliquantulum in modo explicandi discrepantes, sed non in substantia. Videmus etiam idem negotium in eodem Conventu nostro factum, aliter atque aliter ab aliis narrari: ut nusquam prorsus conveniant in cunctis: sed in substantia facti tantum: ergo substantia eventus haud quam negari potest propter has varietates. Præterea has dissentientulas consentientes facit Augustinus, & Hieronymus & alii, & Christus apud Brigidam optimè satisfacit. Præterea quod alius tacuit, alius dixit absque mendacio; nam & in vera Logica, locus ab auctoritate negativus non valet ad convincendum. Et Ioan. dicit, *Alia fecit Iesus, quæ non sunt scripta in libro hoc; neque mundus caperet qui scribendi essent libri*, & Paulus allegat verba Christi, quæ non reperiuntur in quatuor Evangeliiis, videlicet, *Beatus est dare, quam accipere*. Et palam est, quòd Ioan. prætermisit dicere, quæ alii priores dixerant scriptores; ac scripsit, quæ deerant post multos annos.

Præterea quatuor Evangelia concordiam habent miram cum antiquissimis scriptoribus Christianis, qui fuere in tempore Apostolorum, ut Ireneus, Policarpus, Papias, Dionysius, Clemens Romanus, Martialis, aliique Coætanei. Quibus succedere, Tertullianus, Justinus, & Lactantius, Ammonius, Clemens Alexandrinus, Origenes, & eorum coætanei; qui etiam habebant Evangelium secundum Hebræos: multaque scripta non satis autentica; & Ecclesia illa non retinuit tanquam non solidissima, tametsi Origenes utitur pluribus, & Clem. & Hieron. Hos postea sequuti sunt Didymus, Ciprianus, Basiliius, Chrysostomus, Athanasius duo Cyrilli, duo Eusebii, duo Gregorii, vel tres Nazianzenus, Nyssenius, & Theodoretus. Post hos vides Ambrosium, Hieronymum, Augustinum, Hilarium, Fulgentium, & coætaneos. Et mox Isidorum, Gregorium, Anselmum, Bedam, et alios usque ad Bernardum, Hugonem, Richardum. Mox Albertum, Thomam, Bonaventuram, Alex. Alensem, Scotum, Durandum, Hugonem, ceterosque Scholasticos: et hi omnes quasi per manus transmiserunt ad sæculum nostrum easdem scripturas. Nec inter tot persecutiones Tyrannorum, et mortes Christianorum, et sæculi mutationes, et bella Barbarorum, potuerunt unquam hæc veritates ab ipsis scriptæ, extinguere. Sed quod mirabilius est continuò perpetuoque Christiani aucti sunt numero, et viribus. Et cum occideretur unus, resurgebant mille, ita prorsus, ut promisit Iesus, *Si mortuum fuerit, multum fructum affert*. At si arma Mahometanis auferas, statim eorum secta annihilatur, sicut in Hispania vidimus, et in Africanis oris, et Insulis.

XI. Præterea conveniunt cum Scriptoribus Christianis inimici eorum. Ioseph enim

enim Rabbiorum doctissimus, qui scripsit antiquitates, & Romæ pluribus honoratus est Statuis sub Vespasiano Cæsare, narrat Christi sanctitatem, & miracula dicens, fuisse magnum in opere, & sermone. Et addit. *Si tamen hominem fas est illum dicere.* collaudat pariter, & Ioann. Baptistam, non secus ac Euangelistæ ipsi. Et de Iacobo longè plura, tanquam de viro sanctissimo ita, ut putaretur propter ejus necem capta fuisse Ierusalem sub Tito. Extat & testimonium Aegissipi Hebræi, qui etiam Christianis adhæsit. Lentulus quoque de Christo scripsit ad Tiberium Cæsarem tanquam de Deo; & Tiberius in Senatu de adscriptione Christi inter Divos oravit, ut Tertul. ex scriptoribus gentilibus refert. Philo Hebræus sapientissimus collaudat Religionem Christianam, & mirificè scholam D. Marci in Aegypto, & vivendi modum philosophicum in communitate. Adde decem Sybillarum Gentilium testimonia, & Trismegisti, & Platonis, & Socratis, expectantium adventum ejus, & docentium simillima Theologiæ illius. Plures credo Baronius allegavit testes Gentiles, & Hebræos, similiter Cyrillus, & Chrysost. Clem. Alex. Just. & alii hoc prosecuti argumentum.

XII. Præterea Judas, qui vendidit Christum, scripsisset de dolis, & machinamentis illius, & Apostolorum, ut se ipsum excusaret. Sed ipse poenitentia ductus, laqueo se suspendit. Ergo nullum mendacium in eis agnovit: quamvis inter primos à secretis fuisset. Item & Cæsarij Hæretici, qui Judam colunt, dicunt esse laudem dignum, quia cum nosset Mundum esse redimendum per mortem Jesu, tradidit eum Judæis bono zelo. Ergo inimici nostri sunt pro nobis.

XIII. Præterea Romani scriptores sagacissimi, ut Cornelius Tacitus, & Suetonius, dicunt sectam Christianam esse superstitionem, veluti & Hebræorum; sed tamen nullum Christianis adscribunt crimen, aut dolos, sed potius simplicitatem innocentiamque. Item scribunt Neronem falsò imputasse Christianis incendium Urbis, quod suæ ambitiosæ crudelitatis opus fuit; & aliis adscripsit. Præterea miracula eorum ab Antonino Pio contestata allegat S. Justinus coram ipso Imperatore in Apologia; & extat Romæ in Columna Antoniniana sculptum testimonium. Irrident quidem omnes ferè historici Romani simplicitatem, & idiotismum Christianorum, sicuti solent, qui nolunt veritatem subtiliter inquirere: sed tandem victi, cessere miraculis, & sanguini tanto, cum essent lasi, occidendo eos, qui sicut herba germinabant.

XIV. Amplius, universa Apostolorum contestificatio confirmatur miraculis, & sanguine, non solum ipsorum, sed etiam successorum. Ergo nec activa, nec passiva deceptio reperitur in eis.

XV. Amplius, novimus eos nulli obnoxios metui fuisse: si enim mortem non timebāt, & omnes vitam pro fide illa posuerunt, quid nam aliud timere potuissent?

XVI. Quòd autem cupiditate, & ambitione caruerint, idem contemptus mortis docet, & communitas vitæ: & rerum despicientia terrenarum. *Omnia arbitratum sum stercora*, (ait Paulus) *propter eminentem scientiam Domini mei Jesu.* In idipsum omnes maximè uniformiter consentientes in summo gradu comperies, & perscrutare quantumvis acutè, nodum in scirpo quærens.

XVII. Fuerunt Hæretici multi, sicut in Mahomettana, inter Christianos; sed successione auctorizata, & miraculis caruerunt: & pravitate in moralibus, & cæremonialibus introduxerunt. Solus Petrus Apostolus retinet solum Christi, sicut promissum est ei; *Quod non deficiet fides ejus, nec Porta Inferi prævalent, &c.*

XVIII. Ex his è contra, adversus Mahomettum argumentatus sum.

I. Cum

Argumentum ex testimonio inimicorum.

Antiq. lib. 18.

Cõfirmatur ex actis Judæ proditoris.

Ex Romanorum testimonio.

Arg. ex confirmatione testimoniorum Apostolorum.

Arg. ex vitæ probitate intrepida in tormentis.

Probitas demonstratur.

1. Cor. 4.

Occurrit objectioni de Hæreticis, & cõfirmatur ex eis veritas Catholica.

Luc. 22.

Matth. 16.

ATHEISMUS TRIUMPHATUS.

144

Arg. contra Mahomettū ex prædictis notis deducta.

1. Cum enim Discipuli sui sint penitus discordantes.
2. Et ficti.
3. Et terrenorum cupidi, pro his zelantes: fide indignus reperitur.
4. Nam præterea neque sanguine successores ejus fidem suam confirmarunt, neque ipse; nisi quis interdum idiota deceptus, nullum ostendente Deo signum in morte ejus, necari se permetteret.
5. Profert etiam falsitates diabolicas. Acceptat Evangelia: & deinde negat Christum mortuum fuisse crucifixum, ac esse Filium Dei consubstantialem: & textum Joann. *In principio erat Verbum, &c.* vertit in suum triumphum. Sic & Ismaelis historiam, à quo ipse descendit, præclariorem facit secundum Deum, quam Isaaci, & aliorum Patriarcharum; & innumeras fingit de omnibus fabellas.

De Christi divinitate, suppositis testimoniis Sacrae Scripturae, demonstrationes sunt, ut D. Thom. in 4. contr. Gent. probat.

XIX. Equidem diligenter inquisivi veritatem divinitatis Christi; præsertim quia & ante Mahomettum ipsam negarunt Cherintus, & Photinus; qui & Ioannis Evangelium explodunt. Sed Paulus Apostolus me certum reddidit omnino: dicit enim ad Rom. 9. *Ex quibus Christus secundum carnem: qui est super omnia Deus benedictus in secula, &c.*

Col. 2.

2. Cor. 5.

1. Joan. ult.
Joan. 1.

1. Nil curo punctuationem sacrilegam Servetanorum in hoc; quia veritatem mihi quæro non contentionem.
2. Item ad Coloss. 1. *Qui est primogenitus omnis creaturæ, &c. In quo condita sunt omnia visibilia, & invisibilia, &c. Et ipse est ante omnes, & omnia in ipso constant, &c.*
3. *In quo inhabitat omnis plenitudo divinitatis corporaliter, &c.*
4. *In quo sunt omnes thesauri sapientiæ, & scientiæ Dei absconditi, &c.*
5. *In quo erat Deus pacificans sibi Mundum.* Aliaque plura testimonia evidētissima, quæ dici non possunt, nisi de ipso Deo æterno, & vero. Et conformia sunt Ioanni, cum ait.
6. *Hic est verus Deus, & vita æterna.*
7. Et cum ait. *Erat Verbum,* (hoc est prima rerum omnium Ratio, & Sapientia) in principio.

Et Verbum erat apud Deum. Sic patet distinctio personalis, quia quod est apud aliud, distinguitur ab eo, apud quod est. *Et Deus erat Verbum &c.* Ecce unitatem essentialem contra Arrum, facientem Christum Deum minorem, & creatum.

8. Sufficit Matt. 28. *Baptizantes eos in nomine Patris & Filii & Spiritus Sancti.* Quo jaculo confoditur & Macedonius. Si enim Spiritus Sanctus, & Filius, essent minores, & creaturæ, impium, sacrilegum, & stultum crimen Christus commississet, æquando eos in regenerationis animæ intrinseca divina operatione. Scimus autem Christum ex aliis Sapientem, & pium. Item ratio docuit, rationem esse idem cum ratiocinante: multo autem magis in Deo, qui est idem cum suo intelligere, ut in Metaph. docemur. & Stoici, & Platonici, & Trismegistus odorem & sermonem aliquem de hac veritate habuerunt.

9. Sed ad testimonium pauperum piscatorum præclarissimum non trāscenderunt: Quod nimirum rubore perfundere deberet quemcunque incredulum arrogantem. Qua ratione, quæso verba illa, *In principio erat Verbum, &c.* Fingere potuisset homo, nesciens legere, neque scribere? An non Isaias, & Jeremias, Christum Deum, & Jeova annunciant? An invenies discordiam inter eos? Quis Apostolorum non vocat Christum *Filium Dei*?

Ergo stultitia est eorum, qui dixerunt, Christum finxisse negotium resurrectionis Lazari, aliaque miracula. Multo autem minus propria, & post mortem finxisse putandus

putandus est. Et quicumque contradicit Apostolis, is mendacii vincitur, tanquam cæcus opinans, & non testificans oculatus, quales illi fuerunt.

X X. Equidem secundum rectam philosophiam persuasum habeo prorsus, quia evidenter credibile est, quod sit verum Christi Evangelium. De Moyse quoque ex eo quod præconizavit Christum, & Christus confirmat dicta Moyse, vehementer confirmare concluditur alias suæ veracitatis causas. Et revera hoc argumentum magnum est divini testimonii. Examinavi Prophetas: & vidi omnes uno ore prænunciare quendam Mundi Salvatorem, nedum Hebræorum. Dixit Deus ad Abraham, quod replicavit Isaco, & Jacobo, quod *In semine suo benedicendæ forent omnes nationes terræ: & quod hæres esset Mundi: & semen ejus sicut Stellæ Cæli multiplicandum valde, & nimis, & sicut arena maris*. At si Christus non venisset ad verificandum hoc oraculum positum à Moyse, careret quidem Moyse testimonio præcedenti: non enim invenitur, qui ejus adventum, & legem prophetaverit, regnumque sacerdotale; sed ipsemet scribit propriam historiam; & testimonia Abraham, Isaac, & Jacob; quibus factæ, & confirmatæ fuerant repromissiones. Sed quod prænunciavit Moyse populo suo, quod captivus sæpe futurus erat, & transmigraturus in regiones diversas, & sæpe, & passurus ærumnas atroces; Accidit Hebræis vicibus multis: & hæc est postrema, cui remedium non inveniunt. Omnes præterea Prophetæ discipuli Moyse, & ipse David, qui ipsorum videtur Princeps, & Magister, qui miraculis, sanctitate, & doctrina, & sanguine interdum, nos certos faciunt de lege Moyse, pariter præmonstrant venturum fuisse de semine David Salvatorem, qui instauraret Regnum Israel, & promissiones Abraham, ut *hæres esset Mundi*.

Ex testamēto Christi
Moyse testamē-
tum lōge magis cō-
firmatur. item ex
prophetia Moyse.

Gen. 12.
Rom. 4.

Ex testimonio Pro-
phetarum de Chri-
sto.

Protectio Judæi injuste negant Jesum esse Messiam. Illum ipsi expectabant, & venit ille, quem expectabant, & dixit, quod ipse esset: & hoc ostendit miraculis, sicut Moyse; & sanguine plusquam Moyse, & testibus, & probitate vitæ; & Prophetis, quos non habuit Moyse: cur nam nunc non præstant illi fidem?

Occurritur Judæo-
rum negationi, &
convincuntur, quod
credere debēt Chri-
sto plusquā Moyse.

Examinaui causas perfidiæ, & inveni, quod desiderant in primo adventu ea, quæ promittuntur post mortem ejus fieri paulatim in Ecclesia, et complenda sunt in secundo adventu, ut maximè patet ex cap. 53. Isaïæ, *Quod fortium dividet spolia &c. & omnia trahit ad se, & fiat unum ovile, & unus Pastor*, Et æculum illud aureum, quod in superioribus declaravi examinibus; et ostendi errores Judæorum, & Mahomettanorum ex hoc etiam capite pendere. Hæc scripta sunt latissime in Prophetalibus.

Potissima causa ob-
stinationis Judæo-
rum contra Chri-
stum.

Inveni deinde consensum inter Prophetas, & Apostolos mirabilem. Et Isaïas, & Zacharias, me in stuporem traxerunt, considerantem nimiam certitudinem, & quasi historiam faciendorum per Jesum: & hic prophetavit unā cum Aggeo excidium Jerosolymæ, quando edificabatur sub Zorobabel, ne quis possit fingere fuisse loquutum de Chaldaica eversione, & reedificatione, quæ tunc fiebat. Præterea Sybillæ admiratione perfundunt quemcunque horum pericrutatorem; cum viderit quanta certitudine negotium Jesu totum ad unguem prædixerint. Et Lactantius, alique viderunt scripta earum, & Cicero latine vertit oraculum Sibillæ, quæ pronunciat Jesum Salvatorem per Crucem: & tateatur expectari Monarcham Mundi suo tempore; quod tamen illi displicebat, ne Respublica corrueret. Plato & Socrates in libro de Sanctitate, & devoto, expectabant Legislatorem et instauratorem cultus veri Dei. Trismegistus etiam Regeneratorem hominum, et cultus divini instauratorem præstolabatur,

Ex Isaïa, & Zaccha-
ria plenitudo testa-
de Jesu.

Ex Sybillis testimo-
nium.
Ex Cicero.

Ex Plat. & Socrat.

vocandum Filium Dei, in Asclepio. Et Sybilla eundem expectatum sæpe col-
laudat. Idem Divus Augustinus didicit ab eis. Et veluti nunc omnes gentes
Judicium universale expectamus, sic tunc temporis expectabatur Christus. Quod
Aggeus Propheta Hebræis significavit dicens: *Veniet desideratus cunctis gen-
tibus*: Eadem expectatio palam est in Dialogis Trismegisti. Et Judicii finalis,
& omnium fere dogmatum Christianorum.

X XII. Nec Astrologi hujus debent esse cognitionis expertes: quia, ut San-
ctus Leo serm. 4. Epiph. *Ad roborandam hanc fidem, quæ contra omnes præ-
muniebatur errores, ex magna gestum est divini pietate consilii, ut Gens in
longinqua orientalis plagæ regione consistens, quæ spectandorum Siderum
arte pollebat, signum nati pueri, qui supra totum Israel regnaturus esset, ac-
ciperet. Nova etenim claritate apud Magos Stellæ illustrioris apparuit, & in-
tuentium animos admiratione sui splendoris implevit.* similiter Sanctus Augusti-
nus ait. *Aspexit Magus, obstupuit Astrologus, putavere Fatum; sed fuit si-
gnum &c.* At venientibus ad cognoscendum quod astrologicè cernebant, Spi-
ritus Sanctus supplens quod deerat pio officio, Deum esse in animo inspiravit,
ut adorarent. Plures nati sunt eodem tempore, qui finxerunt se Messiam
esse, ut narrat Lucas & Joseph, & interfecti sunt, sicut Jesus: sed ille quia
verus erat Messias, vicit moriendo, illi verò annihilati sunt. Et credo, quod
quemadmodum in fine Mundi signa in Cælis constituet sui secundi adventus,
sicut legimus in Evangelio; ita ante, & circa primum adventum fecit, ut non
deessent influentiæ cælestes, & mirabiles homines Mundo promittentes, &
quod Deus in Stellis signa omnia naturalia, quorum sunt causæ, ut Plato, &
Origenes, & Divus Thomas testantur, & insuper multorum supernaturalium,
quorum non sunt causæ, essent signa, ut monet Sanctus Augustinus, & Theo-
logi non vulgares. Dixit Joannes Baptista, quando & ipse ut Messias habeba-
tur, & discipuli indignabantur, quod Jesus plures faceret discipulos. *Nemo
potest accipere, nisi quod illi datum fuerit de Cælo; Hoc est ab Autore Cæ-
lorum; quem nihil prohibet in eodem Cælo signare quæ mirabilia vult facere,
cum illorum sit Dominus. Sunt enim omnia in Deo Idzalter, & sicut in Opi-
fice; in Angelis administratoriis Cælestium, & Terrestrium, sicut in discipulis
exequentibus Idzationem; & in Cælo, sicut in communi sigillo formationum;
& ut Trismegistus ait, in Pantoformio; & in Elementis instrumentaliter;
& in elementatis, ut in susceptivis postremis. Et quidem Sidera Christo,
in quantum erat Deus servire decebat, tanquam signa ab ea posita pro no-
bis: at in quantum homo passus est ab eis calorem, siccitatem, multaque, quæ
homines veri patiuntur, prout ipse præordinare voluit. Porro sub eadem con-
stellatione eadem in nobis deberet procedere operatio, cum Cælum de se uni-
formiter influat; sed tamen diversæ operationes in nobis sequuntur propter
diversas affectiones nostras, prout vitio, vel virtute nosmetipsos regimus.
Unde D. Thom. propterea, ait, etiam de arbitrariis Astrologum sæpè verum,
pronosticari, quoniam sensum, subditum Stellis, potius, quam intellectum, non
subditum, sequuntur; sicut temporibus nostris potens constellatio indicavit Luthe-
rum, & Serifum, & Sofium, per religionem falsam seducentes orbem, & è con-
tra simul indicavit Ignatium cum Jesuitis suis, & Capuccinos, & Fernandum Cor-
tesium. Animus semper liber est, & quancunque per impressionem in sensibus mo-
vetur ex constellatione, exque ea in se modificata secundum naturam recipientis,
tendit ad bonum, vel ad malum, prout quisque est affectus, & utitur bene, vel male
motio-*

Arg. ex Sideribus
pro Christo.

Ser. de Epiph.

Joan. 3.

3. contra Gen. ex c.
81. usque ad 90.

motionibus suis. Eadem pluvia descendente de cælo, alii Nautæ ad vovendum, alii ad blasphemandum sese ferunt. Cometam nascentis Jesu notavit Calcidicus Platonius super Timeo, & Magi Orientales: sic mutatio Arietis in Taurum, & omnis signi in omnem signum, seu locum signi in spatio immenso; & conjunctio magna in primo Trigono peractis cæteris; & novitas Anomalix, paulo ante Jesum cæperunt; & jam *motum est cælum & terra*, ut non ineptè verificari etiam in hoc pos-

Aggei 1.

fit quod dicebat Propheta quando *venit desideratus cunctis Gentibus*, obstupente Mundi machina ad Dei sui Incarnationem, ut enim Hieron. inquit, omnia sentiunt creatorem, quamvis nobis sint insensibilia. Ergo non asserat increduli Stellæ, fecisse hoc, sed Deum. Stellæ enim à Deo fuerant ab antiquo ad hunc dispositæ ordinem, secundum mensuram providentiæ suæ. Et jam in horum consideratione immoratus suspicando rationabiliter ex mutationibus irregularibus Apogeorum, eccentricitatum, & obliquitatis, & Soltitiorum, & æquinotiorum, Stellæ cieri ad nutum Dei, video: Qui sane cum vult accelerare, aut tardare, accelerat, tardatque motus earum, de quo alibi scripsi; & ostendi: *ex quo dormierunt patres non perseverare sicut ab initio omnia*, ut prophetavit Petrus Apostolus, dicturos esse Peripateticos, & Macchiavellistas illulores, Mundum æternantes, propterea quod cælum semper eodem motu, & situ, & regula, ipsæque stellæ motæ sunt, unde Arist. immortalitatem Mundi probat in primo Cæli physico argumento: (Nam cæteræ rationes, quod daretur motus ante motum, & tempus ante tempus, sunt Logicæ, & inanes) siquidem in præfatis exorbitantiis cuncta irregulariter semper, idest non secundum primordiale regulam insensatæ naturæ cieri; sed prout opificio Dei sapienter moderantis mutantisque mirificentissimo, opus est, agnoscimus. Vide Metaph. & Prophetalia.

2. Pet. 3.

XXIII. De Mahomette autè prophetiam non invenio, nisi tanquam de *Antichristo, qui solvit Jesum*, ut dicit Joan. & quæcunque Christus dixit, eventus cōprobavit.

Arg. ex Veteribus contra Mahomettē.

1. Nam mox accidit Jerosolymitanum excidium, & non remansit lapis super lapidem sub Tito, & Vespasiano.

1. Joan. 4.

2. Et renouatio sæculi.

3. Et totus Mundus fidem ejus accepit, ut ipse dixit.

4. Et mors, & præssura, & victoria Apostolis prædicta.

5. Et quod Jerusalem calcabitur à Gentibus, donec impleantur tempora nationum. Ergo Antichristus est ipse Mahomettes, vel insignis ejus præcursor: post quem caput unum adhuc surrecturum de Secta illius est diabolicum præ cæteris maxime, omnium pravitates recapitulaturum. Notas alibi dicam. Nam, & eas fatis examinavimus.

In Prophetalibus.

XXIV. Insurrexerunt hæreses, sed non negant Christum & Apostolos, neque testificantur contra Historiam Evangelicam; sed contra sensum Catholicum, controversias dumtaxat cient. Ecclesia semper firma permanfit inter toturbationes hæreticorum, & Tyrannorum; quia Christus dixerat: *Portæ Inferi non prævalebunt adversus eam*: Primatum Petro traditum, *Pasce oves meas &c.* confirmas fratres tuos &c. *Tibi dobo claves &c.* Semper stare fortiores vidimus. Adventus ejus, quàm proximus sit, mihi indicat Cæli exorbitantiæ, & signa in Sole, & Luna, & Stellis: charitatis defectus, & Spiritus fidei ecclipsatio apud eos, qui terram contra Solem interponunt, vel Lunam instabilium cogitationum. Ecce cum Apostolus dixisset: *Ecclesia est columna, & firmamentum veritatis*: comprobatur hoc dogma quadam emphasi certitudinis mirificæ. Profecto (inquiens) *magnum est pietatis Sacramentum, quod manifestatum est in carne, justificatum*

Ex firmitudine præ-nunciata pro Ecclesiæ Romanæ fide.

Matth. 16.

Joan. 21.

1. Tim. 2.

est in spiritu, apparuit Angelis, prædicatum est Gentibus, creditum est in Mundo, assumptum est in gloria, &c. O quam verè!

Arg. ex adimpletio-
ne, promissionis
Abrahæ.

Gen. 12. & 15. & 22.

Gen. 16.

Rom. 11.

Cōclusio pro Mose.

Ex propriis convin-
tur Mahomettis.

Mahometti Profetia
mendax probatur.

Arg. ad hominem ex
Astrologia, ex qua
Mahomettani con-
vincuntur, & Genti-
les, & ex parte Judæi

D. Thom. opusc. 20.
lib. 3. c. 6. Judæos Sa-
turninos propter hoc
aliorum consortium
aspernari. docet.

XXV. Videmus etiam promissionem Abrahæ compleri, ut sit *Pater omnium Gentium, & semen ejus, sicut arena Maris, & sicut Stelle Cæli*; quoniam Judæi, filii ejus secundum carnem per Mundum dispersi torum, ut *testificarentur unum Deum Gentibus*, ut dixit Tobias: *ut sint nostri librarii*; ut dicit Augustinus. Turcæ verò, Persæ, Arabes, Mauri, profitentur se descendere ab Abraham secundum legem per Ismaelem, à quo Mahomettes eorum Legislator originem trahit. Sic Tartari per Cinghum, qui ex decem tribubus sub Salmanassar translatis. Et omnes tanquam patrem colunt Abraham. Et verificatum est, quod dixit illi Deus de Ismaele; quòd *de ipso Principes, & Reges nascituri erant, & manus ejus contra omnes. & manus omnium contra eum*; Et quòd magna pars mundanæ possessio-
nis ad ipsum spectet. Sed hi pertinent ad arenam Maris. At promissio bene-
dictionis cælestis, & super stellas Cæli, & Monarchia Sanctorum postrema, de-
betur Isaac, & semini ejus, quod est Christus. Sic etiam Christiani omnes profi-
tentur se descendere ab Abraham, quia inserti sunt à Christo, tanquam Oleaster
olivæ, Davidicæ prosapiæ Regiæ, teste Paulo. Cætere Nationes paulatim ad hanc
filiationem convertuntur; nec jota unum invenio, quod non adimpleatur, quan-
do rectè considero.

Quapropter ex propriis prædictionibus, & sequela Prophetarum, & qualitate
miraculorum, manifestè comprobatur Moyses esse Nuncius Dei. Adde præterea
firmiorem Christi contestationem.

XXVI. Mahomettes è contra prædixit; non surrecturum post se Prophe-
tam alium. Hoc autem falsum convincitur: quoniam Cinghus fuit post eum, qui
& à Tartaris suis, tanquam Propheta, sicut Mahomettes, habetur. Item secun-
dum quosdam Arabes, qui vitam ejus scripserunt, quorum testimonio utitur Car-
thusianus, prædixit se post mortem resurrecturum, & ascensurum in Cælum: &
mendax inventus est: Proptereaque sequaces sui projecerunt corpus ejus, cum ex-
pectassent præscriptum tempus, & non nisi foetorem vidissent. Deinde Haly colle-
git corpus, & revocavit socios, qui dissiliebant soluto cœtu; & suasu duorum
Judæorum, qui sequebantur Mahomettem, suscepit titulum Prophetæ, & quòd
Mahomettus Tyrannicè occupat, Mechæ Regnum: sed per invidiam occisus est
à Bubac; qui tanquam benemeritus magis de Mahomette, aspirabat ad Tyranni-
dem. Cæterum scribere omnia mendacia ejus historica propheticaque impossi-
bile est. At ex dictis habentur multa.

XXVII. At verò, si licet nobis, minus has rationes probantibus, ad Astro-
logos, & ad ipsos credentes politicos, qui Deo, divinisque viris non credunt,
argumentari per cælestia in his magni momenti negotiis, cum meliora spernant,
asserò etiam convinci eos ex eorum principiis. (Nam veritas etiam à Diabolis
testimonium habet, ut dicit Chrysost. ex Oraculis Daphnidis, & ex Balaam, &
ab omni scientia.) Sciendum ergo, quòd secundum numerum annorum commu-
nem Moyses Legem tulit, quando sub trigono Solis fiebant synodi magnæ. At
secundum Albumassar, & Aly, Mahomettanos expositores, & Cardanum, nostratem,
sub trigono Saturni, & Marturii: quoniam cæpit cum mirabilibus in Aegypto sub-
dito Geminis; & designat ejus durationem, & dispersionem, & turbationes, ut
ajunt; & quod ipsa cæteræ leges indigerent ad sui confirmationem, quoniā Mercu-
rius est Princeps linguarum: Saturno verò omnes Planetæ applicant. Et Macrobius à
D. Thom. receptus in hoc, in opus xx. Saturninos propter hoc ipsum facit Hebræos.

Christi

Christi Legem ortam, & promulgatam sub triangulo Jovis, & Solis, qui primus est, ut ipsi hostes dicunt: significatque vitam illustrem, puram, innocentem, veridicam, & piam, & Prophetas veraces. Sic fatentur omnes Astrologi, & Judæi, & Mahomettani, & nostrates.

Confitentur etiam iidem Mahomettani, Haly expositor, & Abenragel, & Dorotheus, & Albumasar, & Albarègnius, legem Mahomettis sui capisse sub trigono Martis, & proximam præcedentem conjunctionem magnam fuisse in quarto Scorpionis. Et ipsimet docent in hac constellatione significari Prophetas falsos, impios, crudeles, fabulosos, ponentes jus in armis; ac proinde talem esse Mahomettem suum fatentur. Et sub eodem trigono fuit Lutherus, & Calvinus, & Serifus, & Sofus, & hæresis Anglicana; qui videntur Alchoranum, non Evangelium, amplexi esse pariter.

Præterea in 4. lib. Esdras prophetavit, quod egressuri erant Dracones Arabes, & Mundum contaminaturi. Hi fuerunt Agareni sub Capite suo Mahomette, qui postea se vocarunt Saracenos. Idem liber prædicit Apros de Caramania, qui fuerunt Turcæ: & quicquid in illo libro habetur, quotidie verificatur. Et nubes terribiles ibidem sunt Cinghus, & Tartari. Sed quia D. Hieronymus, qui c. annis præcessit Mahomettem, librum illum Apocryphum reputavit, Ecclesia parvi fecit eum præceteris libris sacris, nec in Canone unquam posuit, licet illum Basilus, & Ambrosius, & Picus Mirandulanus, mirifice laudent. Sed qui veritates ejus rectè judicat, rectè novit librum esse plenum sapientia, & consideratione plurima dignum; quamvis prudenter non sit receptus in Canone. Mahomettes ergo prædictiones habuit, se dignas. Idem quoque Scorpionis trigonus ostendere eum deberet Arabibus Astrologis suis (quod etiam fatentur) luxuriæ deditum, & concupiscentiæ sceminarum, sicut Daniel prophetarat: sic & sequaces ejus cum uxoribus multis. Et Venus est stella Arabum, & Luna per secundum trigonum; Et Mahomettes scribit se habuisse à Deo virtutem in renibus subagitandi tot mulieres, quot possent homines quadraginta. Hem prophetæ Antichristiani signum!

Hodierno autem tempore revertuntur synodi magnæ ad trigonum, in quo natus est Christus; ex quo etiam liceret ex Astrologicis, si quid valerent, prædicere multa bona Christianitati, cum insigni renovatione; & insuper unitatem Principatus, sicut Sol potentissimus est in toto Mundo. Quod minimè discordaret ab his, quæ sancti viri promittunt, desiderantque, ut S. Vincentius, S. Catharina, S. Brigidæ, Dionysius Corthusianus, & superiores qui causas, supraque Cælum, nuper consideraverunt.

Nec propterea Deus res non faciat, quia in stellis cernuntur. Sed magis certiores de sua reddimur providentia, quo magis cernimus eum illius ordinem metitum esse in secundis causis ejus instrumentis. & hoc ipse dixit S. Brigidæ; *Quod, si homo siderum motus consideraret, de providentia Dei nil dubitaret.*

Hoc bellum quod Turca libris, & virtutibus indixit, diabolica res est, indicans ignorantiam in falso pertinacem. Lupanaria puerorum, scholæ superstitionum in Serifi Regno, sunt semina Præceptoris sui. Inter omnes minus perversi sunt Persæ.

Porro è contra vidimus Apostolos inimicos cujuscunque superstitionis, & vitiorum, & nullum in literis humanis studium fecisse, nec in Siderali, aliavè naturali conjiciendi scientia: nihilominus quidquid prædixerunt, quotidie veritas certis comprobatur eventibus.

Ex Esdra contra Mahomettum.

4. Esdr. 15.

Occurrit objectioni

6. Revel. 45.

Arg. contra Mahom. ex scientiarum prohibitionem & scelera acceptione.

EXAMEN MIRACULORUM,
& autoritas ad convincendum.

CAP. XVI.

Comparatio inter
legem Christi, Mo-
sis, & Mahomettis,
ex ratione miracu-
lorum.



TRANSGREDIAR jam ad miracula. Quæ rite examina-
ta impugnari posse video, tanquam minus efficacia secundum
nos omnes, ad persuadendum, Legislatorem esse verè divi-
num, nisi sanguinem habeat, & vitæ prohibitatem, & testes fide
dignos, quibus roorentur, & per successionem hæreditariam
prædicentur, & promulgentur. Id quod invenio in Christianâ
primo: deinde vero in Mosaycâ; at non sic abundanter. De-
inde comperio in Mahomettana tantummodo mendacia ludicra. Quinimò inter
Philosophos Mahomettanos, & Astrologos, qui plurimi sunt, pro fabulis haberi
miracula Mahometti deprehendo. Sic Avicenna, Averroes, & prænominati, ejus
judicant causam. Et plurima statim falsissima demonstrantur, ut illud de Luna:
& de cucurbita: & de arbore sui adoratore: & de putamine ovi: & de lupo in-
dicante se fieri velle Mahomettanum &c. Et ex hoc disce omnia, Mahomettani
Principes agnoscetes ex his per scientias detegi Mahometti fallacias, relegave-
runt omnes scientias Philosophicas, & Astrologicas, & retinuerunt tantum Em-
pyricam medicinam. Persarum Rex, qui retinet Physicas, & Astronomicas artes,
considerans non convenire cum Alcorano veritatem naturalem, novam expositio-
nem amplectitur, omnesque stultitias, & dicteria, fabulas, & cerebrositates illius
ad mysticum trahit sensum. Quamobrem à Turcis appellantur Persæ *Malecredentes*;
retinentibus sibi nomen Musulman, hoc est *Benecredentium*. Si quod mira-
culum, quod revera miraculum non est, nisi apparenter, fecisset auxilio Dæmonis,
sciens ipse à Dæmone se adjuvari, vel deceptus ab eo existens, non potest convin-
cere legem ejus esse veram, quippè cum Prophetia, testimonium, vita, & doctri-
na S. Scripturæ, & naturæ adversa, repugnent: deterius autem successio ambi-
tiosa, crudelis, & discipuli impii, perfidi, & proditores alterius alteri.

De magorum mi-
raculis.

I. Magi quoque Pharaonis & ipsi fecerunt signa quæ imperitis videntur miracula;
utentes scientia occulta, vocata Magia, applicativa activarum passivis rebus; eum in
modum, quo natura in æstate repente ranam, ubi crassa pluvia cadit in calidum
pulverem, producit. Hanc scientiam paucissimi callent, quoniam requirit mul-
tam, diuturnamque experientiam, & animi tranquillitatem, & scientias caele-
stes, & physicas: multique ipsam à Dæmone ex parte docentur: quod mihi jam
non est dubium, postquam Astrologum supradictum hanc quoque scientiam, & alias
docere promisit artes, simulans sese Angelum esse. At ego increpavi Astrologum,
cum mihi dolosa ejus verba retulisset; & dissolutum est commercium, ac deceptionem
sui nuncius agnoscens recessit à visionibus, & suggestionem sola moraliter de-
ceptus necem miser obiit violentam. Quapropter credo plures homines hu-
jusmodi mirabilia naturalia facere, quæ videntur super naturam. At Magi Pharaonis
demum confessi sunt Moysen à Deo adjuvari. (*Digitus Dei est hic*), cum vi-
dissent illum nequaquam uti Magia, dum illa faceret, ad quæ Magia non pertin-
gebat. Fuit quidem Moyses, ut dicit Stephanns, & Ecclesiasticus, & Philo, &
Ioseph, *instructus in omni scientia Aegyptiorum*. Et quidem Physicus & Medi-
cus,

Exod. 8.

Moyfis historia.

cus, & Astronomus, & Mathematicus in sua lege apparet; sed secundum pietatem ambulans coram Deo, meruit & à Deo doctrinam supernaturalem. Euit ipse filius adoptivus Reginx, deinde Dux exercitus Pharaonis præliatus est contra Arabes, & Aethyopes, si vera refert Joseph: & talis fuit apud Pharaonem, qualis Scanderbegus apud Amuratem Regem Turcarum. Agnoscens mox sanguinem suum, coepit dolere propter ærumnas suorum Hebræorum. Ultus est injuriam unius ex eis, occiso Aegypto injuriante; fugit ab aula in Madian: factus est socer Principis Jetro, qui erat etiam Sacerdos summus. Et dum secum moratur, & pasceret gregem, missus est à Deo, qui apparuit illi in Monte, deditque miracula pro d. plomate, ad liberandum populum suum: fecitque magnalia plurima, quæ legimus in Scripturis.

III. Hic videre poteris malignitatem Taciti, & Trogi, qui loquuntur tanquam opinantes falsi, non tanquam testes; cum dicunt Moysem fuisse filium Joseph, Pharaonis charissimi propter explicationes somniorum, & Regimen Aegypti, & à Josepho didicisse Magiam, per quam facinora illa patravit astute, & liberavit populum fuga, ut se Regem faceret; sed alter eorum dicit, Judæos ab Aegyptiis expulsos fuisse per vim, quia erant leprosi, ac mansisse in desertis tabescentes, & morientes: tunc Moysem, unum ex eis audaciorem, eos animasse verbis proficuis, & traduxisse eos per desertum, & dedisse legem simulando se Dei nuncium.

IV. Profecto hæc omnia sunt falsitates opinantium; quando quidem historia testificantium clara est, quod Moyse fuerit de Tribu Levi, natus post obitum Joseph ducentis ferè annis. Neque Moyse mentitus esset genus, præsertim cum gloria fuisset illi esse filium Josephi. Falsum est quoque quod expulsi sunt Hebræi; cum è contra eos fugientes Aegyptii insequuti sint, submersique in mari rubro: Exiit illo in tempore ac Populo Lepra nimis; sed non ob ipsam Moyse abscessit; sed Dei nomine à Rege petiit, ut dimitteret populum. Et profecto, cum exularet ab Aegypto propter homicidium, non esset reversus ad Regem ita audacter, confisus tantum in Magia illa, in qua Aegyptii quoque potentes erant, nisi Deus fuisset cum eo. Et quidem coram Rege asserere se missum à Deo, absque miraculis probationibus, periculum erat terribilissimum: sed verè in cunctis divinus apparet, & victor.

V. Nec quidem Moyse se Regem fecit, sed quasi bajulum, & tutorem Populi in multo labore: nec suis filiis Regiam potestatem reliquit, cum posset. Et Summum Sacerdotium non sibi, neque filiis, sed fratri suo, ejusque natis tribuit jure hæreditario: Principatum verò Josue, qui non erat de tribu sua.

Qua in re quamvis non reluceat excellentia, quanta in Iesu, quoniam fuit Moyse Rex, & Sacerdos armatus, & tribui suæ dedit quasi dominatum super cæteras, ut viveret de decimis, mancipata Deo: nihilominus palam apparet semper ad Reip. utilitatem, non ad propriam respexisse, etiam, si ut Philosophus, & non ut Dei nuncius, consideretur.

Inficiari autem ejus historiam, & miracula, est protervè opinari, nisi historiam habeas fideliozem Scriptorum Moyse meliorum, & qui plus fidei sibi per virtutes comparant in Mundo, quàm Moyse. At ubi talem invenies, nisi Christum, qui testatur pro eo? Et licet Moyse ipse scripserit librum, & historiam propriam; nihilominus & Cæsar scripsit proprios Commentarios de rebus à se gestis, absque mendacio. Et Xenophontes expeditionem Cyri minoris, in qua ipse Dux fuit: Et quæ tota fuit ipsius Xenophontis gloria, & gestis plena, scripsit cum veritate. Vir bonus veritatem de se, ut de cæteris enunciat. Sed & Prophetæ, qui subsequuti

Argumēta Cornelij Taciti, & Tr. g. & Justini mendacia contra Moſen, & miracula ejus.

Vide veras historias Aegyptiorū & Græcorū, & Syrorum de Moſe inſuper in 1. Strom. Clem. Alex. & apud Cyril contra Jul. & apud Joſep. contra Apion.

sunt, & schola stupenda, quam instituit in Orbe, & quæ veraciter prædixit, & vitæ probitas, idem pro eo confirmant.

De transitu Maris
rubri.

V I. Quod ajunt de transitu maris rubri crescentis in Pharaone, & decrescen-
tis in Moyse, fabula est. Adeo enim mare illud, etiam in extremo, profundum
est, quod in ordinario decremento, neque Elephanto transitum tutum præstat,
ne dum tantæ multitudini innumerabili Hebræorum cuiusque ætatis, & sexus:
erant enim sexcenta millia bellatorum, exceptis mulieribus, pueris, & iumentis.

De Serpente Aeneo.

V II. Qui affirmant Serpentem Aeneum, in quem morsu aspicientes sanabantur,
factum esse per Astrologiam, sunt stulti opinantes. Ego expertus sum, tantum
non posse figuras Astrologicas. faciant ipsi idem, & tunc loquatur.

De cæteris fictionibus contra eum, pudor est obloqui, quoniam nullum asse-
runt testimonium; sed opinionem propriam. Et Ioseph Appionem Grammati-
cum circa similia testibus multis, certisque confutavit: & S. Cyrillus in libris con-
tra Julianum, idem pluribus egit. Nec minus in Apolog. Tertullianus.

De similibus.

V I I I. Si allegas similitudinem ad astruendam opinionem; quia scilicet Cin-
ghus itidem transivit cum suis Mare Caspium; & Romulo floruit hasta. Respondeo
quod fortasse ista sint mendacia. Aut refluxum præstitisse transitum, sicut contigit
Scipioni in Carthagine nova: & Amilcari quendam sinum Maris apud Tunetum
similiter pertranseunti cum exercitu: & Diabolum naturali arte affuisse Romulo,
& Cingho, ut eos exaltaret. Et tandem dico, dato, & non concesso, quod verum
esset miraculum, quod nihil repugnat, Deum, volentem novum facere Regnum,
aut aliquod negotium ingens, condescendisse ad faciendum miracula, ubi non
extant, dummodo id non sit ad perhibendum testimonium falsitati. Sicuti & su-
scitavit Samuelem ad Saulis petitionem, quamquam ars illa non defunctos, sed
Dæmones suscitet. Et Sybillis Deus, & Balaam superstitionibus contaminato per
se respondit, dum fortè aliud invocarent, aut per Angelum comparuit. Propterea
in Ezechielis 14. ipse Dominus dolose interrogantibus veros Prophetas, se respon-
surum comminatur, ut capiatur interrogator in astutia sua. *Et si (inquit) erraverit
Propheta, ego Dominus decepi eum, & extendam manum super illum.* Et 3. Reg.
*Spiritus mendax à facie Domini egreditur, ut decipiantur Prophetæ in perniciem
Achab.* Arcana Dei plurima sunt, & maxima. Profecto illi Vestali Virgini, quæ
ad probationem suæ Virginitatis falso accusatæ, portavit aquam in cribro de
Tyberi in Templum, equidem eam magis propendo in sententiam, quod Deus vero
miraculo affuerit, testando innocentiam, non comprobando cultum: quàm Dæ-
mon sui Idoli, quamvis aquam arte aliqua retinere potuisset. Et in cunctis Na-
tionibus Deus favet innocentia. Quot autem miracula fecerit ad Nabuchdonosor,
& alios ad Principes Gentiles, qui legit, novit. Ergo concludo opinionem ad-
versus Moysen, ex his non posse roborari.

Idem patet D. Hie-
ron. in

Ad Taciti obiectio-
nem de Asinis.

Exod. 13.

I X. Porro non minus falsus est Tacitus, quàm fabulosi illi Hæretici, qui di-
cunt Moysen Asinos honorasse. Non enim eos in sacrificiis mactari vetat propter
honorem eorum, sed quia reputabat eos immundos. Sic etiam Canes, & Porcos,
& Simios, aliosque plures. *Primogenitum (ait) Asini mutabis ove: quod si non
redemeris interficies.* Ecce quem honorem tribuit Asinis. Concedunt tamen quid-
dam Rabbini, quod quando Moyses de petra educere aquam accingebatur, dicen-
te Populo, ut educeret de petra quadam, ab eis ostensa, noluit; sed ad aliam
perrexit; ideoque punitus est à Deo, dicente: *Quia non honorasti me, sed poten-
tiam meam sub dubio posuisti, quasi magis ex hac, quam ex illa petra ego dare pos-
sem aquas, & non ab omnibus æqualiter, idcirco non intrabis in Terram promissionis.*

Fatetur

Fatetur etiam Moyses, hoc suum infortunium evenisse sibi eo quod non honoraverit Deum ad Aquas contradictionis; sed non explicat totum. Non tamen ex his habetur fallax, & mendax, sed syncerus; qui nec contra se siluit veritatem; maxime quidem silendam, si fraude usus esset in miraculo, ostendentibus aquam Ananis, ne suspicionem in toto negotio suo præberet. Nec enim inter tantam multitudinem id cæleri potuisset. Sed cætera ejus facta, hoc quoque verum esse contestatur.

X. At cum christi miracula confidero, nullam omnino suspicionem fraudis invenio, neque in ipso, neque in Discipulis. Nam palam est, quod inter deambulandum, & nil istud attendens, miracula faciebat ipse, & postea Petrus in simbria, & umbra: & sic successores eorum, & ipse dixit. *Qui credet in me, opera, quæ ego facio, & ipse faciet, & majora horum faciet.* Et ita vidimus profecto evenisse. Majora enim fecit Gregorius Taumaturgus, & Hyacinthus, & Petrus, sed in nomine illius, qui faciebat in illis. Profecto cum confidero res gestas à Francisco de Paula, & Catharina Senenti, qui scio veritatem ab his qui viderunt, & scripserunt sincere omnia, de Christi divinitate dubitare pacto possum nullo. Et quidem hæc Gens sancta Papæ & Cardinalium tuetur auctoritatem; qui licet aliquando non sancti, à Gente tam Sancta, certaue de veritate cælesti Christiana, miraculisque plena, in summa veneratione habentur.

De evidentia certitudinis miraculorum Christi.

Hinc execravi scelestissimos Gentiles, qui librum venditabant de Magia Christi, ad Petrum, & Paulum scripta; cum Christus nulla prævia præparatione Magorum more fecerit miracula; neque hi Sancti quicquam tale didicerunt; & Paulus fuerit conversus post Ascensionem Christi. Et scimus Christum scripsisse nihil, more Socratico, & Pythagorico; nec illi Gentiles miraculum unum ex eodem libro illo facere potuerint, ut Christus.

Ad obiect. Gentil.

Stultè alii Apollonio, & Iamni, & Mambri, eum comparant: quorum patuit Mundo naturalis Magia; & nullum divinitatis nomen habent; nec discipuli eorum successione eam retinuerint: & omnia præparatione antecedente patrarint.

Multas quidem falsas historias, apocryphaque miracula nostro in sæculo novi; at nequaquam tamen ab Ecclesia canonizari unquam vidi. Idque semper mihi fidei de puritate ejus corroborat magis. Nam cum nonnunquam etiam pravi homines ejus gubernacula regant, haud tamen unquam pravam doctrinam, aut obscenam, aut dubiam, aut inconstantem admisit. Et successio, eadem perpetua serie doctrinæ, probitatis, miraculorum, & martyrii per 1600. annos perseverans, ipsam solidissimam in Deo declarat.

De discretione Ecclesie in recipiendis miraculis.

XI. Et quanquam Mahomettes surrexerit contra Christianismum, haud tamen extinxit Regnum, Sacerdotium, Miracula, & Sanctitatem, & Prophetiam Ecclesiæ; sed perseverant, nec transire ad Mahomettanos, potestas hæc, & charismata, & donorum Dei successio spiritualis: sicut comparente Christo, Hebræi non modo amiserunt Regnum, & Sacerdotium, sed omnia dona spiritualia, Prophetiam, Miracula, Sanctitatem, observantiam Legis; & serviunt impietatibus Talmudicis; aliaque signa, quibus Ecclesia Dei à cæteris dignoscitur, ab eis transierunt ad Christianos; ut prædixit Iacob, & Prophetæ. Maximum profecto argumentum pro veritate Christiana. Hebræi autem relictæ sunt dispersi, ut sint librarii Christianorum, & per libros suos, testes veritatis Christi contra Mahomettem, coram Gentibus, & Mahometanis; ostendentes easdem scripturas divinas, quas Mahomettes falsavit, & conservantes eas nobis in testimonium: ut inimici nostri sint Iudices contra inimicos nostros. At Mahomettanos, Deus permittit, non modo ad nostrorum punitionem peccatorum, præsertim ex schismate, & inobedientia orien-

Nil obstat Mahomettismus veritati Christianæ, sed argumentum etiam, dat veritatis illius, vel nolens, cum ad se charismata non traxerit.

orientium; sed etiam ad destruendū Idolatriam, propter unitatem Deitatis, quam retinent contra Gentiles: & tollendum impedimenta introductionis fidei, ubi non est. Item, & contra Judæos, quos ad fidem vocatos arguunt mendacii, quatenus negant Christum missum à Deo, quod Turcæ, & Persæ, & Arabes, & Fezita fatentur. Hæc Dei providentiam? neque permetteret mala, nisi propter meliora. Ipse quoque uti novit bonis, & malis in beneficium eorum, quos amat.

Resp. ad Boccac-
cium.

XII. Stultè igitur Boccaccius fabellam finxit de tribus anulis datis à Patre, tribus hæredibus æqualis ponderis, & speciei, & perfectionis; unde illi ignoraverunt quis verus esset hæres: Ex quo infert, haud posse internosci quæ sit verior Religio, Judaica nè, an Mahomettana, an Christiana: quoniam eadem signa habent. Nam manifestè patet, anulos harum trium legum non esse prorsus similes, nisi à longe aspicientibus, & arte, pietateque carentibus: Non autem gemmariis propè inspicientibus, & per artis instrumenta examinantibus: qui distinguere lapides falsos à veris præciosis, aurumque ab auricalco, probè norunt.

EPILOGUS, RESPONSIO, & confirmatio hujus libri.

C A P. XVII.



VIDIMVS igitur Religionem Christianam, quantum ad omnia, naturæ decretis congruentem, & perfectionem illi superaddere; Et Deum extare Potentissimum, Sapientissimum, & Optimum, honore dignum infinito, non modò propter id, quod ipse est: sed propter beneficia innumerabilia, quæ nobis præstat. Item esse Unum, & non multos, & omnium rerum curam gerere, sed præcipuè hominum; quorum Animæ sunt immortales. Item extare pœnas, & præmia post mortem. Item omnia fecisse per suam sapientiam, & artem: atque regere, & instaurare: dominiumque ejus esse penè infinitum in creaturis, quamvis etiam terram, & incolas ejus non possideret. Dæmonem non esse ejus competitorem, sed lictorem, carnificem, & præfectum carcerum; qui meritò damnatus sit ad hoc officium vilissimum ob suam superbiam maximā: & perversum esse, voluntate, non naturā: qua perversitate videtur gaudere propriis malis, & alienis. Nec Deum ab illo, neque à blasphemantibus, lædi; sed id, quod in se fingunt esse Deum; ergo seipsos. Deum creare Animas in corpore, ut det illis occasionem merendi in bello inferioris Mundi. Peccasse hominem suggestionem Dæmonis. Dedicisse cultum Dei: divisum fuisse in plures sectas, & Principatus, dum suam sub Dei tutela libertatem non custodit, effrenemque in mala omnia sub Diaboli jugum corruisse. Item Deum ipsum voluisse hominem liberare per suam Sapientiam, per quam fecerat eum.

Hanc ergo Sapientiam incarnatam fuisse, ut fieret nobis accessibilis, & verbo exemploque viam salutis ostenderet: atque à Diaboli redimeret vexationibus. Item id nihil impossibile esse, quando etiam in Peripatecismo officina Macchiavelismi, idem continuò fieri in singulis affirmatur hominibus. Ipsi enim ponunt intellectum agentem cuilibet individuo extrinsecus advenire, atque in unitatem personæ,

sonæ, copulari, ut Divus Thomas in 4. cont. Gent. cap. 47. cum Sancto Augu-
stino comprobât: qui tamen extrinsecus intellectus agens, ut probat Divus
Thomas in 1. p. quæst. 79. ex dictis Augustini, non potest esse, nisi Verbum Dei,
quod in uno tantum incarnatum est: in aliis, ut universalis causa in suo effectu
tantummodo adest. Et venisse ad redimendum nos, non per vim, sed suavissimo,
& divino modo, nobis congruente, factis, & verbis, veram vivendi normam,
persuadendo. Nec damnatorum existere numerum, quot putamus: sed in hoc ju-
dicio ingens occultari: Nec verum esse, quod Diabolus plures habeat, quam
Christus subjectos; quancquidem ipse non punit, neque possidet homines, sed
Christus, qui est æterna, & prima increata Ratio punit, & possidet omnes, per Dia-
bolum servum nequam, instrumentum Justitiæ punitivæ, regulæ Rationis æternæ.

Item adventum Christi ad redimendum Mundum non fuisse vanum ad salutem
unius modò digiti, ac totius corporis speciei humanæ perditionem. Quandoqui-
dem nunquam Ratio benevivendi, à Iesu indita, defuit Mundo. & qui damnan-
tur, sibi perdi, non Christo. Christus enim perdit, amittitque nihil. Quos enim
non possidet ut Pater, possidet ut Judex. Et sanguinem ejus non Diabolo in præ-
cium datum esse pro nobis; sed vero Deo in satisfactionem peccatorum, & reme-
dium peccantium; dum per Sacramenta nobis applicatur; aut per vivum affectum
supernaturalem à fide procedentem, & charitate, in quo est Sacramentorum vo-
tum; quod nos Deo primæ Rationi, naturæ, & gratiæ Auctori copulat. Et in hoc plus
latere, quam patere. Et quidem omnes salvos esse homines in sanguine ejus: qui
rationis compotes, & impœnitentes personali nō decedunt in peccato. Quia autem
solum in originali, dampni pœna amissæ beatitudinis supernaturalis mulctari: sensus
verò pœna vacuos, in naturalibus donis Deum, ut naturale objectum notitia, & di-
lectione naturali ad secuturos, testimonio Scholasticorum Patrumque ostendimus.

Item unam solum esse Legem in toto Mundo, quæ facit homines secundum ra-
tionem naturalem vivere; sed ab Autore naturæ perfectam, & ad supernaturalia
elevatam; alias verò leges esse veras, aut falsas, prout huic conformantur, aut re-
pugnant. Ergo apud omnes Nationes semper unam fuisse legem; repugnantes
autem illi, non esse leges, sed abusus; sicut unus est modus seminandorum homi-
num, alii verò abusus.

Item attulisse remedium supernaturale eidem legi: & electis viam fecisse ascen-
dendi in Cælum, qui prius detinebantur in Limbo. Et Christum mortuum esse, &
resurrexisse, & ascendisse in Cælum, ut nobis viam pareret, exemplo, meri-
to, & doctrina. Et quicumque vixerit secundum rationem divinitus perfectam ab
eo, qui nulli deest in quacunque Natione vivendo, & moriendo, & resuscitando,
& Cælum ascendendo ei consimilem factum iri perenniter: & hoc esse remedii
summam. & de prædestinatione silendum: & de reprobatione; quoniam Deus
omnia sapienter agit, sed quemlibet beneficientem suscipere, & ad benefaciendum
juvare, non autem ad malefaciendum; quoniam non est proditor, neque Tyran-
nus. Ac proinde neminem damnari in gehennam, quia Deus ita decrevit volunta-
te antecedenti peccatum originale, & actuale: sed voluntate consequenti prævi-
sum peccatum utrumque: at si solum originale, privat tantum æternis bonis, non
punit æternis cruciatibus. Omnes enim formavit ad imaginem, & similitudinem
suam, non autē ad imaginem Diaboli: & ad se, & ut summum bonum cognosceret,
& adipisceretur. Veh non agnoscentibus tantum bonum. *Perditio enim tua ex te
Israel est.* Nec bonum creationis ejus debere cedere malo nostro futuræ volitio-
nis; & Deum omninò culpæ nostræ non modò expertem esse; sed verius adjuto-

Apud omnes impe-
ritos.

S. Thom. ex prævi-
sis demeritis repro-
bat, sed absque præ-
visis meritis præde-
stinat, in opusc. de
præscientia, & præ-
destinatione. At in
1. p. q. 23. repro-
bationis, pœnā sen-
tus inferentis, cau-
sam facit peccatum.
Non dandi verò bo-
na æterna, Dei vo-
luntatem absolutam;
quæ tamen ad mala
cruciantia æterna,
antecedenter non
damnet, sed conse-
quenter actuali ac-
cedente peccato.

rem

rem meriti, & ad hoc nos prædestinasse, non ad illam.

Item nec quia resurgens Christus, in platea non comparuit, infirmari fidem ejus. Nam comparuit, *plusquam quingentis fratribus*, (teste Paulo 1. Cor. 15.) & deinde *Apostolis omnibus*: & coram eis ascendit in Cælum.

Nec esse deceptos, neque deceptores hujus rei testes.

Item idem argumentum posset nunc fieri, quare hodierno tempore Christus non comparet in plateis; Et ratio nota est, ut detur locus piæ fidei, & meritis, & credamus non violenter. quæ enim incessanter videmus, necessariò credimus. Diaboli credunt etiam & contremiscunt. Et quia sunt alterius entitatis gloriosa Entia, nec nobiscum communicant, nisi alienatis à nobis, ut patet in Sanctis. Et multa de hoc ignoramus.

Moysem, & Aaron non fuisse occultatos, ne putarentur non ivisse in Cælum; quandoquidem ipsi nulla de translatione hominum in Cælum expresse verba fecerunt, neque promittere præmia post mortem: sed ne adorarentur in terra more Gentilium colentium mortuos. Et hanc fuisse providentiam contrariam opinantibus; qua usus est etiam S. Antonius Abbas, qui idcirco per obedientiæ vim præcepit Monachis sepulturis eum, ne revelarent corpus suum, quo vitaret honorem, Sanctis exhiberi consuetum corporibus in terra. Aliique plures id curaverunt. Quod Gentiles sinxerunt impiè, partem cum ista pietate non habet.

Item de Christo abesse metum, si adoraretur; cum sit ipse Deus verus. Nec occultatum fuisse corpus ejus, sed verè resurrexisse probavimus multiplicibus argumentis: & nihilominus custoditum fuit diligenter, ne resurgeret velut ipse promiserat. Si promisit, ergo fecit. Aut ergo sepultum reddant, aut resurgentem adorent Judæi, oportet.

Item Apostolos testes hujus historiæ non posse reprobari, neque ut deceptores. Et prophetias eorum nequaquam habere consistentiam in Astrologia, & Actibus naturalibus. Et Ptolemeus enim in Quatripar. Astrologico agnovit Prophetas divinos absque Astrologia prophetare veriora certioraque. Et Plato, & Socrates & Sybillæ similiter contestantur.

Stellas quoque quodammodo dispositivè aliquando ad hoc ipsum se habere; Deique regulam sequi, omnia facientis.

Vidimus & miracula vera & falsa, & in re quacunque reperiri id, quod verum est; & quod fictitium. Deumque permittere ea propter melius. Cujus partem modicam scimus, partem verò plurimam ignoramus.

Item totum mundum verosimiliter credi posse ad hanc legem fore reducendum; cum tam rationabilis sit, atque universalis.

Item tempus, quod nobis prolixum videtur, esse quasi ludum modicum ad illud melius, quod posturbationes præsentis successurum speramus. Nec citra culpam esse mala Entia ulla, nisi apparenter, & respectu, non verè & essentialiter.

Item Mahomettem esse Antichristum ex parte. Prophetias verificatas esse, & continuo verificari, quod Iesus sit Messias verus; qui occulta ratione fermentat passim per coagulum legis suæ Mundum in massam unam: & crescit sicut planta invisibiliter; Et quicquid faciunt Christiani cingentes Mundum, & adunantes Nationes (id quod nulla fecit lex) opus esse ipsius Messiae. Et Principes præsertim Hispanos esse brachia corporis Messiae, ut dicit in Esaia, *Brachia mea populos judicabunt*, &c. *Egressus est Salvator meus*, &c. *Et legem ejus Insulæ expectabant*; & *brachium meum sustinebunt*, &c. Hucusque inferum Hemispharium à nostro Insulatum expectavit hanc legem Messiae. Si hoc adverterent Hebræi, confestim

agno-

agnoscerent Christi Regnum, & Antichristi, & Christum sedentem à dextris Patris, donec ponat omnes inimicos suos scabellum pedum suorum, & evacuet omnes Principatus, & potestates antichristianas; & deinde venturum ad Judicium. Sed qui mysteria cupit, Prophetalia legat.

Argumentum principale, quod Clerus à debita sanctitate longè factus, & increduli multi reddunt Religionem dubiam, ipse quoque Boccacius impius solvit in fabella de Hebræo, qui Romam venit suscepturus Baptismum: cumque vitam lascivam, & nequam Clericorum videret, magis in proposito fidei roboratus est, dicens, non posse falsam esse Religionem illam, quæ tam pravè, & impiè (ipse ait) à Christianis tractata, nihilominus perseverat per se solida semper & crescens. Noverunt Hieronymus, Bernardus, Beda, & alii Patres hoc argumentum, quod hæretici ad reprobendam fidem Romanam proferunt: Sancti viri, zelo corrigendi mores: Pseudopolitici, ad evertendum Religionem: nos ad roborandum adducimus. Profecto enim hoc demonstratio est, quod Fides Christi portat nos, non autem nos fidem: sicut Judæi, qui defendunt suam fidem obstinatione; utque dicitur in Prophetis, sunt dura cervice; & Gentiles suam consuetudine; ut Plato, & Cicero docent; Mahomettani suam gladio, ut Mahometes jubet in 1. c. Alcorani. Christiani autem boni, veritatis vi: quæ portat, & bonos, & malos, & non portatur. Nam & profecto (ut Bernardus in declamat. & in Cant. plorat) longè magis à suis laceratur, & prosternitur, quam fuerit à Tyrannis, & hæreticis, qui potius accenderunt eam vento persecutionum, sicut ignem; mali Clerici autem extinguunt eam aqua mollis Epicureismi. Bernardus id plorat, & potius optaret Tyrannos, & Hæreticos, quam fictos Christianos. Et Petrus & Paulus de futuro tempore prophetarunt. Erunt in novissimis diebus homines seipso amantes &c. Speciem quidè pietatis habentes, virtutem vero abnegantes &c. Et erunt magistri mendaces de vobis in avaritia negotiantes &c. Et Jacobus & Judas pariter hoc prædixerunt: sed Jesus hoc promittit tanquam supremam persecutionem, ad probationem, quod sua lex vera esset. Ipse quidem dixit: Refrigeret charitas, & abundabit iniquitas &c. Putas quod inveniet fidem in terra?

Hæc sanè signa videri possunt reditus illius. Ergo ipsum præstolor, ut propinquantem ad januas. Omnia enim signa adventus sui in aliquo sensu transierunt, teste D. Ambrosio, & S. Gregorio super Lucam; bella, terremotus, fames, pestes, Pseudoprophetae, hæretici Antichristiani; reliquum erat videre tantum signa in Sole, & Luna, & Stellis, quæ Gregorius ex aeris immutatione doctè argumentatus est proxima esse. Ego autem suspicor præsentia esse, & in hanc vigilantiam excitari Mundum vellem. Sed ut *Dies Domini sicut fur in nocte comprehendat incredulos*, ut dixit Jesus, & Petrus, & Joannes, & Paulus: qui tamen addit 2. Thes. 5. *Nos non sumus filii noctis, neque tenebrarum*; Idcirco vigilemus. Vigilare ego cupio omnes, & videre; sed falsi Astronomi, & Peripatetici, Politicique, afferunt mille petitiones principiorum & non causas pro causis horum signorum, ad deceptionem plebis, & obscuracionem Evangelii, olim præscripti, (ut ait Lebbeus) in hoc judicium.

Præcursor magnus Antichristi prænunciatus à S. Vincentio, quod ex Germania surrecturus esset, jam comparuit Lutherus sub quinto sigillo, & Calvinus ampulla quinta iræ Dei: qui omnes, vnaque Macchiavellistæ conveniunt cum Alcorano longè magis quàm cum Evangelio. Expectamus ergo renouationem à Brigida, & Catharina, & Carthusiano, aliisque Sanctis prædictam. Quis scit si nos ea patiemur in hoc secundo adventu, quæ Jerusalem in primo? Dixit Jeremias. *Milvus*

O

in Cælo

Psal. 109.
1. Cor. 15.

Ex vita Christianorum mala non infirmari arg. pro Fide Catholica, sed augeri.

Ser. & in caut. 30.

1. Tim. 4.
2. Tim. 3.
2. Petr. 2. & 3.
Jud. 1.

Matth. 24.

Matth. 24.
2. Pet. 3.
Apocal. 3.
2. Thes. 5.

Jud. 1.

Lutherus præcursor Antichristi.

Jerem. 10.

Luc. 12.

Matth. 16.

Matth. 24.

Epist. ad Avin.

Apoc. 22.

Tempus adventus
licet videatur tardū
post 1600. annos,
non tamen est, nisi
citò.

Apoc. 3.

in Cælo cognovit tempus suum. Turtur & Ciconia, & Hyrundo custodierunt tempus adventus sui; populus autem meus non cognovit iudicium Domini. Quomodo dicitis, sapientes nos sumus, & lex Domini nobiscum est? vere mendacium operatus est stylus mendax scribarum &c. Profecto qui id non videt in nobis, bis cæcus est. O hypocritæ faciem Cæli nobis iudicare, hoc autem tempus quomodo non agnoscitis? Profecto multi Scriptores falsi venundati deceperunt sæculum hoc; student occultare, & prostrernere Evangelicam Sapientiam, extinguere Prophetias, autorizare sophisticas scripturas Gentilium, & Principes laicos: demoliri, & humiliare, & enervare Papatum, ne possit nos ad reformationem & veri recognitionem, defensionemque cogere. Hoc autem me certum facit magis de veritate Evangelii. Hoc scandalizat Macchiavellistam: me autem ædificat, ex quo didici per plagas querere Deum, quoniam video adimpleri prophetiam, *Sicut in diebus Noe capiat nos.* Et dico cum Sancta Virguncula Catharina mea: *O Dio amore adempisci presto i desiderii de servi tuoi.* Et cum Joan. *Veni Domine Jesu,* qui respondet; *Venio citò.* Super hoc citò colludunt irridentque increduli Religionem; ignari profecto, quòd mille anni, & centum mille, sunt hora una ad æternitatem. Alii dicunt Patres deceptos fuisse, qui olim iudicium Jesu expectarunt, & non venit, ut Tertullianus, Lactantius, Irenæus, Clemens, Hilarius, & alij. Ego respondeo, quoniam hi Patres sciebant coronam deberi, *his qui diligunt adventum ejus:* idcirco ex quibuscunque signis avidè argumētatos esse finem Mundi: quoniam & chronologiam falsam habuere LXXII. Interpretum, nec dum viderāt signa postrema in Sole & Luna, & Stellis; sed non propterea mētitus est Jesus. Quinimò hoc evenisse videtur ad unguem sicut ipse dixit, quod veniret *sicut fur in nocte.* Si enim venisset eo quo Patres expectabāt tempore, manifestum fuisset omnibus: sed melior fuit illorum deceptio diligens, quam nostra negligentia verax. Siquidem qui odere adventum Domini, propterea quod reddituri sunt rationem de operibus impietatis suæ, quacunque ex ratiuncula persuadent sibi, esse mendacium; sicuti unicuique accidit, quippiam odio habenti, quod exiguo argumento illud reprobatur, ut incredibile. Sed de his rebus potest Politicus tunc certus fieri, si prius proprium abneget amorem, & consideret effectus Dei admirabiles per omnes scientias, examinando leges cæli, & naturæ inferioris hominum absque vlla prætensione, nisi agnoscendi Deum: & hoc per ærumnas intellexi.

Nihil plane dubito, reperiri Clericos, & Prælatos sanctos & Christianos veros, sed non abunde, ut olim, quoniam ego & mei similes sumus in fœcibus, si Deus vult novo vino replere dolia Cellarii sui.

Stultam quoque ostendimus opinionem, quòd Christus finxerit miracula: & neque moraliter possibile esse, quòd & Discipuli decepti, vel deceptores fuerint in examine stricto per philosophiam agnovimus. Similiter, quod simulaverit se filium Dei incarnatum, quoniam non esse impossibile id quoque demonstravimus: & insuper quòd sit possibile perfidi Peripatetici docent inviti, modum consentes, intellectum agentem, ut Aphrodisiensis & sequaces, vel etiam possibilem, ut Averroes, & sequaces, esse unum in cunctis hominibus, & in cuiusque conceptione velut incarnari personaliter, insigni congruentia ad explicandum eum modum, quo Deus in Christo homine, ut Aug. admonet. Hic etiam Intellectus ponitur ab Anaxagora, à quo ipsi mutuati sunt, *verus Deus;* ab Avicenna verò *Colchodea datrix formarum;* quod propriū est artis divinæ, quam Theologi vocāt *Verbum Dei;* ab Averroë autē, & Alexandro *similis Deo* habetur. Sicuti enim Deus movet spheram primā, sic iste intellectus est in sphaera humana nostri aeris, & infunditur

tur hominibus. Ecce convictos incredulos à se ipsis, quod Deus possit incarnari: & mirum, quomodo fingūt possibilitatem falsorum dogmatū, verorum autem negant.

Tandem ut respondeam quæstioni atrocissimæ, vexanti mentes hominum, præcipuè Epicureos, & Macchiavellistas, sæpeque ab ipsis deploratæ Prophetis. *Quare via Impiorum prosperatur? & Taces oppugnante impio justiore se? & Numquid meliora facit Babylon, quàm Jerusalem &c.?*

Cur bonis mala, & malis bona in hoc sæculo.

Ier. 12.

Abac. 1.

4. Esdr. 3.

Dico hoc contrarium esse ei, quod credunt. Quippe enim hoc certum est argumentum, quòd homini conveniat alia melior vita, ut bene Antenagoras argumentatur. Et, post hanc, futura sit recompensatio bonorum, & malorum. Et præsentem vitam esse militiam paucarum animarum (si conferas numero calicolarum,) quæ animæ sparsæ sunt inter contraria, cælum & terram, in opacis corporibus, ut ludum agant Superis; & pugnent illis cum Diabolis, qui ausi sunt contra Deum erigere cornu, sibi que acquirant cælicam civilitatem, unde illi exclusi fuerunt. Profecto si tu credis providentiam & amorem Dei erga suas creaturas, hoc argumentum moraliter convincit, quòd nimirum altera sit vita, quamvis causa, & modus, & pugna præsentis, sint nobis minus nota.

1. In super assero, quòd etiam si hæc non credis, bonum erit operari bonum secundum naturam. Operari enim secundum naturam cuilibet sano jocundum est, dicunt Physiologi. Ergo pravi homines operantur malum contra naturam, & regulas ejus; Ergo semper mæsti sunt: Gaudium autem eorum apparens est falsumque, quod subito perditur, sicut gaudium ægroti bibentis aquam contra legem Medici magna cum voluptate; sed statim affert mortem: & voluptas falsa fuit. Plus capit voluptatis qui infame manducat panem, caseumque, prout natura statuit; quàm qui sine fame vitulum saginatum. Hoc autem nec Epicurus negat. Ergo si famem expectes, non es minor Rege in cibo, potuque.

Ratio 1.

Infelicitas Pseudopoliticorum etiam secundum ipsorum dogma.

2. Item sobrii & continentes sunt longioris vitæ, ut Antonius, Hilarion, Romoaldus, consimilesque, qui centenarium ultra vixerunt.

3. Insuper si uuntur quadam dulcissima contemplatione, cæteris intemperatis ignota; edaces vero, ebriique, vitam sibi abbreviant, laborant podagra, chyragra, stomachi repletionem, ructu fætido, cauteriis, ignorantia, iracundia; nulla que voluptas ipsorum penetrat animam.

4. Venus quoque nobiliorem dat prolem continentibus, quàm libidinosis, impudicisque, & comedonibus. Qui autem penitus continens est, caret fastidio naturæ, & uxoris.

5. Et jam ostendimus, appetitam præsentem voluptatem esse deceptionem, quæ nos trahit ad labores: & luxuriosos sæpè affici morbis venereis, & morte accelerata, & deliquis.

6. Illi pariter, qui honores ambiunt, & curis dominandi afficiuntur, sollicitudine superflua vexantur frustra. Vir quidem sapiens habet honorem pro fastidio, qui nos omnibus privat jocunditatibus: & regimen aliorum est afflictio continua.

7. Et quamvis honores, & admirationes populorum adfunt, hi tamen extra nos sunt, parumque sentiuntur.

8. Mendicare insuper hoc bonum ab opinione hominum, est quædam affectio ignorantis, qui caret gloria in se, & quærit aliunde. Virtus autem, & studiose operari sufficiunt; quoniam verè bona sunt in nobis, quemadmodum bene decernunt omnes rerum humanarum contemplatores.

9. Prætera timent semper ne amittant Principatū, vel honore illi annexum; plenique suspitione vivunt, à populis, à servis, à cognatis, ab amicis, ab exteris, & undique.

10. Quando aliquid faciunt, mille testes habent, coguntur aliorum vivere arbitrato: si quid mali faciunt, mille iudices habent, & murmuratores, qui malum illud augent: quoniam est in candelabro: bona minuunt, quoniam majora requiruntur ab eis: & cum laudant, reputantur adulari, & irridere potius.

11. Præterea necesse habent audire nunc hunc, nunc illum memorialem libellum: vel blasphemari à populo: item prospicere rebus innumeris maxima cum molestia.

12. Sæpe compelluntur displicere, & malefacere plurimis: placere autem, & bene facere paucissimis; providere, quomodo salva dignitate, satisfacere queant tot hominum varietati: respondere Oratoribus Principum, utiliter, & honestè.

13. Invenire nova genera tributorum: & interdum per fraudolentias ad corradendas pecunias populi: & sceleri resistentes, per vim, & per sophismata opprimere.

14. Hæredibus æqualem dominationem relinquere: aut schismati ipsorum consulere sæpe crudelissimè: ut Turcarum Rex per necem filiorum: similiter Rex Fezitarum: Chinarum vero per deportationem.

De Rep. dial. 1.

15. Cogitare quòd reddituri sunt rationem Deo pro tota multitudine. Quod si nò crèdis dum sanus es, & contentus; quando tamen æger eris, senex, & morti proximus, impossibile est, ut Plato monet, quin te cogitatio tangat, num dogma de iudicio universali verum sit, recogites malefacta, & horrore futuræ vitæ perfundaris, & præteritam lugeas, atque blasphemes.

16. Infeliciissimi, profectò Tyranni sunt, ut fatebatur Dionysius Siracusanus; at Tyrannidem non relinquunt propter timorem, ne deinde torvè aspiciantur, & persequutiones patiantur ab illis plurimis, quos ipsi persequuti sunt. Vide Xenophontem.

17. Omitto quòd Mundi bona nunquam explent desiderium: & iniqui omnes pleni sunt suspitione, cupiditatibus ardentibus, stimulis honoris falsi, & divitiarum.

18. Cùmque propriam considerant ignorantiam, & invaliditatem, seque indignos ea, qua donati sunt dignitate intuentur; contristantur, ac fingere coguntur se se sapientes esse, & strenuos. Ast id ipsum est ipsorum annihilatio quædam: dum ostendunt se esse, quod non sunt, & aliud quam sunt se faciunt. Ergo ipsi non sunt. Unde etiam coguntur sicut Nero, odisse, & sæpe occidere Sapientes, & probos viros, quoniam sunt quasi testes sui ipsorum ignaviæ, & stultitiæ; vel interdicare populo studium virtutis, ut facit Dux Moscovitarum, quo solus videatur sapiens: Vel etiam sibi & aliis, & ut Valentinianus, & Barbari Reges: & tunc dominatur bestiis ipse bestia, à quibus, ut imperitis, non potest adjuvari, sed odio haberi, & paulatim exitio dari; ut Plato & Arist. & Plutar. advertunt.

Felicitas bonorum,

E contra verò mens Iusti, est quasi iuge convivium, Iniqui verò infernus suspitionum, ac ferventium desideriorum insaturabilium olla, & stimulorum ambitionis, & avaritiæ seges, plena passionibus, &c. Nec Philosophum invenio, qui id non consideret: & ipsi sciunt scelesti ita esse: sed meliora sequi ignorant; sicut qui se ad remigium revendunt. Et vidi quòd facilius esset benefacere, quàm malè.

Sed, quòd majori consideratione dignum est, quodlibet genus hominum capit voluptatem tantummodo à voluptuosis rebus: sed sapientes Christiani, hoc est verè & plenè rationales, capiunt voluptatem etiam à dolorificis. Profectò, qui pro amasia laborat, experiturque labores illos esse voluptuosos propter spem retributionis exiguæ, sciens se in eis placere carni, & sanguini, vix sentiendi

cienti, intelligit quid dico. Ergo Christiani exuperantjocunditatem omnes sectas, quoniam & à malis capiunt jocunditatem, & à bonis eventibus: cæteri vero à bonis tantum: insuper & multò minus gaudium capiunt ex bonis, quam Philosophi & Christiani. Ergo saltem quadruplex est gaudium Christianorum ad gaudium aliorum. Plato autem addit multò plus cum Socrate suo proportionem hanc exquisitius indagando. Ergo secundum Naturæ legem id verum invenitur: quoniam Christus est autor naturæ, & gratiæ, & legis veræ cujuscunque: & ideo vndeunque testimonium habet, ut Paulus prædicat Lystris.

At si dicas Philosophos, & Christum decipi; Ego inquam, hanc ipsorum deceptionem facere eos beatosjocundosque semper; Tuam autem veram voluptatem te plenum ærumnis semper. Nam cum hoc unum scias, te moriturum, omnes voluptates amittis, quoniam aliam vitam non credis, neque speras, & in tuis voluptatibus semper affigèris, quòd satiari illis non potes absque conquæstione & dolore, & turbationibus multiformibus. Christiani autem credunt mortem esse transitum ad vitam meliorem, & cum lætitia illam præstolantur, & amplectuntur: tu autem cum horrore, & dolore. Heus Macchiavelle an nè vides scholam tuam deceptam? Petrus Apostolus hoc arcanum docuit contra Simonem Magum, quòd, etsi alia non superesset vita, conscientia recta in hac beatum facit hominem magis, quàm quæcunque fortuna lata incredulorum. Ecce ergo quia Boni sunt beati vndeunque. & quidem qui non statuit vitæ probitatem experimento proprio agnoscere, hanc philosophiam nunquam agnoscet. Et ego testis sum, qui de omni vivendi modo examen feci. Scio etiam, caros mihi puritate conscientiæ, ac vitæ probitate longe magis gaudere, quàm quibuscunque delitiis.

Hoc tandem inficiari nemo potest, quod bestię capiant jocunditatem à rebus dumtaxat jocundis; at scire ex in jocundis quoque jocunditatem elicere, magna profecto est philosophia, atque victoria contra malum, à quo semper metuit iniquitas, tanquam belluina, vilisque.

II. *Timida (ait Cicero) sui natura est improbitas, suo ipsius testimonio convicta. At (ut ait Horatius.)*

Integer vitæ, scelestisque purus,

Non eget Mauri jaculis, nec arcu. &c.

Animus culpa plenus semper seipsum timet. Qui utrunque vitæ genus non penitus gustat, ægrè de his potest enunciare. Et Costa noster addit, interiorem lætitiā & non lædi à malis temporalibus, esse præmium justis, licet quis aliud non expectaret: mœrorem vero interiorē, & lædi quacunque ex causa, & perturbari, esse pœnam injustorum. Sed ego, umbram, & præsagium verorum, gaudiorum, & pœnarum, ista duo prædico. Quin etiam ad impiorum opprobrium præstolor etiam in terra præludium Paradisi cælestis, aureum sæculum, fælicitate plenum, à qua factò iterum flagello de funiculis Creaturarum (ut inquit S. Cathar. Senen.) excludentur increduli derisores pietatis, quam pro stultitia habet Philosophia pseudopoliticorum Epicurea, alibi clam, alibi palam. Et utinam contenta foret delitiis naturalibus, ut Epicurus, sed enim & contra naturam alias exquirunt novas, reficiunt veteres, & saturantur nunquam, quoniam *vanitas vanitatum & omnia vanitas.* Eccl. 1.

APPENDIX TOTIUS LIBRI.

Macchiavellum omnium scientiarum fuisse ignorantissimum, excepta historia humana : & politicam suam non per scientias, sed per astutiam, & peritiam practicam, examinasse : & quicumque ipsum sectantur, præponuntque veræ philosophiæ Sanctorum, esse pueros: qui coquum, suavia exhibentem, Medico, salubria jubenti, præferunt; idcirco in se, vel in filiis subito vitam, & Regnum amittere solere.

CAP. XVIII.



QUONIAM Principes Nationum infidelium omnes, & fidelium plerique hac tempestate hæreditario jure non selecti ad Regimen assumuntur. Multi autem ex his putantes se beatos naturæ esse, atque ad imperandum, non ad laborandum pro cæteris natos, nihil, aut modicum, scientiis operam navant; nec prudentes Veneti ex toto ab hoc eximuntur crimine, quoniam apud eos filii Patritiorum patritii sunt, & plebis Domini. Romæ verò, quæ Resp. est Sanctorum virtuosorum Orbis totius; ubi non nisi doctissimi exaltari solent debentque, irrepunt non raro urgente aut pacis, aut alterius utilitatis ratione, filii Principum; & cōsanguinei, & amici Gubernantium, dum agrè alienis confidere magna negotia possunt. Hos autem contingit aliquando exiguum vel sophisticè literis operam dedisse. Quapropter fit, ut plerique nesciant judicare inter bonum, pravumque consilium; saniores verò pauci coguntur cedere. Præterea cum aliquid dedicerint subito quicumque Principes effutiant illud, sicut gallina edito ovo, Aulici eorum acclamant, tanquam Dei ore loquentibus. Sapientes verò timent effari verum. Quoniam ut divinus Poeta canit.

Horat.

Vrb. viij, ode j.

Gen. 1.

*Fugit potentum limina veritas,
Quævis salutis nuncia, Nauseam,
Invisa prurit, vel iram.
Sæpe magis jurat hostis hostem.*

Itaque ipsi decepti, deinde stultitiam suam effundunt in exitium populorum; & quidquid delirant Reges plectuntur Achivi. Et quoniam surrexit Macchiavellus, phiala iræ Dei, promittens scientiâ regnandi, qua nihil suavius est hominibus, quippe quibus dictum est; *Dominamini piscibus Maris, & volatilibus Cæli, & bestiis Terræ* huncque titulū portant in femore dum nascuntur. Iste autem Macchiavellus familia quide nobilis, sed bastardus, omnium scientiarum fuit expers, & tantūmodo astutiam quamdam ex historia rerū hausit humanarum. Cumque esset animo impius, cogitavit omnes homines regnandi causa omnia opera sua facere, ita quod & Prophetas, & Philosophos, & Jesum, ambitione hac tactos, nova dogmata posuisse existimavit. Et cum videret à Principibus impiis Religionē ludo quodā tractari, prout prodest statui eorum; putavit, esse artem fallendi, & trahendi homines quasi bubalos per nasum in fibula

fibula timoris Dei. Et ego ostendi, ipsam Religionem naturæ decretis constare apud omnia Entia modo suo, & apud bestias aliquo pacto, sed longè veriori apud homines, sed insuper supernaturaliter perfectam apud Christianos; nec propter præsentem modò vitam, sed propter futuram, ut in hoc libro, qui posset Antimacchiavellismus nuncupari, patet. Hinc opere pretium duxi ostendere Macchiavelli ignorantiam; si quomodo perditis rebus consulere possimus. Jam enim hæc pestis in Borealibus Regnis magis grassatur: eamque palam profitentur, qui politici vocantur, teste Bellarm. & Butero, & Rescio. Dixit Hesiodus.

Optimus ille quidem, qui per sese omnia novit.

Proximus huic fuerit, qui credit recta monenti.

Atqui nec sapit ipse, nec audierit sapientem,

Utilis hic nulla est omnino in parte putandus.

Quapropter, quoniam Principes Terræ sedulam studiis operam navare, ut per se omnia intelligant, non possunt, fatis est illis, si sapientibus veris obediant. Sapientia autem probatissima est Lex, & Scripturæ sanctæ, & viri sapientissimi, qui sanguine, miraculis, & doctrina veritatem confirmarunt. Macchiavellus autem scelere pollutus omni, nullisque excultus doctrinis, cur sit consiliarius eorum non video. Profectò sicut pueri magis amant Coquos, qui epulas suaves, & dulces, prout cupiunt, præparant; odere autem Medicos, qui salubres imperant, non ita suaves, sed interdum amaras. Coqui autem accusant Medicos coram pueris, dicentes; ò Domini pueri, cavete, quoniam isti Medici vos occidunt, sunt crudeles, quærunt Dominatum super vos. Ecce quas præbent epulas? Tunc irati pueri expellunt Medicos, retinent Coquos: quorum cibus mox infirmantur, & in nocte detestantur Coquos. Coquus est Macchiavellus, parat Epulas mortiferas, sed dulces Principibus Terræ, pueris doctrina, & virtute; accusat Prophetas, & Religiosos Medicos animorum; quia pocula amara, & victum durum propinant: Hi exploduntur à corde eorum; remanet Macchiavellus exitialis illis, & statui eorum.

Perfecta similitudo.

Hoc nuper voluerunt persuadere piissimo Ludouico XIII. Gallicarum Rege.

Quapropter clamat Sapientia ad vos Principes in Salomone. *Usque quo parvuli diligitis infantiam? & Stulti ea, quæ sibi sunt noxia cupient &c. convertimini &c.*

Prov. I. & 3. & 4.

Et quoniam pueri esse vultis, ostendam vobis eiusdem per exempla Macchiavelli, ipsum esse Coquum idiotam.

Primò, quoniam veluti puer non cognoscit, nisi quæ sensus exterior videt, Angelos autem, & Deum, & Animam extare non novit; & tamen dicat mihi, cur abeunte Anima corpus moritur? Ecquis ordinavit cursum Cæli, & Terræ germinationem? Ecquis sapientiã dedit Animalibus? Hæc omnia in hoc libro ostendi ei.

Prima ratio ostendens, Macchiavello credentes esse pueros.

Secundò, quoniam putat, hominem proprio tantum arbitratu res humanas regere, ideoque in astutia humana fundat jus politiæ. O puer non nè vides, nos pro crastino consilium capere quemque suum, neminemque fieri voti compotem, nisi eum, qui primas causas, & secundas simul consuluerit? Alius enim cogitat navigare, alius arare, alius venari, alius in curiã, alius in vineam ire; Cras autem veniens pluvia de Cælo, dissipat omnia consilia hæc. Astrologus autem capit cõsiliu laborandi in domo, & nõ est dissipatũ, quia habuit è causis cælestibus pluriæ præsciẽtiã.

Imò probatum est in Metaph. quòd omnis motio, omneque atomum, causa, vel occasio esse potest immutandi regna, & imperia. Siquidem clavus equum signiferi in bello pungēs, vacillare facit vexillum: & ex hoc milites: & ex hoc hostes victores fieri: & regnum mutari. Musca etiam una idem fecit torquens molestia Principis oculos ad videndum id; unde rerum mutatio suboritur. Et pulex unus, Assuerum excitans, ad lecturam Annalium, unde Mardochei, & Judæorum

Salus

Senec. 4. de benefic.
ostendit fatum ha-
bere causam primā.

Salus, & Aman ruina, provinciarum statum immutavit. Ergo tu cum Sadduceis Causam primam, unde aliæ innumeræ moventur per ignotas occasiones, spernendo stulti es. Nam etsi homo liber sit ad quodlibet volendum, haud tamen & ad omnia, ut lubet, operandum: quoniam aliæ causæ circumstant supernè, infernè, à dextris, & à sinistris. Ergo si Macchiavellus non docet, quo pacto ex præactis causis ista prævideamus, ratio politica sua fallit. Ipse quidem ait, nos temporari aptari oportere, idest sequi fatum, ut Poetæ ajunt. Sed quid doces, nisi & istud doceas, quando, & quomodo, & unde ista fiant? Fatum est series causarum. Datur nè causa prima inter eas? Si non datur; neque nos sumus in Mundo; quoniam non sine causa, nec ab infinita serie factus esset transitus usque ad nos: Si datur: ergo illa colenda est universalissima, primaque, ut ad ejus auxilium in necessitatibus refugiamos: sicut ad principem populos subditos tu quoque dirigis. Et hoc est Religionis Seminarium: Politicis quidem utilissimum. Cum enim mortalium providentiæ timidæ sint ex accidentium nō prævisorum infinitate; expedit, faciliusque est, legem sequi divinam, Deumque orare, ut consulat menti, & operationes incertas, vacillantesque dirigat, (dum fecerimus, quod in nobis est:) quàm proprio arbitratu non minus temerè, quam perniciosè circa parva, & magna, negotiari, juxta propriæ legem astutiæ Achitofellisticæ operando.

Causa autem prima, vel fide creditur, quam omnis Nationis præsertim Christianæ Religio tradit: vel studio scientiarum. Similiter & ordo. Nam physica docet medicamina, & prima corpora, & misturas, & passionēs, & generationes rerum terrestrium, & maritimarum, & ærearum; Astronomia, motus Cæli, & ordines temporum, & primæ causæ providentiam in eis. Astrologia, vires stellarum, & potestatem super inferiora; Theologia autem Dei Legem, & voluntatem, & ordinem in Mundi regimine, & finem ad quem opera nostra dirigimus, unde Plato, Stoici, Pythagorici, & omnes sectæ, liberè, & probè philosophantes, finem politicæ dicunt esse cultum Opificis rerum omnium. Quapropter deliras Macchiavelle, nullo præstituto fine, nisi Tyranni utilitate, sibi aliisque perniciose, suadere hominibus artem arripiendi tyrannides, & conservandi, & ad libitum omnia faciendi, & non ad Dei voluntatem. Si nulla esset supra nos causa, aliquid diceres. Sed cum nostra consilia corruant, nisi & causas omnes perpendamus, falleris. Et propterea omnes discipuli tui corruunt, & principatum in se subitò, vel in posteris mox suis, amiserunt, & vitam: contraque artem tuam, qua principatum consequi, & æternare, per fas, & nefas, & id unum modò, doces.

Quod omnes Achitofellisticæ vitam, & Regnum in se, vel in posteris subitò amiserunt exemplum primum ex Valentino. Non istud recito, ut maculā Familiæ nobilissimæ facerem; absit; sed quod Jovius, Sanazarius, Guicciardinus, & alii historici narrāt pro veritate, & Macchiavellus ipse pro impietate cōfirmāda, ego repeto pro impietate expellenda, facioque de serpente pharmacum principibus, volentibus hanc pernoscere veritatem, nec enim Lutherus Sanctam Religionē Augustinianorum, nec Judas Senatum Apostolorum, nec ergo hic Macchiavellus familiam Macchiavellorum nobilem, nec Valētinus suam, macularunt.

In primis Dux Valentinus, qui ex ore tuo hanc doctrinam hauriens, voluit sicut tu doces, se facere Regem Italiæ, extinguere Papatum, occidere Cardinales, & erigere Romæ titulum Regium. Et prius (adjuvante etiam Patre Pontifice) occupavit Flaminiam, quam vocamus Romagnam (ut Jovius, Guicciardinus, Sanazarius, & tua historia contestantur) sed quid profecit? Et tu laudas eum in cunctis: & dicis, ipsum omnia optime disposuisse, interfecisse Urfinos Principes per proditionem, qui poterant conatibus suis contraire, & sub verbo Potentissimi Patris sapienter (ais) strangulasse eos, & sequaces primarios eorum. Nihilominus vidimus postea, eundem Valentinum expulsū ab Italia, succedente Papa Julio II. sibi contrario, & mortuum in Navarra exulem, & mendicum, & execratum Deo, & hominibus. Ipse voluit toxico Cardinales necare, & necavit se, & patrem, licet ipse, ut juvenis, & medicamine utili sanatus sit. Quid dicis adhuc? Respondit, omnia prævidisse Borgiam, sed hoc quod mortuo patre ipse infirmus à toxico remaneret, & Papa contrarius succederet, non prævidisse. O miser, non nè sic tuam

nam ignorantiam fateris? Quare tu non docuisti eum ista futura mala? Nesciebam, dices. Ergo tua doctrina stulta est. Et Deus est in Cælo dissipans consilia hominum, prout vult. Hunc recognoscere oportet. Defuit ergo tibi triplex scientia in hoc. Nam si Theologis, Papatum æternantibus minus credis: saltem per Astrologiam fortasse potuisses videre non concordare tempus conatibus vestris. Et si Papatum tanquam rem humanam tractabas, nullam ejus eversionem à stellis significari per Cometam, & per Synodos magnas, & per ejus originis thema cæleste, saltem vidisses. Secundo: Agnitio Prophetiarum ex Theologia, cui non credis, defuit. Nam illi promittunt sedem David, & thronum ejus, (Pontificatum scilicet Christianorum) sicut dies Cæli æternum. Ergo conatus vani erant contra promissionem Dei, nisi tu à Deo haberes oracula nova certiora. Quod si tanquam vanas irrides prophetias: Ecce vanum fecere consilium tuum. Præterea defuit & Politica, quam profiteris. Cum enim Papatus non sit unius Familiæ, aut Nationis imperium, sed virtuosorum totius Christianismi: etiam si occupasset illud Valentinus, retinere non potuisset. Omnes enim Populi, & Christiani Principes, & Religionis zelo, & Regni communis amissione, perciti, contra invasorem surrexissent. Quoties enim Barbari, aut Germani, aut Gothi, aut Longobardi, Papatum afflixere, toties Reges Christiani, Galli, Veneti, Itali, alique contra eos unanimiter pugnaverunt: & qui pro Papatu certarunt, gloriam, & Regnum sunt adepti: qui contra, vituperium, & miseriam. Vide historias.

Item Oliverottus, quem dicis sapienter Patriam subjugasse, occisus est dolis Valentinii tui sub verbo Pontificio vocatus. Et inermis accessit, & periit. Ubi est doctrina tua in illo? cur sic imprudens fuit, ut qui fidem non habebat, & sciebat Valentinum minus habere, se traderet in manus ejus?

Item Castrucci Lucæ, quem laudas super septem Sapientes Græciæ; & quod pejus est, fingis eum expositum fuisse, & educatum à Cane, ut pontificam ejus nativitatem facias, sicut Xenophon Cyri ortum. Et narras, quòd in lectum cujusdam mollis viri pedibus luto plenis ascenderit, ut ostenderet se illius calcare superbiam: Et quòd in faciem expuerit illi, qui domum mundam magis quam seipsum servabat. Et quæcunque mira de Philosophis Cynicis leguntur apud Laertium, tu huic bestiolæ tuæ tribuis: at mendacissimè. Et quàm sapientissimè, & prodigiosè tyrannidem Lucæ, & Pisarum occupaverit, admirari nos cogis. Nihilominus iste Semideus tuus mortuus est, non relicta successione suis, sed miseriis multis; quia post pugnam (ais) captavit noxium ventulum fluminis frigidum. Ergo defuit tibi, & illi physica. Item politica spe plenus accersivit Bavarum in Italiam, unâ cum Maffeo Vicecomite, qui tamen fuit suæ clades Patriæ. Ubi est sapientia tua? Si dicis, fatum illi obstitisse: cur non placas fatum Religione? si implacabile est; & casu aguntur omnia: ergo frustra consilia tu Principibus subministras. Qui credunt in Deum, cum omnia facienda fecerint, nec ex voto (quod rarò vidimus) succedit, consolationem hanc habent, quòd Deo hominum Patri melius, licet occultius, providere placuerit, & dormiunt in spe. Tui autem in rabie, & desperatione infelicitè succumbunt.

Item Ludovicus Sfortia, qui Macchiavellisticè Principatum Nepotis usurpavit, & irrui, & ludo omnes Principes habebat; & pinxit se atri instar homunculi, pulverem in oculos aliorum de vestibulis suis scopa excutientem: non ne & ipse periit in astutia sua à Svisseris mercenariis militibus in cavea positus, extra Italiam in vinculis delatus? At è contrario non ne tu fateris Julium I I. contra rationem politicam multa fecisse; & tamen prosperatum esse?

Exemplum 2. ex Oliverott. laudat à Macchiavell.

3. Exemplum ex Castruccio.

Felix documentum.

4. Exemplum ex Ludovico Sfortia.

Item

5. Exemplum ex
Tryphone.
1. Mac. 13.

Item Tryphon ille, qui Regium natum Antiochum dolosè enutrivit: & juxta tuam doctrinam occiso ipso Regnum Syriæ occupavit; non ne periit, ut canis? Quid profuit ars tua, qua Jonatham Principem Hebræorum, ac filios, aliosque conatibus ejus obstare potentes, consimili dolo, quo Valentinus præfatos Regulos, enecavit?

6. Exemplum ab
Henrico 11j.

Item Henricus I I I. Rex Gallorum, dum politicè Hugunottis favet, & Hæreticæ Genevæ protectionem suscepit, non ne periit à fraterculo occisus; & lineam Regum de Valois secum extinxit? Et oppositū faciens Lud. XIII. mirificè prosperatur.

7. Exēplum à Fran-
cisco Alanfone.

Item Franciscus Dux Alanfon, quò facilius Regnum Galliæ invaderet, se attulavit Defensorem utriusque Religionis, scilicet, Catholicæ, & Hæreticæ, consilio Macchiavellistico; & hoc eodem accersitus ad Regnum Flandriæ processit: tamen in sua astutia ridicula, & impia, non ne perdidit, & vitam, & Regnum, & conatus omnes vanos de Macchiavellismo damnauit? Vide quam infelix Henricus V I I. Rex Angliæ Macchiavellizando fuit in uxoribus quinque, in Regno, in extincta prole, in vituperiis?

9. Exēpl. à Ro-
boam Salomonis fi-
lio.

Item tu doces, Principem in principio Regni debere se Populis durum exhibere; quoniam si in principio cedit, semper nova petent privilegia, & humiliabunt eum. Si verò celsus, durusque eos despiciet in principio, semper Dominus erit. Nihilominus Roboam filius Salomonis, hoc idem consilium (repulso seniorum contrario) accepit à juvenibus, dum tributorum imminutionem populi peterent, quando primum coronatus est; & dixit. *Fortior est digitus meus humero patris mei: pater meus aggravavit jugum vestrum, ego autem addam jugo vestro, &c.* & tunc subito amisit Regnum penè totum.

10. Ex Absalon.
2. Reg. 17.

Item Absalon, Achitofellis consilio, qui fuit idem quod tu penitus, surrexit contra David patrem; arripuit Regnum, & vitam amisit, & regnum. Et Achitofel se laqueo suspendit. Huic respondes, quoniam non est sequutus consilium postremum utile Achitofellis; & sic dicit Scriptura. Sed Ego dico. Quare? quoniam *Deus dissipat consilia Principum, & adducit Consiliarios ad Stultum finem.* In hoc deficit tibi prophetia, quæ Salomoni Regnum promittebat; & tu in politica ratione confisus decepisti Absalonem; & nescivisti ostendere dolum Chusai, oppositum consulentis.

Psal. 32.
Job 12.

11. Ex Abimelech.
Jud. 9.

Item tu consulis, genus Principis regnantis extinguendum esse novo Regnatori, exemplo Romuli, Agis, & Turcarum. Sed non ne idem fecit Abimelech filius spurius Gedeonis, occidens lxx. fratres; & tamen ipse per manus fœminæ extinctus est? Nemo ergo prosperatur ex Principibus tuis. Idem fecit Nero, & ipse propria periit manu. Idem Athalia, & eundem finem truculentum sortita est. Idem Ptolemæus gener Simonis Principis Judæorum. At quis finis ejus? Quid profuit Herodiceades Innocentium, & filii proprii? hoc narrat Macrobius quoque, nedum Matthæus Evangelista, cui non credis.

12. Ex Nerone.
13. Ex Athalia.
14. Ex Ptolem.
15. Ex Herode.

Occurrit objectio-
ni.

At si affers exemplum Jehu; prospice quòd ille sequutus est prophetiam Eliæ. Quapropter absque nutu Dei, jubentis hac contra impios, consilium tuum impium est. Non ne melius Reges Galliæ, & Poloniæ, & Hispaniæ, & Germani Imperatores Austriaci, natos Regios servant, vel in alia Regna destinant, dant eis victum, honoresque; & benedicti sunt apud Deum, & homines? Aliud quoque Reges Chinarum, & Aethyopum remedium habēt in deportatione, minus crudele. Non ne etiam Cæsar per clementiam vicit Pompejum, armis superiorem? Et Scipio benignus crudelem Annibalem, quem tu Scipione sapientiore, & fortiorem facis? Et quare? quia nihil sanctum, nihil pium, nulla fides erat in eo teste Livio.

Exem-

Exemplum Agricolarum, quo virgulta minora excidunt, ut majusculum excre-
scat magis, valeret, si, ut de eadem radice portiones nutrimenti virgulta con-
nata, fixaque habent, sic filii Regii haberent Regni portionem independentem. Sed
velut Barones sunt sub Rege, sic & auxiliarii fratres. Nec Deus Davidi, nec Natu-
ra Regibus Gentium hoc documentum dedit, sed servandi omnes, ita tamen,
ut rebellio non facile sequatur: quæ tamen non minus ab extraneis, quam à con-
sanguineis oriri solet.

Tempus quidem deficiet, si narrare velim, quot arripuerint Tyrannidem Mac-
chiavellistica arte, & corruerunt: nec profecto video unum ex eis ad posteros
transmisisse Principatum.

Nunc aliud dogma ejus tangendum est. Afferit enim Religionem posse à Principe
torqueri quocunque vult, exemplo Spurii Posthumii apud Samnites. Ego autem
rogo, utrum contemptus Religionis palam proferat dominatui? credo, negabit; nisi
& populos in suam aliam novam Religionem trahat. Sine Religione enim, ut pro-
batum est, non stabit uno die Civitas ulla, nec Regnum. Quis enim non videt,
quod si Papa spernat Religionem, deponitur? & Reges plurimos de solio deje-
ctos ob hoc ipsum? At ipse intelligit clam fallendo populum; unde putat Sanctum
Gregorium fuisse unum ex his: & omnes prophetas. Vel oportere novam Reli-
gionem condere, ut per ipsam stabiliatur Regnum, sicut fecit Mahomettes. Ego
autem video oppositum omnino, nisi Deus novum aliquod pro tempore jubeat,
& miraculis, & signis, & prophetia confirmet. Id autem in hoc libro docuimus,
& Mahomettem promissum, ut Antichristum, & propter quid. At exempla ap-
ponere non gravemur.

Primo, Julianus Imperator Apostata, dum Religionem oppugnat, & irridet
Christum; occiditur in Perside. Secundo, Jeroboam dum novam instituit Reli-
gionem, ut retineret Regnum, ne reverteretur ad Roboam, à Prophetis increpa-
tur, amittit filium, & successionem. Similiter Acab, Baasa, Manasses, Sedecias, &
innumeros apud libros Josephi Hebræi legimus. Item temporibus nostris Dux Sa-
xonix, Lutheranismum introducit; perdit Principatum, & seipsum. Item Rex An-
glorum Henricus VIII. in successoribus perditur, & in se experitur infortunia.
quatuor uxorum adulterarum; quoniam ex divortio, contra Religionem facto,
apostasiam molitus est. Item Joannes Leidenensis, & Frater Dulcinus, seipsum cum
populo persumdedit. Et Reges quidam Gallorum de Valois sprete Religione,
dum nunc Catholicis, nunc Ugonottis favent, extincti sunt. Balthassar Rex Ba-
bylonis, sprete Religione, eadem nocte occiditur, juxta verbum Danielis. Princi-
pes Germani post novam Religionem, à populis obedientiam vix exigunt; &
Rustici bellum Principibus intulerunt, & Geneva defecit à Duce Sabaudix. Et qui-
cunque contra Papam caput Religionis, olim surrexerunt, Principatum, & vi-
tam amiserunt, ut Federici, Henrici, Manfredus, Conradinus, & tandem Con-
stantinopolitanum Imperium propter schismata corruit. Veneti spreto Papa sub
Julio II. corruerunt: ad ipsum redeuntes, Regnum, salutemque recuperarunt.

Legimus è contra pios omnes diu, & bene regnasse: ut David, Salomonem,
Ezechiam, Moysen, Constantinum, Carolum Magnum, Venetos perpetuos Ec-
clesiæ auxiliares. Atque inter gentes ipsos quoque, qui solam speciem pietatis ha-
buerunt, Augustum, Numam, Vespasianum, Adrianum; aliosque: quod & Mac-
chiavellus fatetur. Dum imprimitur, Codici huic adde Ludovicum XII. Regem
Gallorum, adolescentulum contra omne consilium politicum hæreticos sui Regni
Potentissimos, & Rupellam fortissimum nidum eorum, & refugium Rebelleum,
etiam

An politica Reli-
gionis torso proferat,
ut Macchiavellus.

Exemplum 1. ex Ju-
liano contra torquen-
tes, & mutantes Re-
ligionem.

2. Ex Jeroboam, &
aliis Principibus Ju-
dexis.

3. Ex Duce Saxon.
ex Rege Anglor.

Ex Principibus Gal-
lis.

Ex Rege Babyl.

Argumenta ab op-
ponentis.

etiam Catholicorum, zelo Religionis aggressum, victorem, & triumphatorem, non magis de Hæreticismo quàm de Achitofellismo, Deo duce, revertentem. At è contra impios brevi, & male, ut Jeroboam, Sedeciam, Sennacherib, Antiochum Epiphanem, Neronem, Domitianum, Commodum, Azzelinum, Julianum; & alios jam nominatos discipulos Macchiavelli. Quòd si contigit citò mori pios, eorum memoria in benedictione est; & mortui etiam dominantur, ut nunc Romæ Petrus, & Paulus, & Prophetæ ubique, sed impiorum maledicta coram Deo, & hominibus. Vide quæ diximus in corpore libri de hoc.

Resp. ad arg. Macchiavelli ex Romana politia fictum.

De Romanis mentitur, quod Religionem ludo vertebant: quin oppositum legimus: nihil absque Religionis jussu fecisse; & ipsa repugnante, omnia revocare consuevisse, etiam Consulium Creationem, & belli apparatus.

Quod autem de Posthumio, verum est; sed non poterat ille pacisci in perniciem Reip. Vel dicendum est, aliquos Consiliarios impios Religionem violasse: Vel non meruisse Samnites observantiam propter crudelitatem: Sed non ne idem Consul se tradidit ob juramenti Religionem Samnitibus occidendum? & Attilius, Carthaginensibus? Hoc reputavit stultitiam Macchiavellus, & violandam potius Religionem consulisset. Ergo Romani non putarunt se violare Religionem, ita facientes: quod si errabant, ex errore non est trahendum argumentum.

Resp. ad aliud dogma Macchiavelli, de armandis credentibus.

Aliud impiissimum Dogma, quo Prophetas vituperat: eo quod nescierint armare credentes, & vincere; In hoc Antimacchiavellismo penitus evertimus, & docuimus, eos non dominandi causa, sed Dei jussu loquutos esse. Et pluribus demonstratum est. Item eos, qui armaverunt suos Macchiavellisticè, etiam vitam amisisse; ut Frater Dulcinus, & Joannes Leidenis; & non fecisse minimam partem eorum, quæ fecit Jeremias, & quicumque ex Prophetis: ostendimus, Moysem Cyro præstantiorem dominatu animorum, & diuturnitate, & amplitudine, & reverentia Imperii, contra id quod obloquebatur Macchiavellus: & distinximus dominari in animo, in corpore, & in fortunis, &c. Vide.

Ex facto Savonarolæ præve per Macchia. interpretato.

Illud autem quod de Savonarola excogitavit, ridiculum est. Neque enim ullo pacto putandus est ille Religiosus Dominicanus, dominium Florentinorum ambivisse; quomodo enim Monachus regere illud posset, nisi dimisso habitu Monachali, & prædicando Religionem novam, seu hæresim? At si hanc, vel modicum innuisset, statim quam sibi adhibebant fidem, amisisset; cum vel perseverando in austeritate Religionis, etiam calumnias non effugerit, vel accusationes. Nolo enim hoc judicare. Præterea in morte sua ostendit grandem poenitentiam, & sanctitatem, & scripsit super Psal. 31. & 50. ignitis verbis consolationem mortis. At factus Macchiavellista vix cogitare, aut legere præ timore potuisset, quæ ille in fervore Spiritus, & Sapientia viva, dictavit. Et hæc quidem nihil sunt comparatibis, quæ fecerunt Prophetæ, & Jesus Deus noster. Et quia de hoc disputatum est, ad locum suum lectorem remitto. Sed hinc indicium assumimus, quod Macchiavellus nullam agnoverit Spiritus humani conditionem & qualitates; Ideoque quidquid in suo arbitratu falso concipiebat, ut dogma secretissimum scribebat.

Arg. ex Papatus regimine.

Fatetur quoque Macchiavellus, Papatum regi absque ratione de flatu sua, & tamen tantam esse erga ipsum reuerentiam, quod tutior sit, quam quicumque armatissimi Principatus. Hoc profecto debuisset illi persuadere, quod nisi Dominus custodierit Civitatem, frustra vigilat qui custodit eam. Ergo si nomen Dei tantum potest prædicatum à Prælati, quos ille opinatur impios, & imperitos; quanto magis à Sanctis?

Arg. ex Prophetarum potentia.

Non ne Elias, & Eliseus posuerunt, & deposuerunt Reges? & Papa Reges, & Impe-

Imperatores, & Respub. & mox condidit novos titulos, & extirpavit, & plantavit, sicut dictum est ad illum in Jeremia, & Petro? Quapropter addiscat primo scientias omnes, & deinde doceat artem vivendi, & regnandi. Quod si Theologos spernit, accedat ad Socratem, ad Platonem, & Pythagoram, ad Trismegistum, aliaque naturæ lumina; & deinde consulat Principibus quod rectum esse agnoverit; et, non quod opinatur, salubre esse Coquorum more.

Ex defectu scientiæ
in pseudopol.

Non ne Regnum Hispaniarum semper crevit, ex quo pugnarunt contra Mauros, & zelo Ecclesiæ Dei imbuti sunt: cætera verò Regna Christiana passim succubuerunt, quoniam contra invicem sprete Religione pugnabant? Quod si fingunt Hispani (ut ais) religiositatem, hoc magnum est, quod etiam Religio ficta plus potest quam impietas manifesta. Quanto magis ergo ubi vera existit? Carolus Magnus pro Ecclesia certando adversus Saracenos, erexit novum Imperium: Constantinopolitanus vero scismaticus corruit. Quapropter revertimini ad cor: & ad concordiam Principes Christiani; & relicto Macchiavello, hoc est, prudentia contraria Religioni, consulite Evangelium: & ego auguror vobis de Evangelio, quod possideatis terram. Quid si etiam Monarchiam universalem sub felicitate sæculi aurei, qualem in Prophetalibus descripsi, & in libro hoc?

Arg. ex Hispanorum
pietate.

Arg. ex Carolo Ma-
gno.

Tandem quæro: utrum sicuti regnandi gratia licet Macchiavellistis Religionis simulatio, & perjurium, & divinæ legis prævaricatio, liceat etiam pro bonis aliis, ut pro fama, divitiis, prandio, vindicta, injuria, pro libidine explenda? si enim pro his quoque licent illa: tunc pater non potest habitare cum filiis, neque fratres cum sororibus, neque discipuli cum magistro, neque homo cum homine contractare, sine dolo, & statim ruit commercium humanum, & Resp. & amicitia.

Regulæ Macchia-
velli tollunt etiam
familias & amicitias
ne dum Civitates,
Regna, & commer-
tia.

Si autem non licent, ergo neque regnandi causa. Nam sicuti Cæsari Romam subjugare pessimum omnino est facinus, ita Agasoni subripere arcam plenam preciosis vestibus, & manticulario marsupium; & Coquo oleum, & sal, & carnem heri; & sartori ulnam panni &c. Ergo faciamus omnes quod pessimum est, Ergo filius toxico tollat patrem, ut citò hæreditatem adeat; & frater fratres, ut possideat solus; & sororem germanam constupret, & quodlibet liceat. Numquid constabit amplius Respublica? minimè. Ergo Religio ipsam sustinet? maxime. Ergo Macchiavellus docens artem regnandi, docet artem ruendi. Quid enim est Princeps absque Populi colligatione? Sed ipse concedit hæc solis Principibus; Proh scelus belluinum: non ne tu doces quoscunque ad Principatum ascendere per quasunque artes? Nam & Agatoclem quia captivavit sibi milites passus turpia, & prævaluit audacia inde arrepta, & pervenit ad Regnum, tu collaudas: & similiter Oliverottum, & Castruccium vilissimo loco natos ascendisse per scelera sapienter, doces, ad summum. Ergo omnibus concedis omnia. At si non concedis, cur ista scribis, unde omnes discant malefacere? parum tibi videbatur naturæ pronitas ad malum, nisi & artem docuisses?

Et in hoc ignorantissimus appares. Si enim Respublica non potest stare absque Religione; Ergo natura hominis illam appetit: sicut politia, & Rationalitas, non ergo est superaddita astutia. Item, ut per historias multas, & rationem ostendimus in politicis, omnis Principatus, & Respub. & secta, & lex, in quibus eo devenitur, ut homines non credant Deum esse, vel providentiam erga nos, aut animæ Immortalitatem; aut hominem habere liberum arbitrium; necessariò patitur mutationem & ruinam, ut Hebraica, quando habuit Sadduceos, & secta Phi-

Argumenta eviden-
ter convincentia.

Iosophorum, quando pepereunt Epicureos; & Gentilismus, quando sine Deo cepit esse; & Japonis Monarchia, quando Immortalitas Animæ explosa est, &c. Quoniam hæc opiniones faciunt Principes Tyrannos, & Populos seditiosos necessariò. Ergo politica Macchiavelli quæ solam licentiam arbitrii ex his relinquit, nullo pacto stare potest. Et mirum, quomodo non videt Principes subito fieri Tyrannos, & per vim regnare: violentum autem nullum durabile. Et ipse scelestus dicit, Principem timeri potius quam amari, expedire. In quo vel comicus Poeta, nedum. Philosophia, & Theologia condemnat eum. *Malo coactus, qui suum officium facit, dum id rescitum iri credit, tantisper caret. si sperat fore clam, rursus ad ingenium redit, hæc Terentius.*

Arg. ex altera ignorantia scientiarum.

Quod si Tyrannidem Turcicam introducere cupit, in qua solus Rex est Reip. finis, licet fingatur Deus: profecto qui hoc laudat, omnes homines mancipia erroris, & Tyrannidis, & Hypocrisis facit: mereturque sub tali Regno vivere, in quo nec res, nec filii, ne honos, nec ipse sui est. Præterea Macchiavellus ipsemet docet in prima clade ruere huiusmodi dominatum, quoniam viribus subditorum, & benevolis caret animis. Nec parvos Principatus posse ejusmodi subsistere, nisi Monarchias magnas, in qua subditi armis privati effeminentur: armati autem sint Regis tantum satellites. De hoc vide Politicam nostram.

Idem docet S. Tho. opusc. 20.

Item Macchiavellus videtur Cosmographiæ & morales penitus ignarus. Non enim omnis principandi modus omni convenit Nationi; sed Borealibus, Respublica & Anarchia; quoniam sanguine, & spiritu multo abundant vix corrigibili, frigore colligente ipsorum vires Meridionalibus Tyrannis; quoniam tenui & fuliginoso spiritu donati sunt: itaque sunt timidi, viles, & dolosi, & facile ferunt dominatum, & crudelitatem, ut probavimus in Physicis. In mediis vero Regionibus Resp. convenit, ut Græcis, Italisque, propter mistam naturam. Item oportet solum, & Cælum spectare, & Sidera, & mores, ut scias quomodo, & ubi quem dominandi modum instituas. Hoc autem indiget Astrologia, & Physica experientia. Ergo ubique Tyrannidem fundans Macchiavellus, imperitus est; neque enim artes eadem omnibus congruunt.

Politica Macchiavellistica est servilis modicitatis & astutiae, non prudentiæ magnanimæ &c. Fatu dicitur à fante Deo.

Arg. ex Christi Sapientia & hujus artis Macchiavelli, sibi notæ, reprobatione.

Docet Macchiavellus latrocinari palmum unum telluris; & tutamen ejus per dolos serviles; nec causas spectat omnes, ut enim probavimus in Metaphys. tota rerum universitas & Cælum & Terram & secundæ causæ, concurrunt ad effectus omnes, præsertim magnos per Necessitatem, Fatum, & Harmoniam; & qui eos ignorat, male fundat, & perperam ædificat: Nisi Sapientiæ Divinæ se committat.

Sciendum est tandem, quod Macchiavellus utitur prudentia carnis, quæ belluina est, & terrena sapit. Et Christus reprehendit Petrum quando dicebat ei, *Ne rediret in Judæam; quoniam ibi passurus erat*: & ait, *Vade retro Satanas, non enim quæ Dei sunt scis, sed quæ sunt hominum &c.* hæc est ratio humana carnalis Satânica Macchiavellica, quam Macchiavellus putat Christum ignorasse; sciat nunc à Christo reprobata esse, quoniam spectat causas particulares, & non omnes; Christus autem Theologiam, & supranaturalem spectabat; & quod toti Mundo utile erat; & sibi gloria erat æterna: & non tuitionem vitæ trium dierum. Macchiavellus inspicit quod potest facere homo, secundum se. Christus secundum se, & secundum omnes causas à Deo ordinatas. Macchiavellus est porcus, & pecus, qui decernit cras edere & lavari, & nescit quod pastor aliud de illo disposuerit; Christus autem pastorem spectat, & pecora, & causas, & concausas præsentium & futurorum.

Præterea probatum est in Politicis, culmen imprudentiarum esse in eo, qui putat

eat prudentiam humanam ad acquirenda, & conseruandaque imperia sibi sufficientem esse: cum quotidie experiamur, nos non solum aliorum hominum, auxilio, sed etiam Cæli, & Terræ, & Aeris, & Aquarum, & Solis, & Lunæ, & Creatoris, & Gubernatoris rerum ope indigere; una enim pluvia dissipat consilia Gentium, & Principum, & unus pulex somnum auferens Assuero, mutationem non aulicorum modo, sed totius Regni peperit. Quapropter Socrates, *Prophetia opus habere Rempublicam*, dixit. *Cogitationes enim mortalium timida, & incerta providentia nostræ* teste Salomone; qui & addidit, *Cum defecerit prophetia, dissipabitur populus*. Propterea scientias, & divinas, & humanas habemus, legesque, ut intelligamus, Prudentiam Principis non gubernare per se solam, neque Principem esse Reipublicæ finem, & optimum: quippe qui non beare, at destruere Rempublicam sine Deo potest: sed Deum nostri beatificatione consequendum. Achitofel autem tanquam si Princeps esset a se ipso, & Respublica propter ipsum, vel interpretatiuè, fatetur, nec legibus divinis neque virtute, neque Deo Principem indigere: quo nihil ineptius, stultiusque, perniciosiusque.

Esfer. 6.
In phed.
Sap. 9.

Prudentia humana etiam Apostolus usus est in Concilio Phariseorum, & Sadduceorum, & dissipavit eos; & Daniel occidendo Draconem. Sed consideratur dupliciter, vno modo ut supposita prudentiæ divinæ, alio modo ut opposita; primo modo licet uti ipsa, & proficit; secundo non licet; nam nocet tibi in te, vel in tuis, ut exactè probatum est. Quapropter Macchiavelli artes suppositas legi Dei, laudo; non autem oppositas.

AA. 23.
Dan. 14.

Tandem ipse ponit Summum Bonum in dominando, ego probavi esse in hoc infelicitatem, & laborem si facis quod te decet: at si non facis, annihilationem tui, & continuam afflictionem, ut patuit in cap. 17. hujus libri, & in præcedentibus.

Et quicumque Deum causam peccati faciunt, ii faciunt Deum proditorem, Tyrannum, Macchiavellisticum; qui jubet benefacere, quod non possumus, & cogit malefacere, ut habeat occasionem nos torquendi, & de pœnis Inferni ridendi, & lætandi. Tales sunt Calvinus, & Lutherus, & Mahomettus. Quorum cæsus oportet dissolui, ubi primum populi

hoc intellexerint, sicut docui in Panegyrico ad Italos Principes.

Veh nobis, si astutis Italis hæc unquam concedatur opinio, ut simplicibus Borealibus; subito

enim Principatus, & Respublica corruent,

& dissolventur; excusantes scelera Facto,

& tribuentes Deo: omnia-

que ad libitum operantes.

Has radices impietatis

in Metaphys.

convulsi-

mus.

RESPONSIO AD DEFENSOREM
Macchiavelli.

CAP. XIX.

Luc. 16.



VRREXIT quidam Achitofellis admirator, ex Evangelio perperam contra Patres omnes accersiens, contraque leges omnes, defensionem. Quoniam Christus laudavit villicum iniquitatis, quia pro se prudenter egisset; quamvis contra Dominum, bona illius debitoribus, sibi ex hoc subventuris, iniuste largiendo. Sed non advertit Defensor, quod Diabolus, & tyranni omnes eadem prudentia usi sunt, laudata quidem non simpliciter, & veraciter.

Defensor.

Sed vel in ordine ad consequendum, quod malè desiderat: veluti si quis laudaret Zingarum, non ut bonum, sed ut bonum furem, (sicut Arist. in 5. Metaph. notat in verbo Bonum) quod subtiliter, artificiose ex boni viri oculis pecuniam subripuisset; aut quod ita prudenter adulterium patrauerit, ut à marito non deprehendatur. Non enim potest reperiri malum sine bono, aut non in bono, alioquin duo essent Dii, bonus, & malus, uti Dionys. probat. Similiter in 2. Reg. 17. dicitur. quod Absalon, Chusai astu deceptus, reliquit utile consilium Achitophellis &c. Utile quidem, & bonum sibi erat secundum quid erga optatum scelus; sed simpliciter valde malum, quo vitam Patri & Regnum Filius eripiebat malus. Quid? ergo ne boni erimus homines aut boni politici, quia utiliter occidimus infantes, insidiamur, fornicamur, aliena invadimus? minimè gentium. Ergo vel modum furandi, ut bonum furi, non ex suo genere, sed ex industria furantis (non enim reperitur malum, nisi in aliquo bono, teste D. Thom. ex Dionys.) Dominus laudavit: non latrocinia villici per se mala, quæ nec facienda voluit, sed punienda secundum omnes leges statuit.

Vel quia postquam facta sunt, in bonum pro se illa convertit, uti Sanctus Hieronymus exponit. Alioquin Christus hoc verbo totum Evangelium, & legem, condemnasset, quasi omnis lex & divina, & naturalis, & humana, dolosa esset, quoniam ea prohibet, quæ utilia nobis Macchiavellistico more comperiuntur.

Ex male acquisitis Zaccheus non laudatur, sed ex bene dispensatis: propterea Alexand. III. pauperibus tribuit, quæ quis possidet aliena, nec Domino, ignorato, vel per mortem sublato, reddi possent. *Facite vobis amicos de Mammona iniquitatis: ut cum defeceritis (per mortem) recipiant vos pauperes in aeterna tabernacula (Cæli:)* Sic Deus mala quæ non facit, vertit in bonum, quod facit. Non ergo docet malum facere, sed factum minuere, & in bonum vertere.

ARGUMENTA ADMIRATORIS
contra Reprehensores Macchiavellismi.

INstat Admirator, quod qui Macchiavellum incusant, sunt Logicæ ignari: atque Politicæ: alienum, & falsum capeffentes.

I. Logicæ

I. *Logicæ* quidem; quoniam ex extraneis argumentantur, & transiliunt de genere Politico in genus Theologicum, aut morale: dum volunt Macchiavellum debuisse præcepta dare Principi, quæ ad salvandam animam, non ad salvandum statum, conducunt. Imò sepe volentes esse pii, peccaverunt in Politicam & corruerunt, ut Sanctus Rex Josias, & Sanctus Ludovicus IX. Francorum Rex.

Primum arg. contra Accusatores Macchiavelli est, quoniam ignorant Locam.

II. Politicæ verò: quoniam contra Politicam loquuntur Artem. Non enim Politici est unam modò optimam Reip. formam describere, sicut fecit Plato; sed omnes etiam mediocres, & malas, ac proinde quæ præcepta & artes requiruntur ad cuiusque tuitionem. Nec enim Politicus dicit nisi generatim formas alias esse malas, ut Oligarchiam, & Tyrannidem, & Democratiam. Deinde verò debet præcipere modos, quibus qualibet servatur, & quæ mala & quæ bona.

Secundum, quoniam ignorant politicam.

Quia autem optimæ Reipub. status non dum visus est in Mundo, nec videri potest; propterea prudenter Macchiavellus, quomodo servantur quæ sunt malæ Resp. & Principatus mirificè docuit. Non ergo erravit, nisi præcepta congruentia non dedisset. Non congruit Tyranno juramentum servare, neque honorare virtuosos, & potentes, & sanctos viros, & consanguineos; sed occidere; ut ipse jubet. Neque congruit justum esse, ac veracem; sed talem se ostendere ad decipiendas plebes. Et hoc rectè executus est Macchiav. Alibi dicit, quod narrative docet Artes Tyranni: alibi, ex hypothesi.

Probat autem hoc auctoritate Arist. in 5. Polit. c. 9. & D. Thomæ ibidem lect. 7. ubi Oligarchas docent simulare, & pejerare, si debent servari. Similiter in c. 11. Arist. & D. Thomas lect. 11. docent tyrannum debere interficere potentes, sapientes, Magnanimos, spoliare divitiis subditos, per vectigalia, & exactiones multas: Bella, & dissidia inter eos serere. Pœnas inferre quasi paternaliter, & adolescentibus libidinosè uti, non quasi contumeliæ, sed quasi Amoris studio. Et ostendere se excellentem in aliqua virtute; vel simulare illam. Item se alienum esse à corporalibus delectationibus &c. ne sit contemptibilis.

Confirmatio, ex auctoritate Arist. & D. Thomæ.

Quas ob res non contra artem, nec contra prudentiam faciunt, qui docent Religionem in secretò contemnere, & simulare pietatem; & facere quidquid prodest ad statum acquirendum vel conservandum. Sunt autem contra artem & prudentiam, qui reprehendunt in hoc Macchiavellum: Igitur & si sit salutare præceptum docere Principem, ut sit verè pius, & peccata expiet usu sacramentorum, quo Deus prosperet statum ejus: Hoc tamen, ait, est à Politica schola alienum. quoniam qui usi sunt tam bonis consiliis, statum amiserunt plerumque & vitam &c.

Conclusionis confirmatio.

Igitur accusantes Macchiavellum sunt inertes, quoniam tractant de probitate Principis. Et ne malefaciat: quod est alienum ab arte.

Conclusio.

III. Item falsi crimine peccant.

Tertium, quoniam fallunt in politicam

Primò, Quoniam docent, quæ mutant statum Tyranni in bonum principatum, vel in statum privati Civis; non quæ servant in Tyrannide.

Secundò, Si virtutem, vel virtutis illius opinionem docet, quæ obest. Ut esse clementem & pium aliquando obest: & non esse non nocet; sed aliquando non haberi pius. Quapropter Principi solum, ut appareat virtuosus, præcipiet. Nam aliquando virtus nocet statui, aliquando vitium: Propterea crudelis & avarus videri nil timeat. Non enim virtus, nec vitium nocent, aut juvant, sed opinio, quam de illis habet populus. Igitur si præcipit politicus crudelitatem, & avaritiam, ubi prodest, non peccat in politicam; & qui non jubet, peccat.

Hic contraria jubet defensor: cælare vitium. Et non time re videri viciosum.

Tertiò, Falsus est etiam Politicus, si juris, & æqui, & fidei servandæ Religionis statum conservari doceat; cum hoc esse falsissimum experientia quotidiana te-

statùr; & à ducentis annis scimus Principes vi, dolo, fide violata, acquirere, & servare Dominium.

Tria sunt servanda politico præcipienti pro Tyrannide.

I. Hoc solum observet Politicus, nè laudet Tyrannidis, & Oligarchiæ formas, & artes, sed loquatur ex hypothesi, videlicet, si est retinenda, ita faciendum.

II. Item nè sit lubrica oratio, unde quis putare possit te laudare vitia & formas Reipub. malas.

Occurrit objectioni.

III. Sed si lector impingit ut ita credat de te, non est timendum, quoniam etiam ex S. Pauli verbis occasionem errandi acceper, teste S. Petro; sic ex dictis Macchiavelli quidam errant.

IV. Et alibi: vituperare Tyrannidem spectat ad Ethicam; ad Politicum verò servare.

V. Juvamento populis est Politicus, docens Tyrannum Intensionem Tyrannidis, vel Remissionem per impudentiam vitiorum, vel per simulatas virtutes. Hoc enim mitigat mala. Illud palam facit fraudes, & dolos, & sævitias, quibus indigent Tyranni: quæ tamen eis non profunt; populis verò profunt, ut deterriti fugiant ab ejus ditione, Regnoque. Sic fecit Macchiav.

R E S P O N S I O.

Argumentis sumptis ex 1. post. Arist. & 1. Metaph. & 2. phys. probatur bonus Artifex qui cōtra Macchiav. præcepta præcipit Principi Religionem & probitatem.

SED contra ipse probabo, quod nec transcendit de genere in genus politicus ille, qui Principem docet esse bonum, ut principetur; nec unquam nocet: nec extra limites sciētiae it, qui in una scientia aliis connexis utitur: dū non ex proposito, sed ex cōnexo. Ergo prima Propositio est imperiti valde; vel alienum volentis scelus zelo methodi scientiarū, & artium, tegere. Transcendere enim de genere in genus apud Logicos est de unius objecto scientiæ in alterius scientiæ, non subalternantis nec subalternatæ, transilire, vel docendo, vel probando. Ut cum Astronomus tractando de XII. Signis Zodiaci, tractaret simul de Apostolis XII. & Mathematicus tractans de Triangulo, diceret de Trinitate personarum in Divinis. Vel si probaret æquilaterum esse hunc triangulum, quoniam in Divinis tres personæ sunt æquales: & Terram esse rotundam, quoniam Deus non habet nec principium nec finem. At quando subalternata à subalternante principia sumit, ut Medicina à Physiologia, vel à scientia communi omnibus scientiis, qualis est Logica, & Metaphys. vel à scientia communi cum illa, quam tractas, qualis est Mathematica artibus de Numeris, de Ponderibus, de Mensuris, & historiographia physicis politicis, Theologis: neutiquam peccat: ut si probet terram esse rotundam in Phys. quoniam omnes partes æquè tendunt ad centrum, & contrario à cælo æquè recedunt omnes; unde lineæ omnes à centro ad circumferentiam sunt æquales; & stellæ quæ apparent in Jerusalem non apparent simul in Italia, sed postea: & quæ ultra æquatorem, nunquam. Cum ergo Politica dependeat ab Ethica tanquam à subalternante: ex eo enim quòd bene se ipsum quis regere scit per Ethicam, bene & alios per Politicam novit: lex enim est virtus publica, sicut virtus est lex privata: non indocte nec contra artem politicus docebit moraliter bonum esse Principem, sicut omnes scire Politici, & ipse Arist. cui inhæret. Et Geometra utitur Arithmetica, & Arithmeticus Geometria, ex annexo: & utrisque utitur Cosmographia ex subalternatione. Præterea cum scientia finis, præstituat agendi modum iis, quæ sunt ad finem. Finis autem Reipub. ut probat Plato, est cultus Dei summi Boni, à quo Reip. felicitas habetur, & speratur: Theologiæ autem objectum est Deus: neutiquam præter artem aberrabit, qui principatum & Remp. instituit in ordine ad Deum. Quamobrem non impius modo Macchiav. qui timorem

morem Dei, & Religionis aufert de cordibus Principum Tyrannorum. Sed etiam iners, indoctusque veræ Politicæ finisque illius, ut in præcedenti probatum est capitulo.

Præterea teste Arist. & D. Thom. primo Ethic. *Prudentia est recta ratio agibilium*, Ars vero *recta ratio factibilium*. At Macchiavelli Ars non est recta, sed obliqua, non enim ad felicitatem Reipub. & ad Deum spectat, sed ad libidinem principantium, & ruinam. Ergo non est Ars, neque prudentia politica, sed astutia scelerosa. Quod probatur etiam autoritate Admiratoris sui, dicentis, quod *Tyranni absque studio literarum, fecere plura scelera artificiosa ad status acquisitionem, & conservationem, quam quæ ab Arist. & Macchiavello traduntur*. Ergo non datur Ars de his, sed peritia, malitiaque. Similiter Joan. Chrysof. in lib. de Sacerdot. Artem omnem mereri hoc nomen, si utilis est Reip. & privatæ. Sed præcepta Macchiavelli sunt inutilia, noxiaque Reip. ut fatetur: sunt & Tyranno; quippe qui per ea perditum it animam, & statum, ut supra probatum est pluribus exemplis rationibusque, & Plato mirifice docuit in dialogo 9. de Repub. ergo &c. Similiter Arist. dixit. *Malum se ipsum perdit: & si integrum fuerit, intollerabile evadit*. Ergo cum sit mala ista sua Politica perniciosaque, Ars non est, nec conservationem mali docere potest ex arte. Nulli præterea arti veræ, nec scientiæ contradicit Theologia, & Ethica, ut patet ex Concilio Later. quod non considerat iste Macchiavelli Admirator, dum vult Politicæ contrariam esse.

Præterea Arist. docuit Principem non modo bonum Civem, sed bonum hominem esse debere, legemque animatam: subditis vero sufficere esse bonos Cives. Sed Macchiav. eum docet scelestum fieri Civem & hominem, perjurum, persecutorem optimorum. Ergo contra præcepta Arist. à quo tu defensionem acceris, incedit. In Politica autem Christiana & Principem, & Cives esse bonos homines, præcipitur, ut supra &c. Ergo &c.

Cum verò ait, non valere probitatem ad salvandum statum, sed ad salvandam animam: & propter hujus rei ignorantiam perisse Josiam, & Lodovicum, Reges sanctos: non modo contra Pietatem contraque naturam loquitur, quæ per virtutem, non per vitium, omnia salvat, & se Macchiavello adherere declarat; qui Prophetas, & Savonarolam indoctos politicæ facit, quia nescierunt armare suos credentes: sed etiam contra Macchiav. qui fatetur contra propria etiam dogmata, in hist. in Principe, & in serm. ad T. Livium, Principes bonos diutius, & felicius conservasse & propagasse statum, ut David, Ezec. Augustus, Adrianus, Constantinus, Carolus Magnus &c. quam pravos, qualis Nero, Commodus, Maximinus, Azzellinus &c. ut supra probatum est. Nec verum est, quod per ignorantiam Politicæ, partem ex Religione Josias cecidit (verum enim vero non contradicit, nec scientia scientiæ, ut dicitur in Concil. Lat. sub Julio I I. sess. 8.) sed quoniam non obediens verbis Domini ex ore Neco Pharaonis, contra Religionem potius, quam contra Politicam Artem, Pharaonem infectarus est (ut dicitur Paral. 35.) ex imperitia, & obstinatione. Clem. autem Alex. I. Strom. I I. ait, *Josias, cum non audisset Jeremiam prophetam, interemptus est à Necho &c.* Nec enim quia demolitus est Idola, instauravit fœdus cum Deo, Phasem celebravit, & abstulit effeminatos &c. propterea non fuit bonus Politicus, ut vult inferre Admirator: imò ex hoc felix Rex fuit, ut supra probatum est. Similiter nec S. Lud. propter Religionis observantiam fuit malus Politicus, ut dicit Autor. Sed cum multa bona in Palestina fecisset, & victor factus, victus est, non Religionis causa, sed infortunio, ad sui probationem per Deum immisso. Tamen Bella, quæ gessit in Gallia con-

2. Item ex eo quod Macchiavelli præcepta non sunt ex prudentia neque ex Arte.

Confirmatio ex pe-
dia defensoris.

Item ex S. Chryf.
doctrina.

3. ex Arist. doctrina.

Probitas valit ad
conservandum Im-
perium.

tra Rebelles, Justitiæ tribunalia, opera misericordiæ, liberatio Christianismi, Tunc obfessio, quæ cum victoria perfecta post suam mortem à suo Fratre fuit, sunt Boni Politici artem redolentes & præcipiuntur ab Arist. & D. Thoma & cunctis artificibus. At quis vidit Macchiavellistas melius prosperari? Lege Historias, de Valétino, Oliverotto, Castruccio, Abfalone, & aliis ejus discipulis, in c. præced.

Item ex autor. Concil. Lat. & decreto Philosophorum.

Miror quomodo iste Autor contra Concilii Patrum decreta tam impiè exempla producit aduersus Religionem, quasi Politicæ contrariam, aut extraneam, cum sit reuerà Anima Politicæ: nec sine illa institui aut retineri Politica potest ulla, tunc enim est cadaver. Et non solum Sacri Concilii dogma est, quòd verum vero, & scientia scientiæ non contradicit: sed omnium Philosophorum: ipse tamen nil veretur contrariam Arti Politicæ dicere Theologiam, & Ethicam, ut Principibus exosæ fiant.

Ex eo quod Religio est Anima politicæ.

Præterea cum Anima regat corpus, arma, & fortunas, non nè oportet prius animam instituere; quæ ipsorum est Agens, & finis: animæ autem Deus? ergo non ex arte, ipse contrarium faciens, loquitur Macchiav. nec ejus Admirator: Sed ex peritiis astutorum, & nebulonum. Propterea Artis, (inquam) est docere, quo animo debet esse Politicus Princeps; Tyrannusque debet imitari eum, si debet ipse servari. Et Resp. esse viva, non cadaver.

Ex Encyclopedia.

Præterea nescit Encyclopediam; per quam omnis sciëntia scientiæ usui est omni. Multo autem magis quæ generalis est, & quæ contermina: ut Ethica Politicæ & Oeconomix. Item quæ imperat, utitur ancillis: At secundum D. Thom. 6. Eth. & p. lect. 2. Politica imperat Ethicæ, & Oeconomix. Ergo utitur illis. Ergo ex Artenon contra Artem. Sicuti navifactiva, utitur dolativa, & cæsiva lignorum &c. Iste homo non vult scientiarum mutuum usum, ut possit defendere Macchiav. laudantem Tyrannidem; & perfidiam, & impietatem in Principe, ut in cap. 18. ostendimus.

Ex ignorantia Macchiav. probatur defensionis falsitas.

Præterea nec Macchiav. hanc Dialecticæ sciebat subtilitatem, cum nullis scientiis, nisi praxi politicæ, operam dederit. Quapropter non ex ratione Methodi, sed ex malitia præcepta dedit impia. Ergo non piè etiam defenditur: undique lacerato quoque tegitur pallio.

Plato nihil attinens ad politicam omisit, & plura dixit quam Arist. etiam de Tyrannide, nedum de cæteris in 24. libris Arist. autem 8. solū cōdidit, furatus meliora ab illo.

Ad secundum, Revera, Politici est, omnes Reipub. formas describere. At falso accusatur Plato (non lectus, vel non intellectus) quasi non descripserit omnes: cum in suis decem dialogis de Justo omnes formas percurrerit. Et mutationes aliarum in alias; Et de Tyrannide disseruerit longe plura, quàm Arist. Unam autem probaverit Rempub. optimam, sicut fecit etiam Arist. Imò quidquid boni Arist. dicit, ab illis 10. libris accipit, & à 12. de legibus, & à Minoe de Legislatorum, & à Civili, de Regno. Divisit etiam Plato in lib. de Just. tres status, Principis, Paucorum Bonorum, & Omnium: idest Monarchiam, Aristocratiam, & Politiam. Quarum degenerationes docuit esse, Tyrannidem, Oligarchiam, & Democratiam. Et quomodo altera in alteram mutantur Politicè; & quomodo ex viribus numerorum. At & quantum per se præstet optima Resp. Platonis supram optimam Arist. alibi monstratum est rationibus, & S. Patrum, & Philosophorum testimonio. Sed quoniam Arist. Macchiavellizat, concedendo abusum mulierum, & puerorum; & fetuum cædem non sanorum jubendo: & Religionis impuræ gratia, priapi & nefandarum imaginum retinendo picturam: & Sacerdotium vulgando (quasi esset non Dei cultus gratia, sed humanæ quietis) Militibus veteranis, sanguine, & violentia plenis, attribuit. Et omnes artifices, & agricolas, extra Rempub. quasi incapaces felicitatis, servos esse vult, cum Macchiavello docente

cente Tyrannidem; Propterea videtur admiratori Macchiavelli melior quam divinus Plato; quem tamen omnes Theologi meliorem fecerunt. Ut Chrys. August. Ambr. Just. Basil. Greg. tres, & ipse D. Thom. in opus. de Regim. Princip. lib. 4. c. 4. & 3. pol. & 1. Met. & alibi.

Præterea fallaciter infert, quod Politicus docere habet tyrannidis conservacionem quâ tyrannis est. Si quidem, ut sic, res mala est; malaque politia: igitur non conservabilis. (Malum enim seipsum perdit) nec ab arte; quæ est recta ratio factibilium; nec à providentia quæ est recta ratio agibilium; sed præter hæc omnia. Igitur non est Politicæ Artis præcipere de tyrannide conservanda: sicut non est Medicæ, de lue Venerea conservanda; & de acquirenda, vel conservanda peste, aut fistula, præcipere; sed de sanandis. Propterea cum tyrannides sint pestes Principatus, de illis retinendis, aut augendis, nulla datur ars, sed diabolica astutia. Datur autem de sanandis, & meliorandis ratione subjecti, non obiecti. Dixit enim Aug. injusta dominia esse magna latrocinia. Doceamus ergo nos Politici, latrocinari, pejerare, abuti pecuniis, & uxoribus alienis, occidere sapientes, potentes, bonosque, ut simus intra artem Macchiavelli admirabilem in suo admiratore.

PROH DOLORE. Hæc quidem Politico dicenda sunt qualiter fiant, cum detestatione facientis, & factorum: ut dixit Cato Censorinus, quando in Senatu Romano audivit Carneadem disputantem contra Justitiam pro Tyrannide: & pronosticatus est, non diu duraturam Remp. Romanam, in qua adolescentes tam libenter audiebant illas Macchiavellisticas rationes. Et eventus subito id ostendit in Mario, Sylla, Cæsare, Pompejo, aliisque Reip. exitialibus. Nos autem in Rep. Christiana id non advertemus? At Macchiav. docet, jubetque fieri, ut bonâ simpliciter Principi, non, ut secundum quid, ad principandum sic. Multoque minus solum narratiue. Lege, qui non credis, in Princ. 7. Laudata scelera Valentini pro adipiscenda Tyrannide, tanquam virtutes.

Cum verò hoc probat autoritate Arist. & S. Thomæ, longè perniciosus aberrat. Non enim isti docent artem conservandi tyrannidem, sed sanandi, vel propè sanitatem reducendi, etiam ex suppositione, si debet retineri, nè dum absolute. Neque in 5. polit. c. 9. & 11. docent, quod acquirenda, & augenda sit tyrannis, sed quod ubi ex corruptela aliarum formarum politicarum quocunque modo (nam multos modos narrant) contigerit, mitiganda est, ut durare possit ipsa, mala per mixturam boni. Siquidem ajunt, quòd malum non potest servari, neque vitium; igitur non est (ajunt) tollenda religio, & virtus, & probitas, & amor populorum; sed si non inest, sunt saltem simulanda: quoniam saltem simulacrum, & umbra virtutis tutatur Statum. Ergo Oligarchis non est (ait) jurandum (ut faciunt stulti Politici) quòd contra plebem sint operaturi, sed contrarium. Quod scilicet sint plebi benefacturi, quamvis hoc non intendant: & pro eis non sit. Illud enim est sine judicio, & justitia, & sine veritate, licet sit cum veracitate: & hoc cum judicio, & justitia, & veritate, sed sine veracitate tantum. Ergo conceditur, ut minus malum tyranno. Utrumque tamen est perjurium, ut docet S. Thom. 2. 2. q. de Relig. 90. & 98. Neque ostendendum, quod adolescentibus sunt abuturi per contumeliam, sed simulent ex amore; neque spoliandi divitiis populi, & vita sapientes, quasi per odium, & iram, sed quasi machinati fuerint contra libertatem, aut majestatem, aut propter indigentiam Reip. Igitur D. Thom. & Arist. docent sine amore suorum, & sine virtute, aut virtutis, & amoris simulacro, non posse Tyrannum vivere. Item ideo verè beneficium esse oportere, & amicos conciliare, præstantiores, non occidere, & populum favoribus mulcere; aliaque multa, ut in

Tyrannidis adipiscendæ, & conservandæ per se non datur ars: sed peritia, & astus.

At destruendæ, & meliorandæ datur ars.

Falsò allegatum fuisse Aristot. & D. Thom. pro Macchiav. & pro suis.

Nec D. Thom. nec Arist. docent tyrannidis mala ex arte. Sed solum narrant, & ad bonum ex arte produci, diminuendo ejus scelera, vel tegendo ne lædant.

cap. allegatis palam est. Ut mirum sit, qui ex flore venenum araneus animus exugit. Unde concludit Arist. postquam tam bona præcepta Tyranno dedit. *Ex his enim necesse est dominationem pulcriorem, optabilioremque; quoniam melioribus imperat, & non abiectis, nec, &c. & longiorem, & durabiliorem, &c.* & probat exemp. cujusdam Regis Laced. qui sic minuebat suæ robur tyrannidis, ut diuturniorem faceret.

Præterea in cap. 11. Ut enim (ait) corruptio Regni est deducere Regnum ad tyrannidem: ita tyrannidis conservatio est ad Regiam gubernationem magis eam referre. Idem D. Tho. ibi, & in lib. de Regim. Princ. & lib. de Eruditione Principum.

Cum autem admirator ait, non posse reperiri Rempub. bonam, ideò danda esse præcepta pro Tyrannicis; longè magis peccat. Non enim quia non habemus bonum poema, & orationem optimam, dabit Horat. & Cicero, præcepta de malis poematis, & orationibus retinendis, sed meliorandis; & ita facit Arist. & S. Thom. & ad hoc argumentum respondimus in cap. 11. Falsò ergo ex Arist. defenditur impietas, ut possit dici, quod timet dicere penna, buccaque.

Qui præcipiunt Tyranno probitatem, non inertiæ insinuari debere, sed ut veræ artis politicæ Magistros laudari.

Cum verò ait, inertes eos, qui de probitate conscientia dant Principi præcepta, quoniam ad Theol. & Eth. pertinent, mirificè allucinator. Quoniam ipse Arist. & D. Thom. docent Principem oportere esse bonum simpliciter, non secundum quid. Præterea quando vult retinere tyrannidem, docent, virtuosè vivendum, vel saltem simulandum. Ergo de ratione Principum est virtus. Ergo pertinet ad Politicum. Præterea Deus est Rex Regum, per quem Reges regnant, ut in Theol. & Metaph. & Physica probatur. Ergo nisi dependeat à Deo Princeps, non prosperatur. Ergo non est alienum à prudentia politica docere Principem, ut si velit Principatum tenere, sit bonus erga Deum. Unde sequitur, ut non possit esse malus contra homines. Ergo, conciliat sibi pro odio amorem: pro contemptu reverentiam; hæc duo enim pessundant Principem, teste Arist. experientiaque. Ergo maxime ex arte præcepit, qui bonum esse præcepit: & omnis ars idem facit circa sui subiecti bonitatem, & malitiam; præsertim morales, & factiæ.

Arist. 5. Pol. 10.

Resp. ad rationem admiratoris.

Igitur quantum delinquat, cum crimen falsi impingit politico, præcipienti de probitate, ex dictis liquet.

Ratio ejus est falsissima. Nam ipse Aristot. & D. Thom. 5. polit. cap. 11. docent, non posse Tyrannum servare dominium, nisi ad Regni regulas torqueat, ita quod fiat bonus populo, & melioribus: atque virtuosus: & ubi deest virtus, saltem simulet virtutem. Ergo non est contra artem, & multo minus contra veritatem, qui docet servare tyrannidem virtutibus. Et cum ait, quod non est amplius Tyrannus, si dimittat dominari. Benè quidem; quoniam non est amplius malus, & morbosus, sed sanus. At (inquit) dimittit dominium, quæ res bona est: nec dimittenda. Ergo &c. Respondeo, quod dimittenda est propter majus bonum, si credis in illud, & in Deum. At quoniam servare vis Tyrannum, nequaquam fallit, qui docet modum per reductionem ad Regiam gubernationem; hoc enim Arist. docet, & S. Thom. quos patronos assumpsisti: nec alia via est, nisi, ad virtutem vitii detortis, passim facere de tyrannide Principatum; ita enim saltem, (ait Arist. in fine cap. 11.) *Vel semibonus eris, vel non malus, sed semimalus, & pro rata bonitatis, quam tyrannis accipit accedendo Regiam ad gubernationem; melius servatur.* Cujus contrarium admirator ineptè comminiscitur, Corrumpi, scilicet, Tyrannidem, si ad bonitatem Regni accedit. Malum enim non subsistere putat Arist. nisi in bono, & in ejus communione, & accessu, non in recessu, ut vult admirator: per se enim nihil est, ut docet Dion. & D. Thom. & alii. Ergo Tyrannis

annis, ut mala, non potest subsistere, nisi in bono, & boni copula. Igitur non aliud habet remedium. Ergo non est falsi crimine reus Politicus, & Arist. qui consulant ad Regiam trahere tyrannidem potestatem. Ergo falsò sub Arist. clypeo te tueris.

Porro Admirator sibi multipliciter contrariatur. Primò enim dixit, quod Politicus artes Tyranni narrative dicit, non probative: deinde ex narratione ad approbationem ex sola suppositione, videlicet, si debet servari Tyrannicum Imperium, artes narratas præcipi dixit. Tandem non ex suppositione tantum, sed simpliciter bonas docet, quoniam contrariæ sunt malæ, quas nos dicimus bonas: & idè inertia, & falsitatis nos accusavit, & hoc confirmat, subdens: quòd virtutibus corrumpitur Regnum aliquando, ut clementia, religiositate, fide; ideoque falsus est Politicus, qui negat Principi usum crudelitatis, impietatis, infidelitatis; At inquam, maximè fallitur admirator. Non enim clementia, & pietas, & fides, obest statui unquam, sed contraria vitia, ut Arist. etiam docet. Falluntur autem qui stupiditatem, quia non puniunt, nec sentiunt vitia, pro clementia venditant (còtra quos Moyses, nec misericordia flecti Judicem jubet ulla, sicut Hely non puniens filios, abutentes sacris) & pro religione superstitione utuntur; ut Agamenon imolando Iphigenitam: vel religione nò intellecta utuntur superstitione. Sicut Hebræi in lib. Macchabeorù quando noluerunt pugnare in die Sabathi, & trucidati sunt. Unde decreverunt esse pugnandum, quoniam, &c. Vel perjurio utuntur pro jramento, sicut Agamenon, & Herodes: sic de cæteris. Sed dicet admirator, si injustè possidet Regnum Athali, debet restituere secundum politicam. Ergo non servatur. Debet, inquam, ut vir bonus. At ut bonus Rex debet tyrannidem in Regiam potestatem torquere. Et vitia in virtutes. Sicuti prudenter villicus debito usus est pro se servando, ut reciperetur in domibus debitorum, quoniam fodere non valebat: & mendicare erubescere. Necessitas autem fecit bona communia. Similiter qui bona aliena subripuerunt, in pauperum sustentationem, & Templorum jubent & Pontifices convertere, ignorentis Dominis. Multi etiam per vim occupantes Regnum, satagerunt beneficiis, & bono regimine à populis se acceptari, & confirmari, ut Augustus.

Tertia falsitatis nota, ab impietate bene radicata, vel ab ignorantia stupida, inunitur Politico, suadenti Jus, & fas, propterea quod melius est iis, qui per nefas & injuriam Regna acquirunt vi, doloque, & similiter malis retinent artibus, quoniam à ducentis annis ita observatum (ait) videmus. Verba hæc sunt Arist. circa finem 10. cap. *Quod modo non fiunt regna, sed Tyrannides*. Quod verum est sub Gentilismo; admirator autem sub Christianismo hoc docet. Nec considerat Papatum regnum virtuosorum totius Mundi, in quo populi aluntur laute, scholis, & sacris instituuntur, nobilitanturque, ut omnes possint ad sceptrum Episcopatum ascendere, & Cardinalatum, & Papatum: & sapientes, & optimi non occiduntur, sed sublimantur. Item Principes Hispani, & Galli, & in successione justissima inaugurantur, & servantur, non occidendo fratres, neque viros bonos, sed præmiando. Dux Venetorum, Imperator Germanus, imò & Rex Poloniæ electione. Quod si Tyrannos Macchiavellistas admiratur homo; nos eorum præcepta pro nihilo habemus. Medicus enim non fomentare morbos, ut admirator, & Macchiavellus volunt, sed sanare ex arte habet.

Conditiones excusantes Macchiavellum, nullæ sunt per se. Primò, quoniam loquitur non narrative, sed approbative simpliciter, non ex suppositione docens acquirendum & retinendum esse Tyrannidem artibus Theologiæ contrariis: & admirator concedit hanc contrarietatem exemplo (licet falso) Josiæ, & Ludovici

Religio, & virtus vera nulla obest Imperio, sed falsa ex malitia, vel ignorantia.

Hic excutit larvam defensor, ut subterfugere reprehensionem amplius non possit. Non enim alius narrative docet artes Tyranni: nec approbative solum ex suppositione, sed simpliciter.

sicut Macchiavellus fecit exemplo Prophetarum . Unde licet fingat loqui admirator ex suppositione, transit ad absolutum : peccans fallacia de secundum quid ficto, ad simpliciter assertum, & iustum &c. Item cum modos malefaciendi docueris ex arte ; qui passione captis humana videntur utiles ; nemo Tyrannicus eos relinquit : sed utitur tanquam sapientia scientiarum ; dicunt, enim nos vivere nescire, qui nolumus simulare , nec fallere , nec frui presentibus bonis adlibitum spe futuroꝝum . Plures autem homines (ait S. Thom.) passiones animi quam rationem sectantur . Ergo pluribus malefacimus, quam profumus, artem in scelere ponentes . Quæ tamen ars nulla est, si prædicta recolimus . Nec Macchiavello profunt : ipse enim docet ignorantes fuisse Apostolos, & Prophetas, quoniam nescierunt armare credentes , putatque omnes pro ditione adipiscenda prædicasse : Oliverottum , & Vitellotium , dum occiderentur à Valentino non digna se verba suprema locutum : quoniam non generose indulgentiam peccatorum in morte petiit . Quod tamen verè generosum fuit scilicet . Petere bonum ab hostiliter dante malum, debente ex amicitia, & sanctitatis professione dare bonum . Sic admirator plebeos vocat increpantes propter hoc Macch. Item Castruccio impio Tyranno laudes summi Herois : & gesta mirifica Philosophorum, apud Lærtium narrata, Macchiav. falsò tribuit, ut in eo Idæam optimi Ducis locaret. O ridiculum impostorem, scelerum Magistrum. Violare iuramentum non putat esse malum simpliciter, nec non bonum Politico , ut ait de Valentino occidente Urfinos , & Liverottum , & Vitell. sub iuramento non lædendi : & recte fecisse, Colonnenses , & ceteros optimates, extinguendo . Cyrum præfert Moyse . Conscientiæ custodes irridet : nec putat aptos Regno : & idem ejus admirator affirmat. ut videantur hæ medelæ ex timore tribunalium potius, quam ex arte depromptæ . Cur non refert quæ dicit Macchiav. in Princ. cap. 7. quod virtuosissimè operatus est , quando tot malafecit Valentinus . Seque non habere melius exemplar optimi viri ab omnibus imitandum, quam Valentinus ille, de sceleribus tantopere commendatus : Quem, ait , proponam omnibus imitandum, sicuti & facio .

Secunda cautela fallax est : nec à Macchiav. acceptatur.

Resp. pro secunda cautela, est valde dissoluta, & impia .

Secunda est inanis medela . Non enim potest non lubrica esse etiam illa, quæ malum detestatur, si malas artes tamquam bonas utilesque tradit paratis potius voluptatem, quæ Tyrannorum est finis & incentivum ; quam rationem, quæ regia est, sequi . Plerique enim Tyranni sunt , & id fatetur admirator ; quod non potest reperiri Respublica verè virtuosa , nec Princeps . Laudetur P. Aretinus , qui artem Meretriciam docet , & nefandarum voluptatum ritus . Similiter Doctores manticulariorum , & latronum ; quoniam ex politicæ propriæ sapientia loquuntur Admiratori . Vide quas laudes dat Tyrannis : quorum vitia & scelera vocat virtutes, summas Macch. & ait , ab omnibus imitandis : cujus reprehensores admirator , vocat plebeos : quasi principum sint, quæ jubet Macch. plebeorum, quæ nos.

Quòd objectioni occurrat , valde impie assertur . Ex Epist. enim Apostoli, capiunt errandi occasionem solùm scelesti : quibus quidem ab illa epist. ars malefaciendi tribuitur nulla : sed probitas , & fides . Sed ex dictis Macchiav. docentur boni fieri scelesti : & scelesti de industria malefacere pro adeptenda, ne dum pro retinenda Tyrannide . Et ideo scandalum activum est , non passivum . Adæquat Macchiavellum Apostolo Paulo, impie, ruditer , & inepte . Nec moror, quod oporteret, demonstrare quantopere in præceptis Logicis, ne dum Politicis, inde firmatis, cæcutiat : hic enim non est locus.

Ad quartum, Omnis artis est, opificii proprii probitatem, & improbitatem dicere : sic pictor bonam, & malam judicat picturam : illam commendat, istam vituperat

vituperat, datque artem vitandi hanc. Philosophus laudat philosophiam, vituperat Sophisticam, ut Plato mirifice fecit. Sic Logicus, & ædificator &c. Ergo falsò asserit admirator, quòd non est Politici vituperare Tyrannidem, sed Ethici. Præterea nescit, quòd Ethica gubernat partes Reipublicæ: Politica totum. Et idem est iudicium totius & partis. Præterea omnes Politici ruinosas formas Politix detestantur ex arte. Ergo & Tyrannidem. Quam si laudat Macchiavellus, contra artem laudat; sicuti si pictor pravam picturam commendaret, &, quomodo servanda, doceret. Mirum quantum audet ut defendat Nebulonem impium. Et quem dicit ex metu, non laudandum, ex sententia defendit, tanquam divinum artificem. At quorumnam? Corruptelæ, Rapinæ, Doli Carnificinæque generis humani.

Quàm falsò admirator putat non esse politici dānare Tyrannidem &c.

Ad quantum, suo capitur laqueo. Remissionem Tyrannidis benè jubet Politicus, quoniam sic virtutibus adhæret. Et sic facit Aristoteles, & Divus Thomas docentes, ut ad regiam trahat gubernationem Tyrannicum Dominium: Et virtutes induat; vel indutum se simulet, ut sit saltem simulator. Malus enim omninò non subsistet. At Intensionem nemo jubet, nec Aristoteles, nec Divus Thomas, sed Macchiavellus. Non enim prodest augere mala. Quoniam ut ait Aristoteles. *Malum se ipsum perdit: quod si integrum fuerit, intollerabile evadit.* Sic probatum est neminem totaliter malum posse uno die vivere: semper enim aliqua virtute subsistet, vel naturali, ut Diabolus. Totam enim bonitatem exuere non potest citra annihilationem. Igitur Mirum, quod admirator præceptorem Augmenti Tyrannici benefacere ex arte contendit. Nec enim Tyranno benefacit, quem replet malitia majori, & metu continuo, & ruinæ parat, ut idem Aristoteles testatur. Nec populo subdito. Non enim possunt cavere ex hoc, quod tu doces Tyranni artes. Siquidem pueri, mulieres, populus minutus, & qui insulas incolunt, & Regni terminos arduos habent, exire non possunt. Nec absque majori malo exibunt, si etiam contermini regnatores Tyranni sunt, quales docet Macchiavellus: aut si ibi non habent stabilia, quibus vivant, bona. At nec Macchiavellus docet Principes artem Malefaciendi, ut nos caveamus; sed ut ipsi citrà ruinam, vel aliquo tempore, stent, serventurquè. Et idem dicit admirator; *Quod si salvati, & servare debent Regnum, ità faciendum illis præcipimus.* Imò dixit, quod qui contrarium jubent, sunt falsarii, quoniam probitas non salvat Josiam, nec Ludovicum, sed evertit. Item ait, virtute, & vitio utendum. Aliquando enim illa, aliquando isto servamur. Et Clementiam, & Religionem, & Juramentum, & fidem spernenda consulit. Ergo non augeat Tyrannidem, ut per hæc corruat, sed ut stet. Artis enim est, ait, conservare. Hæc autem præcepta artis sunt. Nec enim narrat quid faciunt, sed faciendum docet, & contrarium detestatur. Evangelium verò laudavit villicum iniquitatis, quoniam ex jam factò malo elicit bonum: non autem docuit facere mala: nec augere, sed remittere, & ad bonum trahere, ut Divus Thomas, & Aristoteles, & Plato, & omnes ex ratione artis fecere. A sæculo non est auditum, quod Verum Vero, & Scientia Scientiæ contradicat.

Quàm irrationabiliter contra Artem, nedum contra Religionem, sentit, putās politicum debere pro Tyrannidis Intensione, sicut pro Remissione, præcepta dare. Et quæ in hoc.

Intelligent ergo, proditorem, & deceptorem non esse Deum, ii qui contra conscientiam agere suadent Principi, quanquam repugnante natura, ut Horat. ait.

Stat contraratio, & secretam gannit in aurem.

nullum enim theatrum majus conscientia, dixit & Cicero. Porro si non vult iste audire, sicut. David, quid loquatur in se Dominus Deus: Aspiciat, ut psal. 84.

Antio-

2. Mach. 9.

Galar. 6.

Antiochus scelestus, saltem quid faciat huiusmodi Tyrannis (ut supra ostendimus) Dominus Deus. Conspiciatque Dominum esse Dominorum unum omnis vitiositatis osorem, & vindicem; nec leges esse imposturas, nostris bonis insidiantes; sed vias regulasque ad privatorum, & communium bonorum conservationem, summique Boni per isthæc adoptionem, cum Anima corpori non subdita, sed libera esse cæperit. Nolite errare, Deus non irridesur; Quæcumque seminauerit homo, hæc & metet.

L A U S D E O.



I N D E X RERVM NOTABILIVM.

A

- A** Bimelech Macchiavellisticè 72. fratres occidens, postea & ipse occisus est. 166
- Abfalon Achitophellista, qui scelera multa contra Patrem commisit, postremo regnum, & vitam amisit. 165
- Achitophel laqueo se suspendit quoniam Dominus consiliarios ducit ad stultum finem.
- Adulatores Principum ignarorū, aulici sunt. 162
- Adæ ex peccato verisimilius est infelicitates, & miseriae humanas evenisse, quam à Deo malo, vel materia, vel elementis. 104
- Adæ inobedientia, & culpa propagatur, cum ipse sit radix generis humani, non morsus pomi. 104
- Adæ peccatum non damnat æternis cruciatibus, sed tantum privat æternis bonis. 104
- Admiratoris Macchiavelli argumenta cōtra suos reprehensores recitantur. 172. 173. 175
- Admirator pro Macchiavello per Logicam fallaciter pugnat. 174
- Admirator contra artem Macchiavelli astuta præcepta, quæ non sunt ex arte, defendit. 175
- Admirator redarguitur à ratione, & à Macchiavello; quod probitas est necessaria ad conservandum Imperium. 17. 176
- Admirator refellitur à Concilio Later. quia verum vero non contradicit. 176
- Admirator falso inculcat Platonem, quod non descripserit omnes formas Reip. 176. 177
- Admirator maximè peccat dum præcepta pro tyrannide ex eo laudat, quia Respublica bona reperiri nequit. 178
- Admirator præcepta impia à Politico narrative poni dixit, deinde approbative ex hyppotesi postea approbative simpliciter. 179
- Admirator cautiones, quas requirit in politico, de tyrannide loquente, falso & contra textum tribuit Macchiavello. 180
- Admirator impiè scandalum passivum ab Apostolo & Macchiavello æque derivat. 180
- Aer noster est teter caliginosus, crassus, spiritibus malis plenus. 57
- Americanorum cultus impiè imitatur Christianum. 124
- Amor à Potentia, & Sapientia procedit, quia amat quod scit & potest, non è contra. 99
- Anima non potest organicum construere corpus de se. 21
- Anima supra propriam Sapientiam operans Divinam indicat sapientiam. 21
- Anima in tenebris corporis manens operatur ut videns ductu omnia videntis. 22
- Anima bonis fictis corruptibilibusque non contenta, sibi deberi Divina & æterna bona agnoscit. 45. 46
- Animæ in corporibus sunt in agone, non in carcere punitivo, sed probativo. 55
- Animæ sunt in corporibus sicut remigantes. 56
- Animalia cuncta instrumenta conjuncta habent apta ad vitam carnalem, ac mortalem. 41
- Animalia præfagitionem rerum futurarum aliquam habent. 42
- Animos qui captivant, facile imperium acquirunt, ac in vita periclitantur, quia inermes; serò autem imperant. 94
- Angelicæ mentes Mundum mentalem incolunt, at etiam administrant corporalem. 57
- Apostolos non fuisse deceptos, quoniam miracula non fecissent; nec deceptores, quoniam mortem sponte non amplexi essent. 137. 138
- Apostoli mendaces nullo modo fuisse quoniam nec fragiles, nec infirmi, nec malitiosi. 138.
- Apostoli vere centuplum accepere &c. 138
- Apostolorum probitas & veracitas patet ex ipsorum contestificatione per miracula etiam discipulorum. 143
- Apostolorum veracitas, ex probitate, & integritate in tormentis patet. 143
- Apostoli cupiditate, & ambitione caruere. 143
- Aristotelica autoritas, in qua Macchiavellismus fundatur, ex decretis Patrum, & Concil. dejicitur. 5. & 6
- Aristotelica autoritas dejicienda ex manifestis ejus erroribus, ex furto dogmatum, & scientiarum contrarietate, & contaminatione Republicæ. 5
- Aristoteles omne quod movetur ab alio mereri properam docet. 23
- Aristoteles Fatum, Fortunam, & Casum subter Lunam ponit non supra. 31
- Aristoteles quia negat Idæas negat providentiam. 31
- Aristotelis dicta pro immortalitate animæ, aut vana, aut mortalitatem sapere videntur. 47
- Aristoteles imperite vitam in communitate damnat. 81. 82
- Aristotelici, & Averroiste ex eorum intellectu agente Incarnationis misterium intelligere deberent. 100
- Aristoteles, & multi Peripatetici Dæmones existare negant. 113

I N D E X.

Aristotelis, & Sophistarum aliorum errores in philosophia, indicant magis errasse in Theologia. 133
Argumenta sex contra Religionem communem. 5.6
Argumenta decem & octo contra Religionem Christianam. 67.8
Argumenta omina sophistica solubilia esse sincero, non impuro animo, querenti. 9
Argumenta quamplurima impiorum contra legem Christi: & quod ejus Respublica reperiri nequeat. 76
Arma religione domantur. 90
Arrius & Photinus perperam de Trinitatis mysterio sentiunt. 99
Ars Divina in cunctis effectibus relucet: Verbum vocatur: & tandem incarnata est. 27
Astrologorum quorundam assertio non recta, quod Deus fecerit Mundum, ac postea aliis ejus curam commisit. 29
Astrologi sepe verum pronosticantur etiam de arbitrariis, quoniam homines potius sensum stellis subditum, quam intellectum liberum, sectantur. 146
Astrologicis decretis plurima bona Christianismo nunc promittuntur, si quid valerent. 149
Antichristi post casum vita felix & seculum aureum expectatur. 83

B

Baptismi defectu in aqua non decet omnes condemnare. 87
Beatitudo in assimilatione, cognitione, & fruitione Divinae Essentiae consistit. 19.23
Bellare licet in Christianismo contra Fidei hostes insultantes. 79
Bene operari secundum naturam, male vero contra est. 159
Blasphe-mantes Deum putant se benefacere (at falso) ulciscendo, quem putant injustum &c. 35
Blasphe-mantes Deum sibi ipsis injuriam faciunt, quoniam non verum Deum, sed in ipsis & ab ipsis fictum blasphemant: licet non sic sentiant. 35
Boccaccii impium, & ludicrium argumentum contra Religio-nem. 6. Resolvitur. 154
Boni longe plus quam mali in Mundo reperiuntur. 34.35
Ex bonorum Mundanorum vanitate homini convenire majora bona agnoscitur. 60
Bonorum divisio ut minus malum ex hominum imperfectione permixta est in Christi Republica. 82
Quia bonis mala, & malis bona eveniunt, necessario futuram vitam asserendam. 159
Boni homines voluptatem maximam etiam in

paupertate habent. 159
Bonorum & virtuosorum felicitas superat omnes alias hujus mundi felicitates. 160.161
Bruta discursum syllogisticum umbratilem habent. 44
Brutorum anima est spiritus calidus, lucidus, tenuis, aereus sensualis, ex Patrum sententia. 55

C

Ex calore Solis & materia terrestri fiunt lapides, metalla, plantæ, animalia &c. 55
Calvinus perperam sentit de Eucharistiae Sacramento. 100
Calamitatum humanarum causa in nulla lege, aut scientia reddi potest, nisi apud Christianos ex peccato Adæ. 105
Casus, & Fortuna per se non datur respectu Dei, sed respectu secundarum causarum. 29
Casus est eventus præter cognitionem, aut voluntatem causæ particularis, non universalis. 30
Castrari propter Deum non literaliter accipitur, sed ut sponte, sicut illi coactè, continentur sint. 80
Castrucius Macchiavellista post actiones plurimas impias infelicitate moritur. 165
Castruccio dicta & facta Philosophorum falso Macchiav. adscribit. 165
Si Cælum & Stellæ sunt animatæ, sunt homines nobiliores. 39
Cælestia corpora intellectiva anima assistente, ac movente vivunt, non autem informantur. 39
Christus est Sapientia, Verbum, & Ratio Dei, & virtutes omnes per essentiam. 73
Christum ignorantes velint nolint sunt cum Christo, in quantum putant se vivere secundum rationem, ac volunt. 74
Christiani sunt homines quodammodo nascendo cum seminibus virtutum. 75
Christiani non dicuntur à Christo tanquam sectario, sed tanquam à Ratione universalis. 75
Christus etiam ob hoc incarnatus est, scilicet ut legem naturæ declararet, abususque tolleretur. 75
Christus ut bona venderent, ne solliciti essent &c. quibus præceperit. 80
Christus non præcepit ejici oculum literaliter, sed avertere oculos à scandalosis rebus. 80
Ad Christum universi homines convertentur. 83
Christi passio sibi similes facit per per Sacramenta in supernaturalibus. 88
Christus inermis vicit mundum. 95
Christus mundum subjugavit, non casu, ut impii asserunt, cum hoc ipsum prophetaverit. 95
Christia-

I N D E X.

- Christiani Mundū vicere gloriosiori modo inermes, quam si armati essent. 96
- Christianorum heroes præcellunt armis, literis, & virtutibus, ac inuentionibus mirificis omnes nationes. 96. 97
- Christus Sapia genita Patris se se ostendit in carne, quando magis nacesse fuit. 102
- Christus venit ut Medicus, virtutem, & charitatem præcipiendo, qui autem Medici præcepta spernit, non sanatur. 102
- Christi mors saluat non quatenus est interficientium actus sed poena ipsius interfecti, & spontanea solutio poenarum, quas homines pati debebant. 104
- Christus verè nos à Diabolo liberavit. 118
- Christus cur seipsum nobis reliquit in Eucharistia. 125
- Christum omnino fide dignum ex eo quod non hesitante se Deum esse affirmavit, & omnibus notis comprobavit, absque ullo humanarum virium fundamento. 136
- Christum omnino fide dignum, quia non fuit deceptor, nec deceptor. 136
- Christum omnino fide dignum, ac Deum ex communicatione potestatis ad posteros. 136
- Christi vita, & miracula, ex oculato testimonio Lucæ in scientiis peritissimi, & Pauli doctissimi, & ejus persecutoris probatur. 136. 137
- Christi veritas ex testimonio Principum Iudæorum & Romanorum comprobantur. 137
- Christi veritas ex firmitate testatium & comprobatione. 137
- Ante Christi adventum non defuere legis observatores, quoniam gratia non defuit. 79
- Christi veritas ex Apostolorum credulitate post ejus mortem tam infamem, & post passionum promissa, & non bonorum hujus Mundi. 137
- Christi veritas maxime ex vita ejus & discipulorum, atque ex præceptis tam mirificis. 137
- Christi & Apostolorum vita, sanctitas portentaque, ex inimicorum infideliumque testimonio comprobatur. 142. 143
- Christianorum probitas ex Romanorum testimonio comprobatur. 143
- Christi divinitas suppositis testimoniis Sacrae Scripturae demonstratur. 544
- Ex Christi testamento Moysis testamentum confirmatur, & ex prophetia Moysis, & Prophetarum. 145
- Christi adventus à Prophetis, Sybillis, & Philosophis præconizatur. 145. 146
- Christus quaecunque dixit eventus comprobavit. 147
- Christi lex incepit sub trigono Jovis, & Solis, ita ut ejus excellentia ab inimicis comprobetur. 149
- Christianorum pravitate non infirmari argumenta pro Fide Catholica, sed augeri. 157
- Christi secundum adventum proximum esse opinatur. 157. 158
- Christiani si in fide de cepti essent, feliciores quoque Macchiavellista rege quocumque essent. 161
- Christiana Respublica inter omnes optima est. 84
- Christi unctio conveniens, ac symbolum, & non repugnantiam cum natura habet. 88
- Cibus & potus, ac libido mortalitatis sunt signa. 46
- Comparatio inter legem Christi, Moysis, & Mahometti. 150
- Comediam repræsentamus creaturis cælestis aulae, & deponemus larvas, & videbitur quomodo partes proprias quisque egerit. pag. 62. 63
- Colores omnes sunt lux scædata à nigredine terræ. 56
- Communitatem bonorum Reipublicæ ex charitatis defectu difficilem est; at in se optimam perfectam, & ab Ecclesia primitiva observatam. 81. 82
- Contraria à Deo uno esse non possunt. 35
- Contrarietas non est inter dissimilia, sed inter similia. 35
- Contrarietas non est à Deo uno, sed advent ex agentium similium cupidine occupandi subiectum idem materiale insufficiens. 36. 115
- Cornelii Taciti, & aliorum opiniones & asserta impia contra Moysen, à Scriptoribus omnibus, etiam infidelibus redarguuntur. 151. 152
- Cornelius Tacitus ab Hebræis asinos adoravi, à quibus aquæ Moysi ostensa sint, falso asserit. 152. 153
- Corporis passionem Spiritui corporeo communicantur; Spiritus vero menti, quæ per accidens læditur. 49
- Corpus est quasi carcer, & mors animæ. 55
- Creatura nulla eligit malum sub ratione mali, sed quatenus mixtum bono. 35
- Supposita creatione mundi voluntaria, sequitur providentia, modus, incarnatio &c. 26. 100
- Credientium primus ordo secundum legis patrias. 1
- Credientium secundus ordo secundum propriam utilitatem, & voluptatem. 2
- Credientium tertius ordo ignarorum difficultates non respicientes. 2
- Quartus ordo nil credentium Macchiavellistarum. 2. 3. 4
- Credientium quintus ordo quorundam Philosophorum. 3
- Credientium sextus ordo fragillium. 4
- Cultus Dei varius in diversitate lacrymarum; at omnes boni dum Deo absque pravitate fiunt. 69

I N D E X.

D

Damnatorum numerorum non tantus for-
 san, quantus putatur. 102. 103
 Damnat ad crucians Deus illos tantum, quos im-
 penitentes, & obstinatos prænovit. 103
 Democratici impii, animoque concreto. 103
 Democritus perperam necessitati, & temeritati
 omnia tribuit. 17
 Dæmones tyrannidem in mundo exercent infe-
 riori, & ab Angelis corriguntur. 58
 Dæmones parva rerum naturalium mutatione in
 nobis varias sensibus passiones inducunt no-
 stris. 58
 Deceptores in quacunque lege damnantur. 102
 Decepti invincibiliter non damnantur, ex hoc
 quod leges patrias erroneas observât. 102. 103
 Quod Dæmones & Angeli sint, historia veri
 experimenti. 113. 114
 Dæmones extare ex multorum scriptorum testi-
 monio, & experimentis in energumenis. 115
 Dæmones & Angeli non propter indigentiam
 Dei sunt, sed propter majestatem. 115
 Dæmones non possident in mundo quippiam,
 quod non sit Dei, imò ejus Carnifices & Li-
 ctiores, & carcerarii sunt, non competitores. 117
 Deum esse ex eo, quia Ratio prima est. 15
 Deum esse probatur ex sensu, seu ratione relu-
 cente in naturalibus. 15. 18. 19
 Deum esse ex ratione in vita, & regimine ani-
 malium. 16
 Et eorundem cōstructione, & usu partiū. 19. 20
 Deum esse ex eo, quoddum negatur, affirma-
 tur. 16. 24
 Deum esse ex eo, quod ex nihilo nihil fit. 16
 Deum esse ex eo quod, quæ temeraria elemen-
 torum pugna fieri videntur, summa ratione
 sunt. 17
 Deum esse ex Fato necessitate, & harmonia. 17
 Exque universi cōstructione, & fabrica. 17
 Deum esse ex non rationalium causarum artifi-
 ciosa generatione, & rationali causatione, ad
 opificem sapientissimum spectante. 18
 Deus est intimior creaturis, quam ipsæ creatu-
 ræ sibi ipsis. 18
 Deum esse ex distinctione elementorum, & ex
 fuga vacui. 18. 19
 Deum esse non probatur, quia quod movetur
 ab alio movetur, cum multa à seipsis mo-
 veantur. 23
 Deus est ens primum potentissimum sapientis-
 simum & amosissimum, creator, & guber-
 nator omnium rerum. 23
 Deus nobiliora magis curat. 25
 Deum hominibus cultum suum ignoratibus tra-
 didisse, rationabile est. 25

Deo non vilitas sed sublimitas est suis conde-
 scendere creaturis ad ipsum ascendere non po-
 tentibus: & cum inaccessibilis sit, haud ne-
 gandum, nobis aliqua accessibili forma appa-
 ruisse. 25
 Deus non concurret ad non ens, neque ad pas-
 siones, nec mala &c. nisi permissivè. 33
 Deus ad esse, ad actionem, & formam activè con-
 currit. 33. 34
 Deus concurret ad actum peccaminosum phy-
 sicè non ad deformitatem actus. 34
 Deus concurret ad actiones contrariariorum tan-
 quam ad unum, & ad agere, non autem ad pa-
 ti, nisi permissivè. 36
 Deus dat virtutem, actionem, & determinatio-
 nem citra coactionem ad actum pium. 38
 Dei opus mirificentissimum est, in pugillo cere-
 bri Anima in tam vastissimam alligasse. 46
 Deum, naturale est, nobis benefaciètem amare, &
 colere, & ab eodè opem petere in ærumnis. 69
 Deus vult coli, & non ipsi debitores sumus. 77
 Deum asumpuisse naturam humanam, ut instru-
 mentum conjunctum actionum apud homi-
 nes, non repugnat. 100
 Deus est in omni re absque sui diminutione; cum
 omnia in se contineat. 101
 Deus non debet omittere creationem anima-
 rum, quia prænoscit ob culpam fore damnan-
 das. 103
 Deus solus verax, omnis homo mendax. 129
 Deus solus Magister est fide dignus per se, quo-
 niam potentissimus, sapientissimus, & opti-
 mus est. 130
 Deus solus Pater, & Dominus; nostri Principes
 vero tanquam Arietes, quibus campanu-
 la appensa est. 130
 In Deo omnia sunt Idæaliter, ut in Magistro,
 in Angelis, ut in Ministris: in Cælo, ut in si-
 gillo: in elementis, ut in instrumentis: in
 elementatis, ut in susceptivis. 146
 Dissimilitudo vera in mundo non est, præter
 Ens, & Non ens. 35
 Divinæ providentiæ convenit, alimentum, & Ve-
 nerem, medicinas individui & speciei, parata
 sanitate, auferre. 63
 Divini cultus instauratore in præstolabatur Phi-
 losophi & omnes Gentes. 118
 Dogmata, quæ Christus docuit, & quæ Eccle-
 sia approbavit, per philosophiam haud impos-
 sibilia demonstrari possunt. 100
 Dolor non ex acquisitione alterius esse, sed ex
 amissione proprii, fit. 33
 Dominium molestum, infelicitatibus, & labori-
 bus quàm plurimis plenum. 159 160
 Dux Valentinus qui Italiæ Regnum occupare
 voluit & ob hanc causam scelera multa com-
 misit, postea miserrimè mortuus est. 164 165
 Dux Valentinus, & Macchiavellus scientiarum,
 & politicæ ignorantiam ostenderunt. 165
 Ebrii

I N D E X.

E

Erit, & edaces vitam sibi abbreviant, & morbis quamplurimis laborant. 159
 Ecclesie Romanæ Fides ex firmitudine prænn-
 ciata. 247
 Elementa non possunt conciliari ad faciendum
 unum tertium, & melius se. 50
 Epicurei ignoranter ex minimo malo tereno,
 universum esse eodem modo putant. 54
 Epilogus responsum, & assertorum totius li-
 bri. 157
 Ens primum essentiat Potentia, Sapientia, &
 Amore. 4. 27. 98. 99
 Entia cuncta participant Potentia, Sapientia, &
 Amore essendi. 18
 Entia cuncta affectant divinam similitudi-
 nem. 18
 Entia omnia operantur propter finem, at non
 omnia sciunt rationem finis. 22
 Entia omnia operantia citra agnitionem
 rationis finis, ab intelligente causa dirigun-
 tur. 24
 Ens nullum vult in aliud mutari quamvis me-
 lius. 32
 Entia omnia à Deo Sapientiam, & Amorem, ut
 sint & conserventur habent. 33. 34
 Entia cuncta Divinam essentiam representant. 33
 Entia quia ex nihilo facta, sunt ad nihilum ten-
 dunt. 33
 Entia particularia ex finito ente & infinito non
 ente constant. 36
 Ens Primum habet in se entitates omnium re-
 rum seclusis imperfectionibus, & nihilita-
 tibus. 36
 Entibus creatis largitus est Deus gradus partici-
 pationis propriæ Ideæ. 36
 Entia cuncta amant proprium esse præsens. 62
 Elfdas prophetavit multa contra Mahomet-
 tem. 149
 Eucharistiæ Sacramentum, asserenti Christum
 esse Deum, non difficile est credere. 100
 Eucharistiæ credibilitas ex instituto Christi Sa-
 pientie primæ. 125
 Et ex divini Amoris excessu. 127. 128
 Eucharistiæ Sacramentum non solum continet
 signum, ut impius Zuinglius dicebat, sed sub-
 stantiam Christi. 125
 Per Eucharistiæ Sacramentum nos in Chri-
 sto unum efficimur. 125. 126
 In Eucharistiæ Sacramento vermes, ac sordes,
 haud Deum offendunt eminentiori modo ibi
 manentem, sed tantum extrinseca acciden-
 tia. 126. 127
 Eucharistia cur irrita miracula non facit fem-
 per. 128

F

Falsum non tollit verum; sicut sophisma,
 auriscalcum, Religio falsa, non tollunt scien-
 tiam, aurum, ac Religionem veram. 64
 Fames est stimulus dolorificus ventriculi vacui,
 qui stringitur, ac proinde repleti cupit. 59
 Fatum est concursus omnium causarum, à pri-
 ma ordinarum, ut effectus prævisus resul-
 tet. 30
 Fides Christiana quam rationabilis est. 27
 Fides in philosophicis plus nevalet ratio secun-
 dum hominum consuetudinem; at secundum
 naturam, plus ratio. 68
 Fortuna est eventus in rebus humanis, præter
 cognitionem, aut voluntatem causæ particu-
 laris, non tamen universalis. 30
 Fundamenta imperii, quæ in fortunis, & corpo-
 ribus, & animis valeant, & quantum juncta
 & seorsum. 94

G

Galenus ex fabrica Animalis Sapientiam
 primam agnoscit. 19
 Generationi assistunt Intelligentiæ, & per Ne-
 cessitatem, Fatum, & Harmoniam, influxus
 magnos, omnia fiunt. 55
 Gentilibus ad quos non dum lex & remedium
 pervenit, non desunt illuminationes natura-
 les & supernaturales, ad eorum salutem. 102
 Gentiles sunt inexcusabiles, ac pœna digni,
 cum cognoscant Deum esse se meliorem, ac
 summum Bonum, & adorent latræ viliores,
 & æquales se. 109
 Gentiles si Deos, (uti nos Sanctos) colerent,
 non peccassent; si tamen ii Dii veras virtutes
 habuere. 109
 At quoniam ii scelesti fuere, peccant. 100
 Gentiles quamplurimi sub Deorum nominibus
 elementa, & corpora magna & virtutes intel-
 ligeant, colebantque. 111
 Gentiles colentes Solem, ac Stellas, minore re-
 prehensione digni sunt, quam qui anima-
 lia. 111
 Gentiles colentes Deos incorporeos, alterum
 bonum, alterum malum, errant: minore ta-
 men reprehensione digni sunt; quàm qui si-
 dera, & animalia. 11

H

Heretici fuere in Christiana Reipublica suc-
 cessione modica autorizati, at non mi-
 raculis comprobati. 443
 Henricus I I I. Gallorum Rex, quia protectio-
 nem

I N D E X.

nem hæreticorum suscepit, extinctus est. 166
 Henricus V I I I. Anglorum Rex Macchiavel-
 lizando, infelix. 166
 Homo natura rebus finitis, & sensibilibus in-
 hæret. 26
 Homo homini non cedit, sed Deo. 26
 Hominem esse nobilissimum, animoque ferè di-
 vino inter creaturas habitantes sub Luna. 39
 Hominis divinitas probatur ex præstantia maxi-
 ma super cuncta animalia, corporea que. 39. 40
 Homo non superat viribus, potestate, ac sensus
 sagacitate, cætera animalia. 39. 40
 Hominis divinitas probatur, quia cum nudus,
 inermis, imbecillis nascatur, pauco post tem-
 pore animalibus cunctis dominatur, & sui usus
 serviat. 40.
 Hominis excellentia monstratur ex arte ejus mi-
 rifica, in navigatione, belloque, item ex py-
 rotechnia. 40
 Hominis ingenium quasi Divinum apparet, ex
 scriptura, ac horologio &c. Astronomia, Geo-
 metria, & Mechanicis. 41
 Homo erecto vultu donatus, ut ad sidera spe-
 cter, quia cælestis, & divinus est. 42
 Homines omnes quærunt æternitatem per ædi-
 ficia, libros &c. ac sapientes frustra quæri ex-
 tra Deum autumnant. 46
 Homo etsi liber ad quolibet volendum, non ta-
 men ad quodlibet operandum. 164
 Humanæ animæ excellentia, & immortalitas pro-
 batur ex eo, quod animalia curant tantumquæ
 ad vitam naturalem spectant: homo vero &
 quæ non conservant, ut jejunium, philoso-
 phiam, & Religionem. 43
 Item ex corporis, honorum, deliciarum con-
 temptu, ut Deum, & Superiora contempler-
 tur. 43
 Humanæ animæ immortalitas patet, ex infi-
 nitate in intelligendo, & appetendo, & po-
 tendo. 45 & 46
 Item ex præteritorum, futurorum, & univer-
 salium cognitione, quod sensus materialis cor-
 pori alligatus facere nequit. 45
 Humanæ animæ immortalitas argumentum ha-
 bet ex pudore ubicunque repræsentatæ mor-
 talitatis, & abiectionis. 46
 Humanæ animæ immortalitas, ex sapientum,
 & bonorum testimonio usque ad mortem com-
 probato. 47
 Item ex divina revelatione. 44
 Contra humanæ animæ immortalitatem ar-
 gumenta Lucretii, Galeni, & Peripatetico-
 rum facile resolvuntur, quia infirmitates,
 passionisque in spiritu corporeo fiunt. 48. 49
 Humana anima inseritur spiritui animali calido,
 lucido, subtili, mobili, sensitivo, quo median-
 te sentit, operaturque &c. 48. 49
 Humana anima non est temperies elementorum
 nec ex elementis cum supra ipsa, & ex ipsis

emineat intelligendo, & appetendo. 45. 51
 Humana anima non est mortalis, quia non ha-
 bet contrarium, nec ex contrariis componi-
 tur, nec est elementaris forma, nec acci-
 dens: exque puris primalitatibus essentia-
 tur. 48. 49. 50
 Humana anima potest, scit, & amat omnia, non
 quia ex ipsis componitur, sed quia spiracu-
 lum est factoris omnium. 49
 Humana anima non a corporeis immutatur, sed
 contra à vehementi animæ imaginatione
 corpus agitur, immutatur, destruitur-
 que. 50
 Humana anima ab objectis nec movetur ad pro-
 prios actus causaliter, nec elicitive, sed oc-
 casionaliter. 50. 51
 Humanæ animæ ignorantiam Deus permittit,
 ne ipsa suæ excellentiæ notitia amoreque cor-
 pus vile contemnat: & cur vivere in corporeo
 carcere amat. 56
 Humanæ animæ post mortem cur in corpora
 non reddunt. 58

I

I Dolatrix inventor Ninus Beli filius, qui no-
 men Dei Ieova usurpavit. 110
 Idææ omnes in Idæa Divina, in qua unum sunt
 relucens, & distinctio resultat ex respectu ad
 exteriora. 37
 Ignis nobilissima creaturarum corporearum,
 vividissima tanquam maximè sensibilis, po-
 tens, diffusiva &c. & symbolum Dei. 33
 Ignorantia & mendacium non habent entitatem,
 sed entitatis carentiam, formaliter. 36
 Imagines Dei & Sanctorum, ubi Populus ratio-
 nalis est, coli rationabile est. 129
 Impii ad exercitium virtutum piis hominibus
 serviunt. 38
 Impietas omnis à prudentia carnis ortum ha-
 buit. 110
 Imperium sive Regium, sive tyrannicum sit, la-
 boribus, & infelicitatibus plenum est. 59
 Improbi inter infelices infelicitissimi sunt. 161
 Indocti Epicuræi sunt in mundo veluti vermes
 in corporis humani ventre. 24. 25
 Indulgentiarum congruentia insinuat. 129
 Incarnari Divinum Verbum cōueniens fuit. 26. 98
 Ex Incarnatione innouit personalis distin-
 ctio in Divinis. 26. 27. 98
 Incarnatione posita, naturali sequela cætera my-
 steria suadentur. 26. 100
 Incarnationem Verbi Peripatetici omnino con-
 cedere debent. 158. 159
 Infantes non baptizati non sunt ad pœnam vl-
 lam cruciantem damnati: imò gaudent bonis
 naturalibus secundum Theologos. 87
 Neque dolent ex infelicitissima carentia visio-
 nis

I N D E X.

nis Divinæ, cum voluntati Dei conformetur,
ex D. Thom. 83
Injurianti cedere non ex metu, magnanimitas, ac
sapientia magna est. 78
Intellectus unus in cunctis hominibus falso à
quibusdam Peripateticis affirmatur. 51
Intellectus abstracti cum luce habeant sym-
pathiam. 54
Intellectus abstracti lucis privatione per opacum
& mobilitatis per pondera, & puritatis per su-
mum in inferno cruciantur. 54
Judicium universale negantes impossibile est
quin morti proximi quoquo pacto illud af-
firmant. 160
Judices iniusti sumus putantes omnia solummo-
do ad nostrum usum facta. 37
Judæorum Talmudistarum assertiones impiæ bre-
viter recitantur. 107
Judæi post Christi adventum charismata, &
Prophetas amiserunt, & Moysen pro Talmud
reliquerunt. 107
Judæi ex propriis dictis ex parte convincun-
tur. 107. 108
Judæi imperium universale Messie in Christo
ruditer non agnoscunt. 108
Judæi Saturnini sunt. 148
Julius secundus ex opinione Macchiavelli contra
rationem politicam multa operando, tamen
prosperatus est. 165
Juramenti necessitas ab incredulitate exigentis,
& malitia dantis, ortum habet, non a natu-
ra. 77
Justitia punitiva data est in remedium contra
peccata, Christi autem intentio erat ne pec-
caremus. 77
Justitia Civilis extrinseca peccata solum expel-
lit; at Christiana etiam occulta. 89

L

Lites fugere, cedere, benefacere inimicis
sunt virtutis magnanimæ actus, Reipubli-
cæ, sanctitati, ac paci utilissimi. 78
Legislatores cur conati sunt, se Deos, aut à Deo
missos suadere. 26. 131
Legislatores ab astutia, & Diabolo missi, leges
suas à Deo latas finxere, & falsis miraculis
comprobare. 131. 132
Legislatorum à Deo missorum solus Jesus per se
solus fide dignus est, alii per ipsum. 133
Legislatorum qui à Deo missi, qui verò non.
132. 135
Lex naturæ omnibus est communis. 3
Legem primæ rationis negligentibus data est lex
scripta in subsidium. 26
Lex Moysei cur non perfecta. 26
Leges suadant Philosophi, & Nationes omnes
in cultu divino. 68

Sub lege Christiana erit in Mundo unum ovi-
le, & unus Pastor. 72. 79
Lex illa omnibus anteposenda est, in qua om-
nes homines vivere possunt, nec naturæ repu-
gnat, sed perficit naturam. 72
Lex Christiana fundatur in amore Dei & pro-
ximi, ac omnia mala interna, & externa
evellit. 72 73. 80 81
Lex omnis positiva dependet à lege naturali, &
lex naturalis est impressio legis æternæ: quæ
Christus est. 74
Lex una in Mundo naturalis, ritus verò plures,
& abusus. 75
Lex una est naturalis, aliæ verò explicationes,
modificationes, & amplificationes ejusdem
legis, & exclusis tamen falsis. 75
Lex & scientia debet præcipere de omnibus actus
virtutum, licet omnia servari nequeant. 76
Lex Christiana post Antichristi casum perfectè
observabitur sub uno pastore. 79
Lex Christiana fundatur in Fide, Spe, & Cha-
ritate, virtutibus divinis; philosophica verò
in virtutibus naturalibus. 80
Leges, ubi Charitas deest, multiplicantur, abs-
que utilitate. 80. 81
Lex Christiana omnia vitia repulsat invitis po-
liticis, hujus rei possibilitatem negantibus. 84
Lex Christi inter alias optima, præcipue quia
homines bonos facit. 85
Lex Christiana etiam naturali examine in cære-
monialibus, ac moralibus, nil continet non
suave, & bonum. 89
Leges Gentium, nec totam Justitiam humanam
nec divinam amplectuntur. 90
Leges Gentium politicæ finem verum non ha-
bent, nec scelera nisi exteriora, nec omnia
hæc, tollunt. 90
Lex Romanorum peccabat, quia pro fine Domi-
natum, & pro medio bellum contra propriam
speciem habebat. 90
Lex Mahomettana ob doctrinam, & præcepta
contra Deum, naturam, & Politicam. 90. 91
Lex Tartarorum à Mahomettana parum distat. 91
Lex Americanorum peccat idolatria, antropo-
phagia libine nefanda, ac impietatibus maxi-
mis. 91
Lex Japonensium peccat contra propriam & com-
munem fidem, & facit crudeles, maximeque
superstitiosos, insipientesque. 91
Lex Chinenſium idolatriam, vitiaque multa
impiaque cæremonias retinet. 91
Lex Judæorum hodierna superstitionibus pluri-
mis ignorantibusque plena. 92
Leges meliores, quò Rationis primæ propin-
quiores; deteriores verò, quò distantiores. 92
Lex Moyſi à Deo lata, sed pueris donec creſcant;
& rusticis animo, ob servitatem Aegyptio-
rum. 92
Legis Moyſi cæremonialia, circa ciborum diffe-
rentias,

I N D E X.

rentias, usuras, ac divortium, ostendunt ipsam
partialem esse & ad tempus. 92. 93. 123
Lex Mosayca incepit cum Synodi magnæ in tri-
gono Mercurii, & Saturni fiebant, ut vo-
lunt. 148
Lex naturalis est, quæ continetur in Lege, &
Evangelio. 92
Legem novam prædicantes, aut mittuntur à Deo
aut à naturali ratione, aut ab astutia, aut à
Diabolo. 130
Legem novam introducentes à ratione missi
Philosophi probi, ac zelantes sunt: ac indu-
bitata fide digni non sunt, quoniam errare
possunt. 130. 131
Lucretius, & **Epicuræi** ex propriis dictis con-
vincuntur. 24
In ludo taxillorum fortuna agnoscitur. 31
Ludovicus Sfortia Macchiavellista in sua astutia
impia extinctus est. 165
Ludovicus XIII. Rex de hæreticis, & pseudo-
politicis triumphat. 166
Lutherus & hæretici moderni, ut Antichristi
præcursores præconizati fuere. 157

M

Macchiavelli origo, qualitates, studia. 162
Macchiavellus putavit Religionem esse
artem fallendi, & dominandi. 2. 162
Macchiavellus Religionem à Principe violari
posse, & sine Religione Remp. non stare, con-
tradictoriè affirmat. 167
Macchiavellus falso apud Romanos Religionem
pro ludo haberi putavit. 168
Macchiavelli ignorantia de armandis credenti-
bus monstratur. 168
Macchiavelli de Savonarola ridicula interpretæ-
ratio. 168
Macchiavellus Papatum absque sua politica re-
gi fatetur, & stare. 168
Macchiavelli regulæ tollunt amicitias, familias,
nedum Civitates, & commercia. 169
Macchiavellus non regnandi, sed ruendi artem
docet, dum principibus, & aliis præcepta sua
insinuat. 169
Macchiavellus scientiarum ignarus. 170
Macchiavelli defensor contraria jubet, celare
vitium, & non timere videri vitiosum. 173
Macchiavellus docet tyrannidem, ut bonam sim-
pliciter, non ex hypothesi. 177
Probatur in suis verbis, & exemplis. 179. 180
Macchiavelli admirator quidam ex Evangelio
perperam ipsi opem fert. 172
Macchiavellistas, immortalitatem negantes,
convincit eorum appetitus regnandi avidissi-
mus. 46
Macchiavellistæ sunt pueri, qui coquum, suavia
exhibentem, medico salubria jubenti, præ-

ferunt: & quoniam non credunt nisi quæ sen-
sibus demonstrantur. 163
Macchiavellistæ stultè putant ipsorum arbitra-
res humanas regere. 163
Macchiavellistæ statim principatum amittere so-
lere, quoniam rerum humanarum à Prima
causa dependentiam negarunt. 59. 164. 165
Magorum Aegyptiorum miracula per naturalem
magiam facta. 150
Mahomettis assertiones scelerosæ ineptæ contra
Deum & providentiam & naturam, & proxi-
mum seipsas confutant. 105. 206. 107
Mohometis lex breviter recitatur. 105. 106. 107
Mahomettanorum cultus Dei exterior deficiens
inanis, & irrationalis. 123. 124
Mahomettanorum religiosorum observantia, &
vita, legis turpitudinem impietatemque indi-
cat. 124
Mahomettes, notis quibus dignoscuntur, qui à
Deo sunt missi, penitus caret. 135
Mahometismus ob omnibus notis, quibus Chri-
stianismus comprobatur, ipse evidenter con-
demnatur, ut falsus. 144
Mahomettem prophetatum ut præcursores An-
tichristi. 147
Mahomettis pephetias eventus non compro-
bavit. 149
Mahomettis lex incepit sub trigono Martis in
Scorpione cum pessimis significationibus, si-
cuti & lutherana &c. 149
Malum non datur nisi respectivum in physicis:
privativum in moralibus; & negativum in
Metaph. 32. 119
Malorum gaudia & voluptates fallaces, & tran-
sitorie sunt, bonorum verò contra etiam in
hoc sæculo. 159
Malum non adest tanquam eas à Deo, sed or-
dinatur ad esse, & Bonum, & caret essen-
tia. 32. 119
Mali Deus non datur, cum ipsum non sit. 33
Malum à Deo permittitur ad bonum majus. 34. 38
Mala omnia resultant in Dei gloriam. 35
Malum à nihilo est. 37
Mala permittere Principis nequitia est, quando
ex his bonum elici nequit. 38
Mali causæ ignorantia errores omnes politicos
& Theologicos in Mundo peperit. 118. 119
Mendacium triplex, aut ex malitia, aut ex igno-
rantia, aut ex fragilitate. 129
Manichæi insipientia, & contradictio. 115. 116
Materia lia sacramenta non dant gratiam ex se,
sed ex Dei instituto. 86
Matrimonium naturale: at convenienter, ac uti-
liter ad Sacramenti supernaturalitatem ele-
vatum. 88
Mens per se non læditur à passionibus corpo-
reis, sed per accidens, quoniam ejus est in-
strumentum. 49
Mens non est corpus; quoniam intelligentia, &
appetitus

I N D E X.

appetitu supra corporea elevatur. 50
 Memoria amittitur, quoniam à maioribus mo-
 ribus minores sopiuntur. 56
 Minimum quodvis usum habet in mundo. 30.33
 Minimi entis transmutatio magnarum reru cau-
 sa potest esse. 31.163
 Moyſes præſtantiora, mirabilia, & durabilio-
 ra fecit, quam Cyrus. 93.95
 Moyſes M. Alexandrum, & Cæſarem exceſſit :
 quia in eorum regnis ipſius lex dominatur. 94
 Moyſes, & Chriſtus lange plura ſubjecere Re-
 gna, quam Cyrus, viribus rationis; quæ
 ſunt hominum: non corporis, quæ & beſtia-
 rum. 94.169
 Moyſes creationem Angelorum non meminit :
 quia præſupponit; ac deinde de ipſis loquu-
 tus eſt. 116
 Moyſes cur de poenis, & præmiis æternis expreſ-
 ſe non loquutus eſt in lege: cum poſtea alibi
 de hoc loquatur. 116.117
 Contra Moyſen pseudopoliticorum argumen-
 ta recitantur. 132
 Moyſes licet à Deo miſſus, tamen aliqua notæ
 ipſi deſunt. 134.135
 Moyſis geſta abſque vlla ambitione, ſed ſumma
 excellentia facti, ex hystoriis habentur. 151
 Moyſes tranſire mare in refluxu cum ſuis impoſ-
 ſibile erat naturaliter. 152
 Moyſes Serpentem æneum tantæ virtutis, & alia
 miracula, haud conficere poterat naturali-
 ter. 152
 Niſi moleſtiæ, faſtidiaque eſſent in Mun-
 do, ociaremur ſemper, ac ignorantes fieri-
 mus. 37
 Mors non datur, quæ ſit Ens, ſed tranſmutatio,
 & reſpectu Entis particularis. 32.33.
 Mors quælibet vita alterius Entis eſt. 33.119
 Si Mors horribilis, & vita entibus cara non
 eſſet, Mundus eſſet chaos. 33
 Mors, impotentia, ignorantia, odium &c. à ni-
 hilo ſunt. 34
 Mortem tiuent Entia omnia, & animalia; quia
 oblita ſunt præteriti eſſe, in certa que futuri
 gaudent præſentibus. 56
 Mundus à Sapientia prima eſt, & non ab æterno
 quia excontrariis factus. 23.24
 Nec Mūdus, nec res aliqua caſu fieri poteſt. 24
 Mundi conditorem, & gubernatorem eundem
 eſſe probatur. 29
 Mundi partes tanto præditæ ſunt ſenſu inſuſo,
 vel aſſiſtente, quantus cujuſque conſervatio-
 ni ſufficit. 39
 Mundi creatione ſuppoſita abſque vlla Dei indi-
 gentia, non difficile eſt credere ipſum in Mun-
 do comparuiſſe. 44
 Mundi ordo non admittit meliora, quam quæ, &
 quomodo ſunt. 101
 Quoniam Mundus Deum non cognovit per
 Sapientiam, placuit per Crucis ſtultitiam cre-

dentes ſalvare. 102
 Muſcæ, Serpentes, & alia &c. utilia ſunt ad-
 movendum aerem, & ad exercendum nos, &
 ad Dei manifeſtationes &c. 37

N

Natura eſt ars Diuina indita rebus perdu-
 cens eas ad fines proprios. 22. 60
 Qui Naturam depravatam ſectantur, repugnāt
 conſiliis Chriſti. 79
 Sicut naturaliter Cauſa prima ab homine in-
 quiritur, ſic & colitur, particulari modo, per
 actus exteriores. 121
 Neceſſitas, & indigentia omnis, ſchola virtutis
 eſt. 37
 Nero, Athaliaſ, Herodes &c. Macchiavelliſtæ
 omnes miſerrimè occiſi ſunt. 166
 Nihilum eſt cauſa diſtinctionis rerum. 36
 Nihilum Deus non fecit, ſed reliquit in rebus
 ad ipſarum diſtinctionem, ſine quo omnia
 eſſent unum. 37
 Ex Nihilo facti ſumus traductione ad Eſſe per
 virtutem primi Entis. 120
 Nociva ac inutilia quæ videntur totum contem-
 plantibus nobis profunt, & mirabiles habent
 uſus. 37
 Nomen quodcumquē, aut ſermo, de Deo dictum
 qua ratione blaſphemia eſt. Et quando lædit,
 aut non. 61.62
 Notiones communes, & primæ de Deo, & de
 quacumque re, non ſunt deferendæ propter
 argumenta contraria. 9
 Notæ vnde dignoſcuntur qui à Deo mittuntur,
 omnino Chriſto, & Diſcipulis conveniūt. 134
 De Novi Orbis exiſtentia loquuti ſunt Chri-
 ſtus, Prophetæ, & Philoſophi quampluri-
 mi. 108.109

O

Oculi, Nares &c. non ſunt ſenſus, ſe-
 ramina, per quæ obiectum ſenſibile ad ani-
 mam ſentientem intrat. 112
 Odium eſt amoris umbra: non extat in Mun-
 do. 36
 Oliverottus Firmanus Macchiavelliſta ſclero-
 ſus, occiſus dolosè à D. Valentino. 165
 Opinantes ſunt teſtificantibus poſt habendi, pro-
 batur exemplo Sanctorum, & Philoſophorum
 à Columbi teſtimonio de Antipodibus: & de
 habitatione ſub Aequinoſtiali, & ſub Polis
 Nauigantium teſtimonio, convictorū. 139.140
 Si Opinio antepoueretur teſtimonio: comere-
 cium, ac Reſpublica omnis ſtatim deſtruere-
 tur. 140
 Oppoſitionum omnium radices ſunt Ens & Non
 Ens. 36
 PApatu

I N D E X.

Papatum defendentes, regnum, & gloriam adepti sunt oppugantes vituperium, & miseria. 165
 Parmenides physiologorum, & Metaphysicorum optimus. 6
 Parmenides unum omnia posuit Metaphysicè: duo elementa physicè, etiam Arist. testimonio, in hac re secum pugnantis. 137
 Passiones corporales non sunt animæ, sed compositi. 51
 Peccatum à libera voluntate hominis nō à Dei impulsu ortum habet. 104
 Ad Peccatum Deus non concurrir, sed permittit, ipsum esse defectum boui. 119
 Peccatum est nihil formaliter, & ens materialiter, & ad hoc Deus concurrir. 119. 120
 Peccamus decepti mixtione boni, cū malo. 120
 Peripateticorum positiones, de unitate intellectus, agentis vel possibilis, &c. falsas, & absurditatis plenas esse. 52
 Persona omnis in divinis est Potentia, Sapientia, & Amor essentialiter. 27
 Philosophia jocunditate plena est sed labore, ac corporis infirmitatibus acquiritur, & incertitudini subiacet. 60
 Philosophi distinctionem aliquam inter Deum & suam Rationem, seu Idæam ponunt. 98
 Philosophi antiqui Deos deridebant. 110
 Philosophi occisi propter naturæ, & legis defensionem, inter Christi assecclas connumerantur à Patribus. 135
 Pythagorici pii, & altissimorum dogmatum cupidi. 5
 Platonici philosophi meliores Peripateticis. 5
 Platonis politica longe antecellit Aristotelicam copia, artificio, & optimæ Reipublicæ descriptione. 174
 Politica, vel fundatur in Potentia, vel Sapientia, vel in Sanctitate, vel in omnibus. 5
 Politici imperitè Christo, & Prophetis ignorantiam politicæ tribuunt, cum hi regnum perpetuum inermes fundarunt. 94
 Politicæ finis cultus Dei est. 64. 174
 Politicas artes suppositas nō oppositas legi Divinæ concedimus. 171
 Politica dependet ab Ethica, ut subalternatum à subalternante. 174
 Politici non est præcipere de tyrannide conservanda, sicut Medici non est de Peste conservanda. 177
 Sed de destruenda. 178. 181
 In Politia probitatem, & religionem docentes, ex arte loquuntur, non contra. 178
 Pontifices, & Prophetæ Reges plures deposuerunt, & novos posuere. 169

Posse, sapere, & velle sunt in anima, & ab animo absque corporis dependentia. 51
 Potentia Reipublicæ degenerat in tyrannidem, Sapientia in sophisticam, bonitas in hypocrisim. 5
 Potentiam à nullo, Sapientiam à Potētia, Amorem, à Sapientia, & Potentia procedere. 27
 Prima litates, essentiantes ens omne etiam simplex, sunt Potentia, Sapientia, & Amor. 27. 98
 Primalitates Potentia, Sapientia, Amor non sunt contrariæ, sed una res; nec distinguuntur nisi ratione, & relatione. 50
 Primalitates non componunt res, sed essentiant. 99
 De Præmiis & Pœnis post mortem dogma non est astutia legislatorum, ut Aueroes stultè putabat. 117. 118
 Prædestinat Deus antecedenter absque meritorum: prævisione reprobaturque consequenter. 155
 Principia rerum naturalium sunt calor, & frigus: cæli, & terræ constitutiva, diffusiva, & sentientia. 115
 Principes cur sepe ignari. 162
 Principes cum per se se scire omnia nequeant; Sapientibus, seu sapientiæ (i. legi) obediant oportet. 163
 Principes secundum legem operantes, ut semper prosperati sunt. 166. 167
 Principes pios, & bonos omnes feliciter recognasse, & operatos esse vidimus. 167. 168
 Principem non modo bonum civem, sed etiam bonum hominem oportet esse, ex Aristotele. 175
 Prophetiam supernaturalem falsò ab atrabile accersunt Arist. & Gal. ipsorummet contra seipsos testimonio. 42
 Prophetæ & Christus non quia inermes occisi, cum etiam multi armati hoc ipsum passi sint. 96
 Providentiam Dei, & causationem res nulla effugit. 25. 28
 De Providentia, & benignitate Divina, dubitantes, ii tantum de articulis fidei dubitant. 100
 Prophetiam Christi eventus comprobavit. 108
 Pseudopoliticus est veluti Porcus considerans quid manducaturus, non quid de ipso facturus sit Pastor, & carnifex. 170
 Purgatorii ignis est purgativus macularum. 61

Q

Quæcunque moriuntur, aut habent contrarium, aut contrariis componuntur. 48
 Quæcunque in mundo fiunt à Divina arte cum pondere, numero, & mensura fiunt, & operantur. 101

RATIO

I N D E X.

R

Ratio Divina voluptate, & dolore tanquam
stimulis omnes ad suos fines ducit crea-
turas. 22
Rationabiliter viventes aliquatenus Christiani
sunt, quia Christus ratio Divina est. 73. 74. 75
Rationis Primæ ex stentia probatur inductio-
ne omnium creaturarum rationabiliter vi-
ventium. 19. 16
Regnum Sacerdotium divitiarum nobilitas virtute
sunt bona. 63
Religionis gradus. 1
Religionis & scientiarum in præsentis sæculo re-
nebricoso vacillatio. 6
Religionis veræ signa controvertuntur. 6
Religionem habent umbratilem cætera anima-
lia: Homo veram, & rationalem. 43. 68
Religio quadruplex, naturalis, animalis, ratio-
nalis, & supernaturalis. 64
Religio est cultus Dei, quatenus est principium
essendi & gubernandi. 65
Religionis actus alii interni, ut conjungi Deo
per amorem, & intellectum: alii externi, ut
sacrificare, votare, & laudare &c. 65
Religionis naturalis interni actus sunt sentire
Creatorem, & amare plusquàm seipsas. 65. 66. 67
Religionis naturalis actus externi sunt laudare
Creatorem, & facere verbum ejus non per
solam præpopejam. 65. 66. 67
Religio animalis addit supra naturalem cultum
obsequium, quod Bruta præstant causis supe-
rioribus sibi beneficiis. 66
Religio rationalis est, qua creatura rationalis
sapientiam, ac Deum ipsum novit, & colit:
finem & rationem finis noscens. 66
Religio supernaturalis est quod revelat Deus in
lege veteri, ac nova, quæ perficit & elevat
naturalem. 67
Religio naturalis una est in cunctis hominibus
ritus verò plurimi. 69. 88
Religionem habent erga Deum entia cuncta,
unumquodque pro modulo suo. 68
Religio necessaria est in vita politica. 69
Religio casu, & absque Dei voluntate fieri non
potuit. 70
Religionis veræ à falsa dignoscendi multiplicia
signa, & argumenta. 70. 71
Religiones omnes percurrens & examinans in
judicio contradictorio, Christianam solam
esse veram inveniet. 72
Religio sive falsa sive vera semper in politicam
dominatur, & quare. 95
Religionis dogmata publicè, ac privatim, utilia
sunt. 117
Religiosi liberi sunt ubique & præferuntur aliis
de jure naturæ. 122

Religio est anima Reipublicæ non Princeps, ut
Aristoteli placet, & sine ipsa Resp. nulla
sustineri potest. 122. 176
Religionem spernentium, & torquentium in-
felicitas. 167
Pro Religione pugnantes semper prosperati sunt,
qui verò contra succubere. 169
Religionem sapientiores, & pii miraculis, &
martyrio comprobant; quod non evenit in
Philosophorum sectabus. 43
Religio, est nobis connaturalis, non astut a su-
peraddita. 169
Nec Religio nec Juramentum, nec probitas
obfuere principibus; sed proxima vitia, quæ
accipiuntur, ut virtutes. 179
Responsiones breves ad argumenta primi, & se-
cundi Capituli. 9. 10. 11. 12. 13. 14. 15
De Resurrectione mortuorum fides rationa-
bilis est. 58
Respublica quævis, in qua r. d. creditur Deus, aut
negatur providentia, vel libertas arbitrii, aut
animarum immortalitas, statim corruit. 169. 170
Resp. omnis prophetia opus habet. 171
Ritus omnes esse immundos, ac ludibriis subdi-
tos, excepto Ch. istiano. 128. 129
Roboam Macchiavellisticum sequens consilium
regnum pene amisit. 166

S

Sacramenta data sunt, ad facilitandam viam
salutis, & in auxilium legis naturalis, &
ut ad supernaturalia nos elevent. 86
Sacramenta facillimè observari possunt, & na-
turalia dicuntur, quatenus materiam non re-
pugnant, sed conveniunt symbolicè. 86
Sacramentum ordinis in gentibus habet aliquid
respondens quod est in Republica vitale, ac
necessarium. 88
Sacramentum Extremæ Unctionis præter gra-
tiam, quam confert, utile tamen est secun-
dum naturam. 88
Sacramentum Eucharistiæ præter fidem qua cre-
ditur Christum ibi inesse, tamen confert ad
unionem populi conciliandam. 88. 89
Sacramentum Penitentiae præter supernatura-
lem efficaciam, tamen aliquo pacto naturale
& politicè utilissima. 89
In Sacrificium Deo fructus, & animalia, ab
omnibus nationibus offeruntur, tanquam me-
liora. 121
In Sacrificium animam Deo offerendam: &
sacrificiis exterioribus protestandum, & hæc
ordinantur ad primum: ut profint. 121
Sacrificium triplex animi, corporis, & fortuna-
rum. 122
Sacrificium corporis, citra cædem optimum est
post animi sacrificium. 122
Sacri-

I N D E X.

T

Sacrificia, & cæremoniæ Judæorum à Deo lata,
atque difficilia, ad tempus, & particularibus ho-
minibus data. 123

Sacrificia omnia inepta sunt ad placandum Deum
per se, excepta Eucharistia. 127

Salvos fieri Deus vult omnes homines. 102

Non Salvantur homines in quacunque lege,
ut Mahomerani quidam putant. 103

In Sapientem non cadit injuria. 35

Sapientiores non sunt qui tactu molliores, sed
qui bene formatas cerebri cellas, ac spiritus
puriores habent. 40

Sapientia quandam processionem à potentia ha-
bet, quia potest scire, non è contra. 99

Sapientia, & Ratio Divina semper fuit in Mun-
do salvans eos, qui per ejus gratiam nulli
negatam, rationabiliter vivunt. 102

Scientiarum instauratio desideratur. 6

Scientiam Deus non à rebus acquirit, sed dat,
& habet in se. 31

Scientia omnis Religionis particula est. 43

Scriptores omnes conqueruntur de suo in quo
vixerunt sæculo. 29

Sæculi mores ex vestium coloribus, ubique ter-
rarum agnoscuntur. 56

Sentimus apparentias rerum non ipsas res prout
sunt. 67

Sensus inexistit in spiritu vitali, passibili, &
cognoscente. 112

Sensibus nostris credendum; at non depravatis,
sed perfectis. 140

Sensibus aliorum credere naturale est: tum
quia scimus aliorum sensus veros esse; tum quia
nostro sensu omnia scire impossibile est. 140

Septentrionalibus Anarchia: Meridionalibus
Tyrannis; medius regionibus Respublica
conuenit. 170

Servitus diminuit ingenium. 92

Si fiderem motus homo consideraret de provi-
dentia Dei haud dubitaret. 149

Socrate aliquomodo Christianum apud Justinum. 85

Sordities physice in Mundo non datur. 127

Sobrii sunt longioris vitæ. 159

Sobrii contemplatione suavi fruuntur. 159

Spiritus calidus lucidus &c. in corpore sentit &
operatur, ut habitator domus non ut forma. 112

Stoicorum probitas. 5

Stellæ sunt igneæ naturæ. 57

Stellæ sunt tanquam scenæ, in quibus Deus di-
vitiis suæ Potentiae, & Sapientiae, & Amo-
ris ostendit. 57

Stellæ omnes, vivunt ac sentiunt prorsus, lon-
ge magis, quam animalia. 112

Stellæ etiam si intellectiva anima animatae es-
sent, quod dubitare licet, haud propterea
adorandæ essent. 112. 113

Superstitio est cultus exhibitus creaturæ, vel
creatori indebito modo, vel contra ejus præ-
ceptum. 69

Telefiani sensati, & humiles Philosophi. 6

Telluris mala ex Divina providentia non
ex impotentia, aut insipientia, aut ignoran-
tia extare. 54

Tellus simul est elementum, & carcer damnato-
rum, quia quilibet res multis usibus inservit. 60

Tempus instat, in quo elementa calore solven-
tur; terra, & opera quæ in ea sunt exurentur. 61

Tempus malorum Mundi est quasi punctum, ad
succedentia sæcula bonorum. 63

Terra à calore cælesti immutata, entia elemen-
tata producit. 120

Testes Christianæ veritatis sunt justi, simplices
non politici &c. notis Divinis insigniti. 27

Testimonium Apostolorum nullatenus negari
posse. 27. 28

Testificantibus fide dignis non opinantibus cre-
dendum est. 139. 140

Testificantes, qui fide digni, cognoscuntur si-
gnis octo. 140. 141

Testimonii veracis conditiones, Christo, &
Apostolis, & Evangelistis omnino conve-
niunt, aliis non item. 141. 142

Testimoniorum Evangelicorum concordia sub-
stantialis cum historicis & Doctoribus per
temporum vices, usque ad nos. 142

Testimoniorum Christi, & Moylis veracitas, ex
promissionum adimplerione comprobatur. 148

Theologia Romanorum qualis fuit. 109

D. Thomas & Aristoteles tyrannidem omni-
no damnant, sed tamen ipsa supposita, medi-
camina præbent. 177. 178

D. Thomas, & Arist. non docent artem con-
servandæ tyrannidis, sed sanandæ: & ex sup-
positione. 177. 178

D. Thomas, & Arist. non docuerunt tyranni-
dem adipisci, & servari in arte; sed per vir-
tutes in regiam vertere potestatem. 178. 179

D. Thomas, & Arist. nunquam docuere inten-
sionem tyrannidis, sed remissionem, & con-
versionem ad bonum. 181. 182

Tyrannis infelicissima est. 159. 160

Tyrannorum nomen interficietium Prophetas in male-
dictione est; interfectorum in benedictione. 96

Tyranni Machiavellistæ subito in se vel in in-
posteris Regnum amittere. 96. 164

Trinitatis mysterium impossibile nationibus vi-
detur. 98

Trinitas personarum, & simul unitas simplex sine
compositione in Deo evidenter credibilis est. 99

Trinitatis mysterium non habet repugnantiam,
sed potius convenientiam in natura. 99

Trinitatis mysterium Philosophis priscis igno-
ratum: Prophetis vero confuse insinuat. 27

Triphon Achitrophellista impiarum actionum
patra-

I N D E X.

patrator, ut canis perit. 166
Turpitude Terræ est quasi nevus ad pulcritudinem cæli. 54

V

VArronis Theologia. 111
Veneris voluptas deceptio perniciofa est, veluti efca in pifcatoris homo. 59
Venus nobiliorem dat prolem continentibus, quam libidinofis. 159
Venereis omnino abftinentes, laboribus plurimis vacant. 159
Vanitatem quærentibus præftat potius dubitare, quam in aliqua obftinari fecta. 6
Veritas, negligentibus, & obftinatis effulget nunquam. 9
Veritates caras negare eft fufpicionē de incertis nutrire, & inimicum in fua obftinare fecta. 44
Verecundia eft custodia contra voluntatem. 46
Vera doctrina, quò magis oppugnatur, eò diutius durat. 94
Veritas teftium, ex potentia animi, fapientia,

& bonitate. 130
Veritas humaniùs cognofcitur experimento fenfum; quod haberi non poteft ab opinantibus, fed à teftificantibus. 139
Villicus Evāgelicus nō laudatur de malo fimpliciter, fed de prudētia fecūdū quid in malo. 172
Vincentes animos tantum, ferò acquirunt, at faciles; quia inermes, vitam amittunt. 94
Virtuofè viventes Chriftiani funt, quia Chriftus virtus, ac Verbum Dei eft. 73
Vites omnes, & mortes integrant totalem Mundi viram. 33
Hujus Vitæ amatores effe infalices. 56
Vita in cōmunicate lōge felicior quā privata. 77
Voluptas omnis deceptio quædam eft. 159
Voluptates noftre in hoc Mundo funt dolores: fcientia verò ftulticia. 58
Voluptas ex cibo, & potu deceptio molefta. 59
Voluptas ex honore deceptio eft, quia labore, ac ftudio, & libertatis amiffione acquiritur. 59-159
Univerfalitas notitia eft confufa, & puerorum, & à longè videntium.

F I N I S.

E R R A T A.

Pag. Ver. Errata	Corrige.	Pag. Ver. Errata	Corrige.
20 19 augufti	angufti	110 32 illum Regnum	illi Regnum
23 poft. 4. 2 præactis	præactis	111 38 exanimando	examinando
34 22 mortaliter	moraliter	113 37 Peripater. omnes	Peripater. aliquos
54 17 fapientiam amas,	fapientiam amas,	118 7 inftaurationem	inftauratorem
Altiſſimus	quod Altiſſimus	120 17 Stellas	Stellis
54 18 neque quod ex	neque ex	120 37 Noennte	Nonente
58 2 Eccleſiaſticus	Eccleſiaſtes	125 2 Item vermes: fi	Item verminat:
64 2 portem	partem	125 17 hoc neceſſe eft	ergo neceſſe eft
65 13 enim cunctis	enim de cunctis	136 p. 4. Non ex Apoſto-	Ratio ex Apoſto-
65 41 c. 60.	c. 69.	lorum teſtamento	lorū teſtimonio
68 37 eique cunctis	eique in cunctis	141 25 falſitaſtes	falſitates
75 9 quomodo	quodammodo	141 26 eſt fides eſt veſtra	eſt fides veſtra
75 22 ſecundum & dilectionem	ſecundum fidem & dilectionem	152 9 expertus ſum	experti ſunt multi
77 35 non eſſent, tam levia ut illis	eſſent, tam levia, ut illis non	158 41 confitentes, intellectum	confitētes, dum af firm: at intellectu
77 42 quod niſi fraternitas.	quod ſi fraternitas.	168 37 viva dictavit	viva moriens dictavit
78 21 injuranti	injuriante	170 1 pepereunt Epicureos	pepererunt Epicuros
83 12 adorabant	adorabunt	170 32 Cælum, & Terram	Cælum, & Terra
85 30 numeratus	numeratur	172 32 hoc verbum	hoc verbo
88 11 ait in 3. p. & in 4. d. 34.	ait in 3. p. q. 49. 3. & in 4. d. 43.	173 19 ex hypoſtoſi	ex hypotheſi
89 40 ceremonialibus in chriſtianæ	cereſmonialibus chriſtianæ	174 42 facere Politici	fecere Politici
103 16 reperimus ſalutem	reperimus poſſibilem ſalutem	177 47 beneficium eſſe	beneficium eſſe
105 22 modum	nodum	179 14 quia non:	qua non
109 46 eſtue	eſtque	179 17 Iphigenitam	Iphigeniam
		179 21 Athalia	Athalia
		179 28 ignorentis	ignoratis
		179 32 inunictur	inuritur

Registrum. .

✱ A B C D E F G H I K L M N O P Q

Omnes sunt Terniones , præter ✱ quæ est Duernio ,
& B , quæ est Ternio cum dimidio , & Q , quæ
est Quaternio ,



ROMAE , Apud Hæredes Bartholomæi Zannetti . M. DC. XXX.

SUPERIORUM PERMISSU.

UNIVERSITA' DEGLI STUDI DI CATANZARO
MAGNA GRÆCIA
FACOLTA' DI MEDICINA E CHIRURGIA
BIBLIOTECA

inv. 4648